

Quanta hoc bonitas sit, quanta potentia, Theriaci  
Saepe quos pro reliquis, hospes amice, docent.  
Aspicis e gelidis erumpat ut undique sajis  
Crebra fove nullo vena calentis aqua.  
Tange laeum digiti, arte ipsa ad balnea factum  
dixeris: argento purior unda nitet.  
Tactibus admoveas, gratam experiere saporem:  
nec caput offendit qui venit inde vapor.  
Denique tam simplex apparet hic humor, ut illi  
vim medicam peritus nemo subesse putet.  
Huius ac effectus qui sint, o quantum potestas,  
hoc obiter lecto carmine certus eris.  
Sive huc attuleris resoluti corporis artus,  
Sive podagra articulos vexet acerbis tuos:  
Sive miserum affligant crudelia tormina ventrem,  
Suffusa tumeat sive tibi corpus aqua:  
Sive situla secum, sive bilis adusta lienum  
ipsorum laevis obstruat officijs.  
Unde solet gravibus praebere occaso morbis  
tetrag deformat lividus ora color:  
Exercitient renes durj sive forte lapilli  
Undarum solitas impedianq; vias:

Catena hęc Fabriciana in Curatione non mea Chirurgica,  
sed Medica maxime ex parte gravissima, de affectum  
diffusionem circulationis Morbolicis complexibus.

In hoc cunctis & Cibus 32. 33. 34. 35. 36. 37.  
38. 39. 40. 41. 43. 45. 48. 49. 51. &c. :

Chirurgia vero procedat, ut hęc Virum de ppet,  
et Hippocriti et Galeni Chirurgery præparatissimis  
lectis, et verum in ppetuam inveniunt solutiss,  
maj applicationi integritate illustrat, comit, in vider,  
cum sanatione committi solitis, maxime v. ppetuam  
veteris <sup>diagnosticis</sup> & maxime vider ob angustiam  
faminis non egre, ppetuam, ppetuam, ppetuam &c.

Augustus Strick  
J. M. ppetuam



GUILHELMI FABRICI HILDANI,  
*Inclita Reipublica Bernensium Helvetiorum*  
*Medico-Chirurgi Ordinarii*

# OBSERVATIONUM ET CURATIONUM CHIRURGICARUM

Centuria Quatta.

*Epistolis nonnullis Virorum doctissimorum, simul & instrumentis*  
*ab autore inventis illustrata.*

Accessit

EIVSDEM AVTHORIS EPISTOLARVM  
*ad amicos, eorundemque ad ipsum*

CENTURIA PRIMA.

In qua passim Medica, Chirurgica, aliaque lectione  
 digna, continentur.



OPPENHEIMII

Sumptibus Johannis Theodori de Bry, typis Hieron. Galleri

M D C XIX.

283

Cautio haec Fabriciana in Cautioem non nec Chirurgia,  
sed Medicina maxime ex parte gravissima, de affectum  
difficultatibus Cautioem Methodis completitur.

In hoc enim & (Cautio 32. 33. 34. 35. 36. 37.  
38. 39. 40. 41. 43. 45. 48. 49. 51. &c. :

(Chirurgia vero prodest attente, ut hinc Vires de plet,  
et Hippocritus et Galeni Chalcidius preparatissimis  
dicunt, non enim in pletum inveniuntur selectissimis  
magis applicationi integritate illis, cum, in vultu,  
cum sanatione committi solent, maxime v. pletum  
Whitj<sup>ligatur</sup> & maxime in vultu ob angustiam  
faminis non egere, pletum, pletum, pletum &c.

Winfred Stibbe  
D. M. 1788

GUILHELMI FABRICII HILDANI,  
*Inclita Reipublica Bernensium Helvetiorum*  
*Medico-Chirurgi Ordinarii*

OBSERVATIONUM  
 ET CURATIONUM  
 CHIRURGICARUM

Centuria Quatta.

*Epistolis nonnullis Virorum doctissimorum, simul & instrumentis*  
*ab authore inventis illustrata.*

Accessit

EIVSDEM AVTHORIS EPISTOLARVM  
*ad amicos, eorundemque ad ipsum*

CENTURIA PRIMA.

In qua passim Medica, Chirurgica, aliaque lectione  
 digna, continentur.




OPPENHEIMII

Sumptibus Johannis Theodori de Bry, typis Hieron. Galleri

M D C XIX.



LIBRARY OF THE  
MUSEUM OF NATURAL HISTORY  
OF THE  
CITY OF BOSTON





*Serenissimo PRINCIPI ac DOMINO,  
DOMINO*

GEORGIO-FRIDERICO  
MARCHIONI BADENSI  
ET HACHBERGENSI, LANDGRAE-  
FIO IN SUSENBURG, DOMINO ac DYNASTÆ  
IN RÖTHLEN, BADENWILER, &c.

*PRINCIPI ac DOMINO meo clementissimo.*

**R**Ecte & sapienter admodum, PRIN-  
CEPS SERENISSIME, HEROS IL-  
LUSTRISSIME, Galenus docuit, Me-  
thodo medendi lib. 4. cap. 13. Medici  
officium esse *Citò, Tutò & Jucundè* cu-  
rare: ubi enim in uno aut altero horum præcepto-  
rum erratum fuerit, ut plurimum periclitatur æger.  
Nisi enim ab initio & quidem *citò* à morbo sanc-  
tur, non aliter cum morbo ac cum hoste quodam  
civitatem occupante, accidere solet; quandoqui-  
dem civitatem facilè occupaverit, nisi ab initio  
quàm diligenter repulsus fuerit. Et flamma ædifi-  
cium, quamvis marmoreum consumpserit, nisi

## E P I S T O L A

primæ scintillæ extinctæ fuerint, rectè itaque Poëta cecinit:

*Principiis obsta: sero Medicina paratur,*

*Quum mala per longas invaluere moras.*

Id quoque Hippocrates significare voluit, cum monet lib. 2. Aphorif 29. ab initio movenda esse, quæ movenda videbuntur. At non satis est citò circa ægros operari, nisi id tuiò quoque fiat: quapropter Hippocrat. iterum jubet, omnia secundum rationem esse facienda, hoc est, morbum ejusdémque causas & essentiam, ægri temperamentum, ætatem, vires, anni tempora, consuetudinem & id genus alia perpendenda. Qui secus faciunt, & Empiricorum atque Agyrtarum more contra rationem (ut citò curare possint) cum ægris agunt, medicamenta, quæ viribus ægri non respondent, adhibent, ægrotantium corpora non sanant, sed destruunt, naturales operationes & facultates non conservant, sed everunt, funditusque quandoque devastant, ac proinde non tuiò & securè, sed periculosè & confusè procedunt. Vult præterea Galenus ut omnia *jucundè*, hoc est, absque dolore fiant. Dolor enim spiritus vitales absomit, inquietudines, vigilias, febres, animi deliquia, & infinita alia symptomata excitat; quapropter, quantum fieri potest, evitandus est.

Cæterum, SERENISSIME PRINCEPS, cum  
vix

# DEDICATORIA.

vix aliquis finem hunc triplicem ex sola Theoria artis (multa enim experientiâ ediscimus) assequi possit, visum est mihi in conscribendis observationibus progredi; & quæ ego multis laboribus ac vigiliis in praxi observavi, tyronibus artis Chirurgicæ ideo communicare volui, ut talentum à DEO OPT. MAX. pro sua benignitate mihi concessum, in bonum publicum collocarem. Deinde quoque ut memetipsum continuo in arte mea magis magisque exercerem. Quo enim gravioribus tempestatibus, atque turbis hodie ubique ferè per Europam omnia commota esse videmus, eò majore quoque diligentia atque conatu studium excolere chirurgicum meritò deberemus omnes. In primis verò Principum & Magistratus officium esset, operam dare, ne imperitissimi circumforanei, scelerati impostores, audacissimi & inepti agyrtae, Judæi infideles, ac sordidi carnifices (qui omnes ac simul de corio humano pro imperiti libidine arbitrii ludût, nec ipsis Magnatibus parcunt) ad artem hancce generi humano tam necessariam exercendam admitterentur, quin potiùs quàm chara ipsis, imò necessaria jucundissimæ hujus vitæ & solidæ valetudinis usura est, tantum quoq; artem, quæ sanitatem conservat, & amissam recuperat, veluti donum divinum, ac omnium humanarum artium præstantissimam



mam divinissimamque excolere, & ad pristinum  
 splendorem reducere deberent. Verum, ut omni-  
 bus notissimum est, numerus Pseudomedicorum  
 & Chirurgorum ita excrefcit, ut hodie nullum opi-  
 ficium nullaque ars reperiatur, quæ tot nutriet opi-  
 fices, aut potius impostores, atq; ars Medica simul  
 & Chirurgica. Nullus enim tam rudis, tam indo-  
 ctus atque insulsus est, si secretum aliquod, ut vul-  
 gus loquitur, ex Medicorum libris exscriptum, na-  
 ctus fuerit, qui non statim gloriatur se mira præsta-  
 re posse. Hinc fit, ut ille Emplastro stiptico sive fo-  
 dicationum, hic unguento armario aut potione ali-  
 qua vulneraria, omnia, imò & impossibilia sanare se  
 posse, impudenter promittat. Quæ verò incommo-  
 da ex hujusmodi curationibus empiricis sequan-  
 tur, passim in præcedentibus Centuriis, uti & in  
 hac, exemplis monstravi. Et profectò mirum non  
 est, si tot homines ab hujusmodi Empiricis, de-  
 struantur, cum fundamentorum artis nullam ha-  
 beant Theoricam notitiam, solamque experien-  
 tiam sufficere arbitrentur. At quia ad artem Chi-  
 rurgicam omnium difficillimam omnes omnium  
 literarum rudes, imò & stupidissimi imperiti, &  
 nequissimi impostores admittuntur, mirum non  
 est, si numerum Pseudomedicorum (qui ceu fu-  
 nestæ, noxia pestilentique lue Rempublicam ex-  
 carnifi-

# DEDICATORIA.

carnificant) hodie excrefcere videamus. Res profecto deploranda, præcipuè hac tempeftate, quâ omnia, ut antea quoque dixi, bello ardere videmus: hac, inquam, tempeftate, quâ ars Chirurgica maxime neceffaria. In exercitu enim non minus Medici & Chirurghi docti, atq; in tam divinæ artis operibus exercitati, quàm Duces generofi, intrepidi, & experti requiruntur. Hi enim hoftes repellendi, lædendi & deftruendi caufa, illi verò exercitum confervandi, funt conftituti atque neceffarii. Et quemadmodum non parum addit animum militi, fi fub Duce generoso & intrepido pugnaverit, fic quoq; multum prædeft, fi expertos Medicos & Chirurgos adefle fciverit. Cognovi virum quendam in Belgio, heroico animo præditum, qui quodam die ab alio provocatus, in aciem atque dimicationem progredi recufavit, eam folam ob caufam, quòd Chirurgum longè excellentem, & eo in loco commorantem, peregrè profectum efle fciebat; paulò poft reverfo Chirurgo, cum adverfario fuo duellum cruentum intrepidè & animosè aggreffus eft.

Hæc adfcribere vifum fuit, non quidem Magiftratum carpendi, aut fuggillandi caufa, quin potius ut commemorarem quàm neceffe fit hoc tempore artem Chirurgicam excolere atque ad priftinum fplendorem fuum revocare; quod tamen nun-

quam

## E P I S T O L A

quam fiet, nisi autoritas Principum & Magnatum intervenerit, neminemque admiserit, nisi artis suæ specimen aliquod exhibuerit. Id quàm necesse sit, sæpissimè in castris, ut de reliquis nihil dicam, videmus; ubi aliquando interitus unius hominis, qui negligentia imperitorum medicastro- & barbiton-sonorum perit, totus exercitus periclitatur. Hanc ob causam olim ipsi Reges & Principes studio Medico & Chirurgico oblectabantur, & ipsimet, ut languentibus suis militibus opem ferre possent in Chirurgicis manum adhibebant.

Cum itaque, SERENISSIME PRINCEPS, ars Chirurgica, uti dixi (de consoria, quâ antiquus splendor Chirurgiæ hodie multis in locis obfuscat, non loquor) olim ita nobilis ac in tanto honore habebatur, ut etiam ipsi Reges & Principes, testante Æliano lib. II. de varia historia, & H. Boëtio lib. 2. ipsam exercerent, & post Dei cognitionem ars Medica omnium sit nobilissima, maximeq; necessaria, hætenus veritus non fui, tres priores Centurias magnis Principibus inscribere. Primam videlicet Serenissimo Principi ac Domino, Domino FRIDERICO IV. Electori Palatino, &c. Secundam Serenissimis Principibus patriæ meæ JOHANNI-SIGISMUNDO Electori, & ERNESTO Marchionibus Brandenburgicis, uti & PHILIPPO LUDOVICO

# E P I S T O L A

DOVICO & WOLFGANGO-WILHELMO Comitibus Palatinis, &c. Tertiam denique, Serenissimo Principi ac Domino Domino FRIDERICO V. Electori Palatino, &c. quas & à tantis Principibus serena fronte receptas fuisse, res ipsa edocuit. Hanc verò quartam Centuriam cùm sub illustri quoque aliquo nomine in publicum mittere vellem; Tu, SERENISSIME PRINCEPS HERÓ SQUE ILLUSTRIS-  
SIME, inprimis occurristi, cui hæc meas quátumvis exiguas lucubrationes Chirurgicas inscribere volui, quasq; nunc ea, qua par est, reverentia, CELSIT. TUÆ submis-  
sè inscribo, consecro, & offero: idq; meritò. Probè enim scio CELSIT. TUAM ad laudatissimam illustriorum quorumvis Principum imitationem, in hoc afflictissimo communis patriæ nostræ statu, quem religiosissimè tanquam verus patriæ Pater cordi habet, non minùs Palladi, ad subditos suos tempore pacis piè prudenterq; regendos, quàm Marti, si quando pro defensione patriæ res postulat, sese consecrasse, & propterea eas CELSIT. TUÆ non ingratas esse, planè mihi persuasum habeo. Submis-  
sè itaque oro, ut CELSIT. TUAM munusculum hocce chartaceum æqui boniq; consulere, & benevolo animo suscipere velit. Quod superest, Patrem Domini nostri JESU CHRISTI simplex adoro, ut CELSIT. TUAM  
( ) ( cum



DEDICATORIA:

cum tota Illustri Familia sua quàm diutissimè conservare, & Spiritu suo sancto ita gubernare velit, ut sub præsidiis ejus Ecclesia Christi floreat, & subditi pacificè & tranquillè in multos annos vivere possint. Dabam Bernæ Helvetiorum 24. Augusti 1618.

*Ser<sup>m</sup> Cels<sup>m</sup> Tuam*

Reverenter & submissè colens

GUILHELMUS FABRICIUS Hildanus.

Candi-



## Candido Lectori S.

**E**TIAM SI, humanissime Lector, ingenii mei tenuitatem satis agnoscam, nec eam, quae in arduis rebus, quales sunt Medica atque Chirurgica, conscribendis requiritur, doctrinam atque eloquentiam in me reperiam, imò in propriis scriptis ne quidem mihi ipsi satisfacere possim; attamen quum praeter expectationem meam viderem praecedentes Centurias observationum mearum non solum tyronibus artis Medicae, verum etiam viris doctissimis. & in arte consummatissimis gratas acceptasq; fuisse veluti stimulo impulsus sui: non tantum ut quartam hancce Centuriam Observationum in publicum emitterem, verum etiam Centuriam epistolarum ad amicos intimos annecterem; idq; in eum finem non solum ut Chirurgica quae sparsim in eis tractantur, tyronibus artis communicarem, verum etiam ut tantorum virorum erga me amicitia atq; humanitatis veluti monumnetum esset perpetuum. Et profecto, nisi id fecissem, hominem omnium ingratisimum & tam excellentium virorum amicitia longe indignissimum me esse, ipsemet judicarem. Quotiescunque enim apud me perpendo, quanta humanitate etiam à teneris annis viri docti me amplexi fuerint, in admirationem rapior! fecere id erga ipsos merita mea? nequaquam. Dei itaque summam clementiam atque in me benignitatem primariam fuisse causam, ingenuè fateor. Deinde quoque virorum doctorum praeclaram humanitatem & in me benevolentiam, quam, quantum potero & DEUS dederit virum, celebrabo, & magnificiam, dum spiritus hos reget artus.

# PRÆFATIO AD LECT.

Quia verò aliquibus tadiosa forsan illa videbuntur, quæ præter Medica & Chirurgica hinc inde sparsim occurrunt, uti in epistolis ferialiter vix potest, idcirco in margine annotavi ea, quæ notabiliora quod è melius benevolus Lector quod è sua fueris, invenire, & reliqua si ab eorum lectione abhorret præterire pro libitu possit.

Porro in hac Centuria quarta observationum, eundem ordinem, quem in præcedentibus observavi, easque secundum partes corporis disposui; incipiendo à capite, & descendendo ad pectus, ventrem & artus. In ordine epistolarum nec dignitatem personarum, neque materiam observare potui: quapropter cum omnes simili amore ac reverentia prosequar, ordinem alphabeticum sequutus sum. Plerumque non minus ab amicis receptas, quàm ad ipsas missas epistolas connectere volui, ut Lector eò facilius res, quæ tractantur, percipere posset. Accipe itaque quæso, candide Lector, serena fronte exiguos hosce conatus meos, eosque pro humanitate tua dextrè & benignè interpretare, & rudiori stylo ignosce. Vale; Berna Helvetiorum Anno 1618. 25. Junii, quæ mihi dies Anno 1560. Hildena natalis fuit.

*In Ornatissimi Viri*

**GUILHELMI FABRICII HILDANI**

Chirurgica Medicaque arte nobilissimi effigiem,

Hexast. CAROLI UTENHOVII.



**H**Æc est Cheirurgi pariter Medicique **WILHELMI**,  
Vulnera qui sanat Corporis, effigies  
**FABRICII**, manibus non tantum; at melle suavis  
Alloqui & linguæ vulnera Cordis ope.  
**Q**uis neget ergo illum Medicum pariterque Cheirurgum;  
Verba etenim ægrotæ sunt Panacea animæ.

**ΜΑΚΑΡΟΔΟΣ ΟΤΘΕΝ Ο ΒΙΟΣ.**

)( ( 3

**SOTE**



# S O T E R I A

Tro D GUILHELMO FABRICIO Medico & Chirurgo excellentissimo  
felicissimo, quum Quartam Observationum suarum Centuriam ederet.

ÆTERNE nostrum FABRICIUM Jova

Serva favoris præsidio tui  
Rectè valentem, quo valente  
Freti operitè tua valemus,  
Quicumque morbos per volucres vices  
Tristi in grabato sensimus hætenus  
Acutiores Redde vires  
Redde pio Medico vigorem,  
Qui ceteris annis vel juvenilibus,  
Vel vincatillos Dulichios senes,  
Quos inter Chiron, & Aeson  
Nestoream validi senectam  
Vixêre præcis temporibus. Tuas  
Largire dote, ô bonus omnium  
Dator bonorum. ô fons perennis  
Sanguinis & vegeti vigoris,  
Quo vita vivit. Vota animi Deus  
Audi præcantis pro Medico Indlyto,  
Et summo Amico, quem Camenæ  
Versiculis celebrare nostris  
Usque usque pergent. quem merito lubens  
Ad pulchra nostræ flumina patriæ  
Nunc Gratiarum Triga civem  
Lurigerâ veneratur umbrâ.

*Animo religioso effudit*

Johannes Jacobus Grasserus Basil. Ecclesiæ Minister

14 Octob. 1618.

Clarissimo Viro D. GUILIELMO FABRICIO Hildano Medico celeberrimo, ex Hassia redeunti apponebat ista paucula Oppenheimii 22. Decemb  
Anno 1617. PETRUS TRAPPIUS Pastor Nersienis.

FABRICIO multipassim se nomine jactant,  
Rarus at ostendit quod fabricârit opus.  
FABRICIO Hildano reliqui concedite palmam:  
Nente quod invenit; exhibet ipse manû.

*Medica*

*Medica Chirurgicâq; arte præstantiſſimo V. D. GUILIELMO FABRICIO  
Hildano Chirurgicarum Observationum Quartam Centuriam publicè  
juris ſcienti.*

**D**Eſine Roma tuum parvo jaçtare potentem  
FABRICIUM, noſtri gloria major erit:  
Hoſtibus ille ſuos, hic faucibus eripit Orci;  
Marte fuit Latius; noſter at arte potens:  
Arte Machaonia quaſitam cedit Daphnem  
Pæonide, veriti bella movere manu  
Aoniæ à teneris tui bæ placuere dicato  
Mæonidum lucus Pæonidumque lacus  
Centenos homines ſuperas revocavit ad oras,  
Centenos Medica condidit arte libros.  
Pergito FABRICI, Centuria quarta labori  
Quadringenta dabit ſtemmata clara tuo.  
Te beet Altipotens, centumque prioribus annos  
Adjiciat, morbos ut tua dextra fuget.

*Clariff. Viro cui iſta dicabatur* *ἔπος & λόγος* addidiſſ.

NICOLAUS VIRETUS.

*Anagrammatiſmus*

GUILIELMUS FABRICIUS HILDANUS

*Hic ſamâ, liber illius uſû dignus*

**A**Rtificem commendat opus, tum operique viciffim  
Maxima ab artiſicis gratia laude venit:  
FABRICII ſcriptis conjunctum utrumque; meretur  
Et decus authoris nobile, & author, opus.  
HIC FAMA DIGNUS, dignus LIBER ILLIUS Uſû:  
Ad octrina uſus; fama ſed arte venit.  
Pergito ad extremas Gallorum & Teutonis oras;  
Chirurgum laudant FABRICIUM & Medicum:  
Optimus hic Medicus, Chirurgus & optimus, uno  
Ore, malis morbis eruta turba, ſonat.  
Feliciſ Virut ingenii, ſic ipſa fidelis  
Eſt, & prompta Viro, quam regit arte, manus,  
Doctrinam libri ſolidam, ſcripta anrea, cunctis  
Suppeditant; doctis uſque adamata Viris.

Quic-

Quicquid habent rarum est, doctrinæ insignis & usus:  
Quo mala magna modo sint superanda docent.  
Perge bonis scriptis, VIR MAGNE, favere Medenti:  
Sic tua quæ magna est fama perennis erit.

*Observantis animi signum L. M. Q. S*

JOHANNES STIGELIUS Leoricius Silesius.

---

*Piissimo, Perissimo Clarissimoque & Felici Medico atque Chirurgo,  
Domino*

**G**loria non parva est didicisse fideliter artem  
Vincendi morbos per corpora nostra vagantes:  
Ille sed insignem egregia virtute meretur  
Laudem, quam didicit, dum vivit qui utitur arte,  
Hæcque afflicta malis sincerè corpora sanat:  
Est tamen ille magis laudandus, qui insuper addit,  
Lucubrata fuit quæ nox non una labore  
Multo, ut prodesset mortalibus, illa docendo  
Omnia, quæ usus & ars Medicum docuere peritum.

FABRICIO hæc insunt; didicit feliciter artem:  
Auxilioque suo succurrit candidus ægris;  
Blandis clementer manibus sic vulnera tractat,  
Ritè ut (si morbus sic postulet) addere ferrum  
Intrepidus nunquam dubitet: Sed culmen honoris,  
Conscribens, attingit, quæ observata labore  
Ingenti, impertit vulgo non invidus illa,  
Omnia jam vili ut pretio cognoscere possit.

Acclamare igitur tanto pariter Medicoque,  
Musæ, & Chirurgo: Hic etenim sic vestra sequutus,  
Impiger, est castra, ut pridem mysteria Phœbi  
Clari conspiciat penitusissima. Nonne videtis  
Ornari lauro ut viridi Charites caput albæ?

Sed Summus cælique soliique salique creator  
Vivere FABRICIO concedat suaviter, atque  
Optatam tandem det ei contingere metam.

*Sincero, sincerè charo, observandoque*

*L. M. Q.*

ponebat JOHANNES COMTELLONUS Ecclesiæ Gallicæ,  
quæ est Oppenheimii, Minister,

Gallii;



1  
GUILHELMI FABRICI HILDANI  
*Inclita Reipublica BERNENSIS Helvet.  
Medico-chirurgi ordinarii.*

OBSERVATIONUM  
ET CURATIONUM  
CHIRURGICARUM

CENTURIA QUARTA

Epistolis nonnullis virorum doctissimorum, nec non  
instrumentis Chirurgicis ab autore inventis  
illustrata.

---

OBSERVATIO I.

De vulnere quodam gravissimo capitis historia  
singularis.

*Reverendo, clarissimo ac doctissimo viro, Domino SIMONI GOU-  
LARTIO Theologo celeberrimo GUILHELMUS FABRI-  
CIUS HILDANUS S. P. D.*



UENIAMODUM magnus mundus, cælum videlicet,  
& terra, ut divinus Poëta simul, & Propheta exclamat,  
gloriam Dei annunciant, reverende juxta ac doctissime  
vir, Domine, & amice æternum honorande, sic etiam  
in minori mundo, corpore scilicet humano admiranda illa Dei opera,  
A pruden-



prudencia scilicet ipsius, potentia, clementia, ac misericordia veluti in speculo nobis proponuntur, idque præcipue in morbis, in quibus aliquando, ut Averte es rectè scribit, monstra videntur. Deus non sine gravissima causa, ut hujusmodi contingat, permittit, nimirum quo possit exulceratissimo hocce seculo, ingenium hominis in rebus divinis stupidiissimum, veluti ex funesto veterno excitare, & ad pœnitentiam ita provocare. Admirabilis enim cursus cœlestium orbium Solis, Lunæ, Stellarumque reliquarum, & plura alia, quæ in Meteoris, mari item & terra occurrunt, quia jam à creatione mundi ordinem eundem observant, mentem hominis non ita, quemadmodum prioribus seculis cōmovent. Rectè itaque facit T. R. dum historias illas admirandas, quæ circa parvum mundum occurrunt, magno labore, multisque vigiliis colligit, & quo sibi non tantum, sed & aliis quamplurimis usui, & emolumento esse possint, fideliter ad posteros transmittit. Faxit Deus Opt. Max. ut T. R. huic generi studiorum ad Dei gloriam & utilitatem proximis feliciter adhuc diu multumque invigilare possit.

Inter rara autem, & admiranda, quæ homini obvenire possunt, sequens historia revera non infimum locum obtinet: Poterit itaque audacter illam, si visum fuerit, suis historiis T. R. inferere. Præterquam enim, quod serenissimus Princeps JANUTIUS à RADZEWIL, &c. illam non semel interim dum Basileæ in gravissimo morbo circa ipsum occupatus fui, mihi narraverit, illam postmodum quoque nobilissimus, ac doctissimus vir Dom. DANIEL NABOROVIVS ejusdem Principis Architriclinus, & amicus meus singularis, jussu Principis sui ad me scripsit. Cupit enim omnino serenissimus Princeps, ut meis observationibus inseratur, & ad posteros perveniat. Sunt autem nobilissimi viri Dom. NABOROVII verba hæc:

Clarissime vir historiam commilitonis mei ALBERTI OBORSKIE nobili loco nati, nunc una mecum Berolini existentis, quam promissi, brevibus accipe. Erat is eo tempore, quo nobilitas à Rege, & Senatu secessionem fecerat in conflictu ad Oranscum Pagum, propè Sidloviociam oppidum, illustrissimi Ducis NICOLAI CHRISTOPHORI RADZIVILII Palatini Wilnensis, inter illustrissimi Ducis mei Equites hastatos, alæ dextræ, qui primi cum Regicis sunt cōgressi: in eoque concursu, qui & robore animatorum in se militum, & impetu volantium equorum paribus armis peragebatur, hasta per caput sub oculo sinistro ita trajectus, ut cuspis ferri posteriori galeæ, quæ cervicem

cervicem tegit, parte perforata, promineret, ferrum ipsum hasta jam conquassata, festuca saltem sesquipedali remanente, integrum inter palatum & cerebrum relinqueretur. Ille nihilominus & viribus & animo adhuc sibi constans, postquam ex conflictu evasisset, festucam remanentem ante oculos cernens, manibus indignabundus evulsit, ac à Casside caput sibi premi arbitratus, dum illam detrahere cupit, ferro affixam sentit: sic aliquantum animo consternatus, ac dubius, inter palantem post conflictum ab utraque parte militem, ne, dum hostem evadere (quemadmodum generoso equo vectus poterat) cupit, sine Chirurgi auxilio in evidentem mortem incidat, in manus hostium ultrò se obrulit: à quibus captus, & ad generalem exercitus Ducem adductus, ab ipso, tanquam já deploratus, abire quo veller, jussus est. Ita tandem ab illustri Comite Tarnoveo Castellano Lindomirienfi exceptus, ac jussu ipsius trium Chirurgorum curæ commissus est, qui incurabile vulnus esse, omnes unanimi consensu dixere, tamen ut aliquid præter spem in homine, de quo conclamatum erat, tentarent, instrumentis ad id aptis in loco conflictus destituti, tergo securis cuspidi ferri, quod in capite hærebat fortiter adacto, dum ille pronus humi ab aliquot robustis peditibus teneretur, tertio ictu vix ferrum loco moverunt: quo postea ex capite forcipe extracto, sanguineque plurimo infecuto, cartilago, vel potius pars ossis tenuissima, basi ferri quadrangulari, qua hastæ affigitur, magnitudine coronati hæreere visa est, cuspidem ipsa ab ictu tergi securis retusa, quæ hodie quoque monstrari potest. Ille ferè semianimis Sidloviociam curtu vectus, ac Chirurgo illius loci commendatus (qui sequenti die clavos binos, quibus ferrum hastæ affixum erat, alterum ex naribus, alterum ex vulnere extraxit) lapsa post quinque septimanarum spatio, integrè convaluit. Cicatrix adeo exigua, sub oculo relicta, ipso integro, ac integræ functionis, ut ulceris alicujus levis vestigium dixeris: ab altera parte in occipitio, ubi ferri cuspis exierat, signum magnitudinis sabæ remansit. Ipse metrobustâ, ac integrâ valetudine nunc utitur, ac à serenissimo electore Brandenburgico, ac illustrissimis Marchionibus ac Principibus aliis in hoc conventu non sine admiratione inspectus.

Habes vir clarissime, quod voluisti: Si luce dignum judicas, arbitrio, & limæ tuæ committo. Plura scribere nunc non vacat: reliqua commodiori occasione. A te verò vir clarissime, peto, ut me quem semel favore tuo dignatus es, semper eodem prosequi pergas: de me sis

persuafus nihil in rebus meis esse, quod non tui causa velim. Quod reliquum est te clementiæ, ac protectioni diviniæ commendo, ac quam diutissimè bene ac feliciter valere cupio. Berolini 6. Cal. Augusti. Greg. Anno. 1613.

Atque hæc est historica narratio admirandi huius vulneris, ad quam ego prolixè nobilissimo ac doctissimo viro Dominò NABOROVIO respondi, ubi *An, & quomodo prædictum vulnus lethale fuerit*, perquisivi. Mississem apographum huius responsi, sed occupationes, & angustia temporis id in præsentiarum non concedunt. Vale itaque vir reverende, & cum uxore, totaque familia, quam mecum salutat uxor mea, felicissimè vive dia. Raptim Bernæ 18. Maji 1617.

## OBSERVATIO II.

In qua, an & quomodo prædictum vulnus per caput lethale fuerit, perquiritur.

*Viro genere, doctrina & pietate Nobilissimo DN. DANIELI NABOROVIO Illustrissimi & Potentissimi Principis ac Domini, D. JANUTII RADZIVILII Ducis in Birze Dubinki, ac Schlucko Pocilatoris magni Ducatus Lithuania Borisovien, &c. Capitanei, Principis Imperii, Consiliario prudentissimo, & Architriclinio vigilantissimo. Domino meo in perpetuum observando. GUILHELMUS FABRICIUS Hildanus S. P. D.*

**H**Actenus non solùm sollicitus, verum etiam anxius de te, tuaque valetudine fui, Nobilissime atque Doctissime mi Dn. NABOROVIO. A 19. enim mensis Maji 1611. quo tuas 17. Februarii datas accepi, nihil de te intellexeram, nec quicquam literarum deinceps acceperam, præter illas, quas 6. Calend. Augusti superioris anni Berolini dedisti, quarumque ante triduum mihi traditæ fuere: quibus perlectis, vehementer mihi gratulatus sum, in primis quod Illustrissimum Principem tuum non solùm ex morbo suo gravissimo restitutum esse, verum etiam pro amissa costa sua, novam reperisse, ex eis intellexerim; Faxit Deus clementissimus, ut cum Illustrissima sua Nestorios usque annos feliciter vivere, Ecclesiæ Dei ornamentum, subditis verò suis solatium, & protector acerrimus esse possit.

Ca-

Casum, quem communicasti de rato, admirando, & vix unquam viso vulnere capitis, cum tuis simul accepi, & tam gratus, quàm qui gratissimus mihi fuit. Verè enim dignus est, ut annotetur, & posteris quoque innorescat. Duo autem præcipuè in illo annotanda, atque observanda sunt: Primò singularis divina clementia simul ac potentia, in cuius manu sunt omnia; cui omnia possibilia, facilia, nihilque incurabile est. Secundò, ut etiam in morbis desperatis bene speret Medicus, neque impium & Christianæ charitati adversissimum Ethnicorum axioma, *Desperatos non oportet attingere*, observet. Impium inquam, quando quidem coram Deo, ut dixi, nihil est incurabile: quapropter sæpissime, quæ planè incurabilia à vulgò, nè dicam ab ipsis Medicis judicantur, adhibita diligentia restituntur. Cujus rei exemplum singulare ante duos menses mihi Coppeti ad lacum Lemmannum videre contigit. Puer ex dysenteria gravissima relevatus, gangræna correptus fuit, quæ in sphacelum conversâ, dextrum crus invasit, imò & ipsum genu superavit. Ego advocatus, etsi nullum signum sanitatis in ægro præter juvenilem ætatem elucescere viderem, attamen ut amputatio membri negligenteretur, bona cum conscientia proponere non potui: mortuum enim, ut à vivo separaretur, ars ipsa docet. Invocato itaque numine divino, & in ipso femore abscisso crure, maxima cum admiratione omnium brevi restitutus fuit æger. Historiam integram, Deo volente, in s. cent. observat. mearum videbis. Unus itaque ut alteri ad extremum usque anhelitum succurrat, Christiana charitas jubet atque imperat.

*Desperati non sunt relinquendi.*

*Observatio. Post dysenteriam gravissimam gangræna & sphacelum.*

Cæterù Nobilissime Vir, etsi vulnus, de quo scribis, meritò à Chirurgis lethale judicatum fuisse, in controversiam vocare minimè contendam: attamen distinctione hincutendum esse arbitror. Vesicæ, cerebri, cordis, præcordiorum, tenuium intestinorum, ventriculi, aut jecoris vulnus, lethale esse HYPOCRATES docet. Verùm hoc verbum *lethale*, ut GALENUS testatur in comment. prædi&aphorismi, HYP. lib. 6. a. POCRATES sæpius dixit de iis, qui ex necessitate sunt morituri; sæpius autem de iis, qui magna ex parte. Ex necessitate moriuntur, teste GALENO loco citato, quibus cor vulneratum est: est enim, ut testatur ARISTOTELES fons vitæ. Nonnulli autem in ipso ferè momento extinguuntur, alii per horas aliquot post acceptum vulnus vivunt, de quo vide exempla plura apud JOHANNEM SCHENCKIUM lib. 2. Cerebrum vulneratum sæpius, inquit GALENUS, vidimus: cuius rei

*Qua vulnere lethalia.*

*Lib. 6. a. phor. 18.*

*Qua vulnere ex necessitate lethalia.*



*Non omnia  
jecoris vul-  
nera lethalia.*

exempla quoque videre poteris Centuriæ r. observationum mearum Chirurgicarum observat. 13. Quod de vulneribus superficialibus intelligendum est. Quæcunque enim ad ventriculum aliquem penetrant, ex necessitate sunt lethalia. Eadem distinctione in vulneribus jecoris utendum est: Superficiale enim vulnus jecoris aliquando curatum fuisse, ex observatione 34. Cent. 2. observationum mearum videre poteris. Profundum verò vulnus hepatis, propter profusionem sanguinis, qui thesaurus est vitæ nostræ, ex necessitate lethale est. Sic & vena cava aut aliqua alia vena, aut arteria in abditis corporis partibus, si vulnerata fuerit, propter hæmorrhagiam, quæ cohiberi non potest, ex necessitate mortem infert.

*Ventriculi  
vulnus fe-  
liciter cu-  
ratum.*

Ventriculi vulnus, quamvis ab Hippocrate loco supra citato lethale pronuntiaturum fuerit, non tamen ex necessitate tale esse, testis est admiranda & stupenda historia illa, quam apud *Ofraldum Crollium* in præfatione Basilicæ chymicæ mihi pag. 64. legimus, de rustico, qui Præge cultrum ad ventriculum usque deglutivit, quiq; post menses ferè duos à *Floriano Matthio* Chirurgo feliciter excisus fuit. Apud *Johannem Schenckium* lib. 4. de vulneribus ventriculi alia quoque leguntur exempla. Intestinorum & vesicæ vulnera non ex necessitate lethalia esse, tum ex observationibus *Job. Schenckii*, tum etiam ex meis colligere poteris.

*Quare  
vulnus il-  
lud capiti,  
de quo in  
precedentio  
observat.  
non fuerit  
lethale.*

Vulnus autem illud, de quo scripsisti, etsi cum per se, tum etiam propter præstantiam partis affectæ, maximum esset, ex necessitate tamen minimè lethale fuisse rationi consentaneum esse mihi viderur. Id verò ut demonstrarem, partes vulneratæ mihi examinandæ erunt. Sub oculo sinistro hastam affixam fuisse, totumque collum inter palatum, & cerebrum transfixisse ex tuis colligo. Arbitror autem, quemadmodum initium vulneris sub oculo sinistro fuerit, sic quoq; ad latus spinæ dorsæ ex sinistra parte finivisse, neque in obliquum, hoc est, ex sinistra in dextram partem collum transfossum fuisse. Sic enim aspera arteria, Oesophagus, spina dorsæ, & ipsa medulla spinalis, simul læsa fuissent. At nullum symptoma, quod harum partium vulnera consequi solet, in nobili isto ægro apparuisse, ex tuis colligere possum, quapropter collum rectè, non autem in obliquum transfossum fuisse iterum concludo. Primo itaque sub oculo sinistro os illud magnum superioris maxillæ, cui pars dentium inseritur, perfossum fuit: Deinde inter arteriam soporalem, processum mammillarem, gulam, atque asperam arteriam

sub cranio, & quidem ad latus spinæ dorsī musculos perfodit hasta. Harum autem partium nullam, mortem ex necessitate inferre potuisse, verisimile esse mihi videtur. Quantum enim ad os illud superioris maxillæ, quia non usque adeo durum, hasta illud absque ulla ferè violentia perforavit: deinde quia concavum, & succulentum, etiamsi ab ictu mirum in modum contractum, facili tamen per callum iterum coaluit. Cujus rei exemplum ante menses quatuor hic in quadragenario quodam robusto, & optimo corporis habitu prædito observavi. Huic enim cum os illud in ipsam capsulam oculi usque ve&te ferreo, quo commentarii ad sublevandos lapides utuntur, cum ingenti vulnere, maximaque hæmorrhagia depressum, contractumq; se fuisset, in consilium vocatus fui. Hoc vulnus etsi per se magnum, & propter præstantiam partis affectæ, periculosum esse videretur, intra mensem tamen, divino aspirante numine feliciter curavi: Illæso quoque visu: inferior tamen palpebra aliquo modo deorsum reëctitur. Ossiculum enim unicum excidit, id etsi parvum, & notam hanc quæret, cicatrix tamen propter deperditum os, conmanfit: Reliqua ossicula contracta, quæ stylo exploratoris terigi per callum iterum coaluerunt.

*Observatio.*



vix ad cava re-

Deinde venam jugularem internam, & arteriam soporalem minimè vulneratas fuisse, exigua illa hæmorrhagia indicat. Quam periculosa enim harum venarum, atque arteriarum sit sauciatio, in puella quadam G:nevensi ante annos aliquot observavi. Huic cum temerarius Empiricus strumam in colle, cui vena jugulari, & nervus recurrens insertus erat excindere veller, hæmorrhagia adeo magna secuta est, ut animam simul cum sanguine profunderet, in ipsa etiam operatione, quemadmodum in quinta Centuria observationum mearum, quæ Deo volente, brevi prodibit, fusius videbis. Hæmorrhagiam autem, quæ extracto ferro hastæ, sequebatur, ex læsione venarum jugularium, aut arteriæ soporalis minimè fuisse, ausus sum affirmare. Quis enim illam inhibuisset, præcipuè in loco confectus, ubi instrumenta, forsân & medicamenta deerant? Latitant præterea in absconditissimo loco, ad quem medicamenta difficulter pervenire possunt: adde quoque, quod partes illæ propter inspirationem & expirationem, nec non arteriarum carotidarum continuam pulsationem, in continuo sunt motu, quæ omnia ad hæmorrhagiam sunt adversissima.

*Observatio.*

*Vena jugularis valde periculosa.*

*QUINTA CENTURIA  
TULIA p. 11  
LIV.*

Nervos quoque insigniores, etsi vulnus circa ipsum principium

ten-

nervorum, lãsos non fuisse, inde colligo, quod convulsio nulla, neque dolor ipse adeo ingens (quantum quidem ex historia colligere possum) supervenerit.

Porro quod vasa veluti miraculosè conservata fuerint, ad ferrum hæstæ, post Deum referendum est. Cum enim quadratum, & obrusum esset, venas, arteria simul, & nervos ad latera potiùs retrusit, quam abscidit: veluti videmus, si aliquis stylo rotundo, aut etiam quadrato telam perforare nitatur, fila ad latera retrudi, non autem abscindi, quæ postea tam bellè in pristinum locum redeunt, ut vix vestigium ullum styli in tela appareat. Vidi aliquando cum hominis abdomen globulo plumbeo ex una in alteram partem trajectum esset, ægrum nihilominus absque magnis, & gravioribus symptomatibus convaluisse: Putas ne hic intestina sauciata fuisse minimè. Intestina enim utpote lubrica, globulo rotundo, & polito facillè cedebant.

*Conclusio.* Non fuit itaque hoc vulnus ex necessitate lethale, præcipuè in nobilissimo ægro, qui, quantum ex historia colligere possum, animo generoso, optimaq; constitutione, ac habitu corporis præditus fuit. Gravissimum tamen, & ex numero eorum fuisse vulnere, quæ ut plurimum lethalia sunt, concludo, idque propter partis affectæ præstantiam. Primum enim cerebro, organo omnium sensuum animalium, proximum erat, at videmus sæpissimè, ex minimo quoque casu cerebrum ita concuti ac commoveri, ut gravissima symptomata, imò & mors ipsa inde sequantur, quemadmodum in puero quodam ex familia Hazveldiorum oriundo, observavi. Deinde proximum erat soporali arteriæ, & spinæ dorsæ, origini nervorum, quarum partium vulnera, quam periculo sint plena, nemo non novit. Quid plura? miraculosa, & divina uti ante dixi fuit curatio, & vix unquam talem observatam fuisse existimo. Quapropter tibi, vir nobilissime, & hujus vulnerationis & sanationis testis ocularis, multum debebit familia Æsculapiæ, quod illam in publicum dederis. Me verò, quod attinet, quantum tanti viri familiaritate indignum me esse fateor, tantum humanitatem & benevolentiam erga me tuam indosgnosco. Faxit Deus, ut aliquando non solum verbis, verum etiam re ipsa pro dignitate tibi respondere possim. Interim vir nobilissime in hoc pectore æternum manebis. De statu familiæ meæ, & peste gravissima Lausannensi libenter aliquid ad te scriberem, verum præ mœrore vulnus nondum curatum refricare non licet, fietid post hac. Vale itaque vir nobilissime, & me pro iuncta humanitate tua redamare perge, Lausannæ 12. Januarii 1614.

*Exemplum  
vide ob-  
serv. 1.  
Caus. 1.*

## OBSERVATIO III.

De percussione capitis, & gravissimis inde sequutis symptomatibus: ubi quoque de felici perforatione cranii post duos menses à percussione facta agitur.

*A Viro clarissimo atque doctissimo Dn. JOHANNE de BURGO Philosophæ ac Medicinæ Doctore longè celeberrimo observata, mihiq; communicata.*

**C**ogitabam superioribus diebus, celeberrime mihiq; amicissime Domine *Fabrice*, quid ad te scriberem, & per quos tabellarios literas meas ad te transmittere, cum Nobiliss. D. *Wallier* ex arce ista Burgenfi discessus & ad patrios lares recessus mihi nunciatus fuit. Mihi n. tã diu quievissse, nec jam dudum ad te scripsissse (quod tamen facere debebam) summæ pigritiæ ac sôcordiæ notam fore existimavi: præsertim cum non ita pridem epistolam à te strictæ ad eò amicitiz, ac officii plenam acceperim, ut hoc solo nomine tibi gratias agere, ac exinde par pari referre, teneri multùm videar. Ego jam officii mei erga te partem expleo; sed quod tanto viro dignum aliquid non habeam, quod scribam, plurimùm doleo. Accipe tamen, quod mihi medicinam facienti, & Magistro Antonio Chalii Chirurgo curanti in rustici cujusdam puero occurrit: hic annum agens decimum quartum, cum ejusdem ætatis pueros sibi vicinos die sexto ad ludendum convenisset, unus eorum fortè fortuna eundem improvidum globulo ligneo secundum sinistram ôssis frontis partem percussit. A quo quidem ictu in terram dejectus est, voce privatus, cum vomitibus bilis, atq; eorum omnium, quæ deinceps ingerebantur, quæ quidem pauca admodum erant; & cum retinere, ac complecti cibum ventriculus nequiret, tabescere indies videbatur, sine quiete, imò cum dolore capitis affiduo, de quo omni momento apud domesticos suos conquerebatur: maximo etiam dolore Cardialgico, morsuq; oris ventriculi atque colli in posteriora, contractione comitante. In illum cum semel, post duos menses, à qui-

*Capitis percussione, qua symptomata sequuntur.*



*Cranii perforatio.*

busi & fuserat, cum Magistro Antonio incidissem, consilium inivi de terebrando cranio. Quod cum bellè ab eodem præstitum esset, pleno ductu pus per factum foramen impetu erupit & exiit. Ex hinc medulla cerebri substantia disrupsa, ex vulnere membrana sese foramini obtulit ac fungi instat eminevit, ita ut intramitti, nec quin extra distilleret, contineri vix potuerit; Imò post quatuor aut quinque dies cum intus cohiberi non posset, fuerit ressecanda, non quidem novacula, sed filo, cujus nodulo alligabatur, & extremis hinc inde molliter contentis ressecabatur. Sed quid inde? nihil aut parum admodum: reliqua enim profluens medulla, priore ressecata, sese rursus per foramen ad trium digitorum altitudinem extra inferebat, Elo, ut supra ressecanda. Hoc cum multoties factum esset, & pugni magnitudine cerebri portio excisa, misellus ille, quantumvis omni salutis spe destitutus esset, ut quod paucis admodum uteretur cibis, nulloque sensu omnia alvi excrementa, quibus plerumque innatabat, rejiceret, subsidente paulatim reliqua cerebri parte, calloque foramini innato, minimo negotio curatus est. Uttebatur quidem, quia pauper & rusticus, & patre eadem hora, qua vulnus acceperat, orbat, cibis cacochymis: nociva quæque sine delectu ingerebat, & vino utens, calso recenti, lacte, leguminibus, milio, panico, ferculis ex eisdem cum lacte paratis, placentis, & ejusmodi edulis ex farina, lacte, aut aqua subactis vescebat, quemadmodum & pyris, omnisque generis fructibus crudis. Locus, in quo decumbebat, duobus miliaribus Gallicis ab urbe nostra distabat, quare ratio à Chirurgo invisebatur, verum negotium hoc totum mulierculis committebatur: Hæc cum parum arte parumque commodè vulnus aliquando deligarent, solvebantur fasciæ, quas & ipse data opera, tanquam inopportunas, projiciebat, sicque plerumque pernoctabat, nulla re, ne quidem levissima cerebrum à frigida æris occursum vindicante. Multò plura, nisi epistolæ terminos excederem, de hoc eodem scriberem, & quidem scripdissem, si historiam typis dignam, & tuis doctissimis observationibus inferendam existimassem. Multa enim præter ea quæ narrata sunt, recenserem, quæ si audire à me longiore sermone cupias, mihi quæ animi tui affectum literis significaveris, tuæ, quantum in me erit voluntati, tuoque desiderio satisfacere non pigebit. Interea ego, & uxor mea ex acuto morbo, quem ob infelicem partum, & copiosi sanguinis profluxum passi est, vix redi viva Excell. tuam, tuæque Excell. dilectissimam conjugem ex animo salutamus, vobisque si quid

penes

*Nota*  
*Portio cerebri excis-  
diur.*

*Reger bona  
dieta non  
vivit.*

peues nos sit, quòd usui vestro commodum esse possit, libenter offerimus. Vale Burgi Calend. Decemb. labantis anni 1610.

Tuus

JANUS de BURGO.

## OBSERVATIO IV.

Cuidam in fractura calvaria undecima die morbi cranium felici cum successu perforatur: ubi etiam de inedia APOLLONIÆ SCHREIERÆ agitur.

*Viro clarissimo atque doctissimo Domino JANO de BURGO, Philosopho summo, & Medicina Doctore longè celeberrimo*  
 GUILHELMUS FABRICIUS Hildanus S. P. D.

**L**iterarum, vir amplissime, & æternum mihi observande, Calendis Decembris datæ, tandem 24. Junii à nobili viro Domino Jacobo Wallier Soloduri mihi traditæ fuisse. Utinam paulo maturius ad me pervenissent. Libenter enim illas secundæ Centuriæ observationum mearum Chirurgicalium, quæ tunc temporis sub prælo erat, adjunxissem. Quod si Deus Opt. Max. vitam extenderit, donec tertia Centuria (quam præ manibus habeo) prodire possit, minimè erit omittenda historia, atque curatio illa rara, & admiratione digna. Et quomodo admiratione non digna? Monet enim *Hippocrates* libro de vulneribus capitis, intra triduum os, quod secandum est, secari debere: neque permittendum, ut operatio ulterius protrahatur, præsertim ubi tempus calidum fuerit. Ab initio enim neglecta perforatione, propter compressionem, aut punctiōnem meningum ab osculis factam, augetur dolor, & membrana inflammatione corripiuntur. Hinc febris, hinc delirium, vomitus, spasmus, paralysis, aliaque symptomata, imò & mors ipsa, celeritè supervenire consuevère. Meritò itaque *Arantius Paulus* reprehendisse videtur, qui æstate ante septimum, hyeme verò ante decimum quartum diem calvariam aperiendam esse voluit. Sed mentem *Æginetæ* incuria typographorum, aut eorum, qui olim de-

*Perforatio  
cranii,  
quando an-  
stinetur.*

*Lib 6 c 90.*

*Vide Com-  
ment A-  
rantii in  
Hyp. lib de  
vulner cap.  
mibi p. 77.*

*Hipp lib. de  
vuln. cap.  
Galen de  
usu parvii  
lib 8 &  
Metb. Med.  
lib. 6.*

scripserunt librum mutilatam esse, cum Porrallio planè sentio. Cùm enim *Ægineta* propositum nihil aliud, præterquam, ut ex *Hippocratis* & *Galen*i scriptis compendium concinnaret: cum mentem horum authorum in re tam magni momenti invertere, nunquam sibi proposuisse, tam certum est, quam quod certissimum, uti quoque, quæ mox addit verba testantur: inquit enim *Antequam relata symptomata acciderent*. At in fracturis & depressionibus cranii symptomata gravissima ut plurimum ante quartum, & per paucos, sic vulneratos ad decimum quartum superstites manere, etiam mediocriter in praxi versati sciūt. Quomodo itaque verisimile esse potest *Ægineta* perforationem ad septimum, aut decimum quartum protrahere voluisse. Itaque *Ægineta* (quicquid dicat Arantius) cum *Hippocrate* & *Galen*o consentire arbitror. Locus autem ille apud *Paulum* adjecto adverbio *Non* in integrum restitui posse, nullamque postea inter *Hippocratem*, *Galenum* & *Ægineta* dissensionem esse, planè mihi videtur: Sic enim legerem: *Quod si etiam discessit membrana, & tu ab initio vulneratum non suscepisti hyeme quidem ante decimum quartum diem omnino operi ablationem facere coneris, estate verò ante septimum, antequam relata symptomata acciderent*. Vult itaque *Ægineta* ut cranium perforetur, antequam symptomata gravissima superveniant. Quod si ab initio Medicus vocatus non fuerit, nullo modo tamen perforatione prætermittendâ esse, suadet, etiam si *Hippocrates* ipsam ante finem tertii fieri debere, mandaverit. Sed quocumque fiat tempore, cum ratione & fructu fieri posse, dummodò fiat, antequam relata symptomata acciderent, intelligit. Illa enim, quia morbum deploratum esse indicant, tacite *Ægineta* huiusmodi ægros minimè suscipiendos esse suades. *Prudentis enim est hominis*, inquit *Celsus* lib. 5. cap. 25. *eum qui servari non potest, non attingere*. Ego tamen hac in re cum *Ægineta* & *Celso* consentire non possum, neque Tuam Excell. ex eorum esse opinionem admiranda illa & prodigiosa curatio, quâ communicasti, fidem facit. Etiam si enim morbus planè desperatus esset, attamen post Deum tuâ solertiâ, & in rebus Medicis atque Chirurgicis solida eruditione, pristinae sanitati restitutus fuit misellus ille. Si verò curationem non suscepisset, procul dubio cerebrum brevi sphacelatum fuisset, & æger mortem obisset. Concludo itaque symptomata, quamvis adint gravissima, perforationem tamen minimè esse negligendam, dummodò vires ægri aliquomodo consent, & Chirurgus ab assidentibus ipsis ægri rogatus fuerit. Nihil enim interest, Celsi verbis utor, prælidium

an satis tutum sit, quod est unicum: & *extremis morbi extrema adhibenda esse remedia*, inquit Hippocrates. Post annum ab accepto vulnere feliciter perforatum fuisse cranium, Aegineta libro, & capite præallegato refert: sed addit, vulnus ex toto factum fuisse, & effluxionem habuisse, ideoque mirum non est membranam illasam mansisse. Ego undecima die morbi, cum æger pro deplorato habebatur, cranium cum successu perforatum fuisse observavi: historiam hic recensere non gravabor.

*Cranium undecima die morbi feliciter perforatur. Observatio.*

Anno 1586. sexagenarius quidam & civis in oppido Gex ad radicem montis jurati, nec non hospes diversorii, cui vervex pro insignierat, in bregma sinistrum percussus fuit, cum cranii fractione & depreffione. Cecidit mox in terram, cibum indigestum evomuit, & loquelam amisit. Curatio ab initio barbitonfori commissa fuit: quum verò omnia in pejus ruere vidissent adstantes, Janum Antonium Saracenum Medicum Regium longè celeberrimum, & Johannem Griffonium Chirurgum rationalem, peritissimumque, Præceptorem meum fidelissimum, in consilium vocarunt. Pervenimus itaque ad ægrum decima die morbi sub vesperam, ipsumque ardentissima febre laborantem, delirantem, & absque loquela invenimus: Vulnus angustum & fractura cranii adebat. Verùm ethrem in angustis positam satis superque nobis palam esset: adstantium tamen petitionibus commoti, facta prius prognosticatione, curationem sic aggressi sumus.

Injecto enemate, & exonerata alvo, crines abrasimus, totumque caput oleo rosaceo, & myrtillorum inunximus. Deinde cutem, & pericranium in formam crucis incidimus, craniumque denudavimus, nec non pulvillis ex stupis suavisibus præparatis, & albumine ovi intinctis, vulnus implevimus. Sequenti die ossiculis nonnullis, quæ à prima tabula separata erant, extractis cranium perforavimus, & quod asperum in osse, instrumento lenticulari lævigavimus. Postea pannum sericeum melle rosaceo, parumque oleo rosaceo (propter doloris immensum) cerebro imposuimus: totum verò vulnus sequenti digestivo implevimus.

*Curatio vulneris cum cranii fractura.*

℞. Terebint. lotæ in aqua betonicæ & salviæ ʒj.

Ol. rosac. ʒi.s.

da vitellis ovorum ʒij.

Gummi Elemi lentissimo igne cum supra dictis oleis dissoluti & percolati ʒi.

Croci pulverisati ʒj.

Vitellos ovorum num. ij.



Misce fiat unguentum.

quo imposito, vulneri Emplastrum Basiliconis applicuimus, totumq; caput, & collum oleo rosaceo, & myrtilorum inunximus. Ea die iterum clysterem injecimus, optima nque victus rationem præscriptimus: atque ista methodo per dies aliquot processimus. Interim pus per factum foramen effluxit, & febris, reliquaque symptomata paulatim remiserunt. Sedato dolore & inflammatione, melle rosato, quod membranæ imponendum erat, guttulam unam, aut alteram aquæ vitæ admiscuimus, & vulneri sequens mundificativum imposuimus.

*Mundificativum.*

℞. pulveris radic. caryophyllatæ

Angelicæ

Aristoloch. rotundæ.

Iridis florent. ana ℥j

Extra. salviæ

Betonicæ ana ℥ij

Gummi Elemi dissoluti in ol. rosac. ℥ij

Misce, fiatque cum melle rosato q.s. parumque aquæ vitæ unguentum in mortario. Tandem sequens emplastrum applicuimus.

*Emplastrum.*

℞. Emplastri debetonicæ ℥iij

Gummi Elemi dissoluti in ol. rosar. ℥j

Pulv. rosar. odiferar.

Myrtilloxum ana ℥j

Masticis

Calami aromatici

Anglicæ

Caryophyllatæ ana ℥ss.

Cum s. q. olei rosacei, parumque ceræ, fiat emplastrum, Interim dum vulnus hac methodo curavimus, singulis, aut alternis diebus, alvo sponte non respondente, clysteres injecimus: Per intervalla quoque syrupo rosato solutivo composito cum thabarbaro, agarico & sena, manna, item & cassia corpus leniter expurgavimus. Sic divino favore, magna cum admiratione adstantium sanitati restitutus fuit.

*De Apollonia Schreiera inedia.*

Apollonia Schreiera post longam istam inedium iterum edere, & bibere incepit, prima die hujus anni. Ab initio parce sumebat cibum, & nihil ferè præter juscula, & ut plurimum hordeacea: verum non diu post, cum esset facta insipiens, omnia etiam lintea, lodices imò, & cultros devocare tentavit. Ego septima die hujus mensis una cum clarissimo

simò viro D. D. *Paulo Lentulo* Reipub. Bernensis Medico celeberrimo, Nobilissimo item D. *Johan. Franc. de Martines* Dom. in Bourgoij & Pailly, multisque aliis ipsam invisi. Panem in vino maceratum ei obtulimus, quem avidè devorabat: Vinum tamen bibere noluit, dicens hoc sibi nocere, & capitis dolorem excitare. Invenimus illam in viridario, ubi cum pueris puerilia tractabat, & coram nobis vociferabatur, canebat, & salrabat. Actiones omnes naturales adfunt: dormit enim, in somnio habet suavia. Excrementa quotidie, & menstrua singulis mensibus copiosè excernit, Venter qui antea suprà modum depressus erat, nunc secundùm naturam sese habet, reliquaque membra omnia carnosà sunt. Plura hac de re non addo: D. D. *Lentulus* enim omnia quæ circa puellam hanc occurrerunt, & occurrunt diligenter observat, quæ suo quoque tempore in lucem prodibunt.

Cæterum mirum in modũ gaudeo. Deoque Optimo Maximo gratias ago, quod Tuam Excell. una cum genere, & virtute nobili sua uxore ex morbis acutissimis pristinæ sanitati restituerit: eumque ut nos omnes quam diutissimè incolumes conservare velit, suppliciter oro, atque eslagito. Ego cum meis omnibus, nunc laus sit Deo, rectè valeo, superiori autumnio propter multas variasque molestias, quæ mihi acciderunt, labores item atque vigilias, quas præcedente ætate in peregrinationibus, & circa ægros nonnullos magni nominis, habueram, quartana ab initio continua correptus, eaque per menses aliquot confectus fui. Febris paulatim remisit, sed viscera mea etiam nunc obstructiõibus exercentur, viresque indies diminuuntur. Sed fiat voluntas Domini. Mitto exemplar 2. centuriæ observationum mearũ, quod ut Tua Excellent. hilari fronte excipere velit, submissè rogo. Ego & uxor mea charissima T. Excell. ur̃a cum uxore sua leætissima peramanter, demisse, ac ex corde salutamus. Vale vir amplissime, & ignosce tumultuanti calamo. Dom. *Wallier* optimè sese habet, & ante mensẽ ad thermas Piperinas in Rhetiam profectus est.

Iterum vale & millies. Dabam

26. Julii Anno 1611.

## OBSERVATIO V.

De gravissima commotione cerebri, ex qua mors intra paucas horas sequuta.

*Viro nobilissimo atque consultissimo DN. HENRICO A ROSENTHAL, juris utriusque Doctori longè celeberrimo, Regis Daniae, nec non Electoris Brandenburgici, &c. Consiliario prudentissimo. GUILHELMUS FABRICIUS Hildanus S. P. D.*

**M**agno animi cruciatu, mœrore, multisque lachrymis, vir amplissime, hæc ad te scribo. Insuperatam enim, atque repentinam mortem clarissimi atque doctissimi viri Dn. *Johannu Breuveri* (quem propter singulares ipsius virtutes medullitus amabam) quam acerbè feram, vix verbis explicare possum. Ea autem, proh dolor, hoc modo accidit. Secunda hujus mensis die, cum post meridiem cum aliis juvenibus doctis, extra urbem hæc in amenissimo loco per horas aliquot obambullasset, trunculis quin etiam cum ipsis lusisset, paulò ante sextam vespertinam simul ad urbem redeunt. Et quia excalesceti erant, antequam montem (omnes enim in altiore parte urbis hospitia habebant) ascenderent, ut haustu vini vires refocillarent, diversorium ingressi sunt: nullum tamen ex eis vino onustum fuisse, domestici Deum testantur. Cæterum optimus ille vir ad cœnam properans, quum sub crepusculo vespertino, instabat enim septima, absque lumine per gradus descenderet, eorumque notitiam non haberet, capite in pavementum lapideum cecidit, cerebrumque adeò concussit, ut protinus sanguinem per os, nares & aures ejecerit, loquelam quin etiam amiserit. In casu porro isto cerebrum concussam fuisse testatur Hippocrates lib. 7. aph. 58. *Quibus enim, inquit, aliqua ex causa cerebrum concussum fuerit, necesse est statim mutos fieri.* Quod autem concussio cerebri in hoc viro adeò gravis fuit, mirum profectò nemini videri debet. Unaqueque enim res, ut Galenus, comment. in prædictum aphorismum, docet, quò magis vacua est, eò promptius violatur, & frangitur. Circa defectum porro lunæ, ut idem Galenus de diebus decretoriis lib. 3. scribit, cerebrum hominis valdè est vacuum, ergo mirum non est, quod in hoc viro (deficiebat enim luna) tam graviter læsum fuerit: in primis quia constitudo corporis ipsius etiam sicca erat. Unde quoque dilucidè apparet, ipsum

*Signum concussionis cerebri.*

mero

## CENTURIA IV.

17

mero, ut falsò existimarunt aliqui minimè oneratum fuisse. Ebriosi enim, quia molles, & ipsorum corpora simul, & cerebrum plenum, rarissimè à casu aliquo offenduntur.

Ego cum accersitus essem, hominem quasi Apoplecticum reperi. Quibus enim cerebrum concussum fuerit, Galeni verbis utor, eodem modo, quo Apoplectici sine sensu pariter & motu jacent. Sanguis copiosè per os, nares, & aures in primis sinistram effluebat. Abrasis crinibus, vulnus nullum, nullamque contusionem (præter exiguam circa palpebram dextram) in capite reperi. Postquam autem caput oleis convenientibus inunxissem, cataplasma quin etiam applicuisssem, & diversiones per ligaturas fortis brachiorum, & crurum administrassem, æger verò multum sanguinis (qui ex capite per œsophagum ad ventriculum defluerat) & nonnihil cibi indigesti sponte evomisset, veluti ex sopore expergefascas, iterum adstantes alloquebatur, & quotquot sibi familiares aderant, cognoscebat. Mansit in hoc statu per horas circiter duas invocando absque ulla intermissione sublati ad cælum manib. misericordiam Dei. Interim tamen quia sanguis propter sui ebullitionem, maximamque illam contusionem cerebri, & ruptionem venarum & arteriarum per os, nares, & aures continuo emanabat, & proinde vires prosternebantur (ultra libras enim septem sanguinis effluxit) iterum loquelam, sensum, atque intellectum amisit, & circiter horam secundam noctis pie placideque in Domino obdormivit, maximo mœrore virorum doctorum, & dispendio incomparabili hujus Academiæ. Tanta enim cum laude, & fructu Philosophiam hætenus privatim, & Mathematicas disciplinas publicè prælegit: ut Amplissimus Senatus Bernensis ipsum, si superstes mansisset, ad professionem ordinariam sine dubio promovisset. Quid plura? in ornamentum hujus Academiæ, & Patriæ paulatim evasisset, nisi Deo aliter visum fuisset. Postridie 4. nimirum hujus mensis maxima cum frequentia hominum corpus ad summum templum delatum, ibique honorificè inhumatum fuit. Reverendus, clarissimus atque doctissimus vir D. Jacobus ad Porsum hujus Academiæ S.S. Theologiæ Professor longe celeberrimus, & pro tempore Rector Magnificus (qui ut vivi diligentissimam rationem habuit, & plus quàm fratrem amavit, atque promovit, ita mortuum minimè neglexit) vestimentis lugubribus indutus, veluti vicarius parentis funus sequebatur.

Hæc de obitu hujus viri ad te scribere volui, ut parentibus mœrissimis

C simis

Cōm. in a-  
phor. 58.  
lib. 7.



simis pro tua prudentia illa indicare possis. quos ut Deus Opt. Max. spiritu suo consolati, nosque omnes ad piam similiter mortem præparare velit; suppliciter oro. Etiam si enim rependè; piè tamen obiit, neque quicquam interest, fidelium mors violenta sit, aut naturalis, dummodò antea & vita bona fuerit & pia: atqui hic vir fuit sincerus, humanus, & verum pietatis exemplar. Quis igitur de ipsius salute dubitabit. His vale vir amplissime cum tuis omnibus, quos ego & uxor mea peramanter salutamus. Raptim Lausannæ 6. Aprilis 1611.

## OBSERVATIO VI.

## De admirando dolore capitis.

*Viro clarissimo atque doctissimo Dn. SEBASTIANO MAYERO  
Reipub. Solodurensis Doctori Medico ordinario atq. celeberrimo.  
GUILHELMUS FABRICIUS Hildanus S. P. D.*

**L** Achrymantibus oculis, & tremula manu nunc ad te scribo, clarissime atque doctissime Dom. Meyer, idque non sine causa, quãdoquidem vulnus propter communes, & privatas miseras cordi meo inflictum, nondum omnino consolidatum est. Propter communes inquam miseras: Pests enim hic ultra duo millia è medio sustulit, ante mensem tamen omnino ferè remisit, laus sit Deo Creatori, & Servatori Christo. Privatas meas, quod attinet miseras, scias me postquam à vobis discissi, & Lausannam reversus fui, uxorem meam, simul & filiam natu majorem peste laborantes offendisse. Restituta fuit conjux, obiit verò filia. Post mensem, cum uxor mea ferè restituta esset, si iola mea, quinque circiter annorum ætatis, filius item minor natu, simul & ancilla, uno eodemque ferè tempore morbo corripiuntur: Filiola uti quoque ancilla naturæ satisfecerunt. Restituto filiolo Petro, tandem & Johannes filius meus major natu peste correptus fuit, & quidem gravissimè, convaleuit tamen. Spacio itaque quatuor mensium ædes meæ perclusæ fuerunt. Ego ut domesticis meis subvenire possem, separari nixi, & ante dies solummodò quatuordecim me ipsis adjunxi. Pests adeò fuit maligna, ut pauci, eà correpti evaserint, imò & multi antequam ægrotarent, extincti fuerint.

Successum letacei, quod nobili isto viro nuperrimè applicuimus a-  
vidè

*De peste  
Lausannensi.*

vidē ex te intelligere cupio, non dubito tamen ipsum maximum levamen inde percepisse, & paulatim pristinam sanitatem recuperaturum: Paulatim inquam, in contumacissimis enim istis doloribus materiam peccantem non nisi cum tempore evacuari posse, cum alias tum precipue annos duos in Belgio observavi. Casum quia rarus, & naturæ ordinem excedere videtur, tecum nunc communicare non gravabor.

*Observatio.*

Annō 1612. Esseniam Marchiæ oppidum unā cum viro clariss. atque doctissimo Dn. *Daniële Daniels* Duisburgensi Clivorum Doctore Medico longē celeberrimo ad Zonimam *Huu* viduam, quinquaginta circiter annorum ætatis, matronam singulari virtute, & pietate præditam, vocatus fui. Illa autem spacio undecim annorum dolore acutissimo, ex dextra parte capitis laboraverat, non tamen continuò, sed per intervalla, veluti ter quaterve in anno. Ab initio morbi per paucos saltem dies ipsam infestaverat dolor iste, successu verò temporis paulatim auctus est dierum numerus, donec tandem cum ad ipsam vocatus essem, per menses tres continuò ferè tormentis maximis dilaceraretur. Extra cranium autem erat dolor iste, neque certum locum obfidebat, sed hinc, & inde omnes partes istius lateris pervagabatur, & mox circa musculum temporalem, mox circa extremam partem auris, aut ipsam mandibulam inferiorem, vel etiam in ipsa mala, & inferiori parte oculi, & labio superiori crudelitatem suam exercebat. Numquā autē, quod notandum, dimidiam partem faciei transgredi batur dolor iste, & si labium inferius, aut etiam superius, vel nasum occuparet, media tamen pars solummodò dolebat, altera verò omnino doloris experta erat.

*Acutissimum capitis dolor.*

*NB.*

Cæterum etsi dolor ita auctus esset, ut aliquando noctes diesque ejularer, & intra horas viginti quatuor, vix per horam unam, aut alteram dormire posset; carebat tamen febris, & appetitus non usque adeo prostratus erat. Et cum dolor, ut Galenus, imò & ipsa experientia testatur attrahat, intumescitio tamē nulla, quod iterum notandum neque durities aut intemperies ulla aderat, præterquam quod nonnunquam quando ægra propter doloris vehementiam manu sicabatur faciem, adnata, & palpebræ aliquomodo rubescerent, absque ulla tamen visus læsione.

Multa variaque adhibuimus medicamenta, cum interna, tum etiam externa. Interna ad humores noxios præparandos, & per alvum, urinam simul & sudores evacuandos, Narcotica item veluti Tripheram

*Dolor nullis medicamentis sedari potest.*

cum opio, Nepentem & similia, dolore maximo ipsam infestante, exhibuimus, verum paucum cum frustra. Exterius linimēta Cataplasmata, fomentationes, jam ex rebus calidis, jam frigidis, aut temperatis applicuimus, ex quorum usu tamen ratio levatus, quin potius exacerbatus fuit dolor. Tandem quoque Narcotica, veluti opium primo cum suis correctoris mixtum, deinde purum applicuimus, sed res mira, absque doloris allevatione.

*Sesacei balsamici dolor capitis inveteratus sedatur.*

Ab initio adhibitis prius universalibus setaceum quoque nuchæ applicuimus, ex quo, etsi interim dum prædicta medicamenta adhiberentur, humor agilis, & sordidus copiosè, & continuo exstillaret, non nisi tamen post duos menses ab adhibitione Setacei doloris levamen perferre cœpit, paulatim tamen, & antequam ego ex patria discederem, omnino cessavit dolor, & plenissimè restituta fuit ægra. An verò deinceps, uti antea multoties acciderat, redierit dolor, ex literis D. Doctoris Danielis quas expecto, intelligam. Illustrem virum Dn. de Castelle Christianissimi Regis Consiliarium, & apud Helvetios Legatum prudentissimum, uti quoque Illustrem, & singulari virtute præditam matronam, ipsius Conjugem ex me quæso demissè, & ea qua par est reverentia, plurimum saluta, & statum nobilis ægri nostri quam primum rescribe. Mitto ad te fasciculum literarum ad D. Doctorem Döringium, intercede quæso meo nomine apud illustrem Dom. Legatum, ut tabellario Schafhusiano tradatur, quo Augustam Vindelicorū, ac inde

Breslaviam pervenire possit. Vale Vir Clarissime, cum tuis omnibus, quos te cū ego, & uxor mea salutamus peramanter. Lausannæ 12. Decemb. 1613.

## OBSERVATIO. VII.

Contumacissimus dolor capitis setacei beneficio curatus.

**A**NDREAS POLSTER Colonienſis, homo quadragenarius, & *Contumaciſſimus capitis dolor.* phlegmaticus, dolore capitis tam acerbo, tamque immani laboraverat, ut domesticorum suorum per cubiculum gressus & passus, (quantumvis exutis calceis, & substrata arena per pavementum cubi- culi incessissent) sufferre non potuerit. Videbantur enim sibi, quoties- cunque ingredientium in cubiculum gressus perciperet, cultelli cere- bro infigi. Multa adhibuit medicamenta, eaque ex consilio viri doctis- simi Dn. *Johannu Breidenbachii* Medici Colonienſis, quibus tamen do- lor non cessavit. Tandem ego in consilium adhibitus, ei *Setaceo do- lor tollitur.* Setaceum adhibendum suasi, quod & cum consensu ejus in praesentia Domini *Doctoris Breidenbachii* applicui. Hoc adeo feliciter successit, ut indies manifestam doloris mitigationem persenserit. Tandem elapso seme- stri Setaceum coalescere, & consolidari permisit, & loco ejus in sini- stro brachio fonticulum sibi caustico inurendum curavit, quo sic mi- nori impedimento peregrinationibus vacare posset.

## OBSERVATIO VIII.

De admirabili admodum & horrida Mania.

*Adceleberrimum, praestantissimumque virum* Dn GUILHELMUM FABRICUM *Hildanum, cui* CLAUDIUS DEODATUS *Reverendissimi & Illustrissimi Episcopi Basiliensis. D. Med. S. P. D.*

**I**Narduis periculique plenissimis affectibus, Vir praestantissime exer- *Medicus in omnibus sit circumſpectus.* citatum Medicum, Argum agere, seu non ad morbum, & naturam duntaxat mentis, & oculorum aciem dirigere, sed & sibi ipsi caute at- tendere, & ad singulos aegrotantium actus spectare debere, ex calami- rosa hac cujusdam magni nominis fanatici historia constabit.

Vir quidam nobilitatis genere clarus, annorum circiter quadraginta *Observat.*



*Convulsio-  
nes & dolor  
Colicus.*

ad festi cuiusdam celebrationem profecturus, vesperi benè potus, solusque consensu equo, ingrudentib. jam obscuræ noctis tenebris, sylvam ingreditur horridam, tenebrosam, nocturnique spectris satis frequentè, hic paulo post à recta semita deflectit, diu multumq; in opaca sylva, frigido sudore persusus, oberrat tandem circa auroram ad quandam domum divertens, futuri itineris comites, & festivitatis socios expectavit, quibus cum ad destinatum locum est profectus, at solito mæstior & taciturnior, ibique cum cæteris totum octiduum moratus, tempus præter modum satis hilariter, & jocundè transégit, præterquàm quod cum uno & altero levissima de causa excandesceret ira. Hinc subsequuntur, & convulsiones, & colici cruciatus, qui illum tota ferè nocte malè tractarunt. Mane remittentibus doloribus, ad templum ascendit, conficitur, communicat, domumque reversus parum & bibit & comedit, sed magis magisque tristior, & timidior evadit: nocte haud dormit, sed mirabilibus phantasiis, falsisque & terrificis imaginationibus turbatur, recrudescunt tum convulsiones tum colici cruciatus. Die subsequente ad eum visendū vocatus, inveni, & constipatū, & trepidandum, atque magnis torminibus affectum, unde statim clysterè partim emollientem, partim carminativum, & semel, & iterum, iterū nq; per intervalla injicio, paulatim ad acriores, & magis purgatorios ascendendo, ita ut evacuata acrium, & æstu excandescientium humorum sentina, non solàm ea nocte, sed & sequendi tota die tam bellè haberet, ut de reditu domum versus omnes cogitarem. Arqui verò ferinus ardor, cerebro conceptus, clam furrimque retorridæ bilis igniculos suscitans, atque Mercurii sublimationem urgens (ut loquuntur Hermetici) consiliū susceptumque iter mutavit: vesperi siquidem illum offendimus solito nunc cacchinnari, gerrire, ridere, nunc tristari, tacere, imò mirantibus omnibus è cœna solus surrexit, & cubitum iuvat parum & inquietè satis dormivit, occurrantibus iterum variis imaginationibus & phantasiis. Circa diluculum in supremum actus, & iracundiâ plenus, è lecto prosilit, clamoribus, jurgiis, vociferationibusque omnia adimpleret, corvo, & horrendo vultu minatur, & ad fenestras currens, ex alto præcipitium molitur. Ego, qui in eodem quiescebam cubiculo, & rei novitate, & spectaculi tanti terrore perculsus, è lecto prosilio, & ipsum mihi alioquin amicissimum, & familiarissimum bländissimis verbis moneo, horror, obsecro, lecto ut se componeret, & in altam lucem dormiret. At istò vis metuentus oculis, & immani rabie

*Mania.*

actus

*Maximum  
ab agro Me-  
dico pericu-  
lum.*

actus præter omnem expectationem impetu in me facto, gulâ ambabus manibus mihi arreptâ strangulationem, & suffocationem minitatur, & citra dubitationis aleam suffocasset, nisi strepitu pedibus facto, domestici e lectis profluentes, ocyus in mei subsidium advolassent. Ego Dei providentia suffocationis periculo liberatus, eundem primo blandis, mox paulo severioribus hortor, tum ut lectû adiret, ut tum à clamoribus abstineret. At cum neutrum præstaret, & huc illuc cursitans omnia laceraret, accitis aliquot robustis viris, injectis vinculis cōstringi, & lecto alligari curo, eo interim clamante, vociferante, orante subinde, & interdum deierante. Vocato interea Chirurgo, qui tamen ob loci distantiam non nisi circa noctis crepusculum adfuit, apertâ cephalicâ, non nisi magno labore, & operationis difficultate, uncias octo sanguinis eduximus. Post venam sectam etsi paulo quietior videretur, non tamen dormiivit, ut & nec toto morbi decursu, (unica vice excepta, ut mox dicitur) sed continenter loquebatur, cantabat, orabat, quandoque etiam deierabat. Altero post venæ sectionem die, circa meridiem, nobisque etiamnum prarudentibus, præter opinionem è vinculis liberatus, è lecto profluit, arreptisque scabellis in eos imperum factururus, qui comprehendere denuò satagbant. Tandem dolo circumventus, vinculis de integro stringitur, sicque toto die & tota nocte permansit insomnis, loquens, cantans, garriens, vociferans, oransque: parum cibi admisit, potavit hordeaceam, arcano vitrioli imprægnatam. Tandem lecticæ alligatus, non sine magno omnium nostrûm labore, & molestia domum deportatur: tunc temporis quandoque loquebatur, quandoque silebat, atque emenso itineris dimidio, altissimo somno corripitur, quo ad solutis domi vinculis, dormitans in lectû deferretur. Post sequis horam experges factus, de integro furit, vociferatur, stridet dentibus, cantat, orat, convellitur non raro, &c. Hæc morbi series, hæc historia.

Nunc paucis dicam, quæ in tam ancipiti & periculoso casu adhibita fuere remedia. Post primam illam venæ Cephalicæ sectionem, Diacodium cum hordeacea exhibuimus, somni conciliandi gratia, quin etiam ablatis prius capillis, caput decoctione soporifera, oleisque humectantibus, oleo rosaceo, violaceo, chamomelino sæpè fovimus: imò ad Nepentheos exhibitionem accessimus, & frequentes seminum frigidorum emulsiones: at nullo ingenio somnus induci potuit. Aperta quin etiam fuit Cephalica sinistri brachii, ut & frontis vena suis in-

*Inmania  
qualia me-  
dicamenta  
adhibita.*

tervallis

tervallis, Accessimus ad Synapismos, Dropaces vesicatoria, manibus, melleolisque affixa. Quo ad purgantia (urnuncacrium Clysterium infusiones crebras sileam) exhibuimus primis diebus Syropum de pomis cum foliis senæ quercetani, mox etiam ad balsamiticam Helleborti nigri essentiam in Prisana dissolutam ascendimus, facili enim negotio omnia vorabat canis instar: quæ omnia magnam fœtidissimorum humorum copiam vacuarunt: at nullo penitus fructu, nullo patientis solamine. Ufus est quin etiam Spiritu & arcano vitrioli, modo in Pelsana, modo in recenti sero caprino dissolutis: Tinctura item rosarum essentis que rerum cordialium, & roborantium extractis: at omnia in pejus ibant: urgebant vigilæ pertinacissimæ, incrudescabant terrificæ admodum convulsiones, pergente semper furore plus quàm canino, ita ut assistentes minus cautos, rabiosorum canum instar dentibus peteret. Tandem fractis viribus natura nullam Crisin tentante, circa 14. finem, in ipsius Lunæ coitu vitam cum morte placidè, & quietè satis commutavit, cujus anima Deo vivat. Norandum quod in totius morbi decursu ægrotans semper optima valuerit memoria, ita ut de rebus ante aliquot annos gestis quandoque secum loqueretur.

*In Mania-  
comemoria  
integra.*

Habes vir clarissime terribilem terrificæ Maniæ historiam, quæ me in totò decursu, & anxium valde & cautiorem etiam reddidit: vereorque ne maleficium aliquod in nocturna illa per opacam sylvam, & spectris, veneficarumque incantamentis frequentem, profectione contractum, ansam potissimam huic malo dederit, ut merito illud & Æn. Hypocratis à Medico observari debeat, præsertim cum medicamenta longo usu, & experientia comprobata incassum applicaverit. Vale & quid de hoc casu censeas scribe.

Dabam Bruntruti 26. Maji. 1616.

## OBSERVATIO IX.

Inveterata melancholia in maniam mutata æger convaluit.

*Ad amplissimum atque doctissimum virum Dn. CLAUDIUM DEODATUM, reverendissimi atque illustrissimi Episcopi Basileensis Doctorem Medicum celeberrimum, cui GUILHELMUS FABRICIUS Hildanus S. P. D.*

**O**bservationem tuam de admirabili admodum, & horrida mania accuratè à te descriptam, vir amplissime, fautor, & amice plurimū honorande, accepi, in qua nonnulla observatione digna occurrunt, Inprimis autem singularis Dei clementia, qui planè miraculosè te conservavit, cui æternum sit laus atque gloria. Ego per eandem Dei misericordiam simili periculo bis subtractus, liberatusq; fui, primò ex dentibus phreneticæ mulieris, quæ partem sinistri indicis demordisset, nisi adstantes protinus auxilium mihi subministrassent. Non diu post Paterniaci cum melancholico robustissimo, ferreis vinculis alligato medicamentū, illo recusante propinare vellem, accepto brachio meo, profusus nihil abfuit, quin me trucidasset, nisi adstantes ex ipsius manibus me eripuissent. Ab eo tempore periculo meo edoctus cū hominibus hujusmodi cautius ago. Secundò notanda est summa illa diversitas causæ morbisæ melancholicorum, maniacorumq; hominū, quæ diversa adedò inducit symptomata, adeoq; inter se contrarios effectus, ut inter centū melancholicos vix unus similis sit alteri, ita etiā, ut omnium symptomatum singulas accidentū causas enarrare impossibile sit, ut Aëtius tetra b. 2. ferm. 2. c. 9. imò & experientia ipsa testatur. In Belgio & inprimis Amstelrodami, ubi melancholici, & hujus farinae homines, ne aliquis ab eis lædatur in domo quadam à Magistratu amplissimo ad id destinata diligenter nutriuntur, atque custodiuntur, id aliquando observavi. In curatione eandem vidi diversitatem. Plurimi enim nulla arte nullaque industria sanari possunt, uti eventus in tuo ægro fidem facit, ubi remedia quantumvis præstantissima, & à te ea, quæ fieri potuit diligentia, & ex arte adhibita nihil profuerunt. Ego ante annos octo, cū *Observatio.* apud Paterniacenses medicinam facerem, contrarium observavi.

D

Quadra:

*Magna  
symptoma-  
tum diver-  
sitas in affe-  
ctibus me-  
lancholicis*



*Maniacus  
quomodo  
curatus.*

Quadragenarius quidam robustissimus, nec ex obscura familia oriundus, à multis annis melancholiz adeò obnoxius fuerat, ut administratione rei familiaris ipsi interdictum fuerit à Magistratu amplissimo: tandem in gravissimam maniam incidit, cum tanto furore, ut omnia dilacerasset, & frequenter seipsum ex alto præcipitasset, nisi vinculis confectus fuisset. In istis ychementissimis agitationibus, clamoribusque corpus continuò ferè sudorib. nunc frigidis, nunc calidis madidum erat. Ego cum advocatus essem, clysterem acrem infudi, deinde venam in cubito dextro incidi: eadem die post cenam nonnihil laudani in aqua borraginis dissolvi exhibui, frontem, & tempora oleo rosaceo, & violaceo inunxi, ea nocte utcunque quietior fuit. Postera die ad scrupulum unum extracti Melanagogi ex decocto Polypodii foliorum senæ, beronicæ, cuscutæ, scabiosæ, aliisque appropriatis exhibui: Vomuit bis terve: Alvus quinetiam quater, aut quinque subducta fuit. Hinc impetus ille maniz aliquomodo remisit. Eadem die post cenam iterum somniferum confectiōni Alkermes mixtum exhibui: quævit satis bene ea nocte, & altero die penitus mente constabat. Post aliquot dies, cum melanagogum aliquoties reiterassem, & extractum hellebori nigri semel, atque iterum exhibuissem, ita restitutus fuit, ut ab eo tempore, & usque nunc rebus suis domesticis quàm prudenter prospiciat. Vides quanta sit, ut antea quoque dixi, diversitas in curatione horum effectuum. In tuo ægro omnem movisti lapidem, & quidem frustra, meo contrarium evenit. Ex quibus, ut etiam divinus Hippocrates monet, manifestum sit, nonnunquam in morbis divinum quid, hoc est aliquid, quod captum humanum excedit, subesse. Sed de his aliàs plura. Ante paucos dies tractatum meum de dysenteria Francosurto accepi: mitto exemplar, quod ut æqui bonique consulas rogo. Inclusum epistolium mitte quæso Masonopolin, idque prima data occasione.

Vale vir amplissime, & æternum feliciter vive. Raptum

Bernæ 5 Augusti. Anno 1616.

## OBSERVATIO X.

## De hydrocephalo.

*Reverendo & Clarissimo viro Dom JOHAN. JACOBO GRASSERO, verbi divini ministro Basileæ vigilantissimo, Domino & amico singulari. GUILHELMUS FABRICIUS Hildanus S. P. D.*

**E**Tiam nunc Bernæ vir reverende, fautor, & amice æternum honore, apud consultissimum Virum Dom. Huberum Tribunum pl. hæreo. Apposui ipsi caustica duo, alterum brachio sinistro, alterum cruri dextro, & medicamenta nonnulla cum interna ad roborandas, & referendas partes nobiles exhibui, tum etiam exterius pro corroboratione nervosarum partium applicui: quorum beneficio magnum levamen sentit; quapropter intra paucos dies, Deo volente, Lausannam iterum me conferam. De Chirurgia mea castrensi responsum nullum accepi, significa quæso, quid nam facturus sit D. Köntig/ quo possim maturè mittere præfationem ad lectorem, & quædam alia. Aut remitte exemplar meum ad Excellentissimum Virum Dn. Johannem Diirenheimium communem nostrum amicum: parum enim interest, an ab ipso excudatur, vel potius alium aliquem typographum liberaliorem habeat.

Heri præsentem reverendo, pietate & doctrina præstantissimo Viro Dn. Hermanno Lignarido, hujus scholæ S.S. Theologiæ Professore celeberrimo, hydrocephalum planè monstruosum vidi. Estis ex præf. Åtura Grandissonensi natus, & filiulus Philippi Gerou, & Johanna Boyener. Annū quintum ætatis nondum prætergressus, & ex robustissimis, & corpore optimè constitutis parentibus natus est. Circumferentia autem capitis pedes Geometricos duos cum sēsquipede, & pollice cōtinet, altitudo capitis eadem est. Crâneum utcunque durum, & nonnisi in quibusdam locis membranofum. Reliquæ verò partes corporis proportionem pueri ejus ætatis observant, neque adeò, ut hydrocephalorum solent esse corpora, extenuatæ sunt. Membra enim nutritioni infervientia optimè constituta esse, insignis ejus appetitus indicat: multum enim, & quidem cum voluptate comedit, ingenio planè stupidus, & cum visu & auditu, cum etiam loquela destitutus est. Causa hujus ma-

*Observatio.*

li latet me: referuat enim parentes puerum sanum, & corpore quàm optimè constitutum, & proportionatum progenitum fuisse, circiter annum verò ætatis suæ primum cùm ex morbo gravissimo, & acuto relevatus fuisset, in morbum huncce incidisse, & ab eo tempore caput paulatim accrevisse. Hæc rapim ad te Vir Clarissime, & rerum rararum studiosissime (ne planè nudus ad te mitterem literas) scribo; tu quæso, omnia æqui bonique consule, & me quod facis amare perge. Besnæ 13 Julii 1614.

## OBSERVATIO XI.

Ex fumo fornacis non ita pridem exstructæ lethargus & mors.

Observatio.

EX fumo carbonum nondum satis accensorum homines suffocatos esse, sæpissimè observatum est. At vaporem aquæ in angusto aliquo loco inclusum naturæ nostræ adversissimum esse, sequens observatio fidem facit. Patricius quidam, & Senator Lausannensis *Franciscus Braultius* nomine, quadraginta circiter annorum ætatis, defluxionibus obnoxius, cùm fornacem in cubilico ædificandam curasset, & interea dum exsiccabatur, ille nihilominus in cubiculo dormiret, adeò ipsius cerebrum vaporibus repletum fuit, ut lethargo correptus fuerit. Ego unà cum clarissimo doctissimoque viro Dn. *Abelo Roscio* Lausannensi Medico celeberrimo advocatus, omnem quidem movimus lapidem, nec quicquam eorum, quæ ad morbum depellendum requirebantur, prætermisum fuit, sed oleum & operam perdidimus: Intra paucos enim dies in isto sopore obdormivit.

Admonitio.

Ex hac observatione ediscant Patres & Martes familias, quam insalubris, & periculosa sit lavatio illa pavementorum in conclavibus, apud Germanos frequentissima, uti quoque exsiccatio linteaminum & vestimentorum circa fornaces præcipuè in hyeme, quando fornaces quotidie semel iterumve calefcunt. Hinc enim cerebrum repletur vaporibus, defluxionibus, obnoxium redditur, omnesque suas aetates ægrè perficit. Ita, quæ ad delicias nobis prosunt, sanitati sæpè obsunt.

OBSER-

## OBSERVATIO XII.

## Matrona sternutando è vita discedit.

**P**uerpera quædam pia, atq; honesta in inferiori Germania, cum victus ratione peccasset, & aëri frigido sese maturè nimis exposuisset, multis varijsq; symptomatibus correpta fuit, inprimis autem capitis dolore vehementi quidem, & continuo, cui sequutus est aurium tinnitus, auditus & loquelæ depravatio, mentis quin etiam aliquomodo alienatio & visus abolitio: ita enim obstructi fuerunt nervi optici, ut ne radios quidem solares percipere posset. Ego cum clarissimo atque doctissimo Viro Dn. *Henrico Stapedio* medico celeberrimo in consilium adhibitus, multa variaq; medicamenta præscripsimus, adhibuimusq; cucurbitulas quin etiam vesicatoria, & setaceû nuchæ applicuimus, ita ut tandem nonnulla symptomatum remiserint, & de recuperanda valetudine spes aliqua nobis præberetur. Quædam die autem cum ipsi pilulas capitales, quibus grana aliquot extracti hellebori nigri admixtum erat, præscripser, à pharmacopola præparatz, & ab assistantibus exhibitæ essent, post horas duas à sumpto medicamento semel alvum exoneravit, & quidem clementer. Iterum post horas duas nonnihil pituitæ vitæ vomuit, absque ulla tamen violentia. Post vomitum càm duodecies circiter sternutasset, protinus exincta fuit, & quidem sternutando.

Ex Immodica & violenta sternutatione menstrua erupisse, & adeò copiosè profluxisse, ut ferè de vita cum ægra ætum esset, in tertia Centuria observationum nostratum observ. 58. annotavimus.



## OBSERVATIO XIII.

Sternutamentum Empiricorum more adhibitum  
quæ incommoda sequuta.

Quam periculosa sit sternutatio in corporibus impuris, & quantum visui obsit, lector in prima observationum nostrarum Centuria observat. 24. videre poterit. Sed & alia ex sternutamentis Empiricorum more adhibitis, incommoda consequi posse, sequens Observatio fidem facit.

Observa-  
tio.

Anno 1611. Juvenem quendam *Rutgerum Gummerbachium*, robustū, & optimo corporis habitu præditum, Coloniz Agrippinz familiariter cognovi. Ille cum catarrho ad dentes defluente vexaretur, Empirici & circumforanei consilium auxiliumque implorat. Numerata pecunia, curationem aggreditur, & nullo prius exhibito medicamento purgante, naribus pulverem ex radicibus cyclaminis, pipere, euphorbio, & similibus, calamo inspirat, & bacillo ex utraque parte bifurcato inter dentes posito sternutamenta provocat, & pituitatem per os & nares extrahit, & quidem copiosè. Sed quid sit? eadem die sequutus est tinnitus aurium molestus, & dolorosus. Porro dolor iste cum per se paulatim remississet & materia ad nares defluisset, ichor emanare cepit, atque per menses aliquod inde effluxit. Tandem odoratus ita abolitus fuit, ut ab eo tempore sive suavissimi, sive ingratiissimi odores fuerint, eos tamen percipere, aut discernere potens non sit.

## OBSERVATIO XIV.

De Ophthalmiæ gravissimæ compendiosa curatione, ubi etiam de apertione venarum jugularium agitur.

*Viro clarissimo atque doctissimo D. MICHAELI DÖRINGIO  
Breslaviensi Medicinæ Doctore longè celeberrimo, amico singu-  
lari studio observando. GUILHELMUS FABRICIUS HIL-  
DANUS. S. P. D.*

Quid agas, & ubinam locorum sedem fixeris clarissime, atque amantissime mi. Dom. D. Döringi ignoro, tribus enim ab hinc annis nihil à te literarum accepi, præter Epistolam tuam de rara & admiranda Hernia uterina impressam: quam Dn. D. *Georgius Faber*, communis noster amicus mihi communicavit. Responsum præteritis nundinis in locum prodiit. Alias præterea ad te scripsi literas de vulneribus digitorum, & manuum, in quibus etiam meam doctrinam *Wirtziorum* rationibus simul, & exemplis refutavi: has Lipsiam misi, & ut inde Breslaviam mitterentur operam dedi: eas an acceperis valde ambigo. Tu enim, aut siles (quod tamen vix crederim) aut literæ (de quo non dubito) in via interceptæ, aut quovis alio modo perditæ fuere. O nefelex inter nos distantia locorum, cui hæc omnia adscribenda. Statum rerum mearum quod attinet, scias me jam duobus ab hinc annis ferè maximis variisque rebus adversis, præcipue grassante hic peste gravissima (in qua partem domesticorum meorum amisi, aut potius ad brazorum (sedes præmisi) & ab eo quoque tempore aliis calamitatibus ita prostratum fuisse, & indies prosterni, ut sæpissimè cum gentium Doctore dissolvi & cum Christo esse cupiam. Etiam si enim in praxi omnia laus sit Deo Opt. Max. ad votum succedant, & apud Procures, & magnates nostros in eadem, uti ipsemet me vidisti, sim æstimatione: arcamen qui ante annum vulnus mihi infixit, illud etiam nunc quotidie ad cruorem usque reficit, sene autem quin etiam stupidaque mea, quæ meritò sublevare deberet, opprimit. Verum de his nunc obiter, post hac forsàn fusiùs ad te scribam.

Cæterum ne exercitia, atque colloquia nostra Chirurgica intermit-

Venerunt  
jugularium  
sectio.

Leonh. Bot-  
tallus lib. de

venasectio-  
ne mihi pag.

206. Petrus  
Paulus ma-

gnus Ple-  
santinus de

venasectio.  
mihi pag.

os. Galenus  
de Hippoc.

& Platon.  
placitus lib.

2. cap. 11.  
Horatius

Augen. de  
venasectio-

ne lib. 9.  
cap. 10.

Quomodo  
procedendū  
in venarum

jugulariū  
sectio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

Observa-  
tio.

tam, en quæso, quid sentis de venarum jugulariū sectione? per paucos enim Medicos qui sectionem harum venarum approbaverunt, haec tamen mihi innotuerunt. Quapropter venarum jugularium sectionem, aut nunquam in usu fuisse, aut penitus obsolevisse Leonhardus Bottallus scriptum reliquit. Et Petrus Pleasantinus se nunquam, etiam si quinque-  
simum annum ætatis attigerit, venas jugulares incidisse, neque ab aliis  
sectas fuisse unquam audivisse fatetur. Hujus opinionis causa forsitan  
esse potest locus apud Galenum, ubi hæc habet verba. Jugulares ta-  
men, inquit venæ, & soporales arteriæ, non sunt simplici, absolutoque  
modo, quemadmodum nervi præsecandæ. Peribit enim statim ani-  
mal inmodica sanguinis profusione enectum. Sed Galenus hic non  
loquitur de sectione venarum jugularium, quæ sit ratione alicujus  
morbi, sed de totali præcisione carum, idque in eum finem, ut de-  
straret, vocem non venarum, aut arteriarum colli, sed nervorum bene-  
ficio fieri. Perperam itaque (cum Horatio Augenio assero) à sectione ha-  
rum venarum abhorrent aliqui, quia ex illarum sectione ritè peracta  
nullum malum observavi contigisse, quin potius in inflammationibus  
oculorum, & membranarum cerebri, aliisque affectibus capitis effica-  
cissimum subsidium fuisse, cum in vito quodam ophthalmia laborante  
(ut mox subjungam) tum etiam in multis aliis observavi.

Sectionem autem harum venarum ritè fieri debere, non immeritò  
monet Augenius: Nisi enim prius corpus à multitudine humorum ex-  
purgatum fuerit, infelix erit successus, ratione enim ligaturæ colli & se-  
ctionis venæ, quæ ambo attrahunt humores, & sanguis ex infimis cor-  
poris partibus ad caput rapiuntur. Quapropter si plethora maxima  
adfuert, pharmaco expurgato corpore, venam in cubito primo, dein-  
de jugularem secare soleo: sic enim sanguis circa membranas cerebri,  
oculos, faucesque collectus protinus evacuat, uti ex sequenti exem-  
plo videre est.

Anno 1600. quinquagenarius & civis quidam Lausannensis Dom.  
N. de Combe inflammatione dextri oculi adeo graviter laborans, ut de  
visu periclitaretur, & præ dolore dies, noctesque dormire non posset,  
me accersivit. Exquisita instituta victus ratione, sequenti potiuncula  
corpus expurgavi.

Eurgatio.

Agitronia  
Betonica  
Euphrasia

Scabiosa

# CENTURIA IV.

33

fol. Scabiosæ ana p. j  
Senz &

Sem. anisiana ℥ij

Coquantur in aqua, ut colatura redeat ad ℥iij. In quibus dissolve-  
le & uatii de succo rosar. mes. ℥ij. Syrupi rosati solutivi, ex multis infusio-  
nibus ℥j. Misce, fiat potio.

Sequenti die venam in cubito dextro incidi, & ad uncias sex san-  
guinis extrahi, erat enim plethoricus. Ab initio oculis sequens colly-  
rium instillavi.

℞. mucilaginis sem. cydoniorum, cum aqua rosacea extractæ ℥ij *Collyrium.*

Aquæ Plantaginis

Fragariæ

Euphras. ana ℥j

Turicæ præparatæ ℥j

Cerussæ lotæ, &

C. C. usti & præpar. ana ℥j

Caphuræ gr. vj.

Misce, fiatque collyrium.

Fronti sequens defensivum applicui.

℞. farinæ hordei ℥ij

pulv. rosar. rubearum

Myrtillorum ana ℥j

Cortic. granatorum

Balaustiorum ana ℥ss

Succi prunorum sylvestrium immaturarum inspissati ℥j

Cum aqua plantaginis, betonicæ, parumque aceti rosacæ fiat  
cataplasma, quod tepidè singulis diebus bis applicui.

Ne autem cataplasma siue defensivum hoc exsiccando, cutemque  
contrahendo, affluxionem humorum adaugeat, sindone, aut carbaso  
aqua rosacea madefacto cooperio, & tepidè applico: omnia tamen  
(ut virtus defensiva eò melius ad cutem pervenire, operationesq; suas  
exequi possit) madida ut sint necesse est.

Secunda die à vena sectione in cubito facta, sequentes pilulas, ut de-  
voraret, præscripsi.

℞. Massæ pilularum lucis majoris ℥ij

Aurearum ℥j

Trociscorum alhandal grana iiii

*Pilula.*



Ol. fœnicul. gut. sex

Cum syrupo de stœchade, fermentur pilulæ quinquæ involvantur pulvere cinnamomi.

Sequenti die post sumtas pilulas paulò ante prandium, latiori vinctulo debito modo ligato ægri collo, & in oppositam sectionis partem inclinato capite, ut vena magis tenderetur, scalpello venam secundum longitudinem incidi, sanguiniquè ad uncias circiter septem extraxi: Deinde pulvillum ex stupis f. bricatum, nec non albumine ovi madefactam, pulvereque nostro ad sanguinem sistendum aspersum, applicui, & fascia ad osculum vulneris constrinxi. Ex hac venæ sectione inflammatio oculi protinus ita remisit, ut intra paucos dies plenissimè convaluerit, neque ab eo tempore in hunc usque diem, quo hæc scribo, unquam hoc malo laboraverit.

Quod de sectione harum venarum in inflammationibus membranatum cerebri, & inveterata hemicrania observavi, posthac tecum communicabo, nunc propter festinationem non licet, vocorem enim Seifellū in agrum Lugdunensem ad nobilem quandam juvenem Polypo laborantem, ita ut mihi properandum sit. Ante triduum venerandum senem illum Dn. D. Penotum invisi, is ante annos quatuor in Galliam abivit: sed ante duos menses Yverdunum rediit, ubi Senatus (etiamsi sumum habeat Medicum) ipsum iterum benignè recepit. His vale vir clarissime, & feliciter vive cum tuis omnibus, quos ego & Colinetea mea charissima salutamus. Raptim Lausannæ 1. Novemb. 1614.

## OBSERVATIO XV.

Ex intempestiva lachrymatione suffusio in oculo dextro suborta.

**M**atrona quædam Basileensis pia atque honesta, & quinquagesimum annum ætatis suæ prætergressa, cum obitum matronæ cuiusdam ex consanguineis suis tam acerbè ferret, ut per dies aliquos continuo lachrymas effunderet, tandem subitò, & quidem una nocte visu dextri oculi planè privata fuit, absque dolore tamen, & inflammatione. Ego 25. Junii a. no 1614. ex Alsatia rediens, & Basileam transiens, in contubernium vocatus, & à Dn. Rodolpho Ursisio Pharmacopœo exercitatus-

sumo

fimo ad ipsam adductus fui, & suffusionem, sive, ut dicunt, cataractam, fusci coloris, nondum tamen maturam inveni. Ex minimis itaque initiis quandoque maxima, non secus atque ex minutissima scintilla gravissimum incendium suboriri posse videmus.

## OBSERVATIO XVI.


De novo quodam instrumento, in deponendis Cataractis utilissimo.

**I**Nter ceteras difficultates, quæ in deponendis Cataractis occurrunt, sequentem non minimam esse, expertus sum: nimirum quod brachium Chirurghi ex longa ista in altum elevatione defatigatum vacillat, & manus tandem tremat, præcipuè si operationem sinistra manu administrare coactus, nec ambidexter fuerit.

*Incommodum quod in depositio-  
ne cataractæ occur-  
rit.*

Chirurgum senem, pium, & in operationibus chirurgicis longè versatis. Dn. Came p. m. familiariter cognovimus in decrepitate, beneficio perspicilli (quod tamen periculosum) Cataractas multas deposuit. Brachiū autem, quia tremebat servū aut aliquem alium ex adstantibus sublevare, ac suffulcire jubebar. Sed quomodo id sine periculo fieri possit, nondum video. Adstantes enim sæpenumero facilius corpore vacillant, quàm ipse Chirurgus, & prius syacope corripiantur, quam ipsemet æger.

Hanc porro ob causam sequens instrumentum excogitavi, quo operatio hæc tuto, & quam commodissimè perficitur. Huic instrumento enim cubitus Chirurghi veluti basi, aut columnæ firmissimæ incumbit, eaque sustentatur.

*Delineatio instrumenti.*

Est autem scamnum satis angustum, mediocris altitudinis, super quod sedeat æger divaricatis cruribus, idque ea in parte ubi litera A. notatum est, ut dorso suffulcero B. notato possit incumbere. Quod si Chirurgus ægrum alligare voluerit, quod tamen non usque adeo necesse esse existimo, cum operatio hæc ferè indolens sit, id beneficio prædicti suffulcri fieri quoque poterit. Ita in scamnum collocato ægro Chirurgus divaricatis quoque cruribus, eidem scamno ubi C. notatum est insideat. Sed quia necesse est, ut Chirurgus ægro non nihil altior sit, ideo sibi pulvinar substernat. Poterit tamen æger in sedem propriam, aptamque collocari, imò & annexi, si opus fuerit. Chirurgus similiter si prædicto scamno uti noluerit, suam quoque propriam habere poterit sedem, eique prædictum instrumentum annexere. Ante operationem autem annexendum est instrumentum ad scamnum, uti in præcedenti figura apparet. Elevet illud quoque Chirurgus, aut depri-

mat

mat ubi D. notatum est, donec ejus sit altitudinis, ut cubitus ei veluti basi insidere possit: id verò ut commodè fiat, aliquantum excavatum, lana præterea, ac panno munitum esse convenit. Mediante autem torculari F. notato, sursum elevatur, & deorsum deprimitur, prout necessitas requirit. In præcedenti scamno pro sinistra manu operatoris accommodatum est. Si verò dextra manu administranda operatio occurrit, ad alteram partem scamni ubi G. notatum, instrumentum affigendum est. Id autem beneficio clavi E. notati, ex ferro fabricati, cuius cuspidis torculata est, commodè fiet.

## OBSERVATIO XVII.

Scoria ferri adnatæ infixæ, gravissimos, longos, atque continuos dolores excitat, & quibus remediis tandem remota fuit.

**F**ABRO cuidam ferrario Hildenæ in officina sua occupato, frustulum scoriz cum impetu ad oculum profiliens, ipsi infixæ fuit profundius. Ego post dies aliquot accersitus ex inferiori parte pupillæ ubi iris apparet, scoriæ reperi. Macula enim nigra minima & literam hanc o vix excedens bellè ibi conspici potuit. Dolor aderat maximus, & ferè continuus, præcipuè clauso oculo. Tunc enim inferior palpebra ad scoriæ ferri, quæ aspera erat, confricabatur; quapropter noctu imprimis ipsum exercebant dolores. Cæterum quamvis omnem diligentiam, omnemque industriam adhiberem, nec tantum semel, imò ter quaterve rem aggrededer, extractionemque tentarem, oleum tamen & operam perdidit. Tam exigua enim erat scoria, tamque profundè infixæ, ut neque vossellis, neque quovis alio modo extrahi posset. Quum autem acuto aliquo instrumento illam propter continuum motum oculi effodere ausus non essem: & dolor simul & inflammatio de die in diem augetetur, negotium naturæ & medicamentis committere statui. Quapropter semel atque iterum expurgato corpore, pilulis capitalibus, collyrium anodynum, & nonnihil repellens applicui, venam in brachio secui, & cucurbitulas scapulæ & nuchæ admovi, sed parum cum fructu. Dolor enim, & macula illa nigra, aut potius infixæ scodiz in eodem remanserunt statu. Tandem sequenti applicato sac-



culo, macula intra paucos dies ablata, & dolor sedatus fuit, penitusq; convaluit vir iste: Sacculi autem descriptio hæc est.

- ℞. radic. Althææ minutissimè incisæ & contusæ ℥j  
 florum & foliorum betonicæ  
 euphrasie  
 chamomillæ  
 melilotiana M.℔  
 rosarum odoriferarum M.℔  
 sem. fœnugræci contusi ℥iiij

Incidantur minutim, misceanturque omnia, & fiant sacculi interfecti, ejus magnitudinis, ut illos observat. 3. centuriæ 2. adumbravimus. Horum sacculorum singulis diebus unum late vaccino recenter multo coquebam, & calidè applicabam ter quaterque in die.

## OBSERVATIO. XVIII.

De plumbi adnatæ infixi extractione, vulncriisque felicissima curatione.

**Q**Uæ symptomata gravissima post scoriam ferri adnatæ infixam, & ab initio neglectam, exorta, præcedente observatione declaravi. Nunc similem ferè affectum, qui filio Dom. *Samuelis Zehenders* Patricii Bernensis, & pro tempore præfecti Mildunensis prudentissimi accidit, subjungere visum fuit, ex quibus lector videre poterit, quantum intersit, in tempore ea, quæ requiruntur remedia adhibere. Puer autem cum Anno 1616. circa finem mensis Septembris, quadam die in culina plumbum liquefactum imprudenter, & nimis velociter in aquam frigidam projiceret, eo imperu in altum resiliit, ut non solum pileo, verùm etiam oculo sinistro infigeretur. Parens qui in proximo conclavi erat, intelligens strepitum (puer enim exiit in terram recidit) accurrit, puerumque solum, sed semianimem reperit, protinùq; ipsum ad me adduxit. Oculum cum inspexissem, granum unum plumbi ad lentis ferè magnitudinem palpebræ superiori, ubi crines erumpunt, alterum adnatæ infixum reperi, & quidem adeò profundè, ut vix volfcellis ea extrahere possem. Extræcto tandem plumbo oculo collirium anodynum, & repellens instillavi, & applicui oculumque diligenter

*Observat.*

*Curatio.*

genter fascia clausi. Fronte oleo rosaceo inūxi, deinde defensivum applicui: altera die corpus syrupo rosato solutivo, parumque pulveris lena, in decocto agrimoniz, betonicæ, euphrasiz dissoluti, expurgavi, & quotidie bis oculo collyrium applicui: sic intra paucos dies plenissime convaleuit, nullo superveniente symptomate. Hinc videmus quam utile, ne dicam, necesse sit, statim ab initio morbi ipsius causam, si fieri potest, auferre. Quod si ad horas aliquot relictum fuisset plumbum, procul dubio partes læsæ intumuisent, & plumbum arctius membranæ inclusum fuisset, nec ante suppurationem extrahi potuisset, interrim autem varia periculosissimaque symptomata, imprimis dolor, inflammatio, phlegmone, & similia pertimescenda fuissent. In vulneribus sclopetorum id sæpissime vidi, in quibus, si ab initio extractio globuli negligitur, ut plurimum postea frustra laborat Chirurgus, donec digestionem vulneris faciat, una cum pure expellatur, neque id quidem continuò fit, sed sæpissime maximo cum ægri incommodo in corpore ad longum tempus, imò & ad finem vitæ usque remanet. Rectè itaque monet Hippocrates, dicens: *Cum morbi inchoant, si quid movendum morbo, &c.*

Lib. 1. Aphor. 29.

## OBSERVATIO XIX.

## De præstantia setacei in fistula lachrymali.

*Viro nobilissimo atque doctissimo Dom. PAULO OFFREDO Medico celeberrimo, amico singulari, GUILHELMUS FABRICIUS Hildanus S.P.D.*

Quam miraculosè, imò præpter omnium spem, & expectationem clarissime atque doctissime Dn. Offrede, juvenis ille Coppeticonvaluerit, ante dies circiter quindecim ad te scripsi. Ab eo tempore tuas acceperit literas, ad quas libenter maturius respondi, nisi nundinæ Francosurtenses, quæ ut plurimum in scribendis literis me occupatissimum reddunt, obfuisent. Ad quæstiones propositas quid respondeam? Plantat Paulus, rigat Apollo, sed Deus incrementum dat, id quod jam maturè, jam verò tardè, secundum S.S. suam voluntatem. Verùm, quomodo methodus illa, quam nobili isti viro proposui, in aliis eodem morbo

morbo laborantibus succederit, uno aut altero exemplo nunc tibi declarare non gravabor.

### Exemplum I.

*Ex frequentibus oculorum inflammationibus capitisque fistula lachrymalis.*

*Setaceum nullum aegro adfert incommodum.*

*Setacei beneficio scirritas & fluxus mensis albus curatur.*

Honesti quædam, & pia matrona Lausannensis triginta circiter annos nata, & uxor N. N. robusta, sed humidissimo cerebro prædita, cum in inflammatione oculorum sæpissimè, dolore verò capitis continuò vexaretur, tandem quoque fistula lachrymalis in dextri oculi cantho exorta est, eacùm ad annos circiter duos ægram excruciasset, tandem anno 1598. me in consilium vocavit. Purgato corpore, reliquisque universalibus adhibitis, & collyrio appropriato quotidie in oculum instillato, setaceum nuchæ quoque adhibui. Hinc dolor capitis non diu post ex toto remisit, & fistula intra menses quatuor plenissimè sanata fuit. Vivit matrona illa etiam nunc apud nos, neque ab eo tempore unquam de fistula, aut catarrho ad oculos conquesta est, uti hodie mane illa ipsamet coram mariro suo mihi retulit. Ab initio autem per dies aliquot setaceum, quemadmodum, & reliqua vulnera recentia, aliquomodo sibi molestum fuisse refert, deinde verò nullum incommodum attulisse, ita quidem, ut etiam rem familiarem ipsamet quàm optimè administrare posset. In tertium autem usque annum setaceum gestavit, & diutius, ut ipsamet affirmat illud retinuisse, nisi per se, ut aliquando fieri consuevit, penitus exsiccatum, & cicatrix induc'ta fuisset.

Laboraverat autem (quod annotatione dignum est) matrona illa per annos aliquot fluxu muliebri, aut menstruis albis, quamobrem nunquam utero gestaverat, adhibito verò setaceo paulatim remisit fluxus, ac paulo post concepit, ac filiam peperit, quæ etiam nunc cum aliis libris quos deinceps progeniuit, vivit, ac optimè valer.

### Exemplum II.

*Fistula lachrymalis quomodo curata.*

Nobilis quædam puella Lausannensis per annos aliquot de fluxione ad oculos, & fistula lachrymali in dextro cantho laboraverat. Diversa remedia à diversis cum medicis, tum pharmacopæis præscripta, & adhibita fuere, decoctum ligni aliquoties bibit, nihilque eorum quæ necessaria videbantur, omis'sum fuit, sed absque fructu. Tandem anno 1610. cum ego accersitus fuisset, ulcus sordidum in externa par-

te nasci, & ad glandulam lachrymalem usque penetrans reperi. Adhibitis universalibus, decoctum ligni iterum præscripti. Interim autem dum eo utebatur: setaceum applicui, ulcus verò eâ quâ fieri potuit diligentia mundificavi, oculo collyriū inkillavi, os tamen denudare nolui, cum essem incertus, an & quo in loco caries subesset. Convaluit & usque nunc optima valetudine fruatur.

His omnibus consideratis spero nobilem illum virum, methodo illa, qua alii sanati fuerunt, etiam sanari posse, neque setaceum à me propositum in corporis exercitiis incommodum illi ullum allaturum. Intra paucos dies Neviodunum profecturus sum: quod si aliquid rescribere tibi libuerit, id ad D. Rudolphum Wagentum ibidem Præfectū mittere poteris. Vale vir clarissime & amicorum optime, cum tuis omnibus, quos tecum ex animo saluto. Raptim Lausannæ 5. Martii 1614.

*Viro celeberrimo Dn. Guilhelmo Fabrico Hildano Chirurgo præstantissimo, Paulus Offredus S. D.*

Non sine voluptate tuas perlegi vir eximie, quibus te sedulum in ordinaria tua praxi mirabilem & naturæ & artis operum indagatorem prodere pergis, magna sanè tui nominis apud posteros commendatione: nec verò in hanc usque diem responsum distulisse, ni me hoc tempore vernæ curationes, & occupationes, ut nosti, subinde detraxissent.

Dysenteriam quam refers consuetarium habuisse immanem, & repentinum cruris dextri dolorem, quem paulò post gangræna exciperit, illum, inquam, maligni quippiam, & venenati, ut sæpè fit, ab excellenti putredine obtinuisse necesse est, unde cum natura in maligna illa cacochymia repurganda, nulla ope adjuta fuerit, facta est tandem illius præcordioris in crus alterum, ichore maligno, tenuissima scilicet, teterissimaque dysenterici humoris portione, per mesaræum, quod à lumbis oritur in ipsos nervos, musculosque lumbares transmissa, atque hinc velut momento ad imum usque pedem dextrum decurrente, qui sanè ichor, & ratione tenuitatis, & potissimum ratione adscititiæ cuiusdam venenositatis, summa cum esset donatus activitate, tantos cruciatus sui mordicatione, in partibus illis tendinosis, & vasculosis excitavit, ut tandem spiritus partim doloris vi resolutis, partim à venenatâ materiâ suffocatis, caloris extinctio ibidem subsequuta sit, unde totum illud membrum gangrænâ correptum rectè & feliciter à



te amputatum fuit, non obstante summa ægri imbecillitate. Nam certè eo casu, ut bene monet *Celsus* incerta spes certa desperatione potior habenda est.

*Unde infra  
observatio.  
num 90*

Illam porò quam describis ossis femoris à natura separationem, mirari subit unà tecum, non tam eò, quod simpliciter natura os vità carens à sanis partibus tandè se junxit: omne siquidè vivens consortis mortui penitus impatiens esse solet: Verù quod ea pars in femore, quæ ratione suæ compositionis ac temperamenti vaporì illi venenato præ aliis obistere posse videbatur, ea inquam sola gangrænam perpessa est, carnibus interim circumjacentibus sanis relictis: cujus rei causam dare si fas est, dicam, vaporem illum veneno perisimilem, dum crus ipsum destruens vires acquireret eundo eam tandè à subtilissima, corruptissimaque sua natura agendi vim, ac promptitudinem obtinuisse, ut nonnisi in corpus solidæ maximè firmæque compaginis, quale os, accedere potuerit, carneis interni partibus sui mollicie, & laxitate tanto hosti veluti cedentibus, ac deleteriam ejus vim libero transitu ipsi concessio eludentibus, qua ratione videmus interdum à fulmine, quod miræ partium tenuitate, summaque proinde à vivitate pollet, gladium intactâ vaginâ liquari. Sibi verò malignum illum vaporem os, quod debellaret ceu objectum reliquis partibus magis proportionatum delegisse, ut ita loquar, id etiam indicio esse potest, quod ais, os ipsum illi cò post membri amputationem, aliqua sui parte denudatum, & prominens apparuisse, partibus scilicet adjacentibus ab illo corpore vera vapores, mox futuræ, seminaria in se habente, recessum, & liberatione jam affectantibus, ut hic rursum naturæ, licet à natura, sagacitatem & providentiam mirari liceat. Hinc etiam certum elicis argumentum adversus eos, qui membrum demortuum in ipsa carne putrida rescare audent, utpote qui naturam rectè agentem imitari nolle videntur: nec verò placuit unquam mihi talis opinio suos etiam si assertores, fautoresque habeat, non obscuri nominis.

*Membrum  
demortuū  
in carne  
putrida non  
rescandū.*

*De fistula  
lachrymali.*

Quod spectat ad tuam in fistula lachrymali curanda methodum nobili germano à te propositam, ea licet classicorum scriptorum auctoritate, ut quidem arbitror, non sulciatur, qui omnes oblatens potissimum in taliaffectu ossis vitium manualet in parte affecta curationem requirunt: nihilominus tamen cùm in hac tua curatione, quam apud alios eodem in casu feliciter, ut refert, instituisti, nihil noxam, quod ægrum non magnopere juvare possit, adeò, ut spes etiam affulgeat

geat quæpiam, fore, ut causa antecedente planè semota, continens ipsa, & quicquid reliquum est mali, naturâ duce, probaque victus ratione comite, tandem aboleatur in hac præsertim florenti, & vegeta ægritate, idcirco quin se is curæ tuæ submittat, per me non stabit, postquam scilicet hac de re pluribus coram egerimus, quod futurum spero propediem tuo ad nos accessu, uti nuncias tuis ad me. Interim vale, meque tui amantissimum, quod facis redama. Genevæ 16 Aprilis 1614. Parens plurimam per me tibi salutem impertitur.

## OBSERVATIO XX.

De ulcere maligno, & cancroso circa radicem linguæ.

*Viro Amplissimo ac Doctissimo Domino D. BARTHOLOMÆO MERCLINO Medico Palatino, & Liganaloni celeberrimo, Domino & amico plurimum honorando, GUILHELMUS FABRICIUS Hildanus S. P. D.*

*Lavingano*

Quantum primus aspectus literarum tuarum Vir amplissime, & æternum mihi observâde exhilaravit (plurimum autem crede propter amicitiam nostram me exhilaravit) tantum earum lectio me conturbavit. Exemplaria enim tertie Centuriæ observationum mearum tum temporis nondum acceperam, multo minus infestivas illas Dn. D. Rulandj in te (quas ego pacis & concordie cultor, atque amator omittere constitueram: amanuensis verò cum literas illas, dum ego in maximis angustiis versabar, & proinde omnia revidere minimè potueram, uti ex epistola ad lectorem tertie Centuriæ videre poteris, pro prælo describeret, præter institutum meum inferuerat) legeram. Doleo profectò summo opere non solum propter dissidium inter vos, verum etiam scripta mea tædulis, & in vectivis conspurcata esse, libenterque inter vos rem amicè componerem, si tu viam & modum, quomodo id commodè fieri posset, monstrares. Quæ de re etiam ad Dn. D. Rulandum scribo, eumque ad concordiam, mansuetudinem & reconciliationem adhortor. Te verò venerando seni, & viro humano (quem ego, quamdiu spiritus hos reget artus, veluti parentem,

colam, suspiciam ac venerabor) ne difficilis sis demiscere rogo: & sanctè promitto, me effecturum, ut invictæ illæ omnes, si Deus vitam mihi concesserit, in proxima editione istius Centuriæ planè omitantur.

Cæterum pro communicatis observationibus, profeçdò raris, gratias, quas possum, ago maximas, & ut in quarta Centuria observationum mearum, quam præ manibus habeo, locum obtineant, operam dabo. Sed, ut par pari referam, en casum gravissimum oris, quem ante annum Bellitii in Gallia mihi videre contigit; eumque, ut penitus intelligas, ipsius descriptionem, prout à clarissimo ac longe doctissimo viro Dn. D. *Petro Robino* Medico Bellicensi clarissimo ad collegium Medicorum Genevensium scriptus fuit, primò tibi recensebo:

*Viris Amplissimis atque Doctissimis D. D. D. Doctoribus Marco Offredo, Andreæ Boneto & Paulo Offredo, Medicis longè celeberrimis Petrus Robinus M. D. S. P. D.*

Singularis vestra humanitas atque in me benevolentia, Viri Amplissimi, qua hæcenus me amplexi fuistis, facit, ut in casu quodam gravissimo, & veluti immedicabili, consilium vestrum prudentissimum implorare ausus sim, obnixè rogans, ut auxilio, remediisque nobis adesse non gravemini. Casus autem talis est.

*Lingua ul-*  
*cus.*

Vir sexagesimum sextum ætatis annum decurrens, superiori mense Novembri ulcus in latere sinistro linguæ contraxit, quod ex parvula vesica in profundum ulcus, illudque sordidum, est excavatum: quod ut curaretur cælo terraque præsidia exquisitissima comparata curavimus admoventi, quorum ope aliquando ad cicatricem productum ulcus, & penitus curatum videbatur; interea dolor perpetuus, mira ciborum deglutiendi, & trajiciendi difficultas, dolor lancinativus ad aurem lateris affecti identidem hominem ferè peremit, ex ulceris nimirum erodentis vicinia, & malignitate. Primo itaque occursum purgationem integram celebravimus, ex lenientibus, ex apozematis, & reiteratione purgationum, sanguinis missione hirudines pone aures sunt admotæ, Pyroticum regione occipitii ad primam cervicis vertebra inustum. Pilulas Cochias, aggregativas, & aureas, ana ad ʒj. & aliquanto plus, quolibet decimo die paratæ. Emplastrum de thapsia, betonica, &c. Suture coronali darsæ indutum; ulcus sordidum quater in die, primo quidem vino diluto tepentè, tum aqua secunda deterfsum, per dies plus quàm quindecim: tum consequenter oleo de calcanto per dies

*Curatio.*

dies plus quam quindecim deterfum. Clysteres quolibet octavo die inje&ti, reiterata secundo integra, & absoluta purgatio ex leniente apozemate, & secunda purgatione. Paratum gargarisma pro ulcere detergendo ex omni genere detergentium, & astringentium, melle rosato & aliqua parte aloës succotrinæ, & aluminis. Quibus omnibus superioribus præfidiis tantum abest, ut ulceris malignitas sit cohibita, quin potius malignitas illa sit efferrata: & sub lingua versus linguæ frenum partes excavat, & depascitur, salvo tamen esophago, & larynge. Chirurgus *Chapusjus* Burgundus, casu quodam in hisce partibus præsens, hominem invisit, totiusque ulceris originem, & malignitatem denti putrido, & eroso tribuens, me absente eundem dentem eduxit, eidem ulceri curando gargarisma ex detergentibus, & astringentibus, & unguento Ægyptiaco præscripsit.

Clarissimus Dn. *Saracenus* Lugdunensis medicus in hujus urbis viciniam accersitus, & aliud agens me rogante hominem adivit: cum eodem viro clarissimo consilium inivi. Decoctum ex duabus parti-  
Decoctum  
ligni.
bus salzæ parillæ, & una guajaci per dies quindecim paratum, quo mane, & vesperti, & in potu ordinatio usus est, non omiſſa tertio integra purgatione, & ab initio morbi hætenus congrua victus ratione perpetuò observata, & aqua aluminosa à diebus aliquot ulcere deterſo, nihil utilitatis sumus consequuti: morbus artem evincit exhausta pharetra, ulcere magis ac magis deferviente, & serpente, vim præfidiorum artemque eludente.

Magna itaque humorum corruptela, pessimus totius corporis habitus, ulceris thelephia, aut chironia natura, perpetua salivatio, eaque viscida & glutinosa, ex ore defluente indefinenter, à morbi primordio ulceris curationem arcenr. Hæc totius morbi origo, historia, & præfidiorum series: ut si quid vestra consilia possint, si quæ sint arcana pro tanto morbo proſigando, eadem nobis pro vestro ei ga nos amore testatissimo impendatis, & si quis Chirurgus apud vos cæteris omnibus hac in parte excellat: eundem nobis mittatis, hoc vos iterum atque iterum rogo. Bellitii 10. Februarii 1614.

Primi ulceris in linguæ latere curati labia sunt callo similia, eaque indurata, quæ linguæ obvolvendæ incredibiles pariunt dolores. Hætenus Dom. D. *Robinus*.

Porro cum à collegio medicorum clarissimo constitutum esset, ut ego advocarer, ac Dn. D. *Paulus Offredus* nomine reliquorum ad me scri-



phisset & ego 7 Februarii 1614. Bellitiū ad ægrum Dn. *Claudium Montellierum*, ibidem in curia procuratorem prudentissimum, pervenisse, ulcus tale, ut in præcedentibus Dn. D. *Robini* literis descriptum est, inveni. Convocatis itaque mecum Dn. D. *Robino* & Magistro *Claudio Penino* Chirurgo Bellicensi, curationem sic institui. Primo corpus sequentibus pilulis iterum expurgavimus.

*Pilula.*

℞. pil. aurearum  
cochiarum ana ʒj β  
trosciscorum Alhandal &  
diagridii ana grana iij

Cum syrupo rosato solutivo formentur pilulæ quinque involvantur pulvere Cinnamomi.

Purgato corpore, setaceum nuchæ applicui.

Capiti cucupham ex sequentibus simplicibus præparatam applicui.

*Pulsio pro  
cucupha.*

℞. florū Betonicæ  
Salviæ  
rosmarini  
lavendulæ an p. ij  
radicum & seminis peroniz  
macis  
caryophyllorum  
olibani  
masticis  
cinamomi  
styracis calamitæ an ʒ β  
rosarum rubearum  
nigellæ Romanæ an p. ij  
Granorum Kermes ʒ iij

Contusa omnia, & exquisitè pulverisata, excipiantur bombace pexo, & cum panno serico carmesino fiat cucupha interpunctim consuata, pro cranio obducendo. Hisce administratis, ægrum iterum sequenti potiuncula expurgavimus.

*Potio purgans.*

℞. decocti communis pectoralis cum seminibus anisi,  
melonum, citri, acetosæ, adde  
passularum mundatarum  
prunorum damascenorum ana ʒj

sub

# CENTURIA IV.

47

sub finem decocti, polypodii, &  
visci quercini

epithimi

feminis carthami ana ℥iij

fol. senæ mundatorum ℥ij

sem. malvæ ℥j

Fiat decoctio ad ℥iiij

In quibus infunde agarici trochiscati ℥j

rhabbari ℥jß

turbith. ℥ß

gingib. &

sandalæ citrini ana grana sex.

In expressione dissolve diaphœnici &

confectionis hamech ana ℥jß

electuar. diacarthami ℥j

syropi rosati solutivi simpl. ℥j

Misce, fiat potio.

Quæ expurgato corpore, ad humoris atrabilarii acrimoniam arcen-  
dam, serum lactis cum syrupo violaceo per dies quindecim, & plus ex-  
hibuimus, & vinum decocto veronicæ, & agrimonix, saccharo, & cin-  
namomo aromatizato diluimus.

Serum lac-  
tis.

Loco affecto sequentia applicuimus.

Gargaris-  
sima.

℞. aquæ ranarum aquatiliū

gammarorum

plantaginis

rosarum ana ℥ij

mellis rosacei ℥j

Misce, fiat gargarisina, quo os sæpissimè abluatur, & syphone in ul-  
cus ipsum injiciatur.

Postea sequens pulvis beneficio follis, uti hic depictus est, insuffle-  
tur.


℞. pulveris ranarum aquatiliū &

gammarum la. præparati.

cornu cervi usti & præparati ana ℥j.

Misce, fiat que pulvis, qui fistulæ follis imponendus est.

Delineat

*Delineatio follis.*

Tandem sequens medicamentum in forma linimenti præparatum, bombace in eo intincto ulceri imposui.

*Linimen-  
tum.*

℞. cerussæ lotæ  
cornu cervi usti & præparati  
pulveris ranarum &  
gammarorum s.a. præparati ana ʒß.

Cum sufficiente quantitate mucilaginis seminis cydoniorum factum cum aquis supra descriptis, fiat instar linimenti.

*Adhibetur  
circumfo-  
ratus  
quidam.*

Hac observata methodo, & adhibitis medicamentis, malignitas ulceris brevi castigata fuit, penitusque remisit. Cum verò per mensem apud ægrum moram traxissem, & ulcus ferè ad cicatricem pervenisset, ita quidem, ut res tam domesticas, quam forenses iterum administrare posset, domum me recepi, & quæ præterea agenda, Clarissimo Medico Dn. D. Robino, & Magistro Claudio Pennino perficienda commisi. Sed quid fit? Post meum abitum cum agyrra, & circumforaneus quidam Bellitium percurreret, multumque & ad cælum usque (ut hujusmodi impostores facere consuevère) secreta sua extolleret, ægro adductus fuit. Is acceptâ pecuniâ, cum præter intentionem Medici atque Chirurgi, ægro medicamentâ sua applicuisset, tertio post die hæmorrhagia ex ipso ulcere adeo magna consequuta est, ut nisi sedulam diligentiam adhibuisset Mag. *Claudius*, in ipsa hora extinctus fuisset æger. Hinc maxima consequuta est virium prostratio. Cum denuò advocatus essem, non solum vires mirum in modum labefactatas, verum etiam ulcus pristinam ferè malignitatem adeptum esse, reperi; profundum item & sordidum erat. Ulceris quidem malignitas blandis & benignis illis supe-  
rius

ilus recitatis medicamentis castigata fuit: sed humidum radicale aded erat absumptum, innatusque calor extinctus, ut nulla arte aut industria refocillari posset; ita quidem, ut non diu post animam suam Deo reddiderit. Quod sanè mirum non est: erat enim cum ratione constitutionis corporis, tum etiam senectutis supra modum extenuatus: tantaque copia sanguinis (quemadmodum Chirurgus & adstantes referebant) effluerat, ut vix credibile sit, corpusculum aded exile atque extenuatum tanta copia sanguinis posse esse præditum.

Verisimile autem est Empiricum illum (quicquid pro defensione sua adstantibus persuadere voluerit) medicamento aliquo acri & erodente usum fuisse, carnemque ad ramum aliquem insignem venæ jugularis internæ non tantùm erosisse, verum etiam pristinam malignitatem ulceri iterum induxisse.

Hiscæ vale Vir Amplissime, & Generosum ac Strenuum Virum Dn. Geitzcofferum à Geilenbach Dominum in Haunsheim, &c. totamque ipsius familiam splendidissimam meo nomine, quæso, demissè, & ea, quæ par est reverentia saluta. Dn. D. Meyerus Republicæ Solodurensis Medicus, ac Dn. D. Ursifius civitatis Biennensis Medicus ordinarius, quibus literas tuas non ita pridem monstravi, te plurimum per me salutare jubent. Iterum vale cum tota familia tua honestissima, quam tecum ex corde saluto. Raptim Bernæ Helvetiorum 1. Augusti 1615.

*Adeundem Virum amplissimum  
postscriptum.*

Ad observationem tuam de insomniis exempla nonnulla in memet ipso observata, vicissim tecum communicare constitui: Verùm nunc propter occupationes non licet. Ante paucos enim menses inclita Respublica Bernensis Helvetiorum me vocavit, & in numerum Medicorum & Chirurgorum suorum ordinem collocavit: quapropter nunc in transferenda familia mea occupatus sum. Hæc in eum finem tibi significo, ut si quid in posterum ad me scribere tibi libuerit, literas Bernam sive ad me, sive ad Dom. Wilhelmum Fels inter mercatores Ulmenfes notissimum mitteres. Historiam & delineationem monstri, superiori anno Lausannæ à me dissecti ad te mitto: iterum atque iterum vale, 16. Augusti 1615.



## OBSERVATIO XXI.

Deadmirando dentium dolore, & gravissimis inde consequutis symptomatibus.

*Clarissimo & experientissimo viro Domino GUILHELMO FABRICIO Hildano, celeberrimo Reipub. Bernensis Medico-Chirurgo, amico suo singulari, CLAUDIUS DEODATUS Reverendissimi & Illustrissimi Principis & Episcopi Basilicensis Medicus ordinarius S. P. D.*

**A**Rduum profe&ō curatūque perquam difficilem fortē etiam omnino deploratum affectū, tam partis obse&e cerebri scilicet nobilitate & præstantia, quā caus&arū morbificarū eundem foventium & magnitudine, & perennitate, atque ferocia, tibi Medico præstanti & in Chirurgicis operationibus exercitauissimo, nobilis familiæ jussu, & voluntate examinandum, & rationis trutina discutiendum propono, ut iis probē cognitis, & perspectis, vel ipsemet Deorum manus allaturus advolares, vel saltem salutare consilium, optimis, & saluberrimis remediis instructum candido animo submitteres.

*Observatio.* Annus ferē agitur, quo religiosa, & nobilis Canonissa annos nata 40. plus minus, fero admodum & insolenti correpta catarrho, calamitosam & dolorificam ad dextræ maxillæ dentes defluxionem cum intolerabili, & implacabili odonthalgia pati cœpit, quæ nullo artis Machaoniz vel ingenio, vel Spagyricæ sedulitatis dexteritate sedari, aut mitigari potuit. Imò verò, (ut in ejusmodi casibus ferē fit) non solum hinc inde petita, & citra rationem Medicicæ præscriptum, adhibita fuere remedia, sed & ad usum aquæ fortis seu regiz perventum, & insanitum est. Unde vel ex plus satis audaci & temeraria illius aquæ administratione, vel sævientis, & excedentis defluxionis appulsu, non dentes solum præ doloris acerbitate evelli debuerint, sed & inferiores maxillæ ab erodentis humoris vehementia, exederentur, funderentur, putrescerent, & fistulosa, cavernosa, maligna atque cacoëthea in mento, glandosisque colli partibus ulcera, & scrophulæ putridum & corruptum madorem, & saniem ad duas ferē pintas quotidie, & continentes

nenter evomentes, & hac ratione omnem curationis spem eludentes, excitarentur: ut nunc febrem putridam, putrescentium humorum saburram, è loco affecto ad interiora & nobiliora viscera, ventriculum, hepar, lienem, clàm furtimque sese insinuantem, & incipientem superioris maxillæ ab inferiori per contagii legem, cariem, nigritiem, & futuram tandem omnium ossium capitis putrilaginem, silentio involvam.

Altius igitur, ut ab ovo tantæ syndromes malorum, & fontes, & causas investigans, auditione accepi, nobilem hanc virginem Canonicissimam à primis ferè adolescentiæ annis, maligna quadam capitis impetigine, vel à parentum semine, vel contagii consortio correptam fuisse, quæ spretis omnis generis remediis, septennali ferè spacio à diversis Medicis frustra admotis, curationem non admisit, quoad tandem adhibitis à quodam Chirurgo Empyrico cucuphis iterum, iterumque magna violentia, & impetu evulsis, non tam curata, quàm à legitimo operantis naturæ, & peccantes humores ad capitis superficiem expellentis cursu impedita videretur. *Causa.*  
*Empyrici cura.*

Ab hac impetigine utcumque susçue deçue liberata, post aliquot annos accessit terrificæ, & pertinacissimæ melancholia, multis perdurans annis, quam & corrupta & prava victus, vivendique ratio præbant, & insignes tam lienis, quàm mesenterii, hepatis, & uteri obstructions sequebantur, & quibus omnibus refractaria ad hunc usque diem menstruum, vel omnimoda suppressio, vel depravata evacuatio alimenta subministrabant. *Melancholia.*

Ex quibus omnibus tandem colligere licet, & ex intempestiva illius impetiginis curatione, & ex refractaria corruptorum mensium retentione, atque cachectica internorum viscerum constitutione, non solum collectam fuisse peccantium, & corruptorum humorum colluviem, sed & ob diuturnam menstruum suppressionem, malignam quandam, venenatam, seu Arsenicali & Merceniali tinctura donatam qualitatem: tota sui substantia torius corporis æconomiz infensam prognatam: inde natura sui conservandi studiosa collectis, & in unum conspirantibus viribus, qua data porta, intestinum hunc hostem expellere conatur: Verum cum destinata ad hoc officii genus emunctoria, vel humorum copia obstructa sint, vel præpediente morbo suis non fungantur officiis, fit ut natura relictis ordinariis viis, sursum versus per *nasalium* ad caput symptomatum vehementia fractum,

viam & cursum inflat, in eoque pleraque totius corporis excrementa deponat: præsertim cum & alvus pigrescens suo non fungatur officio, & renes, vasaque ureterum arenulis, tum viscosis, & crassis humoribus obfessa, minus commodè urinæ excretioni respondeant: & hepar justo calidius, surgentibus in caput tam primæ, quam secundæ concoctionis vaporibus alas subministrat. Hinc continuus ille, & circularis pravorum humorum in caput, subiectasque partes cursus, & recursus, hinc perennis erodentium & venenatorum humorum in locum affectum decubitus, & mador perpetuus, qui & maxillarum, & dentium, & gingivarum erosionem, exsionem, putredinem, cariem, fistulas, sinuosa item, & fistulosa glandosarum partium colli ulcera, fistulas, scrophulas malignas, & parotidas fortè & futura latitantis carcinomata excitat, fovetque & legitimam curationem non tam impedit, procrastinatque, quàm omnem Medicorum industriam eludit.

*Curatio.*

Pro tanti aff. cūs curatione plurima hæcenus, & generosa remedia tam à generosis, & præclaris Medicis, quàm experientissimis Chirurgis in medium prolata, & administrata fuerunt, quæ etsi in similibus, imò & majoribus affectibus Deorum manus fuerint, in hoc tamen pertinacissimo affectu, nihil vel parum emolumenti attulerunt. Nec injuria sanè. Cùm enim hic affectus vix, ac ne vix quidem curationem admissurus sit, nisi morbificis causis prius sublatis, effera scilicet, & maligna humorum ad locum affectum defluxione: hæc autem è medio tolli non possit, nisi prius partibus causas morificas generantibus, foventibus, mandantibus, atque recipientibus ad naturalem temperiem reductis, sit, ut licet Medici iterum, iterumque & clysteribus, & lenientibus, & purgantibus, & revellentibus, derivantibusque menses item moventibus, & exsiccantibus etiam humorum sentinam evacuare & tollere tentarint: tam pertinax, tamen hæcenus fuit fontis istius scaturigo, tamque perennis ad locum affectum decubitus, ut incassum hæcenus, & purgationes, & venæ sectiones, scarificationes vesicantia, fonticuli tam brachii, quàm cruribus affixi, omne denique vacuationis genus frustra fuerit adhibitum, & Medici Syssiphi saxum volvere videantur. Inde fit etiam, ut tam rebellis, tamque refractarius morbi causam aliam non agnoscam, quam perennem illum, & effectum venenatorum humorum, mensumque suppressorum singulis Lunis sursum versus ad caput, sui natura humidissimum regurgitantium appulsum: eò quod omnia totius corporis excrementa, suppressi, &

corru-

corrupti mentes, naturâ duce ad eum locum, ceu ad sentinam, & cloacam viam inflant, tanto impetu, & ferocia, ut omnium evacuantium, revellentium, exsiccantium, ipsius quoque guajaci, & cæterorum vim, & potentiam eludant. Accedit & maxillarum caries, & putrelago, quæ quamdiu præsens fuerit, nullam nec cicatrizationem, nec curationem admitter. Quod si vel ferro, vel igneis medicamentorum præsiidiis, corruptorum ossium evulsio, vel correctio tentetur, id fortè nec vires, morbi jam diuturnitate, & violentiâ fractæ, ferent, nec partis affectæ nobilitas, citra vel vitæ discrimen, vel faciei turpitudinem, permittet.

Cùm itaque res in angusto posita, & spes admodum sit anceps, ad te ceu alterum Machaonem, & Podalirium, diuturnâ famâ notissimum, magnâ experienciâ clarissimum, & in artis chironiz operibus longè dexterrimum, hæc dare constitui, ut quid consilii, quid veremedii adhuc supersit, ex te cognoscere possimus: An omnia curatrici naturæ relinquenda? at hoc vix fiet, cum & ætas jam declinet, & vires partim morbi violentiâ, partim ætatis decursu labascant. An ferro aut igne quid tentandum? Vtrum quis ista in delicata, & fractis jam viribus Religiosâ audebit? Quis maxillas partim exesas & cariosas, partim adhuc sanas, & suis compaginibus firmiter fixas, citra syncopen, lipothymiam, & hæmorrhagiam ferro evellere tentabit? Quis perennem delabentium humorum fontem, & scatebram, omnia hæctenus remedia spernentem exsiccat? Tuum expectabimus consilium, vel etiam adventum, ut quid factu sit opus, audiamus: Ego saltem eum Medicum de tanto hoste victoriam reportaturum spero, qui perennem defluxionis foveam exsiccare, & corrupta mandibularum ossa frustulatim citra noxam tollere poterit. Sed hoc opus, hic labor: Solus fortè Archimachaon, & medicinæ creator altissimus hæc, & longè majora præstabit, si votis & precibus ardentibus interpelletur.

*Clarissimo, atque Doctissimo viro Dn. Claudio Deodato Reverendissimi & Illustrissimi Episcopi Basileensis Doctori Medico ordinario Guilhelmus Fabricius Hildanus.*

*S. P. D.*

Utinam ego in præscribendis remediis salutiferis, vir clarissime, iuxta ac doctissime tam felix essem, atque tu in delineatione morbi accuratus fuisti. Tâ doctè enim (sincere, & sine adulatione loquor) & eruditè morbum ipsiusq; causas explicasti, ut qd amplius desiderari possi,

G 3 non



*Maligna  
scabie ca-  
put debili-  
tatum.*

non videam. Maligna, & sœda illa scabie, quæ in juventute laboravit ægra, methodice, sed intempestivè & Empiricè curata, caput debilitatum, & ad humores superfluos excipiendos aptum factum fuisse, tam certum est, quam quod certissimum. Reliquæ quoque causæ, à Te enumeratæ, in primis melancholia pertinacissima, vita sedentaria, & mensium retentio, causam morbosam adauxerunt. Hæc omnia nunc pro dolor concurrunt, morbumque difficilem, ne dicam incurabilem reddunt. Interim tamè quia scimus Deum magnum esse & mirabilia facere nec calamum quassatum conterere, quin potius potentiam suam, simul ac misericordiam in imbecillioribus patefacere, de ægris non facilè desperandum est, sæpissimè enim evasisse & sanitati restitutos fuisse, qui pro deploratis habebantur, in praxi non raris observavi. Quapropter facta prognosticatione, hoc tempore veris digestis, & præparatis humoribus, corpus iterum Melanagogis quam optimè, clementer tamen expurgandum judicarem. Deinde serum lactis ad dies quindecim, aut viginti præbendum censerem: quod si summitates lupuli, scabiosa, item sumaria cichorum, agrimonia, veronica, radices polypodii, scophulariæ, & cortices interiores radicum frangulæ cum sero coctæ fuerint, longe præstantius, & efficacius evader. Aut extrahatur succus, ex præscriptis radicibus, & herbis, qui depuratus detur cum saccharo. Deindeumat 3j sequentium tabellarum.

*Desperati  
nonnun-  
quam eva-  
dunt.*

*Curatio.*

*Serum la-  
ctis.*

*Tabella.*

Ꝟ. Spec. Diarrh. abb.

aromatici rosati an. 3j

confectionis Alkermes 3iij

margaritarum præparat 3ij

Ol. cinnamoni 3ß

Sacchari dissoluti in aqua betonica 3iij

Misce, fiant secundum artem tabellæ.

*Menstruo-  
rum provo-  
cacio.*

Menstrua, quantum fieri potest provocare necesse est, cui rei frictiones, & ligaturæ dolorificæ crurum, & balnea ex herbis appropriatis conveniunt. Cucurbitulæ quoque poplitibus, feminibus quæ cum Ictericatione affigantur. Post balneum, si vires permiserint, incendantur Saphenæ, non tamen una die, sed altera post alteram, duabus, aut tribus dieb. interpositis. Apertionem venarum hæmorrhoidalium in huiusmodi ulceribus malignis multum prodesse, tum alias, tum ante annum in ægro quodam septuagenario, ulcere cancroso oris laborante,

*Venarum  
hæmorrhoi-  
dalium a-  
pertio.*

*expertus sum. Cucurbitulas jam hæcenus scapulis applicatas fuisse non dubito, quas etiam nunc iterare convenit. Fonticuli brachiis, cruribusque cum ratione applicati fuerunt: sed quia diverso simul, & evacuatio insignis in gravissimo hocce affectu requiritur, suaderem, ut setaceum nuchæ applicaretur, non tamen ferro candente, sed acu optimè scindente. Locus affectus quantum fieri potest blandè tractandus est: acria enim & eroderentia medicamenta, si in hujusmodi ulceribus adhibita fuerint, irritat, & ingravescit malum. Ego utor tuta, cerussa, cornu cerviusto, plumbo usto, succo item scabiosæ, veronicæ, geranei, scrophulariæ aut per se, aut melle rosæ commistis.*

*S. racemosa.*

Offibus cariosis mandibularum, ut ignis & ferrum, item oleum vitrioli, & aqua fortis adhibeantur, non suadeo, idque propter gravissimas causas, sed inspergantur pulveres radicum aristolochiæ rotundæ, iridis florentiæ, angelicæ & thuris, corticum pini & similibus, quæ separationem ossium cariosorum accelerant, aut misceantur cum succis prædictis, & melle rosaceo ad formam linimenti. Quod si mandibula aliquo in loco extra os denudata fuerit, applicarem pulverem euphorbii, quod mirandas habet proprietates, sua enim caliditate humores in os non solum exsiccat: sed & occulta quadam facultate hic convenire videtur: quapropter non immerito à Dioscoride, & recentioribus Medicis offibus cariosis adhibetur, nec est quod ipsius acrimoniam timeas, etiam si enim linguam, & nares mordicer, ulceribus tamen, quantumvis copiosè inspersum nullum dolorem, aut inflammationem excitat. Hæc si cum doctrina Dioscoridis, & Avicennæ, quin & cum neotericorum scriptis conferre volueris, paradoxum esse invenies, sed ego expertus loquor. Ulceribus tamen in ipso ore existentibus, quia inde ad linguam & fauces quoque facile pervenire potest, ut inspergatur, non suadeo, linguam enim, ut antea monui, fauces naresque mordicat, vellicatque. Plura ut adscribam, tempus nunc non permittit, brevi enim familiam meam, Deo volente, Bernam transferam: quapropter nunc occupatissimus sum, ac vix hæc pauca exarare potui, quæ tamen, ut amicè interpretati velis, rogo. Vale vir

Ossa cariosa  
quemodo  
curanda.

Euphorbia  
viresca canb/y  
- usit. f. canb. y.

Euphorbiæ  
ulceribus  
oris non  
adhibendū.

## OBSERVATIO XXII.

Cardialgia & Epilepsia gravissima ex inepta venæ sectione sequuta.

*Viro doctissimo Dn. D. EMANUELI URSTISIO, apud Biellenses Medico ordinario, GUILHELMUS FABRICIUS Hildanus S. D.*

*Vigilia nimia.*

*Ex inepta venæ sectione, quæ nata symptoma.*

*Epilepsia.*

**A**Nte dies aliquot à vobis discedens, doctissime atque amantissime mi Dn. Urstis, opportunè Aventicum veni. Cum enim in transitu præstantissimum virum Dn. *Samuelem Vogt* ibidem præfatum prudentissimum Dominum, & amicam meum plurimum observandum inviserem, civem & futorem quendam Bernensem Mag. *Hieronymum Zuber* hominem quadraginta circiter annorum ætatis, veluti in agone mortis inveni. Is autem cum per dies aliquot in æte operaretur, vigiliis præternaturalibus correptus fuit, & ita quidem, ut in sextum aut septimum usque diem somnum capere non posset, imò per totam noctem per cubiculum ambulare coactus esset. Harum vigiliarum causa, cum propter spirituum excalescentiam caput dolere cœpisset, & appetitus paulatim prostratus fuisset, barbitonforem in consilium adhibuit. Ille cum symptomata illa omnia ex sanguine provenire, ac proinde venæ sectione curari posse ægro persuasisset, vigesima tertia Julii circa septimam matutinam venam in sinistro cubito (non purgato corpore) incidit. Verùm cum vix ad uncias quinque sanguinis extraxisset, cardialgia correptus fuit, mox in terram ipsum corruentem, cum motu inordinato epilepsia quoque invasit. Uxor Dn. præfati protinus ipsi aquam liliorum convallium, peroniz & pulverem unicornu exhibuit, hinc paulatim restitutus fuit. Post semihoram finito paroxysmo epileptico, imprudens barbitonfor venam pollicis dextri cum pertudisset, multumque (ut adstantes referunt) sanguinis extraxisset, iterum & quidem interim dum sanguis effluebat, paroxysmo epileptico, cum totius corporis motu inordinato & convulsivo corripitur. Paroxysmus adeo fuit vehemens, ut singulis momentis ipsum animam edere dixisset. Uxor itaque Dn. præfati iterum nonnihil aquæ liliorum convallium

lium & pæoniæ exhibet, sed non eodem cum successu, ut in primo paroxysmo. Ego cum tandem circa secundam pomeridianam advenissem, hominem, uti dixi, veluti in mortis agone reperi. Pulsus adeo erat variabilis, ut nunquam similem in homine, qui evaserit, me observasse ausus sim affirmare. Jam enim erat magnus & celer, jam tardus, varius, inæqualis, formicans, parvus & languidus. Sed & (quod omnibus admirabilius, est) aliquoties adeo intermittebat & quiescebat, adeoque deficiebat pulsus, ut æger jam animam effudisse videretur. Non enim idem unum aut alterum, verum quatuor, quinque, aut etiam plures intermittebat, & ita quidem, ut facilimè passus quatuor aut quinque quiescente pulsu, per cubiculum fecisses. Iterum dum ita quiescebat pulsus, corpus apoplecticorum more planè sine motu & respiratione jacebat. Oculi aperti & fixi erant, & vix signum ullum vitæ in ipso observari potuit, nisi quod partes corporis, imò ipsæ quoque extremitates suo calore naturali fruebantur. Ego cum advenissem protinus nares, labia & tempora succo rutæ (maximas istius succi in epilepsia esse vires, testatur viri docti) in quo nō nihil theriacæ dissolutum erat, inunxi, regioni cordis & carpis epithema calidè applicui, & pulverem epilepticum & aliquantum confectionis Alkermes cum aqua liliotum convallam, pæoniæ & betonicæ exhibui: Non diu postquam præscriptam potiunculam aliâque remedia summisser, & loquelam recuperasset, delirare cœpit, & ex una in alteram partem lecti se projecit: post mediam noctem tamen utcumque quievit. Sequenti die cum iterum præscriptam potiunculam summisser, præter meam & adstantium spem atque expectationem melius se habuit. Deinde observata optima victus ratione, expurgatoque corpore, brevi restitutus fuit.

In hoc autem casu nonnulla annotatione digna occurrunt. Primò quid natura valida etiam præter spem atque opinionem Medici præstare possit: quandoquidem ego, ut ingenuè fatear, cum pulsum, uti dixi, non solum variabilem & summè imbecillum, verum etiam omnino intermittentem in ipso observassem, mortem in propinquis esse, adstantibus significavi. Ille tamen, quia juvenis & robustus, adhibitis remediis idoneis, intra dies quatuor sanitati restitutus fuit. Respexi autem in prognostico meo non solum ad ea, quæ quotidie in praxi accidere observamus; verum etiam ad locum illum Galeni, qui habetur lib. 2. de præcognitione ex pulsibus, ubi ita scriptum reliquit: *Si arteria, inquit, duo- rum pulsuum tempus moretur, haud scio, an quisquam superstes esse possit.* Et eo-

*Varietas in pulsu.*

*Curatio:  
Succus ru-  
tæ optimus  
in epilepsia*

*Annotatio:*

*Pulsus in-  
termittens  
quid signi-  
ficet.*

H dem



dem libro: *Naturalis arteria motus sanitatem refert, vicius morbum, omnino intermissus, mortem.*

*Oppositis in  
locis venas  
eodem tem-  
pore inci-  
dere peri-  
culo sum  
Vena sectio-  
nem prae-  
dere debet  
purgatio.*

Secundo, quam periculosum sit in uno eodemque tempore diversis in locis, inter se oppositis, venas incidere: hinc enim maxima facta fuit sanguinis & humorum agitatio & perturbatio; cum vena in cubito sinistro, versus sinistrum latus, in dextro pollice verò versus sinistrum, sanguinem humoresque raperet.

Tertio, non esse incidendam venam, nisi prius purgato corpore. Cum enim in hoc viro duplex adesset repletio, ad vasa scilicet, & ad vires, & à duobus ab hinc annis epilepsiae obnoxius esset, nectamen ante venae sectionem expurgatus fuisset, ex praedicta agitatione & commotione sanguinis, & humorum jam per vigilias praecedentes accensorum, vapores multos ad cerebrum & cor elevatos fuisse, & praedicta symptomata excita esse verissimum est.

De agnomonitroso ante dies octo hinc nato, & à me dissecto posthac ad te scribam, nunc non vacat. Vale doctissime atque amantissime mihi Dn. Urstis: Strenuum Virum Dn. Capitaneum *Spirerum* meis verbis, quaeso, saluta plurimum. Raptim Lausannae 13. Augusti Anno 1614.

Emanuelis Urstisii ad Guilhelmu[m] Fabriciu[m] Hildanum  
*Medico-chirurgum praestantissimum responso.*

*Observat.* Ea, quae in futoris illius, Vir celeberrime atque praestantissime, de quo scribis affectu, observasti, notatu certè dignissima exstunt: praestertim vero ea, quae de constitutione pulsus ejusdem annotasti. Idem ferme non adeò pridem in Matrona quadam urbis hujus honestissima mihi observare contigit. Haec namque cum ante quatuor septimanas febris continua correpta, eademque ultra quatuordecim dies graviter conflictata fuisset, vires adeò prostratae fuere, retentrixque facultas intestinorum laesa, ut spontaneum alvi praefluxum supervenerit, appetitus quinetiam tam prostratus, ut per triduum ne tantillum cibi, atque potus intromitteret: pulsus denique languidus, & inaequalis, modo formicans, modo intermittens erat. Ex quibus sanè symptomatibus sic apparentibus, omnino de vita aegrae conclamaturn opinabar. Quarto tamen postmodum ab inedia die, cum appetitus cibi, & potus denuò redire coepisset, in delirium quinque vel sex dies durans, incidit. Tandem delirio cessante, balneum quo singulis diebus uteretur, sursum: victum quinetiam restaurantem, medicamentis quae corroborantia praescripsi

scripti: quibus sic per aliquot dies usa, singulari Dei Optimi Maximi gratia pristinae sanitati restituta fuit.

Quæ in margine ad calcem literarum tuarum de observatione sphæceli totius corporis ferè, ut ad eam responderem subnexuisti, illius sanè ampliùs non memini: num forsàn observationem illam Basileæ inter schedas meas reconditam reliquerim, ignoro. Mitto hic fragmenta nonnulla lapidis cujusdam, qui in Neostadensium alpium locis subterraneis toto anno nivibus, ac glacie refertis, à cive quodam urbis hujus inventus, ab ipsoque huc asportatus fuit. Ex qua autem materia lapis iste constat, dubito: videtur mihi ad naturam crystalli accedere, cum sit pellucidus instar crystalli, non tamen usque adeò durus. Hæc vir clarissime raptim ad te scribere volui, quæ ut æqui, bonique consulas rogo, verbis meis quæso uxori tuæ lectissimæ, ac liberis charissimis salutem plurimam annunciatò. B. ennæ 10. Novembris 1614.

OBSERVATIO X<sup>III</sup>.

De peste gravissima Lausannensi, & nonnullis annotatione dignis, in ipsa observatis.

*Viro genere & doctrina sed in primis pietate Nobilissimo Dn. DANIELI NABOROVIO. Illustrissimi, ac Potentissimi principis, ac Domini Dom. JANUTII RADZIVILII Ducis in Birze, Dubinki, ac Sclucko, Pocilatoris Magni Ducatus Lithuaniae Borisovien, &c. Capitani Principis Imperii, Consiliario prudentissimo, & Architriclino Vigilantissimo, Domino meo in perpetuum observando, GUILHELMUS FABRICIUS Hildanus S. P. D.*

**H**istoriam tuam de admirando, & vix unquam observato vulnere capitis, nobilissime, atque doctissime mi Dn. Naborovi, fautor, & amice æternum observande, accepi, & jamdudum descripti. Adjunxissem aliquid de statu familiæ meæ, verum mens ægrotabat, neque etiam nunc penitus restituta est, idque non sine maxima causa. Quanta enim adversa quantaque luctuosa post reditum meum Wormatia, ubi superiori ætate ad Generosum virum Dn. Eberhardum Kermerer von

*Esa. 42.**Math. 11.*

18.

*Pestis Lan-  
sannensis.*

*Wormbs* genant von *Dalberg* vocatus fui, advenirent vix tibi exprimere possum. Verum Deus qui fons est, atque scaturigo misericordiz, qui que, ut Spiritus sanctus per Prophetam loquitur, calumum coquassatum non conteret, & limum ferè extinctum non extinguet, solâ suâ clementiâ, atque misericordiâ hucusque, inter tot miseras tam publicas, quàm privatas me sustinuit. Pestis in hac civitate, quæ uti vidisti ipsemet, non usque adeò populosa est, intra paucos menses, nimirum ab initio Julii usque ad finem Novembris, ultra duo millia è medio sustulit, ante menses tamen quatuor cessare cœpit, & nunc, laus sit Deo, omnino cessavit. Maligna fuit, & vehemens, maligna, quia remedia parum profuerunt, & malignitas morbi remediorum efficaciam longè antecellere videbatur. Vehemens verò, quia multi, antequam vix ægrotarent, extincti fuerunt, qui nescio quam vertigine, & virium labefactione oppressi, intra paucas horas, multi verò phrenetici secundo aut tertio die defecerunt.

Cæterum medicamenta, etiam si multis, cum à *Dn. D. Roscio* Medico excellentissimo, tum etiam à me ex arte præscriberentur, methodica tamen, & diligens eorum exhibitio, atque applicatio desiderabatur. Cum enim neque Medicus, neque pharmacopæus ullus ad provinciam hanc administrandam constitutus esset, & eis, qui hic pestiferos invitant consortio hominum interdictum sit, balneatori cuidam, aliisque ineptissimis, & sordidis hominibus, quos *Marones* vocant, totum negotium commissum fuit, Hinc factum est ut ex centum ægris vix viginti evaserint. Ex domesticis meis tres ex hac lachrymarum valle ad beatorum sedes evocati fuerunt: primò filia mea tredecim annorum ætatis, quâ in seditu meo *Wormatia* unâ cum uxore graviter laborantem reperi. Post dies verò aliquot, cum à febre aliisque symptomatibus ipsam penitus immunem esse, existimarem, & quadam die me inscio currendo per viridarium, supra modum incaluisset, & fructibus crudis, atque horatis sese ingurgitasset, iterum in febrem incidit, quæ quia bubo in inguine dextro nondum apertus, mox maligna facta fuit, ipsamque antequam vix remedia adhibere possem, è medio sustulit. Non diu post filiola mea quatuor annorum ætatis eodem morbo correpta fuit. Illa vomitu tam vehementi vexabatur, ut ne jusculum quidem minus medicamenta retinere posset. Exhibui ipsi aliquoties lapidem bezoardicum, sed propter vomitus vehementiam vix ad ventriculum pervenire potuit: Obiit illa tertia die morbi. Tapdem & ancilla in morbum

in orbem incidit, maximoque fluore alvi statim ab initio torquebatur, & cum ab alimentis, tum etiam a medicamentis tam averfo erat animo, ut nihil ferè gustare posset: illa quarta die morbi vitam posuit. Uxor mea, & ambo filii gravissimè quidem laborarunt, omnes tamen per Dei misericordiam evaserunt. Lapidem bezoardicum aquæ cinnamomi, & cardui benedicti, confectiōneque alkermes mixtum, copiosè ipsis maximo cum fructu exhibui. In hac peste autem nullum eorum, qui aut vomitu, aut fluore alvi laboravit, evasisse scio: Sic & omnes ferè, quibus vena secta fuit, obierunt.

*Lapidu bezoardici non sunt in posita.*

Non solum autem in hac civitate, verum etiam in vicinis oppidis, & pagis, Viviaci, & Morsearum ad lacu Lemannum præcipuè gravissime grassata est, multosque egregios viros tum hic, tum in prædictis locis inter quos viginti tres ministri verbi divini in Diœcesi Lausannensi, trucidavit. Mortalitas hæc aliquibus in pagis tam vehemens fuit, ut frumenta in agris, uvæ in vineis, & fructus arborum minimè colligerentur, sed bestiis, & avibus relinquerentur. Neque liberæ, & hujus labis expertes fuere rusticorum & pauperum tabernæ, in ipsis etiam altissimis montibus sitæ, etiam si inter se separatæ nullaque vicinitas, & usus inter rusticos esset. In hac ipsa urbe idem accidit: etiam si enim ægricia, qua fieri potuit diligentia a sanis separarentur, & alii in xenodochium extra urbem, alii in tabernas, ad id hinc & inde in hortis, & viridariis extructas collocarentur, nihilominus tamen infiniti homines, qui nunquam cum ægris consortium ullum habuerunt, peste trucidati fuerunt. Ex quibus satis perspicuum fit, causam hujus pestis Lausannensis & vicinarum partium non solum propter contagium, verum etiam propter corruptionem aëris fuisse.

*Corruptio aëris causa pestis.*

Et profecto insectorum, & præcipuè erucarum copia quæ superioribus annis, in primis 1611. talis fuit, ut etiam folia arborum, & oleta in hortis omnino depopularetur, atque depasceret, id satis superque arguunt. Insecta autem hæc non solum prælagium, verum etiam ex parte causam hujus pestis fuisse, certum est. Prælagium, quia magnam putredinem, ex qua orta fuerunt præcessisse demonstrant. Causam, quia de mortua putredinem auxerunt, novamque fecerunt. Præterita ætate, & quidem illo ipso tempore, quo pestis hic grassabatur, muscarum copia talis fuit, ut post hominum memoriam vix tanta visa fuerit. In primis autem sordidæ istæ muscæ, quæ esculenta, & maxime carnem

*Pestis prælagia.*

*Insecta*



verminoso excremento devastant, præ omnibus aliis superabundabant. Apes, quamvis, ut *Plinius* lib. 10. cap. 8. scribit, ne floribus quidem mortuis insideant, hoc tamen autumnò fructus, veluti poma, pyra & pruna, quæ nostrates dissecant, & ad radios solares exsiccant, in ipsa quoque conclavia usque (quod antea nunquam observatum fuit) turmatim sequebantur, ipsiisque insidebant. Ex quo colligere possumus, insectum hoc percepisse, floribus aliquid maligni noctu cum rore ex aëre delabente communicatum fuisse, & proinde ex fructibus istis, jam antea manibus hominum confricatis, & aëri nocturno minime expositis, alimentum suum potius, quàm ex ipsis floribus quæsisisse.

*Qui fonticulos habuerunt, peste non obierunt.*

Neminem autem (quod notandum) eorum, qui fonticulos in brachiis, & cruribus habuerunt (præter unum, aut alterum summè caco-chymicum) peste obiisse memini, & proinde præsentaneum præservativum esse tempore pestis, cum in aliis multis, tum etiam in memetipso observavi. Ego enim duos habeo, alterum in brachio sinistro, alterum in poplite dextro.

Interim dum pestis hic tam vehementer grassabatur, per intervalla, & quidem sæpissimè in inguine dextro, (in quo ante annos triginta, cum peste gravissimè laborarem, bubo pestiferus mihi ruptus fuit) dolorem sensi, sumpto tamen alexipharmaco ex lapide bezoar, cornu cervi, aqua cinnamomi, & cardui benedicti, mox evanuit dolor ille, sed versus fonticulum in poplite descendit, ibique exacerbatum est, & nonnunquam per diem unam, aut alteram cum inflammatione, & in-tumescatione cruris continuavit.

Circa fonticulum quoque in brachio materiam aliquam statulentam collectam fuisse percipere potui. Musculus enim anterior cubiti flectentium, in cujus medio ferè fonticulus est, per intervalla adeò tremebat, agitabaturque, ut adstantes non solum agitationem & motum, verùm etiam brachio admota aure veluti crepitum quendam perciperent: Nullus tamen aderat dolor, & nunc per Dei misericordiam omninò remisit tremor, ac palpitatio illa. Putasne mi nobilissime Dn. *Naborovi*, hanc pestiferam aliquam materiam, sed statulentam fuisse, eamque naturam versus fonticulos veluti ad cloacam expulisse? Atque hæc sunt vir nobilissime, quæ de statu familiæ meæ in præsens ad te scribere potui. Quod superest, Deum Opt. Max. suppliciter oro, ut in posterum misereatur nostrum, teque quàm diutissimè conservare velit. Vale & æternum feliciter vive. Dabam Lausannæ 20. Martii 1614.

## OBSERVATIO XXIV.

In qua longè maximam esse difficultatem in cognitione, & electione lapidis Bezoar ostenditur.

*Viro clarissimo atque doctissimo Dn. D. PHILIBERTO, magni  
atque excellentissimi illius Viri Dn. D. JANI ANTONII SA-  
RAZENI F. GUILHELMUS FABRICIUS Hildanus S. P. D.*

POST bellum, laus sit Deo Optimo Maximo, suppetiæ tuæ venere. Ante paucos dies enim ex Alsatia (ubi ad Generosum quendam vocatus fueram) veniens, Nobilis iste tibi notissimus, trochiscos viperinos, quas miseris, tandem mihi tradidit. Is quidem superiori autumno ipsos à te accepisse innuit, sed hac excusatione usus, nimirum, cū, quonā in loco viverem, sibi ignotum esset, illos ad me mittere non potuisse. Vide, quæso, quam nuda, quamque frivola sit excusatio: quæ si ego ab eo tempore apud Antipodes vixerim, cum tamen per totam ferè hyemem propter pestem gravissimam, quæ, proh dolor, totam urbem simul & familiam meam exercuit, veluti inclusus fuero. O qualis negligentia, aut potius qualis ingratitude ab homine, in quem ego & multa & præclara tibi satis nota beneficia contuli? Sed quid hinc agam, cum dictum Plauti, *si quid jures pluma levior gratia si quid offendas, plumbeas iras gerunt*, hoc exulceratissimo seculo verissimum esse, etiam in multis aliis experior. Interim ego, ut clavum rectum teneam, omnes nervos Deo volente intendā, atque imprimis tibi pro præstitis tuis in me beneficiis gratias nunc ago; referrem quidem libenter, si occasio & facultas mihi non deessent. Preteritum, quod significasti, remitto.

Cæterum librum clarissimi ac longè celeberrimi Viri Dn. D. *Bambini* de lapide Bezoar, doctum præfecto & summe eruditionis plenum, te jam vidisse non dubito. Sed tu, quæso, quid sentis de hoc tam pretioso medicamento? Ego revera admirandas operationes ex ipso vidi, non solum in multis aliis, verum etiam in me ipso ante triennium, cum quættana continua graviter laborarem, uti in epistolica mea responsione ad Dn. D. *Michaelem Düringium* de nova rara & admiranda Hernia uterina, quæ futuris nundinis prodibit, fusius videbis. Verum enimvero majorem difficultatem ipsius cognitione & vera electione

*Difficultas  
in cognoscendo vero la-  
pide bezoar-  
sitam*

sitame esse existimo. Etiam si enim varia & ferè infinita signa, quibus cognoscatur, passim ab authoribus classicis tradantur, sepius tamen incerta ea esse, & fucum detegere non posse, ausus sum affirmare. Expertus loquor. Fragmenta enim lapidis habeo, quæ ad unciam ferè usque ponderant, quæque speciem lapidis Bezoar tam bellè præbent, ut nisi egomet fucum scirem, pro vero Bezoar ipse cum multis aliis viris doctis judicarem. Cineritii sunt coloris lævigata & expoliata, quemadmodum lapides Bezoar Orientales nonnullos vidi, præcipuè inter pretiosa Serenissimi Principis *Janusii Radziviliæ*, Ducis in Birze, Dubinki, Slucko, &c. qui ejusdem coloris lapidem Bezoar magni pretii habebat. Ad hæc ex fragmentis prædictis lapidem ex multis squamis compositum fuisse apparet, adde tamen inter se coherentibus, ut unum corpus constituent, nulloque modo una ab altera separari possit. Porro ejusdem structuræ præciosissimos Orientales bezoardicos vidi, in primis apud prænominatum serenissimum principem, qui fragmenta duo mihi donavit, in quibus etsi laminæ nonnullæ observari possint, coherent tamen arctissime, sed atrii coloris, & expolitæ sunt. Centrum ipsius lapidis excavatum fuisse ex fragmentis istis apparet. Nucleum (quem quoque clementer mihi concessit) scarabeum, aut insectum aliquod nigrum fuisse apparet. Quid plura? si fragmenta mei lapidis cum notis ab authoribus classicis traditis, quibus Bezoar orientalis cognosci solet, conferre volueris, preciosissimum Bezoar esse forsitan judicares tu quoque. Non solum enim ex multis corticibus, & laminis, ut dixi compositus lapis, verum etiam in meditullio concavus, & nucleo quodam exterius fusco, interius albo præditus est, facileque alabastrum modo abradi potest, sed & sive in ore contentus, sive in aquâ projectus facillè in liquorem dissolvitur. Quapropter omnes ferè, qui fragmenta hæc apud me viderunt pretiosissimum Bezoar esse affirmarunt, præter Dn. D. *Rosium*, & Dn. D. *Paulum Offredum*, qui dubitarunt, & *Magnum Baubinum*, qui negavit, nihilominus tamen nihil artificiale, sed lapidem in animali aliquo concretum esse, statuerunt, & rectè quidem, ut infra nexo decreto meo videre poteris. Hinc apparet, quàm difficile sit legitimum Bezoar ab adulterino distinguere. Lapidem enim qui Bezoar referebant in equis, & asinis quoque repertos fuisse *Jordanus*, *Crato*, *Banbinus*, & *Mindererus* testantur. At ego lapidem, qui magnitudinem castanæ ferè adæquabat, inter rariora mea reservo, qui in plurimis notis cum Bezoar respondet, & tamen in ductu urinario per-



ci Coloniz Agrippinzæ repertus fuit, forsan ibidem cum mactaretur, propter mortis violentiam ex ipsa vesica detrusus. Illum ante duos annos cum paternos lares inviserem Dn. *Renerus Slotanius*, pharmacopæus Colonienfis exercitatusissimus, amicus meus singularis (in cujus præsentia lanus illum extraxerat) communicavit. Est præterea, ut rectè monet *Bauhinus*, talis, tantaque impiorum hominum avaritia, & astutia, quorum ingenia auri desiderium tantopere acuat, ut lapidis istius omnes conditiones naturales, tam externas, quàm internas perbellè adedè imitentur, ut ferè discerni non possint. Hæc vir clarissime non in contumeliam hujus tam excellentissimi medicamenti scribo, sed ut quanta in ipsius cognitione, & electione sit difficultas, & incertitudo, quantumque proinde Medicum lynceis oculis præditum esse oporteat, demonstrèm. Tu quæso omnia æqui, bonique consule, & sententiam tuam rescribe. Dn. *Felicem Platerum* communem nostrum amicum graviter laborare, ex Dn. Bauhino intellexi, ego propter festinationem ipsum invisere non potui. Observationes suas ante sesqui annum publici juris fecit. Utinam reliqua sua scripta ante obitum divulgare quoque posset. Bene vale in Christo Jesu, & me ex animo tibi faventem redamare perge. Lausannæ 20. Julii 1674.

*Lapis Bezoar referens in porco repertus*

*Lib. de lapidibus Bezoar cap. 26.*

GUILHELMI FABRICI HILDANI *de fragmentis lapidum capsula huic inclusis decretum.*

Fragmenta hæc lapidis cineritii coloris, & drachmas septem, scrupulos duos, grana sex ponderantia, quæ hæcenus à multis vartisquæ doctis, & in re medica, & pharmaceutica eruditis viris, quibus ea monstravi, pro genuino Bezoar habita judicataque fuere testor ego.

Non Bezoar, sed calculus ex vesica hominis excisus esse, eumque non in usum hominis me reservare, sed ut, quanta sit in cognitione & electione veri lapidis Bezoar difficultas, monstrare, probareque possem. Si quis secus fecerit, de fragmentis istis pro Bezoar vendiderit, ægris, aut sanis propinaverit, maledictus, execrabilis esto.

*Postscriptum.*

Dum tabellarium commodum, qui præsentem litteras Lugdunum, perferret expecto, vir clarissime, nobilis quidam Lausannenlis Basileam rediens, me certiore fecit Dn. D. *Felicem Platerum* 29. Julii diem suum obiisse. Iterum vale 1. Augusti 1674.

T. Fabricius.

J Viro



*Viro clarissimo Guilhelmo Fabricio Hildano Chirurgo celeberrimo, & experientissimo, Philibertus Sarazenus M. D. S. P. D.*

Doleo, vir clarissime, non esse tibi redditas meas literas, quas ad te pridem scripsi, cum iis responderem, quas mercator S. Gallensis à te mihi paulo antetradiderat, una cum pecunia, quæ in trochiscos viperinos expensa fuerat. Ex silentio tuo proprium mihi silentium imperabam, suspicans te iter aliquot longum suscepisse, quod ad nos scribere occasionem eriperet. Et sanè magis lætatus sum, cum postremas tuas accepi, quæ te in columem esse turque semper similem nobis amicum mihi abunde testatæ sunt. Prodiisse in lucem tertiam observationum tuarum centuriam, gaudeo, & perquiram undiqueque illius exemplar, ut desiderium meum scripta tua pervidendi expleam.

Cæterum repetam hic, quæ priore mea epistola continebantur, quæ excidisse video. Tuam de lapidis Bezoardici incerta cognitione sententiam verissimam esse quotidie usu comperio. Ubi passim in Europamagno in pretio esse incæpit, eum varii mangones, & pseudopharmacopœi dolose à adulterare incœperunt, quorum ut fallaciam eludamus, duæ mihi ejus in corruptæ notæ aliis omnibus addendæ videntur, quas plerique omnes illius seduli indagatores nobis tradidere. Prima sit durities insignis, nam qui arte constantur lapides, verorum æmulum facilius in pulverem, & squammulas, vel levissimo attritu abire consueverunt. Secunda sit tinctura levis viridescens, quæ affixu duriusculo ex linteo molli leviter saliva persuso contrahitur in lintheum. Id enim ex fructibus, & herbis quas depalcebatur animal vivens, contingit: quarum succus, & substantia in lapidem conversa est, nec dum tamen virentem herbarum tincturam, & colorem deposuit. Addam eos lapides mihi suspensæ bonitatis videri, qui in medicullo nucleum dactylorum, aut quippiam simile continent. Animalis enim calor in substantiam lapidescentem agens, eam uniformiter in lapidem commutat, ac homogeneum inde corpus sensim conficit. In quibus nuclei reperiuntur, dolum adesse conjicio, quod necesse habeant artifices corpus aliquod sibi parare, cui veluti fundamento squammas suas squammatim obvolvant. Plura & certiora in re tam incerta, dies nobis, & usus post hæc aperient, quæ ut occurrent, tibi lubens communicabo, ut te id vicissim præstiturum spero. Metuo ne me scribente diutius, inter-

*Nota certissima lapidis Bezoardi veritas.*

1.

2.

3.

rim abeat rebellarius, quo fit, ut plura, & varia ad te scribere in aliud tempus differam. Perge si placet scriptis tuis, ut & assiduæ benevolentiz testimoniis nos subinde exhilarare: Te si quem ex hominibus colo & colam in perpetuum. Vale Dat. Lugduni Februar. 22. Anno 1615.

*Viro clarissimo, atque Doctissimo Dn. D. Philiberto Magni, atque Excellentissimi illius viri Dom. D. Jani Antonii Sarazeni Filio, Guilhelmus Fabricius Hildanus iterum  
S. P. D.*

Quod tu 22. Februarii ad observationem meam dedisti responsum Vir clarissime, fautor & amice æternum honorande 28. Martii Berna Lausannam rediens mihi traditum, perquam gratum mihi fuit. In cognitione enim, & electione lapidis Bezoar te opinione meæ subscribere video. Insignem duritiem notam veri lapidis Bezoar esse scribis. At lapis ille, de quo ego ad te scripsi, durissimus est, interim tamen falsus. Habeo & alium lapidem durissimum, qui Bezoar Orientalem, quam bellè representat, nihilominus adulterinus est, & in ductu urinario porci repertus fuit: inde colligo ex duritie nullum signum certum haberi posse. Tincturam viridescentem in vero lapide Bezoar quoque desiderari addis: sed nonne materiam illam, ex qua nebulones, & impostores suos conficiunt lapides faciliè colore aliquo viridescente tingi posse existimas? Occidentales Bezoar ex multis tenuissimis laminis constant, quapropter in ipsis fucum nullum esse aliquando arbitratus sum, sed parum rectè. Ante menses enim duos, cum Dn. Daniel Episcopus Lithotomus excellens, & senex Bernæ ultra quinquaginta calculos, quos ille ipsemet ex corporibus humanis extraxerat, mihi monstraret, inter ipsos nonnullos observavi, qui ex multis, tenuissimisque laminis constabant, & Occidentalem Bezoar quàm eleganter præ se ferebant. Quapropter optimus ille senex constituit, & hæredibus suis mandavit, ut fato suo functo, omnes quos extrahit, sibi quæ reservavit, feretro suo imponerentur, ne forsitan impius aliquis impostor, imposturam cum ipsis exerceret. Itaque quibus notis certis, & indubitatis lapis iste cognosci possit, nondum video. Ad experientiam quidem confugerem, nisi illa propter occasionis celeritatem, & corporis humani dignitatem tam periculosa esset. Hinc quanta in cognitione, & electione hujus lapidis sit difficultas, iterum apparet: Mitto ad te tertiam centuriam observationum mearum, & historiam de

*Nota lapidis Bezoar incerta.*

valnere Dn. Wallerii, tu quæso, omnia æqui, boniq; consule, & ignosce, quod maturius illam non miserim, hodie enim exemplaria mea hic Genevæ accepi. Vale vir clarissime, & me exinnata tua humanitate amare perge. Ocyus Genevæ 5. Aprilis Anno 1615.

## OBSERVATIO XXV.

## De duplici Pleuritide.

*Ad clarissimum, utriusque Medicina peritissimum virum Dom. GUILHELMUM FABRICIUM Hildanum, amicum singularem. S. P. D.*

*Curatio  
pleuritidæ.*

VENTUM & exitum gravissimi morbi nobilis juvenis *Antonii Pagani* Galli gratiosi Aulici illustrissimi Dom. oratoris Dom. *Petri Castellii* &c. ad quem unâ, vir clarissime, vocati fuimus, nosse procul dubio desideras. Quomodo verò vigesimo tertio Februarii 1615. indefessa salutatione (uti in hilaribus) & frigida largo potu, sævisimâ, duplicique pleuritide (refugiente, trepidanteque nimirum sanguine) in utroque latere correptus, ei; confestim vena brachii dextri secta fuerit: Quomodo posttridie ex sinistro latere rursus (quandoquidem Chirurgi incisione eodem die, ultra uncias tres non profluxerat) tua manu sanguis emissus, continuoq; dolore ej; ceptis pulcherrimè disparuerit: Quomodo tertio die in cubito dextro sectio repetita, singula que sectiones ad libram ferè peractæ: Quomodo vigesimo mensis, quarto morbi lapidem Bezoar Peruanum scabrum (delectu habito) pondere granorum octo, cum semidrachma confectiois alkermes exhibuimus, ægerq; per belle sudarit: Quomodo item sacculum anodynū, tinctūque bechicum, soporifera ob vigilias, & reliqua usurpaverimus. Denique quinto die morbi ante discessum tuum, cum durante adhuc non nullo dolore lateris dextri ipsemet æger quintam etiam sectam onem exposceret, illam, ne vires penitus colliberentur, sed die judicatorio sufficerent, inhibuimus: Hæc, inquam, omnia propè tibi jam cognita sunt, & perspecta: Igitur quæ post discessum tuum sequuta sunt, accipe.

Primo Martii, septimo morbi die, qui solet esse criticus, cum nox præce-

præcedens (ex Aphorismo 13. lib. 2.) fuisset gravior, Epithemate ex aquis, & pulveribus cardiacis, nec non confectiōe Alkermes, cum panno coccineo, in carpis, & cordis regione muniendum, quin imò Bezoare denuo confirmandum censui. Et ecce circa quintam vespertinam sudor eumprehendit, sed languidus & subfrigidus, qui una cum magna debilitate, & prostratione virum vehementer terrebat assistentes, ita ut trepidatio fuerit exorta ac concursatio, nec non accitum Sacris Sacerdotes. Hic ego in medio isto duello succurrere Naturæ, ad eamque corroborandam, fortiusque excludendum sudorem, confectiōem Alkermes iterum exhibere non dubitavi. Illustrissimus Dn. Oratorum valdè erat sollicitus de salute ægri, ad quem citatus, licet res non careat periculo, spem tamen bonam habere me asserui. Callefactis itaque linteo cruribus, sumpto medicamento coccineo, applicatisque epithematis, sine mora profluxit sudor ad duas horas, uberissimus saluberrimusque, ita ut tandem sustulerit oculos æger, & postquam levatum se sensit, abstergi, cibarique ultro cupiverit. Ad cibum itaque & potum optime se habuit, nec à risu abstinuit, meque compressis fortiter manibus demum redire iussit. Nondum tamen debellatum erat, sed tertia die Martii demum, qui erat nonus morbi, cum iterum cœpisset sudare iterumque Alkermes sumpsisset, feliciter perfectus; judicatus, & absolutus est. Tum mihi in mentē venit, quod Diætor noster scriptum reliquit Comment. 1. in Aphorif. Hipp. 12. Anaxionem si ante tertium diem expuisset vel circa septimum, vel Nonum vel omnino undecimum diem judicationem subsequaturam fuisset. Hunc autem nostrum Antonium ab initio statim cruentam expulsi se nosti. Quia arbitror si constitutio hyemalis non fuisset, Crisn citius comparituram fuisse, cum eodem loco moneat Præceptor, singulis morbis ætatem addere celeritatem, hyemem verò tarditatem.

Itaque faventibus superis octavo post crisn die perfunctum jam morbo satisque confirmatum ipsemet in Aulam reduxi, Illustrissimoque restitui, nec non liberalem mercedem pro opera reportavi.

Ex qua observatione elucere facile posse judico: Primum duplices etiam, ac utriusque lateris pleuritidas periculosissimas quidem accidere nonnunquam posse. Deinde quanta præcipuè vis sit in hoc affectu legitimæ, & tempestivæ, & largæ quidem, sed pro viribus, phlebotomiæ, nec adeò validam esse eorum sententiam, qui in sinistro quoque dolore dextræ tantum venæ sectiōem probant. Ad extre-



mun quanto in pretio duo illa medicamenta lapis Peruanus, & confectio de cocco baphico habenda sint. Et laudes sempiternæ, qui consilia nostra in hoc ægroto divina sua inspiratione dirigere dignatus est, eademque ille nos gratiâ porro prosequatur. Vale vir clarissime, meq; quod facis ama, & Theodorum puerum meum ex spontaneo promisso commendatum habe. Soloduri extremo Martii Anno 1615,

*Inaprestantia studiofissimus*

SEBASTIANUS MEYER Med.  
Solodurensis.

## OBSERVATIO XXVI

### Venus in acutis morbis nocentissima.

*Vide librū  
de gangra-  
na & ppha-  
selo cap. 17.*

*Pleuritidis  
curatio.*

**V**Enerem in affectibus nervosarum partium capitisque vulneribus nocentissimam esse alibi annotavimus: eandem in morbis acutis non minus periculosam esse, nunc exemplo demonstrare visum est.

Anno 1612. cum Hildenam profectus fuisset, & Coloniz Agrippinæ apud amicos per dies aliquot moram traherem, ad civem quendam virum robustum, & triginta circiter annorum ætatis pleuritide laborantem in ipsis diebus canicularibus vocatus fui. Victus rationem tenuissimam institui, & exhibito enemate, venam in cubito pertudi. Loco dolenti fomenta, & inunctiones dolorem lenientia applicui: per os expectorantia dedi, nec quicquam eorum, quæ morbus postulabat, omisi. Circa quartum dolor lateris cessavit, libereque & absque molestia exspuebat, & quidem materiam satis digestam. Septimo sudor copiose promanavit. Ab eo tempore symptomata cessarunt, ita ut ipsum jam penitus evasisse, cuncti mecum sperarent: sed decepit hercle nos omnes opinio. Decima enim die morbi, cum iterum febre, maximisq; rigoribus correptus fuisset, decima tertia vivere desit.

Actum autem Venereum causam mortis hujus viri, profecto optimi & pii fuisse, planè mihi persuasum habeo. Conjugem enim juvenem, formosam (honestam ac probam tamen) & ut videbatur, Veneri satis deditam habebat. Illam porro bonum istum virum, à morbo maxime prostratum, ad Venerem incitasse arbitror. Decima enim die morbi

morbū cum summo manē in scīs omībus cubiculum ingressus fuisset, uxorē cum ipso in lecto reperi; quo die, uti dixi, iterum in morbum incidit.

## OBSERVATIO XXVII.

## Lac deperditum quomodo restitutum.

**A**Nno 1581. Kolgen auff dem Bände Hildensī matronæ illo tempore juvenulæ adhuc, in primo puerperio, cum propter res diversas in summam tristitiam & mœrorem incidisset, mammæ ita exaruerunt, ut ne guttulam quidem exsugere posset infans. Illam sequentibus remediis restitui. Primò, ut se exhilararet, admonui. Deinde corpus pulvere sene brassavolæ leniter expurgavi. Postea singulis diebus in aurora ad ℞ij. pulveris lumbricorum terrestrium præparatorum cum decocto augalæ & liquiritiæ, & summitatum fœniculi recentium propinavi, & mammas oleo lumbricorum bis in die intingere jussi. His per dies aliquot adhibitis remediis & optima observata vi&us ratione, lac copiosè ad mammas iterum profluxit; nec unquam in aliis puerperiis hac de re conquesta est, uti illa ipsamet, cum anno 1612. paternas lares inviserem, mihi retulit. Ab eotempore Coloniz & alibi eadem methodo multas alias matronas feliciter curavi.

*Lactis defec-  
tū curavi.*

*Com. in Angliā*

## OBSERVATIO XXVIII.

## De variolis, &amp; abscessu interno rupto, vomitūque rejecto.

**A**Nno 1598. filia Dn. Petri des Champs civis Viuiacensis, ætatis annorum duorum cum dimidio, subitò in morbum abditum, & incognitum incidit; & uno eodemque momento visum, simul auditum, loquelam & intellectum deperdidit; ita ut neque cibum, neque potum appeteret, sed noctes diesque ex una in alteram partem lecti cum maximo impetu se convolveret, atque prosterneret, & quidem quindecim dierum spacio. Postea iterum uno eodemque momento ita restituta, ut visum, auditum, loquelam & intellectum simul & semel recuperaret

*Variola.*

cuperaret, cibum appeteret & assumeret, viresque paulatim recolligeret. Ex morbo isto violento ac subitaneo vix curata, mense Julio Variolis corripitur: tum ego una cum D. *Jacobo Probo*, apud Vivianenses pharmacopola experientissimo ac vigilantissimo vocatus, illam adeo graviter laborantem invenimus, ut de recuperanda valetudine ipsimet desperaremus: totum enim corpus pustulis ita scatebat, ut una alteri adhereret, & vix respirare, multò minus cibum & potum deglutire posset. Aderat febris continua, cum maxima virium prostratione atque imbecillitate. Adhibitis tamen omnibus, quæ necessaria videbantur, paulatim meliusculè sese habere cœpit. Sed ecce novus in castra nobis incidit hostis, vomitione nimirum corripitur, ita quidem, ut quotiescunque cibum, aut potum assumeret, protinus vomitu rejicere necesse habuerit; nec solum ea, quæ assumeret, purè, sed purulenta materia permixta, nonnunquam quoque solum pus evomebat. Vidi enim aliquoties oculis meis puris albi & bene cocti ad semilibram una vice vomitu ab ipsa rejecti, idque ut plurimum ter quaterque una die: atque in hoc vitæ statu ultra menses sex languida, & adeò extenuata vixit, ut tandem ossa vix cute obtegerentur, atque difficulter respirare posset. In victus tamen ratione & applicatione Topicorum nihil prætermisum fuit. Tandem vomitus paulatim cessavit, viresque ita recuperavit, ut in pristinam optimam valetudinem redierit, & ad hunc usque annum 1609. quo hæc scripsi, bellè se habeat.

*Vomitus  
puris.*

## OBSERVATIO XXX.

*Ex morbo*

## De modo quodam abstruso.

*Viro Nobili Dn. PAULO LENTULO Reipublica Bernensis Poliatro dignissimo, GUILHELMUS FABRICIUS Hildan. S. P. D.*

**A**Nte dies quindecim, Vir clarissime, fautor & amice plurimum honorande, felicitè per Dei misericordiam ex Belgio ad meos reversus sum. Quod te in transitu Bernæ non offenderim, doleo: cupiebam enim de duobus casibus, qui mihi in patria observare contigerunt, & ad materiam de inediis, quam præ manibus habes, quadrant. Primus autem est de puella quadam Colonienfi, mihi sanguine juncta, quæ morbo quodam abstruso, & non usque adeo vulgari laboravit,

vit, quem ordine, & prout ipsum ab ipsius ægræ & parentum relatione habeo, partim quoque ipsemet vidi, tecum nunc communicare statui. Illa autem cum Anno 1610. (qui fuit decimus quintus annus ætatis) mense Octobri quadam die, nescio quonam appetitu præternaturali correpta esset, & cibus è vestigio ipsi oblatus non fuisset, protinus rigoribus maximis correpta fuit. In istis rigoribus non solum fames illa præternaturalis evanuit, verum etiam appetitus naturalis prostratus fuit, ita quidem, ut etiam si variis medicamentis, etiam à viris doctis præscriptis uteretur, à mense tamen Octobri 1610. usque ad mensem Februarium 1612. neque panem vulgatem, neque carnem aut vinum gustare potuit: panem inquam vulgatem, ad menses enim aliquot solo pane mellito, & parcè quidem sumpto, omnibus alijs reiectis cibis, quantumvis optimis, vesceretur, cerevisiamque ut vocant vulgarem, & minimè generosam bibit. Tandem quoque prædictum panem mellitum odio habere cepit, ac nihil præter poma, pyra, nucesque comedere, & lac yaccinum bibere potuit. Atque in hoc statu vitæ, dum ego Coloniā venire, ipsam inveni, & per menses aliquot vidi. Totum autem tempus morbi, nimirum à mense Octobri 1610. usque ad mensem Februariū 1612. de maximis dolorib. stomachi, imò totius ventris cōquebatur, & ita quidem vehementibus, ut vix linteamina, & culcitra sufferre posset: nisi tamen abdomen manu tractaretur, aut culcitris nimis oneraretur, dolorem non usque ad eò magnum sensit. Porro etiam si cibis istis ægris ineptis, ut dixi, uteretur, qui verò boni sunt succi, respueret omnes, noctu tamen satis commodè dormiebat, febris nulla aderat, neque usque ad eò extenuata erat corpore: è grabato tamen ab initio morbi surrexerat nunquā. Ego cum superiori anno 1611. mense octobri Coloniā pervenissem, & in consilium vocatus fuisset, inunctiones nonnullas pro ventre, ex oleo anethino, chamomelino, unguento de oppilativo Fœßii, & oleo lumbicorum (obstructiones enim viscerum aperit, & menses ducit) & similibus præscriptis, partesque nobiles internis medicamentis quantum fieri potuit roborare studui. Interim etsi prava ista vi&us ratione uteretur, natura tamen adminiculis istis ita alleviata, atque refocillata fuit, ut 22. Februarii hujus anni 1612. menses, quibus anrea nunquam laboraverat, eruperint. Prima vice, quamvis parcè profluerent, maximum tamen commodum inde recepit. Ab eo enim tempore dolores ventris cessarunt, & appetitus paulatim rediit. Quapropter medicamenta nonnulla ad menses du-

*Morbi abstracti hystoria.*

*In media eujusdum puella.*

*Obst. hyst. Cor. Hyst. Cor.*



cendos apta præscripti, & cum deinceps copiosiores profuxissent, intra paucos menses, & antequam ego Coloniâ discederem, maxima cum admiratione omnium, qui antea ipsam viderant, plenissimè restituta fuit.

*Exemplum  
involuntariae  
diuturnae.*

Alter casus est de inedia pullæ Moriacensis, quam ego superioriestate 23. die Julii in visi. Illa jam ultra annos quindecim absque cibo & potu vivit. Casus quia rarus, plurimæque annotatione digna in ipso occurrunt, posthac per otium quoque ad te scribam, nunc enim non licet. Vale itaque vir clarissime, & feliciter vive diu cum tuis omnibus. Raptim Lausannæ 22. Decembris 1612.

## OBSERVATIO XXX.

De gravida quadam, quæ spatio sex hebdomadum ab omni ferè cibo ac potu abhorruit, usû tamen clysterum cum fœtu conservata fuit.

**N**obilis quædam, ac pia matrona propè Lausannam urbem equestrium habitans, corpore non usque adeo robusta, cum utero gestaret, febre corripitur, ex qua ope, atque industria clarissimi, ac longè doctissimi Medici, atque Philosophi Dn. D. *Claudii Auberii*. Trium curiani in Academia Lausannensi Philosophiæ professoris celeberrimi, amici mei fons clarissimi cum restituta esset, ab omni cibo ac potu ita abhorruit, ut spacio sex hebdomadum nihil ferè, per os assumere posset. Quapropter Dn. *Auberius* iussit, ut singulis diebus bis jusculum carnis caltrarorum, caponum, gallinarum, & similibus, in quibus vitella ovorum dissoluta erant, per alvum injicerentur, quorum beneficio ita fuit nutrita, ut fœtum ad constitutum tempus usque gestaret, feliciterque pepererit, qui & salvus supervixit. Absurdum itaque est, quod multi ab hoc remedio tanoperè abhorrent, ac plerumque potius mori cupiunt, quam clysteres admittere. Hæc ex relatione ipsius matronæ, simul & mariti scribo.

*Agræ, q.  
steribus nu-  
tritur.*

## OBSERVATIO XXXI.

## De Prodigiosa fame.

*Ad eundem virum nobilem Dn. D. PAULUM LENTULUM,  
&c. Cui GUILHELMUS FABRICIUS Hildanus S. P. D.*

**H**istoriam tuam de puella Cornuta, quam promisisti vir clarissime, *De puella  
Cornuta.*  
avidè à te expecto, & valdè à te contendo, ut illam maturè publici juris facere, nec diutius intra privatos parietes retinere velis. Est enim profectò non tantùm rara, verùm etiam admitanda, & ita quidem, ut an unquam similis casus visus fuerit, valdè ambigam.

Cæterum, quia in præcedentibus meis ad te literis de prodigiosa inedia, & fastidio cibi scripsi, placet nunc de contrario quodam, affectu scilicet prodigiosa, & veluti insatiabili tecum communicare.

Anno 1594. cum Colonia Reinbachium ad nobilissimum ac strenuum virum Dn. *de Bremps* Reverendissimi Episcopi Colonienſis Consiliarium prudentissimum & Satrapam in Reinbach vigilantissimum, morbo gravissimo laborantem, vocatus essem, & per mensem ferè integrum apud ipsum moram traherem, Presbyterum ejus oppidi, hominem quadraginta circiter annorum ætatis, robustissimum, & optimo corporis habitu præditum familiariter cognovi. Is bona fide mihi retulit, se septem annorum spacio fame prodigiosa, & veluti insatiabili, tam vehementer laborasse, ut sæpius in agris (non habens penes se cibum) humi se projicere, gramina, & herbas abscindere, ac crudè devorare coactus esset. Usus autem fuerat medicamenti quamplurimis, sed absque fructu. Tandem verò anno septimo morbi, nescio qua evacuatione critica factà, à morbo isto liberatus fuit. Postea se morbis rarissimè obnoxium fuisse, mihi affirmavit.

Nobilem virum Dn. *Jacobum Wallier* ante duos annos propter vulnus gravissimum Burge Segusianorum decumbentem, eodem affectu laborasse memini. Cum enim per quatuor integros menses decubisset, ac interim multis gravissimisque symptomatibus (quemadmodum in historica narratione hujus affectus, quam præ manibus habeo) confectus fuisset, tandem quoque prodigiosa fame correptus fuit. Appetitus enim adeò erat vehemens, ut difficulter saturari posset æger, etiam-

*Historia altera.*

si enim singulis 24 horis cibum ad minimum quinquies, & quidem satis lautè assumeret, vix tamen mensa mensam expectare potuit. Porum contra non usque adeò appetebat. Cibum retinebat, neque illum indigestum per alvum rejiciebat, nec vomitus ullus aderat. Posteaquam morbo hoc gravissimo per mensem integrum laborasset, & summa cū difficultate magnisque laboribus & diligentia Dn. D. Jani de Burgo Medici celeberrimi vix curatus esset, iterum in tertianam incidit. Febris hæc cum vomitu vehementi ipsum invasit: superveniebant, & deliria, vigilie, inquietudinesque maximæ. Febris hæc duos mensium spatio ægrum mirum in modum excruciauit: interim tamen appetitum illū immoderatum, & prodigiosum ita delevit, abstulitque, ut deinceps & quidem in hunc usque diem ne minimum quidem istius vestigium senserit. Hæc in eum finem ad te scribo vir clarissime, ut prædictam historiam de cornuta puella ex te extorquere possim, cupio enim, ut par pari referas. Vale & ignoree festinanti calamo. Rapiam Laufannæ.

## OBSERVATIO XXXII.

De vomitu admirando, & ferè quoditiano, cum aliis gravissimis symptomatibus, qui ultra annos triginta duravit.

*Viro clarissimo, atque doctissimo Dom. D. PHILIBERTO, Magni atque Excellentissimi viri Dom. D. JANI ANTONII SAZARENI filio, GUILHELMUS FABRICIUS Hildanus S. P. D.*

**J**Am diu nihil literarum ad te dedi clariss. atque doctissime mi Dn. Sazarene, nec me ad te scripturum prius statueram, quam acceperim librū meum de Gangræna & Sphacelo (qui Oppenheimii excuditur) quo exemplar simul ad te mitterent. Sperabam enim per mercatores nostros Argentimā ex nundinis redeuntes, exemplaria me accepturum, sed frustra, quandoquidem propter delineationem instrumentorum (quorum nonnulla in æs inciduntur, & proinde tempus requirunt) ante mercatum proximum Francofurtensem ea non expecto, Tractatus meus Gallicus de Dysenteria auctus iterum excusus est, cujus

jus exemplaria Oppenheimio indies expecto, quibus acceptis, mittam quoque exemplar, si forsân amico alicui id offerre volueris, tu enim latinam editionem longe locupletiore habes. Hâtenus circa libellum meum Germanicum de miseria vitæ humanæ, ante annos viginti in Germania excusum; suâsu quorundam viro- rum piorum occupatus fui, eumque revidi, auxi, hyeme sequenti, Deo volente, excudetur. Nunc quâ- tum per occupationes licet in quarta Centuria observatio- num mearum progredior, eamque si Deus vitam concesserit, & cæptis fa- verit, sequenti hyeme ad prælum adornabo. Hisce diebus ex Valesia (ubi suâsu, aut potius jussu quorundam, ex magnatibus nostris the- mas Leucenses in visis) rediens, cum adversaria quartæ Centuriæ revol- verem, incidi in observationem longè rarissimam, de vomitu videlicet admirando, & quotidiano ferè, qui nunc ultra annos triginta, cum aliis quibusdam gravissimis symptomatibus durat. Quam observationem quin tibi, circa res raras in praxi medica studiosissimo communicarem, intermittere non potui: Tu vicissim si hujus argumenti, vel alterius rarum quid habueris, ut id in commune bonum communicare non graveris, obnixè rogo.

Reverenda ac nobilis quædam Canonissa Elisabeth Humbischin von Walstramp nomine, etiam si ab ineunte ætate, ea qua fieri potuit dili- gentia, ac cura Mafonopoli in illustri Cænobio educata fuisset, conti- nuo tamen fere obstruccionibus, ac inde provenienti- bus morbis, in- primis cachexia, icteritis, febribusque obnoxia fuit. Cibum quoque ut plurimum cum aviditate quadam præter naturali appetebat. Interim tamen crescebat, corpore quin etiam valida, & mente hilari- fuit. Decimo tertio anno ætatis perseverante appetitu illo præternaturali, vomitus supervenit, ita ut singulis diebus semel evomeret & ut pluri- mum pituitam viscidam, nonnunquam quoque biliosam. Continua- vit vomitus ille quotidianus usque ad annum vigesimum octavum æ- tatis, nec usque adeo molestus ei fuit: quo anno cum variolis gravissi- mè laborasset, symptomata omnia mirum in modum accreverunt; in primis verò caput, quod variolis maxime laboraverat, post illud tempus defluxionibus multo magis obnoxium, quam antea fuit, pi- ruitamque copiosius ad ventriculum demandavit. Trigesimo anno ætatis dolore colico, eo- que vehementissimo correpta fuit, quo in quartum annum mirum in modum excruciabatur. Tandem quum fe- quuta esset paralyfis crurum, & brachiorum, multa- que ex consilio Me-

*Observatio  
De vomitu  
admirando.*

*Colicus do-  
lor.*

*Paralyf  
crur.*



dicorum doctissimorum adbibuisset medicamenta, & thermas plumbinas, & ferinas invisisset, aliquomodo restituta fuit, ita ut brachia & crura iterum moveret. In illud tamen usque tempus, quo ipsam vidi, annum quadagesimum quartum agentem, nisi humeris ancillæ innixa, incedere non potuit, scribere quidem, & nec, sed non sine difficultate, præcipue autem duobus ab hinc annis, à quibus morbus ingravescit, & vires labefactantur. Durante colico dolore, vomitus quoque continuavit. *Menses quin etiā semper, & ordinatim fluxere, sed parçè.*

*Suffocatio  
uteri.*

Sedato dolore colico, duo alia supervenere symptomata satis molesta, primum est veluti suffocatio ab utero, qua ut plurimum singulis mensibus corripitur, idque tertio, aut quarto die post fluxum menstruum. Alterum sudor est universalis, & maximus, qui singulis ferè diebus erumpit, ut postea fusius dicam. Suffocatio uteri cum ipsam invadit, sine sensu, ac motu veluti in sopore quodam profundo per dies aliquot jacet, mox exhorrescit, & ex una in alteram partem se projicit: Interim pituita tam copiose ad ventriculum descendit, ut suffocationis metus adsit spiritumque non nisi difficulter trahere possit: Tandem veluti ex sopore longè profundissimo expetgefacta, summa virium prostratio, & labefactorio adest.

Cæterum vomitus ille quotidianus in annum 1616. usq; (quo tempore ipsam Masonopoli invisi) qui quadagesimus quartus fuit ætatis, & trigessimus primus morbi, apud ipsam petstistit, & quidem indies ingravescit. Evomit autem primo materiam pituitosam, ac supra modum viscidam, lentam & ad instar collæ tenacem. In secunda verò evomitione nunc materiam planè biliosam & amarā, nunc quoque acidam adeoque acrem, ut linguam labiaque ad cruorem usque erodat, ejicit. Tunc quoque dolor & erosio ventriculi, inflatio hypochondriorum, præcipue circa sinistrum adest.

Non potest autem (quod maximè notandum) evomere, nisi copiosè sumpto jusculo calido, aut carnis, aut ex farina avenacea, vel vitellis ovorum cum paucis vini, aut semine cumini. Primum, quod sumit jusculum, pane satis spissum est, & semimensuram excedit. Cum hoc jusculo pituitam illam viscidam & ferè insipidam, quæ pani non satis in ore masticato adhæret, evomit. Post semihoram, vel horam integram iterum superveniente nausea, denuò sumpto brodio, non tamen adeò spisso, uti erat primum, evomit materiam biliosam, acidam & acrem. Nonnunquam per horas sex, vel octo ita, uti dixi, excruciatut: præcipue,

puè, si, ut aliquando fit, per diem unum aut alterum vomitus inducias dederit. Et quotiescunque evomuerit, denuò cogitur accipere jusculum; ita quidem, ut nonnunquam ad mensuras usque duas, hoc est, ultra libras sex brodis assumat. Aliquando ex consilio Medicorum medicamenta vomitum moventia, ex vegetabilibus, vel etiam mineralibus præparata sumpsit, sed cum derrimento; natura enim magis juscula appetit: ex quibus proculdubio semper aliquid nutrimenti sibi retinet. Septies aut octies quoque in anno sanguinem adustum evomit, forsàn quia menses non satis copiosè profluunt. Hanc evomitionem sequitur dolor ingens & maximus ventriculi.

Ante vomitum autem pituitam copiosè ex capite ad ventriculum delabentem percipit, mox difficultas respirandi adeo magna subsequitur, ut vix loqui possit. Eadem tamen die aut subsequenti nocte, ingenti superveniente sudore totius corporis, respiratio fit liberior, paulatimque in integrum restituitur. Post sudorem, vel etiam in ipso sudore nausea supervenit, & sumpto ad semimensuram jusculo, vomitus, ut superius dixi, subsequitur.

Hæc omnia, quæ recensui, cum anno 1616. mense Januario Masopolin ad reverendam Canonissam Dn. *Barbaram Blaurerin* à *Wartensfel* vocatus essem, una cum clarissimo atque doctissimo Viro Dn. *Claudio Deodato*, reverendissimi & illustrissimi Episcopi Basileensis Medico, & per mensem ferè integrum apud ipsam commorarer, partim ex ore ipsius ægræ excepi, partim quoque his meis vidi oculis. Non mirum est, clarissime atque amantissime mi Dn. *Sarazene*, corpusculum hocce alioquin delicatulum, tantis doloribus, gravissimisque symptomatibus tamdiu resistere posse? etiamsi enim à totannis, uti dixi, tam sudore isto copioso, quam vomitu vehementissimo quotidie ferè excrucietur, corpore tamen non usque adeo extenuata, & quod admiratione non vacat, mente satis hilaris est, fert, ut patienter, constanter & Christiane, quæ sibi à Deo Optimo Maximo adveniunt adversa & tristitia.

Atque hæc est hujus admirandi ac rarissimi casus narratio, cujus similem ego quidem nunquam observavi: legimus tamen apud *Marcel- lum Donatum* lib. 4. cap. 3. exempla aliquot. *Johannes Schenkæ* observationum medicinalium lib. 3. ex relatione clarissimi ac æterna laude dignissimi Viri Dn. *D. Jacobi Zwingeri* p. m. scribit his verbis: Reliquæ virgini cum essem Patavii, *Herculus Saxonia* navavit operam, quæ jam

*Observatio  
de vomitu  
admiranda*

annis

annis trigintā vel quadraginta assidua vomendi violenta exagitata; nunquam deglutit tantillum panis, aliūve cibi, quin mox idem, pro ut assumpsit, rejiciat, nullo corporis aut faciei damno, ut mirum sit, unde, cum nihil retineat, sibi victum pareat. Hæc ex itinere adhuc defatigatus ad te data occasione clarissime atque amantissime mi Dn. *Sarrazene*, festinanti calamo scribo, cui ut ignoscere velis, multum rogo. Addidissē consilium, quod reverendæ Canonissæ reliqui, sed propter temporis angustiam id fieri non potuit, fiat id aliās, si Deus Opt. Max. vitam concesserit. Vale, & cum tuis omnibus, quos mecum salutat uxor mea felicissimè vive diu. Raptim Bernæ 9. Augusti 1617.

*Consilium pro prædicta Domina Canonissa Germanicæ ad ipsam perscriptum.*

Gravem omnino & perdifficilem Domina reverenda Nobilissimæque affectum illum tuum existere, extra controversiam est: quippe quum natura annis jam plus quam triginta pressa ita, modo non oppressa fuerit; quis dubitabit, tam altas interim morbum radices egisse, quæ vix evelli rursus, & averruncari ulla arte poterunt. Et profecto, si secundum artis nostræ Medicæ certissima pronuntiādum fundamēta, pristinam & perfectam sanitatem R. Dn. nec polliceri, nec præstare quisquam poterit. Propterea tamen totum opus Naturæ etiam non committendum; hac enim ratione morbi vehementia victa, citius succumbet: sed potius quantum fieri poterit illa juvanda, & symptomatum vehementiorum insultus cohibendus aut mitigandus est.

*Vomitus  
non impe-  
diendus.*

Quia verò naturæ longo jam tempore ita vomitus consuetus, ut in habitum ille quasi abierit; nec poterit facili, nec etiam debet motus hic in posterum impediri. Quod si enim hac in parte quicquam tentaretur, ac vitiosi illi humores, quos tanquam onus grave, excutere vomitu natura hætenus quotidie solita, retinerentur; certè periculum extremum in prociū futurum nemo non videt. Ergo tutius omnino erit, & consultum magis, ut naturæ in hoc conatu suppetias feramus; & membra principalia, visceraque interiora ita roboremus, quo vires, quarum hic in primis habenda ratio, conserventur. Id autem assequi poterimus primo quidem, & præcipuè victus ratione adhibita conveniente: deinde etiam medicamentis idoneis intra & extra sumptis.

Cibis mali succi & acribus R. Dn. non utatur: sed iis, qui & conco-

Qu

Aut faciles, & parva etiam quantitate sumpti bene multumq; nutrant: ita enim natura excrementitiis humoribus minus gravata, morbo sese fortius, & majore cum successu opponere poterit. Quales autem cibi hi sint, operæ precium duco pluribus commemorare cum R. Dn. longa jam experientia edocta, proculdubio cognitum satis, & perspectum habeat, qui hac in parte sibi magis convenient.

Ad vomitum provocandum cum natura (propter humores illos, quos acres, & acidos R. D. deprehendit quique è liene in ventriculum absque dubio effunduntur) jusculo potius gaudeat, quam vomitorio alio, etiam convenientissimo, dubium non est, quin natura ex jusculis illis, licet diu non retineantur, aliquid succi boni extrahat, seque eo quodammodo refocillet. Quapropter R. D. quo huic etiam naturæ appetitu satis fiat, juscula semper eligat, & assumat meliora, utpote carniū, quæ si in promptu non habentur, ignobilioribus tamen aliis adde-  
*Vomitum quomodo provocandus.*

℞. cinnamomi ꝑij

croci

macis ana ꝑij

sacchari ꝑiij. Misce.

Quia etiam omnia pingua, unctuosā, & oleaginea, laxando, & lubricum faciendo superius ventriculi orificium, vomitum valde promouent, idēd juscula pingua propinentur, quæ si per se talia non sint, addatur cochlear unum olei amygdalarum dulcium, quod hoc loco maximè convenit, non tam ad promovendam, uti dictum, vomitionē, quam ad temperandam humorum in ventriculo acredinem, sicut & ad morsus illos, ac rosiones tam in orificio ventriculi, quam in palato post vomitum, mitigandas, & inhibendas R. D. eodem utatur oleo, vel laetæ amygdalino ritè præparato. Extra verò paroxysmum à pinguioribus in cibo diligentissimè sibi caveat.

Vomitum quia natura, viresque vehementissimo hoc conatu mirum in modum debilitantur, necessarium omnino erit, ut his illud succurratur: quod sub initio haud incommode fieri poterit jusculo carnis  
 L bubulæ

*non*

*Tragac. Stomachica*

*Anhusia:*

*Teph. sim.*



bubulæ, aut caponis, vel utatur pulve alba *Wetmarm d* & a, ex vino, ovis, saccharo, & butyro parata: vel sumat aliquid ex supra posita tragæa: aut cum ovo fortis vini haustum superbibat. Quæ si minus arident, degustare poterit aquæ cinnamomi sine vino destillatæ cochlear unum, atque alterum, addendo parum confecti onis alkermes, quæ cordi mirum in modum auxiliatur, ventriculum, reliquæque viscera interiora roborat, & vires confortat. Sequentes item tabellæ summopere conveniunt.

*Tabellæ.*

R. specierum aromatici rosati  
diarhod. abbat.

diatrionfantal. ana *3i*

Pul. cinnamomi elect *5j*

confecti onis alkermes *3jß*

sacchari dissoluti in aqua cinnamomi *3iij.*

Misce, fiantque s.a. tabellæ.

Ex quibus singulis diebus mane & vespere, post cibum quoque sumptum unam comedat.

*Flatus quo-  
modo dis-  
curiendi.*

Ad flatus, qui post vomitum è ventriculo ascendentes molestiam haud levem pariant, deprimendos & discutiendos, non solum proderunt omnia, quæ ventriculo, & viribus roborandis dicata suere, utpote cinnamomi aqua, confectio alkermes, & tabellæ, sed præter ea anisi conditiusus R. D. debet esse frequentissimus, quo non solum post cibum sumptum utatur, sed aliàs etiam per diem sæpius: quin imò si nimis ascendunt, & urgent flatus, parum aquæ anisi cum saccharo, vel olei anisi destillati guttæ tres, cum vino albo calidè sumendæ.

Hicce & similibus medicamentis internis pro ventriculi confortatione debito modo adhibitis, ad topica etiam deveniendum: Unguentum itaque, quod cor & ventriculum maximè respicit, tale fiat.

*Unguentum  
cor & ven-  
triculum  
roborans.*

R. olei menthæ & scorpionum ana *3iij*

nuc. muschat. *3vj*

caryophyll. *3ij*

croci orientalis subtilissimè pulverisati

cornu cervi usti & præparati

margaritarum præparat.

confecti onis alkermes ana *3j.*

Misceantur diligenter in mortatio, fiatque linimentum, quod reservecur in vase vitreo.

*Lin.*

Linimento hoc cordis, & ventriculi regio sæpius inungatur.

Præter ventriculum, hepatis, & lienis quoque diligentissima habenda est ratio, siquidem hepar, quod iusto calidius, morbo augmentum addit: Lien autem præcipua mali hujus causa existit, id quod præter illa ex acidis istis, & acriminis humoribus, qui vomitu rejiciuntur, haud obscurè liquet. Hepatis ergo caliditas, ut temperetur, omnia calida, & multum aromatizata in cibo vitanda. Vinum si generosius, aqua diluendum, quod tamen simplici, & cruda, propter ventriculi inbecillitatem non faciendum: sed in hunc usum ejusmodi decoctum fieri potest.

*Hepaticæ  
lor quomodo  
temporandum.*

*Decoctum.*

*R. veronicæ*

*agrimonix ana M. j,*

*N:*

Coquantur igne forti in aqua Bibl. usque ad consumptionem quartæ partis. Dum fervet adhuc, infunde in aliud vas, addendo cinnamomi minutim incisi ꝑijij sacch. ꝑjß. Vase bene obdurato refrigerescat. Hoc decoctum, & hepatis erit utilissimum, & non injucundum.

*Purgatis.*

Per intervalla quoque corpus leviter expurgandum cum rhabarbaro, vel syrupo rosarum, aut syrupo cichorei cum rhabarbaro præparato, qui hic inprimis convenit: Sed rhabarbarum prius in aqua cichorei infundatur & maceretur: Cinnamomi etiam aliquid, & anisi addatur.

In purgationibus ejusmodi lien semper respiciendus, & rhabarbaro propterea conjungenda sena, polypodium samaria, cuscuta, lingua cervina, & similia. Herbarum autem dictarum optimè coquantur, priusquam rhabarbarum addatur: hac enim ratione sena non tantos excitabit flatus, qui etiam cinnamomi, & anisi additione præcaveri poterunt.

Propter lienem etiam lignum tamarisci interdum in vino pernoctem infundatur, aut in aqua coquatur, ex qua horis matutinis sumatur haustus: Latus sinistrum inungatur oleo de capparibus.

*Ad lienem.*

Ad proximum mensem Majum, cum rosæ recentes in copia haberi possunt, suaderem ut R. D. virtutes earum experiatur sequenti modo. Purgato prius corpore rhabarbaro, & sena, collectisque, à purgatione per aliquot dies, rursus viribus singulis diebus horis matutinis bibat infusionis rosarum ꝑijij, abstinendo per horas tres ab omni alio cibo, potuque. Quod si laxior ex hujus usu fiat alvus, uti accidere quandoquidem observavi, per diem unum poterit quiescere, & bibere diebus alternis. Infusio autem, quam dixi, rosarum tali modo præparabitur.

*L 2 R.*

*Infusio ro-  
sarum.*

℞. fol. rosarum purpurearum ꝯiij. In olla nova vitreata infundantur in aquæ ferventis ℥iij. Vase bene clauso maneant per horas 24. postea iterum calefiant, & forti expressione colentur. Colatura servetur ad usum, uti dictum. Si loco aquæ vulgaris sumatur destillata ex cichotei, agrimoniz, veronicæ æqualibus partibus, infusio erit præstantior, ex cujus usu plus emolumenti R. D. expectare poterit. Nobiliorem adhuc habebit, si in colaturam primam rosæ recentes iterum infundantur.

*Ad præfo-  
cationem  
muri.*

Affectus ille, qui R. D. singulis mensibus post purgationes mēstruas affligit, quo veluti syncope correpta per horas aliquot omni sensu privatur, maximam partem ex vaporibus oritur malignis, ex utero ascendentibus: quem quidem affectum, si lien non movet, certè promoveret, id quod haud obscurè colligitur ex palpitatione in hypochondrio sinistro, quæ semper præcedere solet. Huic malo ut succurratur, ab initio statim dum irruit, fortissima fiat ligatura tibiarum sub genu, ut vapores cerebrum impetentes hac ratione revellantur, instilendus etiam clyster, cui præter melissâ, artemisiâ, matricariâ & angelicâ incoxerint. Quod si R. D. ab usu clysterum abhorreat, suppositorium saltem acrius immitatur. Naribus suffumigationes è plumis perdicum, inferioribus verò partibus storax, benzoin, & similia admoveantur. In hac matricis præfocatione ad duo imprimis diligenter attendendum, causam scilicet & symptomata. Causa alia non est, nisi humores corrupti, & vapores inde maligni efflorescentes, in utero, quo faciunt etiam, uti dictum tetri vapores è liene ascendentes. Hanc causam R. D. quia tempus accessionis semper ferè præsentire potest, convenienti purgatione prius evacuare studeat, ubi medicamenta supra posita optimè conveniunt, ut rhabbarum, folia senæ, benedicta item laxativa, confectio hamech & similia.

In ipso autem paroxysmo symptomatum vehementia, quantum quidem fieri potest inhibenda, & præter ligaturas extremorum, & suffumigationes, cor imprimis roborandum. Exhibeantur itaque aqua cinnamomi, melissæ, buglossæ, borraginis, & rosarum, lapis Bezoar, margaritæ præparatæ, cornu cervi ustum & præparatum, theriaca, & cum syrupo citrionum. Potest etiam ex aquis modo dictis, aut omnibus, aut aliquibus mistis fieri epithema, & regioni cordis applicari, præstantius erit, si croci, cinnamomi, aceti rosacei, & vini malvatici parum addatur.

Vene

Venæsectionem quod attinet licet illa R. D. multis jam annis fuerit usitata, ætate tamen jam ingravescente, viribusque declinanibus, non nisi circumspectè, & summa cum cautione administranda. Hujus autem loco venæ hæmorrhoidales semel atque iterum per annum speriantur: imprimis quia purgationes menstruæ jam deficere etiam incipiunt: Dubium enim non est, quin apertio harum venarum insignis commodum, atque levamen allatura sit: lienosis siquidem affectibus singulariter succurrit, sanguinem crassum, & melancholicum evacuat, ita ut vel hac etiam ratione vomitus ille sanguinis, quo R. D. septies vel octies per annum molestat, prohiberi posse videatur.

Alvus semper sit laxior, quæ si quando non respondet, Clysteribus provocetur: quibus semper flores chamomillæ, & sambuci, semina fœniculi & anisi (propter flatum) melissa, matricaria. artemisia (propter uterum) incoquantur.

Atque hæc sunt, quæ in gravissimo hoc affectu R. D. proponere volui, certa spe fretus, eam ex recto horum omnium uso si non pristinam, & integram sanitatem, maximum tamen levamen habituram. Deum ter opt. max. precor, ut omnibus hæc clementer benedicat, suæque gratia R. D. adsit, quo animo placido, & patienti tantos gravissimi morbi insultus feliciter tandem superare possit. Mazonopoli 6. d. Januarii Anno 1616.

*Clarissimo Viro D. D. Guilielmo Fabricio Hildano in clytæ Reipubl. Bernensium Medico-Chirurgo celeberrimo, Philiberto Saracenus S. P. D.*

Angor sanè intimis sensibus, Vir clarissime & amice obserande, me tam diu nihil at te literarū dedisse, nec ad tuas officii & industriæ plenas respondere potuisse. Si ullius negligentia mihi essem conscius, vix ullam, quàm me redimerem ab hac culpa, iniri rationem à me posse existimarem. Præclara enim animi erga me tui inductio, prolixioribus officiis testata, tum etiam eximia in publicum merita, & istud indefessum augendæ & locupletandæ rei medicæ accuratissimis observationibus tuis studium, bonos omnes ac me potissimum, cui earum nonnullas videre voluisti, ita devincit, ut graviter delinquere mihi viderer, non modo si etuditiis literis à te lassus in officio cessarem, verum etiam nisi te ultro provocarem, laudabilesque tuos conatus bono publico dicatos, secundo quasi applausu & acclamatione erigerem ac incita-



rem. Liceat enim mihi id sine suspitione captatæ gratiæ testari, in tam cæcis & fallentib. ægræ mortalitatis casibus, qui exercitatissimis quoque in arte nostra negotium facessunt, nihil vel ad artis medicæ lumen illustrius, vel ad incrementum locupletius, vel ad hominum usus uberius, istis observationibus reperiri posse existimo. Atque utinam, in eadem tecum palæstra nobiliora & in hac facultate provectiora sese subigerent ingenia, spes esset, fore brevi, ut ex his perplexis ambiguitatis salebris, in quibus adhuc, dum obhæret, eluctata facultas medica, gloriosum caput attolleret, & eruditæ antiquitatis gloriam adæquaret. Verum, quod pauciores hæc cura tangit, eò jucundior & acceptior tum præsentium post futuro seculo erit iste labor tuus, quo ipsius emolumentis tam præclarè consultum esse voluisti. Cui ego sanè mirificè fa-veo, & si adesset facultas, cuperem æmulari, sed eadem me causâ ab hoc conatu arceat, quæ hætenus à scriptione revocavit. Crede enim mihi, clarissime & amicissime Fabrici, nullam aliam tarditatis istius causam præter assiduas & inexhaustas occupationes extitisse. Nisi enim stationem, in qua nos summus ille Arbitrator collocavit, deserere, & ad languentium gemitus & suspiria obsurdescere malimus, in hac quantulacunque auctoritatis per tot annos in re medica peritiæ fama, ita nobis eorum saluti serviendum est, ut o mne tempus ipsis impendatur, & vix quicquam lex eo ad naturæ usus, corporis quæ refectioem, nedû ad excolendas debitis officiis amicitias, otii eripi possit. Ignoscas igitur huic cessationi meæ, non mea culpa extortæ, sed negotiorum mole extortæ.

Ad præcedentem observationem responsio.

Historia illa de religiosa Masanapolensis triginta annos perstante vomitu, nobis non usque adeo nova & insolens est; quippe qui virgines istas sacras frequenter eo symptomate, alias brevius, alias diutius vexatas, tum alibi, tum in ista urbe, in cænobio Divi Petri, crebris experimentis didicimus. Mali istius causâ & origo in universum à retenti seminis labe & corruptela repetenda venit. Hæc enim in valis spermaticis abundantius cumulatam, à facultate expultrice per omnia in uterum deponitur, in quo ob clausum os uteri moram trahit, & impermissum semini virili, nec ad conceptum alteratum, putrescit, & noxiam venenatamque qualitatem contrahit, hæc naturæ infesta, cum totum corpus, tum maximè os ventriculi, retro & maligno habitu feriens, id ad depulsionem ejus, quod sibi molestum est, laceffit & sollicitat: quod dein facultas expultrix amoliri studet, simul quoque quicquid pravi & superflui humoris in ventriculo & in partibus vicinis colle-

ctum

Momies  
for Amici  
mily obm  
Xis:  
D. C. V

Atum est, exigit ac depellit. Hinc illi tam frequentes, imò quotidiani ac diurni vomitus, qui tam diu affligunt, quam diu corruptum semen in utero stabulatur. In specie verò in ista nobili Vestali, symptomati huic peculiariter fuisse judico, parvam ex orto ipso viscerum ac præsertim hepatis constitutionem ac ejus inemperiem in frigidum magis vergentem: quæ obstructionibus à crasso lento humore profectis valdè opportuna, cachexiam (pituitosam maximè) quæ virginum nitor obsolescit, & alia symptomata olim commisit. Prodit autem le cibi appetentia, nec extenuato corporis habitu, quæ in hac virgine erant conspicua. Ex hoc hepatis vitio magna humoris pituitosi copia, nimia illa voracitate aucta, succrevit, ut omnes corporis partes ejus quasi diluvio scaterent. Pubentibus verò annis, quibus genitales partes secundo semine turgentes, ad libidinem prout incipiunt, abundantius semen in capacitatem uteri depletum, ibique situ corruptum ac labefactum est. Unde ad os ventriculi, exspirante subinde maligna autè, ac ad ejus amolitionem concitata facultate, humoris, quicunque in ventriculo vel genitus, vel ex aliis partibus accumulatus est, per vomitum exclusio est insequuta, qui tam diu eam tenuit, quam diu eam irritans causa persistit. Hæc verò labes cum viscerum naturalium, ac ventriculi potissimum facultates imminuisset, & eorum functiones offudisset, non mirum, si copiosius in cerebro ac universo corpore pituita restagnans, variolas capiti magis quàm aliis partibus molestas, crebras fluxiones, passionem colicam, & ex ea parte sin, mensium fluxum restrictiorem, sudorem totius corporis universalem intulerit. Nec mirum, si aucto malo, in diaphragma fauces, ac cor ipsum malignus vapor sedatus, respirationem difficilem & strangulatum uteri commiserit.

Habes meam de horum symptomatum ac præcipuè de perniciosissimis illius vomitus causis sententiam. Quod si illius compescendi præsidium à me requiras, nullum opportunius & efficacius venisset one tibi suggerere possim. Detrahitur enim sanguis, non profert in posterum tantam seminis copiam, quæ natura gravis, eam ad sui expulsiorem sollicitet, sed quæ vel in suis vasibus innoxie asservari, vel in nutritionem eorum facile absumi possit. Habes præclaram in simili planè casu apud Johannem Mathæum de Gradi prætic. part. I. de ægritudinibus sto. nachi. cap. 5. narrationem quæ sententiæ nostræ ad stipulatur. Neve. ò solus a symbolus sin. nihilque, quod centuristis accenseri possit

Observatio  
admiran-  
da de  
pericardii  
Rheumatis-  
mo an-  
te, si-  
cuius  
ripto.

sit conferam. En habet observationem raram, ac prorsus admirandam. Decessit nuper post puerperii labores illustris. D. D. Dhalincourt, Pro-  
regis in Gallia Lugdunensi conjunx, cujus rimato cadavere, cordis il-  
lud in volucrum, quod pericardium dicitur, cordi ipsi adhæsisse, hu-  
moreque illo naturæ providentia ad ejus irrigationem & refrigerium  
instituto, vacuum fuisse reperiunt est. Restupenda profecto, & nemini  
antea, quod sciam, observata pensent sane illa ex humoris istius ino-  
pia evidentiā incommoda. Nam æstuans perpetuò aërem captabat fri-  
gidum, siti molesta torquebatur, ne tenuissimi etiam tegumenti pa-  
tiens, pectus nudabat, quin etiam à fervidiore corde concalēfactis  
pulmonibus, in eorum bronchia attractis atque extorrefactis humo-  
ribus, difficili respiratione laborabat, quæ symptomata nulli alii  
causæ potius, quam pericardii ariditati imputanda sunt. Multa  
observatu digna in praxi quotidiana subinde occurrunt, sed nego-  
tiorum moles, accuratius illa annotare non sinit. Spero tamen  
Deo clementer annuente, ex his occupationum undis me aliquan-  
do emerfurum, & in bono publico exaggerando, tecum operam  
ociaturum. Interim tamen *Fabrici* clarissime ac optime, dum otium  
supperit perge tuam Spartam naviter exornare, & tuis præclaris labo-  
ribus, seræ etiam posteritatis gratiam mereri. De me quoties cogitabis,  
de homine tui studiosissimo & cupientissimo cogitare te existima. Va-  
le & quàm felicissimè age. Hæc manu & stylo Excellentissimi viri Dn.  
*Pauli Krokeri* Raptim ad te scribo Lugduno.

## OBSERVATIO XXXIII.

De inveterato dolore ventriculi, ejusdémque com-  
pendiosa curatione.

**M**atrona quædam honesta, ac pia cum ultra annos duos de dolore  
ventriculi conquesta fuisset, nec ullis remediis ventriculum ro-  
borantibus, aut per inferiora purgantibus sanari potuisset tandemque  
ex consilio Dn. D. *Danielis Düsbürgensis* Clivorum Medici cele-  
berrimi vomitivum accepisset, frustrum corii laridi sumo exsiccati,  
quod ante duos annos inopinanter, cum difficultate tamen deglutie-  
rat maxima cum admiratione adstantium evomuit, & brevi plenissi-  
mè

mè convaluit. Utinam semper causæ morborum tam faciliè debellari possent. Hæc ex relatione ipsius Dn. D. *Danielis* amici mei integerrimi habeo.

## OBSERVATIO XXXIV.

Ex esu fungorum symptomata gravissima sequuta,  
ubi etiam de lapide Bezoar.

**P**Princeps quædam magni nominis, cum quadam die in prandio fungos comedisset, sub vesperam dolore torminibusque maximis ventris, nec non cardialgia correpta fuit, mox quoque vomitus, & fluxus ventris supervenerunt. Primò excrementa, & fungos excrevit, mox quoque mucum, qui intestinis adhæret, sanguinemque deiecit, lipothymiz frequentes, & virium prostratio aderant, & ita quidem, ut excrementa involuntariè simul, & sudores frigidi profuerent, intellectus quin etiam, omnesque actiones diminuerentur. Medici etiam summam adhiberent diligentiam, morbus tamen medicamenta præcellere, eaque respuere videbatur. Totam itaque noctem veluti in agone contrivit. Altera die cum Princeps (quæ peregrè absentem iligò acciverant) advenisset, protinus ad grana quadraginta lapidis Bezoar Otiétralis in pollinem redacti ex vino albo propinavit, post semihoram sudor calidus, & universalis supervenit, & intellectus rediit, mox somnum quoque repetiit, cujus beneficio vomitus, simul & fluxus sanguinolentus cessarunt, & intra paucos dies integram valetudinem recuperavit, multosque annos incolumis supervixit, ut egomet testis ocularis sum, cum anno 1610. Principi in gravissimo morbo per menses aliquot adesset, atque ea, quæ scripsi, ex ipsius & uxoris relatione annotarem.

*Depressan-  
tia lapidis  
Bezoar.*

*Lap. Bezoar.  
dusi ad  
Ag. dig.*



## OBSERVATIO XXXV.

Ex esu fungorum vomitus vehemens, & descensus  
intestini in scrotum.

**N**obilis quidam circa Laufannam *Robert du Gai* Seigneur de le  
chaux nomine, cum anno 1614. mense Augusto fungos comedis-  
set, vomitu adeò vehementi correptus fuit, ut intestina in dextram va-  
ginam cum impetu detruherentur. Ego tertia die morbi unà cum Dn.  
D. *Abelo Roscio* Medico Laufannensi celeberrimo in auxilium vocatus,  
in maximis angustiis ipsum invenimus: Dolor enim vehemens, & vo-  
mitus frequens aderant. Adhibito sacculo ex radicibus, herbis, flori-  
bus, & seminibus emollientibus, lenientibus, & discurrentibus, inte-  
stinum in situm naturalem (non tamen sine maximo labore) tandem  
reduxi, convaluitque æger.

## OBSERVATIO XXXVI.

Ex solo contactu fungorum, quæ symptomata  
consecuta.

**N**obiles nonnulli, aliique viri docti, ex quorum numero clarissimi  
viri Dn. D. *Daniel*, Medicus Durburgensis Clivorum, & Dn. D.  
*Knoussius*, Medicus Tremonienfis quoque fuerunt, virgines item, &  
matronæ nobiles, cum in Belgio per viridaria, prata, & nemora obābu-  
larent, & unus alterum, alteramve jocose fungis peteret, domumque  
reversi essent, labia Dn. D. *Knoussii* eadem vespere, ac interim dum cœ-  
nabant, supra modum intumuerunt. Mos autem illi erat, ut continuò  
ferè barbam digitis tractaret, atque adornaret, quod cum ea die quoque  
illotis manibus, ut dici solet, fecisset, & labia digitis sæpissimè attrigis-  
set, mirum non est (cum fungi venenosam, & lethiferam in se continerēt  
qualitatem, ut Dioscorides & Galenus testantur) si ita, uti dixi, intumue-  
rint labia. Post cœnam tamen, ac postera die, cum aquam Scapedia-  
nam, quam Dn. D. *Daniel* secum ferebat, applicuisset, brevi convaluit.

Hæc

Hæc ex relatione Dom. D. Daniel Daniels, qui ocularis testis est scribo.

*Annotatio.*

Ex his videre licet, quàm periculosus sit esus fungorum, ac proinde, & culina meritò eos ejiciendos esse. Etiam si enim nonnulli edules sint, ut *Dioscorides* & *Galenus* concedunt, malignam tamen, & venenosam qualitatem in se continere quoque testantur, & ita quidè, ut selectiores, aut innocentiores, ut *Dioscorides* loquitur, largius sumpti quoque noceant. Reliquos (Galenus verbis utor) verò omnes tutius est, ne attingere quidem: multi enim ex ipsorum esu interierunt. Et *Plinius* de fungis scribens, hæc habet verba: Familias nuper interemere, & tota convivia, Anneum serenum præfectum Neronis vigilam, & tribunos, & centuriones. Quæ voluptas, addit *Plinius*, tanta, ancipitis cibi? Mulierem ex esu fungorum in morbum gravissimum incidisse, & ab eo insanam permanuisse, refert *Forssus*. Plura qui hujus satiræ exempla videre cupit, videat *Johann. Schenckium* observat. Medic. lib. 7.

*Diosc. lib. 4.  
cap. 83. Ga-  
len. de ali-  
ment. lib. 1.  
& lib. de  
Euchymia  
& cacochy-  
mia.*

*Plinius lib.  
22. cap. 23.*

*In Scolio ad  
observ. 216.  
lib. 10.*

OBSERVATIO XXXVII.

Quidam veneno infectus, Antimonio pristinae sanitati restituitur.

S Abaudus quidam ad lacum Lemmanum habitans, vir robustus, spirituosus, & quadraginta circiter annorum ætatis in convivio quodam splendido unâ cum uxore veneno inquinatus fuit. Illa cum paulo post circa undecimam noctis naturæ maximis cum doloribus satisfecisset, ille verò graviter laboraret, quæ circa defuncti merant agenda, amicis commisit: & nave trajecto lacu Lemmano, Laufannam ad me venit, circa horam sextam matutinam, narrans omnia, quæ in præcedenti cœna acciderant. Occurrebat mihi tunc in mentem divini *Hippocratis* dictum, extremis morbis extrema adhibenda esse remedia: quæ propter cum venenum adhuc in ventriculo latitare ex dolore, eructationibus, aliisque indicibus probè cognovissem, & propterea insigni, ac vehementi aliquo vomitorio opus esse viderem, protinus ad grana sex

M 2 antimo-

antimonii præparati in substantia (infusum enim ut daretur, violentia morbi non admittebat) cum scrupulis duobus confectiois alkermes, & nonnihil cornu cervi usti & præparati, exhibui. Eadem die cum multum evomisset, dolor & incendium ventriculi ex toto ferè remiserunt. Deinde singulis diebus tribus horis ante prandium nonnihil de sequenti ele&uario sumebat.

*Ele&uariũ.*

℞. theriacæ androm.  
 confectiois alkermes ana ʒij  
 conservæ salviæ  
 menthæ  
 corticum citri condit. ana ʒj  
 cornu cervi usti & præparati  
 margarit. præparat. ana ʒiiij  
 cum tyropo conf. corticum citri

Fiat ele&arium.

Pro potu ordinario, nihil præterquam lacte amygdalino cum saccharo, & nonnihil cornu cervi usto, & præparato utebatur. Sic intra paucos dies plenissimè restitutus fuit, sanusque ad suos rediit.

## OBSERVATIO XXXVIII

Ex haustu maximo aquæ frigidæ ingens dolor ventriculi cum mentis alienatione sequutus.

**D**Onesticus quidam nobilissimi, ac strenui viri Dn. Rudolphi ab Ersach nobilis Bernensis, vir robustus optimoque corporis habitu præditus, & triginta circiter annorum ætatis, cum Anno 1616. 23. Febr. in adibus nobilis sui pro more prænsum esset, & statim à prandio urbem egrederetur, nec non ex fonte ante portam inferiorem urbis, ore ad moto tubulo fontis, maximum haustum avidè bibisset, statim dolor ventriculi exortus est, qui paulatim adeò exacerbatus fuit, ut non nisi summa cum difficultate ad ædes nobilis sui redire posset. Quo cum pervenisset, talis fuit dolor, & cruciatus, ut duo vel tres viri quantumvis fortes ipsum vix retinere possent, ne impetu suo veluti phœneticus spondam distumperet. Ego cum advocatus essem & nauseam adesse viderem, statim maximum haustum aquæ tepidæ cum oleo

*Curatio.*

oleo communi propinavi: paulo post provocato vomitu, cum ter, quaterve vomuisset, dolor aliquomodo cessavit, & qui paulo ante mente captus & furiosus fuerat, paulatim ad se redire, & sapere cepit, sed quia inquietudines, & dolores adhuc instabant maximæ; post vomitiones sumpro jasculo, & hausto lacte amygdalino, circa decimam noctis nonnihil Nepenthis, & confectionis Alkermes cum aqua cinnamomi dissolutis exhibui: quævit satis bene ea nocte. Sequenti die dedi portunculam purgantem: hinc cum bis terve vomuisset, & alvus aliquoties subducta esset, deinde quoque infuso vini absinthii, menthæ, cardui benedicti, & similibus, quæ ventriculum roborant, usus fuisset, intra paucos dies plenissimè convaluit.

Quæ autem hujus doloris fuerit causâ præcipua, non facîle mihi perspectum est, cum alioquin aqua illa satis sit salubris, & fons ille præ aliis laudetur.

Utinam adstantes diligentiores fuissent, & materiam quam vomuit, antequam abjicerent, prius, uti jussieram, mihi monstrassent, ex inspectione illius procul dubio certius de vera causâ judicium fieri potuisset.

## OBSERVATIO XXXIX.

Ex maximo haustu aquæ vitæ, quæ incommoda, & commoda sequuta.

**E**X immoderato usu aquæ vitæ homines multos periisse scimus. Idem ante annos aliquod ancillæ meæ ferè accidisse memini. Erat illa viginti circiter annorum ætatis, retentionibus mensium, maximisque obstruccionibus viscerum ab aliquorannis obnoxia: vino quoque omnino dedita. Quid si: quadam die post prandiam, cum ampullam aquæ vitæ plenam, quam in hypocausto reliqueram, clam apprehendisset, ad satietatē ita bibit, ut paulo post humi cadens, ad semihoram veluti mortua jaceret. Hujus mali causâ, cum nobis nondum cognita esset, perturbati fuimus omnes; vicini quoque nobiscum solliciti accurrunt, nihil aliud existimantes, quam ipsam jam jam animam reddituram, mox tamen quasi ex sopore expergefacta, cum ex una in alteram partem aliquantum se projecisset, sequuta est eructatio, & vomitus



ram copiosus, ut serè in credibile sit: præter cibum enim, quem paulò ante in prandio sumserat, etiam multos pravos viscidosque humores evomuit, & per alvum rejecit. Tunc nobis primo ex odore excrementorum causa hujus tam gravis affectus innotuit. Tota illa nocte veluti in agone permansit. Interim ego refrigerantia, & corroborantia, veluti serum lactis decoctum agrimonie, & veronice, cum syrupo berberorum (quibus & nonnunquam nonnihil confectiois alkermes admiscui) juscula item castratorum, in quibus acetosa, borrago, buglossa, & similia incocta fuerunt, copiosè propinavi. Tandem convaluit, à cachexia quoque plenissimè restituta fuit. Sic post prandium in commodum cessit, quod procul dubio jejuno, & vacuo ventriculo ipsi exitiosum, lethiferumque fuisset.

## OBSERVATIO XL.

De fluxu hepatico, & rejectione substantiæ hepatis, post usum Turpethi mineralis.

*Fluxus hepaticum.*

**A**Nno 1609. mense Martio, nobilis quidam Freiburgensis Helvetiorum Caspar von Praroman nomine, cum obstructionibus viscerum, difficultate anhelitus, & tussicula aliquandiu laborasset; tandem fluxu hepatico correptus quoque fuit. Ego una cum Dn. D. Sebastiano Meyero ejus Reipublicæ Medico ordinatio in consilium adhibitus, ipsam substantiam hepatis veluti baculo concussam, & in pulcem dissolutam, necnon excrementis copiosè permixtam, per aliquot dies observavimus. Hoc effectu cum per paucos dies laborasset, ac febris aucta, vires verò imminutæ fuissent, naturæ debitum tandem persolvit.

*Mercurialia & antimonialia in affectibus hepatis non temerè adhibenda.*

Causam autem hujus fluxus fuisse Turbith minerale Dn. D. Nicolaus Paccotus Reipublicæ Freiburgensis Helvetiorum Senator prudenter, & Medicus ordinarius mihi asseruit anno 1615. 26. Martii, qui & descriptionem tabellarum ex speciebus diarrididis, diatragacanti, stig. floribus sulphuris, & Turbith mineralis cum saccharo (quibus æger aliquandiu per intervalla usus fuerat) se vidisse mihi affirmavit. Non abs re itaque monent Chymici, Mercurialia & Antimonialia in affectibus hepatis & pulmonis non temerè exhibenda esse. Genere & virtute nobilissimum Virum Dn. Benedictum ab Erlach Reipubl. Bernensis Consiliarium

*G*liarium prudentissimum eodem morbo obiisse, ex relatione clarissimi Viri Dn. D. *Pauli Lentuli* habeo: qui & substantiâ hepatis (cû paulò post obitum nobilis ægrî Bernam venissem) mihi visendam obrulit.

## OBSERVATIO XLI.

## Hydrops potus abstinentia curatus.

ABEL ROSCIUS *Medicus Dof.* GUILHELMO FABRICIO  
*Hildano Chirurgo præstantissimo S. P. D.*

**G**ratias ago de tractatu D. *Lentuli*: quid de hac re sentiam, aliàs tibi coràm dicere & differere cupio, placideque de hoc subje&to tecum rationes conferre opto. De me vicissim omnia tibi benevolentiz studia promitto, atque officia offero. Observationem tuam de hydropo, cum anno præterito accepiissem, unam nostram, aut alteram ad te mittere decreveram, nisi obstitisset tanta domus meæ afflictio, pro illo, quem scivisti uxoris meæ gravissimo & diuturno morbo, ac ferè toto prodigioso, ac valdè mirando. Jam cum de novo eam historiam mihi in mentem ex tuis literis redegeris, meas lubenter ad te mitto paucis descriptas, ut tuo desiderio responderem. Libellum tuum de combustionibus nuper editum cum perlegerim, jucundum mihi fuit, non solum eruditionem tuam, sed & judicii tui quoque candorem perspicere, & quid tum mihi, tum aliis de te persuadere possim, patefacere. Id certissimè asseram, te non solum in hac civitate, sed in tota Helvetia & Sabaudia citra omnium controversiam primis honoribus in arte Machaonica meritò dignum ac dignissimum haberi. Verùm ut ad rem redeam, laudes tuas mihi nunc haudquaquam proposui decantare, potius tuæ ultimæ epistolæ breviter respondere decrevi.

Nobilis quidam Pædemontanus, cum pater meus piæ memoriæ *Historia.*  
*Ab. Roscius* praxin Medicam apud Delphinates exerceret, in hydropem illum, qui *Ascites* vocabatur, incidit, & propterea Medicum Doctorem ad se vocavit. Qui, cum dictam nobilem *Ascite* jam confirmata laborantem cerneret, & ab omni remediorum genere abhorrentem, cum hoc solo consilio curavit, atque perfèctè sanavit. Nimirum ei dixit: Si vis sanari nobilissime Domine, & si per se & ab hoc ingenti ventris tumore liber evadere, hoc est, si vivere velis, necesse est, ut sibi, quâ

cruciaris, mori deliberes. Hoc, si feceris, brevi tempore spero te sanitati restitutum iri. Hoc audito consilio Nobilis statim sibi ab omni potu imperavit, ita ut per mensem integrum nihil prorsus liquidi hauserit, & sanus evasit.

Bene vale doctissime *Fabrici*, teque à me amari certò tibi persuade. Salutant te charissima conjunx mea, ejusque mater *Marionus* Pharmapæus, cæteri que amici. Lausannæ quarto Nonas Sexulis anno Christianæ Epochæ 1607.

Alteram historiam, de evacuatione aquæ in hydropico per umbilicum, cujus meminit clarissimus Dn. D. *Roscius*, in exordio præcedentis epistolæ, lector in 2. centuria observat. §8. videre poterit.

## OBSERVATIO XLII.

## De infelici successu punctiōnis umbilici in hydropica.

Sectionis abdominis in hydropicis, quo in loco commodius insinuetur. Vena umbilicalis aliquando in hydropicis dilatat.

AD serosos humores hydropicorum evacuandos, *Paulus Aegineta* reliqui que Medici sectionem in abdomine paulò infra umbilicum, & quidem in opposita parte visceris affecti factam laudant. Ego etsi sectionem hanc non improbem, attamen evacuationem humoris serosi commodius per punctiōnem umbilici (præcipue, si naturâ eò tendente, umbilicus intumuerit, propenderit que) fieri posse, cum *Lawrentio* lib. 1. quæst. 16. sentio. Dilatat enim aliquando vena umbilicalis in hydropicis, ita ut serosi humores, & quicquid præter naturam in ipso hepate continetur, per ipsam quoque effluere possit: uti ex observat. 47. centuriæ. 1. videre licet. Accedunt & observationes raræ viro- rum doctissimorum, *Antonii Benivenii*, & *Laurentii*. Puellam hydropicam, à Medicis pro deplorata habitam, ex apertione umbilici, spontè facta curatam fuisse Dn. D. *Roscius* Medicus doctissimus, mihi que amicissimus observavit. Historiam integram Lector in editione centuriæ 2. observationum mearum Chirurgicarum observatione §8. videre poterit.

Porro etsi apertio umbilici in hydropicis ad expurgandos serosos humores commodissima sit via, & absque periculo fieri possit, multos quinetiam hoc remedio curatos fuisse, celebriores Medici testentur:

atramen hoc genus remedii non semper prodesse, sequens observatio fidem facit.

Anno 1611. mense Majo, mulier triginta annotū, ætatis Ascite laborans, cui umbilicus ad ovi magnitudinē propendebat. Dn. *Abelo Roscio* apud Lauffannenses Doctori Medico celeberrimo, & mihi adducta fuit. & quia vires utcunque constabant, ac natura viam nobis monstrabat; ut umbilicus pungeretur, deliberatum fuit. Instructura itaque optima vietus ratione, purgato item aliquoties corpore, & quæ interna viscera corroborant exhibitis, umbilicum præsentē prædicto Medico multisq; aliis scalpello punxi. Aquam, eā quidem, qua fieri potuit, diligentia, paulatim & bis solummodo in die parceque extraximus: Nihilominus tertia post punctiōnem die vomitus, & cibi fastidium superveniebant, vires diminuebantur, & intra paucos dies animam profudit.

*Observat.*

## OBSERVATIO. XLIII.

De periculosa dysenteriae curatione per aquam frigidam.

Anno 1610. mense Junio, quadragenarius quidam vir robustus & ænopola in thermis piperinis in finibus Rhetiz dysenteria, aut potius fluxu hepatico correptus fuit. Multum enim pituita & serosa humoris ad instar aquæ, in qua caro recens mactata lota fuit, excrevit, absque tamen difficultate & dolore. Suasit quidam, ut jejuno ventriculo maximum haustum aquæ nivis ebiberet. Ex proximis itaq; monitis sibi nivem adferendam curat, eamque ad Solem exponit, quā liquefactā, aquam quæ frigidissima bibit. Eadem die fluxus ventris imminutus fuit, subsequenteq; die planè cessavit. Sed paulò post dolore ac tensione hypochondriorum, præcipuè è hepatis regione correptus fuit. Ego cum eodem anno mense Augusto cum Serenissimo Principe *Janutio Radzivilio*, &c. thermas hasce inviserem, in consilium adhibitus fui. Tum manifestam duritiem tensionemque è regione hepatis inveni. Anhelitus difficultas, dolorq; ventris aderat; appetitus quinetiā cū omnium artuum lassitudine maxima prostratus erat. Ego semel atque iterum corpus clementer expurgavi, ventrem inunxi, & vinum ex radicibus, herbis, floribus, &c. aperientibus partesq; nobiles corroborantibus

*Fluxus hepaticus.*

*Dysenteria aqua frigida potu male curata.*

N præscri-



præscripti, victusq; rationem institui. Hinc meliusculè habere cœpit  
Quid verò post meum abitum cum eo factum sit, ignoro.


## OBSERVATIO XLIV.

De duobus lapidibus ingentis magnitudinis, in vesica fellis repertis.

*Calculus vesicae.*

**A**Nno 1612. II. Februarii Col oia à viris clarissimis atque doctissimis, Dn. D. *Johanne Fabricio* & *Henrico Stapedio*, Medicinæ doctores, libus longè celeberrimis, lapides duo ingentis magnitudinis mihi exhibiti fuere, quos Dn. *Fabricius* ipsemet ex vesica fellis Comititis cujusdã septuagenarii in Eisslia exciderat. Unus oblongus, alter ferè rotundus est, pro magnitudine tamen non usque adeò ponderosi sunt. Major enim drachmas quatuordecim, minor verò drachmas quatuor & senis solummodò pendet, quandoquidem spongiosi sunt, & per laminas concreti: sed ab initio multo ponderosiores, neque usque adeò duros fuisse, assererat Dn. *Fabricius*, quod & etiam nunc in ipsis lapidibus, precipuè in majori bellè conspicitur. In ipso enim rimæ hinc & inde (ut solent esse in limo, cum à sole exsiccatur) conspiciuntur. Color aliquibus in locis croceus, aliis verò in locis ad nigredinem vergit. Delineationem horum lapidum ad vivum factam dono mihi dedit clarissimus Dn. D. *Stapedius* amicus meus singularis, quam hic subungere visum est.

Major lapis ex una parte, ubi A. notatur, tantum excavatus est, ut tertiam ferè partem minoris excipere possit, eumque à continua frictione unius contra alterum ita excavatum fuisse, certum est. Prædictum Comitè per totam vitam suam robustum, neque morbis usque adeò obnoxium fuisse (nisi quod aliquando icteritià laboraverat) tandemque circa annum septuagesimum ætatis, febre continua, eaque malignâ obiisse referebat Dn. D. *Fabricius*. A multis autem annis, quotiescunque in lecto sese ex una in alteram partem circumvolveret, pòdus magnum, molestum, & ex una in alteram partem delabens, è regione hepatis percipere poterat.

*Delineatio Lapidum.*

## OBSERVATIO XLV.

De dolore contumacissimo, & diuturno ventris,  
deque ipsius causa post mortem reperta.

**C**lvis quidam Aventicensis *Johannes Cassellanus* nomine, cum quadam die propter violentum corporis motum in itinere supra modum incaluisset, & haustum frigida bibisset, febris correptus fuit. Cum autem nullum adhibuisset medicum rationalem, varios vero empiricos, & artis imperitas mulierculas, paulatim in cachexiam incidit, ac paulò post nausea quadam continua, & vomitu bilioso correptus fuit, ita quidem, ut contudò cibum indigestum evomeret. Non diu post dolor ventris quoque exortus est, qui cum de die in diem accresceret, vomitus paulatim imminutus est, tandemque remisit, aucto tamen & vehementiore facto cruciatu intestinorum. Extruciavit ægrum dolor ventris per menses aliquot, adeoque vehemens fuit, ut dies noctesque ejulare coactus esset, & alimenta respueret. Hinc vires paulatim mirum in modum prostratae fuere. Ego cum Aventicum ad præstantissi-

*Exhausta  
frigida fe-  
bris.*

num virum Dn. *Samuelem Bogt* ibidem præfectum prudentissimum vocatus essem, prædictum virum quoque in visi, & corroborantia, nec non anodyna nonnulla præscripti, sed absque successu, Ad instar scelerati ferè extenuatus erat, febricula continua aderat, alvumque continuo constipatam habebat. Tandem 19. Aprilis cum vitæ suæ finem imposuisset, præsentem reverendo viro Dn. *Nicolao Vireto* ejus loci verbi divini ministro fidelissimo, & nonnullis aliis cadaver cum aperuissem, hepar ferè totum putrefactum reperi. Fellicula fellis omnino erat vacua, & cholodochus præter modum laxus apertus. Intestina & inprimis tenuiora undique tam flava erant, ac si croco infecta fuissent. Renes similiter, & præcipuè inferiores apices eodem colore exteriùs erant tincti: eorum verò parenchyma ita erat lividum, ut principium gangrænæ abfuisse argueret.

*Hepar totum putrefactum.*

Materiam autem quandam biliosam, inprimis acrem & vellicantem ex hepate gravissimè affecto per cholodochum amplum, & relaxatum continuo ad intestina confluxisse, ibique dolorem istum gravissimum excitasse, verisimile esse mihi videtur, & color ille flavus testis est. Et quia facultas expultrix intestinorum ex præcedente vomitu partim turbata, partim quoque labefacta fuerat, sequuta est alvi constipatio, & doloris vehementia, propter retentam scilicet materiam acrem, & vellicantem.

## OBSERVATIO XLVI.

De dolore diuturno, & inveterato ventris.

**A**Nno 1611. 4. Decembris, cum Hildenam parentes & amicos invisendi gratia profectus essem. Mediammensis quidam in consilium me vocavit. Is autem dolore gravissimo, & ferè continuo è regione umbilici laborabat, cibum singulis ferè diebus citra molestiam semel ad minimum evomebat, interim tamen medicamentorum beneficio, etiam si fortissima, nunquam evomere se potuisse affirmabat. Venter depressus erat, & rarissimè spontè respondebat. Referebat autem (res profectò, quæ admiratione non vacat) porcos spacio quinque annorum, à quibus doloribus istis excruciatu fuerat, excrementa sua nunquam gustare voluisse. Porro etiam si dolor iste gravis, & ferè con-

*Nota.*

tinuus

tinuus esset, ambulabat tamen, & negotia sua perficiebat, cibum quin-  
etiam cum appetitu sumebat. Præscripti illi nonnulla, qualis verò tan-  
dem fuerit exitus hujus affectus, later me.

## OBSERVATIO XLVII.

Matrona quædam multum pinguedinis per seces-  
sum excernit.

**M**atrona piz, achonesta Düsburgi Clivorum habitans, quinquaginta circiter annorum ætatis, per annos aliquot dolore conti-  
nuo è regione ventriculi vexabatur. Adhibuit remedia quamplurima  
cum à medicis, tum etiam ab empiricis, aliisque artis imperitis præ-  
scripta, & adhibita, sed omnia absque fructu. Tandem in morbum  
gravem, atque dururnum incidit, in quo uti & antea remedia, quam-  
vis ex arte præscripta, parum profuerunt, donec quadam die cum tor-  
minibus, doloribusque acutissimis totius ventris excruciaretur, ultra  
libras tres pinguedinis per secessum rejecisset. Postea enim brevi con-  
valuit, & ab omni dolore liberata fuit. Erat autem pinguedo illa alba,  
purissima, peticulis inclusa, & in frustula divisa: nihil excrementorum  
admixtum erat; quapropter fætor nullus aderat: ita etiam ut in multos  
annos illam sibi reservaverit. Ego cum anno 1612. 6. Augusti clarissi-  
mum virum Dn. *Danielem Daniels* medicum longe celeberrimum ami-  
cum meum singularem Düsburgi inviserem, nec non Lucullico convi-  
vio ab ipso exceptus essem, Matronam hancce ad se vocare jussit. Et-  
iam si enim Dn. D. *Daniels* casus satis superque cognitus esset, pingue-  
dinem quin etiam ipsemet vidisset, voluit tamen, ut & ego matronam  
ipsam viderem, & quæ acciderant, ex proprio ipsius ore exciperem, a-  
notaremve. Ab eo porro tempore morbis se parum obnoxiam fuisse,  
ipsamet nobis referebat. Ubi verò pinguedo illa generata,  
retentaque fuerat, aliis dijudicandum  
relinquo.

*Dolor con-  
tinuus è re-  
gione ven-  
triculi.*



## OBSERVATIO XLVIII.

## Dolor Nephriticus quibus remediis sedatus.

Nephriticus dolor.

Curatio.

**R**everendus vir Dn. *Johannes Merula* Paterniacensis Ecclesiæ Pastor fidelissimus, vir pius, & doctus, cum anno sexagesimo tertio ætatis suæ, in diebus canicularibus victus rationem non satis exactè observasset, & quadam die fructus crudos, acetaria item, & vinum aqua frigidissima dilutum in cella vinaria frigida comederet & bibisset, dolore ventris, & renum correptus fuit. Is adeo gravis erat, ut continuo ferè ejulare coactus esset, & medicamentis verè anodynis, idè & narcoticis vix leniri posset. Vomitus quoque, cibi fastidium, & febris aderant. Ego in consilium adhibitus, alvum enematis lenitivis, & anodynis subduxi, ventrem & renes oleo amygdalarum dulcium, liliorum alborum, & anethino inunxi, & oleum amygdalarum dulcium per os cum sequenti decocto exhibui bis terte interdium.

℞. radic. Althææ ℥ iiij  
sem. Anisi ℥ ij  
florum Chamomil.  
herb. agrimon. at  
veronica ana p. j,  
liquiritiæ ℥ j

Coquantur in aqua, ut colatura redeat ad ℔ j s. In ℥ iiij hujus decocti dissolve ol. amygdalar. dulcium sacchari una ℥ j.

Corpus manna, syrupo rosato solutivo compolito, rhababaro, agarico & senna dissolutis cum præscripto decocto expurgavi. Tandem cum semicupio ex radicibus, herbis, floribus, & seminibus emollientibus, relaxantibus, & aperientibus usus fuisset, calculum ejus magnitudinis & figuræ, ut hic depictus est, per ductum utinarium rejecit, postea brevi convaleuit, & ultra annos sex supervixit. Tandem anno 1611. 28. Augusti pie placide quæ in Christo adormivit.

*Figura & magnitudo calculi.*

## OBSERVATIO XLIX.

De infelici successu prædictorum medicamento-  
rum in juvene quodam.

*Viro nobili Dn. PAULO LENTULO Reipublica Bernensis Do-  
ctori Medico celeberrimo, amico singulari, GUILHELMUS  
FABRICIUS Hildanus S. P. D.*

**N**ON sine admiratione multorum, Vir clarissime, Dominus *Merula* communis & intimus noster amicus ex morbo suo gravissimo convaluit. Calculum, qui magnitudinem ferè nuclei da&yli adæquat, per penem eiecit; inæqualis est, & rufi coloris.

Cæterum verisimile est, quod insignis ille Medicus Dn. D. *Kernerus* *In præfatione ad le-*  
*Solinander* piz memoriz, olim Illustrissimi Juliaceus, Clivensium, *florem con-*  
Montesium, &c. Ducis Archiater, fautor meus plurimum honoran- *filiorum*  
dus, scriptum reliquit his verbis: Si res, inquit, *receptorum multitudine &*  
*varietate ageretur, pharmacopola quemvis Medicam facile vinceret.* Is enim *suorum.*  
magna ex parte non minus atque artis studiosus novit, quod cuique morbo medicamentum adscribit Medicus. Hæc, inquam, vera esse cum alias, tum etiam non ita pridem in vicino quodam meo *Jesue Elamend* nomine, viro robustissimo, bilioso, & vix vicesimum sexum annum ætatis suæ agente, observavi. Is enim cum paulò post absolutam *Ignorantia*  
curationem Dn. *Merula*, febre continua, maximoque dolore ventris *seplasiarii*  
correptus fuisset, pharmacopœo sese curandum commisit. Is, cum o- *cujusdam*  
ptimum *notatur.*

Primum & præclarum illum successum medicamentorum Dn. *Merula* cum à T. Excell. tum è me præscriptorum & adhibitorum vidisset, eaque in prædicto ægro adhibuisset, eumque tandem in balneum calidum posuisset; aucta fuit febris, auctus quoque fuit dolor ventris, reliquaue symptomata omnia, tandem delirium quoque supervenit, & ante undecimum extinctus fuit.

*Augustinus  
Tom. 1. 1. E-  
pist. 5. ad  
Marcellinū.*

*Vindiciani  
dictum.*

Non sufficit itaque medicamentis, quantumvis à Medicis eruditè præscriptis, instructum esse; nisi ab ipsis quoque medicis exhibita applicataque fuerint. Cujus rei exemplum memorabile apud D. *Augustinum* legimus. Magnus ille nostrorum temporum Medicus *Vindicianus*, consultus à quodam, dolori ejus adhiberi jussit, quod in tempore congruere videbatur, adhibuit, sanitas consequuta est. Deinde post annos aliquot, eadem rursus corporis causâ commotus, hoc idem ille putavit adhibendum, adhibuit, vertit in pejus. Miratus, currit ad Medicum, indicat factum: at ille, ut erat acerrius, ita respondit: *Idè malè acceptus es, quia non ego jussi*: ut omnes, qui audissent, parumque hominem nossent, non eum arte medicinali fidere, sed nescio, quâ illicitâ potentiâ putarent. Unde, cum esset, à quibus poterat stupentibus interrogatus, aperuit, quod non intellexerant, videlicet illi ætati jam hoc se non fuisse jussurum. Tantum igitur valet ratione atque artibus non mutatis, quid secundum eas sit, pro temporum varietate mutandum. Non itaque verum est, quod dicitur: Semel rectè factum nullatenus est mutandum: mutata quippe temporis causâ, quod rectè ante factum fuerat, ita mutari vera ratio plerumque flagitat; ut cum ipsi dicant rectè non fieri, si mutetur, contra veritas clamet, rectè non fieri, nisi mutetur: quia utrumque tunc erit rectum, si erit pro temporum varietate diversum. Hactenus D. *Augustinus*.

*De eadem  
re exemplū.  
Ophthalmia.*

Colonie Agrippinæ idem ferè mihi contigit. Quidam ex domesticis Dn. *Gualteri del Prato* piæ memoriæ, Viri virtute & pietate ornatissimi & Compatriis mei observandissimi, cum ophthalmia laboraret, ac ego advocatus essem, purgato corpore, & incisa venâ, collyrium quoque oculis instillavi & applicui, quo brevi curatus fuit æger. Post dies aliquot, cum materfamilias Dn. *Lucretia del Prato* Matrona pietate & singulari virtute verè nobilis (quam honoris & reverentiæ causâ hic nomino) eodem afflcta correpta fuisset, & suasu præcedentis ægri de collyrio, quod ipsi restabat, applicuisset, dolor auctus est, aucta quoque inflammatio. Postera die cum me advocandum jussisset, quale,

quæso

quælo, mi compater, aiebat, domestico meo præscripsisti medicamentum, quod ipsi tam salutiferum, mihi verò adversissimum fuit? Respondi ipsi: Salutiferum fuit, quia ego ipsemet id exhibui: Tibi adversissimum, quia me inscio tu ipsamet id applicuisti. Ut igitur videas, quantum manus Medici possit præstare, en protinus idem collyrium præparabo, tibiq; applicabo. Id cū fecissem, corpusque levi aliquo medicamento expurgassem, brevi non sine admiratione curata fuit. Hic autem Vir clarissime, perpendendum est, collyrium ex lacte muliebri, cum aqua rosacea & plantaginis mixto confectum fuisse: quapropter ratione lactis acidum factum collyrium acrimoniam contraxerat, doloremque excitaverat. Collyria itaque, quæ lac recipiunt singulis ferè diebus renovanda sunt, ut alibi juniores Chirurgo monui.

*Collyrium.*

*Causio in applicandis collyriis ex lacte confectis.*

*Optima etiam remedia non nisi cum iudicio adhibenda.*

Utinam itaque, Vir clarissime, seplasiarii, dum Medicorum præscripta medicamenta in proprium usum atque commodum convertunt, morbos diligentior inter se distinguerent, causas, ætatem, habitum corporis, tempus anni & hujusmodi, de quibus monet Galenus, observarent. Dn. *Merula* n. corpore obesus & pueritiosus erat, *Flamingius* verò macilentus & biliosus: Dn. *Merula* sexagesimum tertium annum ætatis suæ agebat, *Flamingius* verò vigesimum septimum nondū attigerat. Dolor Dn. *Merule* ex cruditatibus & calculo renum, quem natura expellere conabatur, & proinde balneum, relaxando vias urinarias mirum in modum ipsi profuit: Dolor verò *Flamingii* ex inflammatione hepatis, & copiosa effusione humoris biliosi ad intestina originem traxerat. Quapropter cum hepar imprimis, omniaque interiora in balneo calefacta, exsiccataque essent, mirum non est, febrem reliquaque symptomata protinus aucta fuisse. Sed eousque ars medica pervenit, ut etiam imperiti, & hujusmodi homines, qui (ut Plinius scribit) experimenta ducunt per mortuos, de corio humano ludere, aliosque, qui vitam ferè integram in studiis, & praxi medica consumpserunt, quantum quidem possunt opprimere atque reprimere non vereantur. Interim ego quantum Deus virium dabit, ut clavum rectum teneam, omnes nervos intendam: Te hæcenus idem fecisse, & in posterum futurum esse certò scio. Plura ad Te scribam, cum quas avidè expecto, tuas accepero. Vale.

Paterniaci Aventicorum.



## OBSERVATIO L.

De ingenti calculo, & aliis nonnullis observatione dignis in cadavere repertis.

*Viro præstantissimo Dn. GUILHELMO FABRICIO Hildano Chirurgo peritissimo, PETRUS BLANDINUS Med. D. S. P. D.*

**E**T ipsum te nuper vidisse, suave mihi fuit, & jã te per literas alloqui jucundissimum. Amplissime & clarissime *Fabricii*, artis Machaoniae decus, nec citius Lausanna domicilium reversus, quin manum calamo ad moverim, & tuæ morem gererem voluntati, promissaque adimplerem. Quare brevibus jam accipe summam observationis illius miræ, cujus à me apud te habita fuit mentio, ad stupendam calculi in vesica fellea reperti historiam tuam.

*Observat.* Juvenis cujusdam annos 25 nati, artis dulcissimi, cum fato debita perfolvisset, ultimo Decembris proxime fluxi anni, post diutinam, eamque valde molestant illius, quod præ se gerebat corpusculi conflictationem, ex Dyspnæa, Marasmo, & vesicæ calculo cadaver, ex jussu affinium dissectari per Chirurgum curavimus: quo in multa supra naturæ modum admirabilem conspeximus. Primò thoracis in cavitate sinister pulmonis lobus succingenti membranæ unâ cum dextro ita tenaciter adhaerebat, ut ad medias putrefactus, & summi æ puris quantitate, copiose refertus, sicut & dexter ejusdem lividus planè & ponderosus, vix & summa cum *δυσκολία* avelli possint. Duplo majorem solito substantiæ molem contractum erat: media quin imò in sua substantia, alba glandula, digiti pollicis magnitudinem excedente, vitiatâ. Quod verò mirum visu, ita extenuatum, & in se contractum præ cibi *σπερμα* ventriculum conspeximus, ut cyathi unius haud admittere possit mensuram: is verò mera bile porracea, cum pituita junctus; & parietibus ventriculi enacissimè adhaerente planè refertus erat, ut cavitas adimpleretur. Ulterius erat hepatis exanguis, & retorridum, debitam quantitatem excedens, cui intestinum colon firmiter annexabatur per ligamenta quædam, sicut & reliqua intestina peritonæo. Ad corruptionem renem dextrum planè vergere dixisses, ita ex livido albicabat, & carnis

*In cadavere dissecto, quæ invenita.*

carnis mollioris erat, ut ex attrectatione in frustra abiter, plus justo naturalē magnitudinem superabat, arenulis, iisque tenuibus, sicut & fero multo refertus erat. Peram, aut sacculum arte fabrefactum sinistram renem judicasses, hujus enim situs, & figura volebant, sed ob ureteres inde oriundos, & vesicæ implantatos, ob valvulas in interna cavitate magnopere dilatatas, & naturales quodammodo referentes, ob copiam feri ibi contentam (possum enim, & absque veritatis fucos asserere, ultra mensuram Genevensē cum dimidia, ichoris adfuisse hoc est, ad uncias quadraginta sex, aut quinquaginta ad minimum) renem stabiliis. Ultimo tandem, & cujus causā hęc scribo, in vesica urinaria repertus fuit calculus immensę magnitudinis, cujus moles in extractione circiter pondus novem unciarum æquabat, jam cum per quatuor menses exaruerit uncias sex adimpler. Huic & affinem annecto. Superiori anno 1614. sub finem mensis Januarii, in dissectione cadaveris civis honesti, nomine *Jean Lepreux* bibliopolæ in vesica urinaria, quæ in duas buccas velut distincta videbatur, in utraque cysti reperi fuere sex lapilli, nucis gallæ omnes magnitudinem æquantēs. Plura possem his annectere, sed ne epistolii fines propositos egrediar, hoc unum, & obnixè rogo, quid sentias de tanta renis dilatatione, scribas. Vale vir amplissime, & cujus fama celebre Podalyri nomen suoperat, & ut bene cœpisti, me amare perge, & quæ à me scripta, de meliori nota suscipe. Datum *Genevæ* 27. Aprilis Anno redempti orbis 1615.

*Observatio  
alia.*



## OBSERVATIO LI.

De calculo ingentis magnitudinis ex vesica hominis extracto.

*Viro clarissimo, atque doctissimo Dn PETRO BLANDINO, apud Genevensi Doctri Medico celeberrimo, GUILHELMUS FABRICIUS Hildanus S. P. D.*

**L**itera tua vir clarissime, ante paucos dies mihi tradita, tam grata, quam quæ gratissimæ mihi fuere, admiranda enim quam plurima  
8c

& annotatione digna continent. Et profecto mirum est quomodo æger iste tot, tamque gravissimis morbis confectus, tam diu subsistere, superstesque manere potuerit.

Pectus terosi humoris plenum, & sinistram partem pulmonis, pleuræ, & ~~cor~~, mediante callo firmissimè adnatam fuisse, in quinquagenario obstructiõibus maximis viscerum laborante observavi.

Vide obser-  
vat. 41.  
Cent. 1.

in capis

Substantiam cordis magnitudinem naturalem duplo excedentem, vix unquam observatam esse arbitror. Extenuatam verò, & exanguem illà in disseccionib. aliquando vidi. Quidā diuturno morbo cum extinctus esset, nullam prorsus in eo portionem cordis, sed ejus tantum tunicam repertam fuisse, testatur *Telefius* Rerum naturalium lib. 5. c. 28.

In cadavere diuturno nullum cor repertum.

2

In pericordio plus quam libræ quatuor saniosi sanguinis, & materię purulentę in viro isto, de quo antea mentionem habui, repertę fuerunt.

Vide obser-  
vat. Joh.  
Scheneckii  
lib. 2. de  
corde.

Ventriculum hoc modo, ut tu scribis contractum fuisse, rarissimum est, præcipue in calculosis, qui ut plurimum continuo siccibundi sunt, multumque potus ingurgitant, ex quo ventriculus labafactus, & relaxatus, potius dilaturatur, quam ut retrahi possit.

Renem sinistrum in formam perę aut sacculi dilatatum fuisse admiratione non vacat. Id tamen ratione calculi, qui procul dubio valvulę ut ureteris sinistri adiacebat, aut quod magis rationi consentaneum est, adnatus erat viamque urinę obstruebat, accidisse arbitror. Ad renem enim, & ureterem cum urina continuo deflueret, nec ulterius progredi posset, paulatim & substantia renis, & ipsius membrana unā cum uretere in formam sacculi, aut perę extensa, atque dilatata fuerunt. Si enim nonnunquam in hydrocephalis, non solum in ipsa substantia cerebri unā cum membranis, verumetiam cranium ipsum mirum in modum (ut tu ipsemet in muliere meo vidisti) extenditur, dilaturaturque, quanto, quæso, magis id in rene fieri potuisse putas? Mirandam formam renum in cadavere juvenis cujusdam, *Andrea Helm Weissenfeldensis*, à clarissimo Philosopho, & Medico Dn. Leonhardo Doldio, Norinbergensis reipublicę D. Medico ordinario repertam fuisse, testatur Dn. D. *Bauhinus* ad finem theatri sui anatomici.

Causa tante reni dilatationis.

Calculos ingentis magnitudinis ante menses aliquot mihi ostendit Dn. *Daniel Episcopus* Bernensis Lithomus excellens, quos ipse diversis temporibus ex calculosis extraxerat. At ego calculum, qui magnitudinem ovi gallinacei multum excedit, ex vesica nobilis matronę ex

Vide obser-  
vat. 68.  
Cent. 1.



traxi Anno 1598. 28. Julii, quæ & ad annum 1611. usque supervixit.

*De calculo  
monstruoso  
magnitudinis.*

Anno 1602. prima Novembris *Andream Vitellium*, oculistam, & lithotomum intrepidum, mihi quæ olim cognitum, *Hattingiæ* in comitatu *Marchiæ* calculum monstruosè magnitudinis, cineritii coloris, inæqualem, ac si ex multis lapidibus compactus fuisset, & ad uncias viginti duas pendentem, ex vesica juvenis cujusdam viginti annorum ætatis *Johann Groten* nomine, extraxisse, Magister *Eberhardus Stelinck*, ejusdem oppidi chirurgus, vir probus & fide dignus (in cujus præsentia *Vitellius* calculum istum extraxerat) anno 1612. cum *Hildena* *Hattingiam* profectus essem, præsentibus multis aliis, hujus operationis testibus fidelissimis, mihi retulit. Sed in ipsa operatione, quæ & longa, & laboriosa, inprimis verò dolorosa fuerat, æger animam Deo reddidit. Delineationem hujus calculi, quam idem *Dn. Eberhardus Stelinck* mihi communicavit, hic quoque annectere placuit: tu, quæso, omnia æquè bonique consule. Filium meum, ut commendatum habeas, obnixè rogo, quo te duce & authore dissectionibus anatomicis, quæ apud vos frequentes sunt, nec non consultationibus chirurgicis, aliquando interesse possit. Mitto ad te tertiam Centuriam observationum mearum, excipe illam, quæso, serena fronte. Vale vir clarissime, & feliciter vive diu. Raptim *Lausannæ* 5. Maji 1615.

*Fig.*

*Figura & magnitudo calculi.*

*Ad eundem virum Doctissimum Dn. Petrum Plandinum  
Postscriptum.*

*Obsequata jam, quam ad te dedi, epistola, vir clarissime, literas à viro  
claris.*

*De infelici-  
ssimo suc-  
cessu croci  
metallorū.*

clarissimo Dn. *Georgio Fabrocastri* Imperialis *Fridbergenſis* D. Medico ordinario, amico meo ſingulari accepi. Continent illæ de infeliciffimo ſucceſſu *Croci metallorum* exemplum ſingulare, Puellæ enim quinque annorum cum à *Paraceliſta* exhibitus eſſet, paulo poſt Symptomatibus graviffimis correpta fuit; Vomitu nimirum vehementiſſimo, cum alvi dejectione, & concuſſionibus fortiſſimis totius corporis, tandemque mors quoque ſequuta eſt. Aperto cadavere inter cætera, de quibus aliàs, ventriculus quoque adeò anguſtus, & in ſe contractus, ut magnitudinem ovi vix excederet, repertus fuit. Hepat veluti ſi in aqua ſerventiſſima maceratum fuiſſet, induratum, & veſicula fellea præter modum tumida, ſanguine citrino repleta erat. Inteſtina à croco iſto (qui in ventriculo ita contracto, adhuc latitabat) tincta & infecta fuerunt. Vide quam ſit periculoſum Chymica medicamenta tractare. Reſcribe quæſo cujus coloris fuerit calculus, item an æqualis, & politus, an verò inæqualis. Longitudo renis, pro ut ex delineatione quam miſiſti *colligo*, pollices geometricos octo cum dimidio, latitudo verò quinque cum dimidio continet. Hæc meo quidem iudicio obſervationi addendæ eſſent, omnia tamen tuo arbitrio relinquo. Iterum vale. Reſcripſi *Laufannæ* 7. Maij 1655.

*Tibi addiſſimus*

GUILHELMUS FABRICIUS HILDANUS.

• *Viro præſtantiſſimo Dn. Guilhelmo Fabricio Petrus Blandinus. S. D.*

Literas tuas, vir præclare, quam primum accepi, exoſculatus ſum, & animum, qui impulit ad ſcribendum: quid enim ille niſi benevolentia mei æſtuat? qui reſcripſi exaratis, tam doctè & luculenter reſponderis. quas dico literas fronte læta iterum accepi, & maxime ob elucens in iis ſtudium tuum & ardorem in res ob extremam admirationem ſcitu digniſſimas. Percutit ſanè ejuſmodi ſeroſi humoris quantitas in pectore contenta, ſicut & fidem veluti perfodit, & ea ſanguinis ſanoſi in pericardio. Ultra naturæ modum molem cordis auctam admiratione dignum ducis, nec hætenus obſervatum arbitraris. Sed, quæſo, mirari deſine, nec tibi quot modis in partium corporis noſtri formatione, ludat natura, ignotum. Dein in corpore tot tantisq; morbis obſeſſo,  
nulla

Nulla pars sana (generaliter sanitatis nomine accepto) præter ipsum cor, reperta fuit, quod tum insita virtute, tum substantiæ magnitudine tam diros insultus perferre potuit, hisce & correspondebant ea, quæ animi pathemata dicuntur.

Cordis attenuati ex *Telestio* ad tunicam usque exemplum prodixi, sed quid de abscessu nuper in corde viso ab excellentissimo *Paulo Offredo*, à quo tanquam amico, & verè amici nomine digno, plenius accipere poteris, judicabis. In calculosis ventriculorum ita rarè adstringi verè assentias, sed hic ob subitam potus è ventriculo educationem ab humidi defectu in reliquis corporis partibus, ob hepatis retorridam substantiam, nec alienum ventriculorum adstringi.

*Abscessus in corde.*

Apprimè satis facit tua de tantæ renis dilatatione arguta ratio, nec vivo carens, & privato exemplo. Jam epistolæ tuæ respondens, & quæstiunculam, quam proponis libare conabor, sed breviter, & cum *Homerō* *Ἰντροχάδην*. Quid enim hic vela pandam? Quæris cuius coloris fuerit calculus? item, an æqualis & politus? Fuit hic cineritii coloris, prout semper vesicæ calculus observatur, inæqualis, in apicem vergens: ad fundum enim vesicæ rotundus veluti erat, tunc ad collum vergens declivior, & multò acuminatior: nullibi sanè erat æqualis, sed planè scabrosus. Geometricam tuam renis diagraphin mirum in modum approbo.

*Vesica calculi cuius sit coloris.*

In Ecclēsin rapuit me veluti calculi à te visitanta, tamque monstruosa magnitudo. Quin imò & de croci metallici infelici successu à te scriptum epistolium mirum in modum me movit. Adderem ad hanc rem de metallorum per chymiam præparatorum exhibitione multa, ni & epistolium limites transcenderet, & tabellarius urgeret. Verùm de his plenius alias. Cæterum quas possum animo concipere gratias ago, pro tam honesta Centuriæ exhibitione, & tui erga me sinceri, & nivei animi demonstratione, polliceorque, me in omnibus tuis mandatis de filio tuo perhonesto ne latum unguem discedaturum. Vale, & diu incolumis Deo benedicente vive: tuam honestissimam

consortem meo nomine saluta. Datum Genevæ 12. Maji Anno 1615.



## OBSERVATIO LII.

Ex potu vini recentis, ac nondum defæcati, retentio urinæ cum maximis doloribus sequuta.

*Lib. de en-  
cymia &  
cacochy-  
mia.  
Musti vi-  
res.*

Multa variaque morborum genera ex musto ac vino recenti oriri, testantur Medici. Mustum enim (Galenī verbis utor) licet coquatur ægrè, crassumque succum, & inflationes gignat, alvum tamen subducit: id, quod si interdum efficere nequeat, mirum in modum nocet. *Hæcenus Galenus.* Hujus quoque sententiæ est author Scholæ Salernitanæ, & omnes probati Medici. Dysenteriam inducere mustum ac vinum recens, *Forestus lib. 22. observat. 31. affirmat.* Ego idem in viro robustissimo accidisse memini, uti fusius in libro meo de Dysenteria declaratur. Mustum præterea, & vinum novum propter admixtionem crassarum partium, oppilationes viscerum, hepatis, splenis, & venarum Mesaraicarum inducere, & urinam suppressere atque retinere, sæpissimè observatum est. Qua de re le&or historiam admiratione dignam in 2. centur. observationum mearum Chirurgicarum videre poterit. Hoc verò anno 1610. mense Octobri simile quid accidit: *Quidam enim Vir genere, virtute ac doctrina verè Nobilis, cum præter consuetudinem suam post prandium, & in cœna vinum novum aliquomodo lautè bibisset, eadem nocte suppressione urinæ correptus fuit. Dolor adeò erat magnus, ut ventrem in partes dilacerari atque disrumpi putaret: Aderat & vomitus, inquietudinesque maximæ. Ego in consilium adhibitus, statim sequens Enema præscripsi*

*Enema.*

℞. radic. Althææ ʒj.  
herb. malv.  
violar.  
Mercurialis  
fol. Althææ  
flor. chamomel.  
meliloti  
sambuci ana M.ʒ.  
sem. anisi  
fœniculi  
petroseliniana ʒj.

*lini*

lini  
 fœnugræci ana ʒvj.

Coquantur in aqua ad consumptionem tertix partis. In lbj. colaturæ dissolve vitellos ovorum num. 2. mellis Mercurialis ʒij. olei anethi & chamomeliniana ʒj. β. salis ʒj. Misce & fiat clyster.

Interim dum expectabatur operatio Enematis, imum ventris, perineum, membrum virile, atque os factum sequenti lenimento inunxi-  
 mus:

℞. Unguent. dialthæ ʒij.  
 ol. liliorum alborum  
 lumbricorum &  
 scorpionum ana ʒj.

*Liniment.*

Misce fiatque linimentum. Rejeto clystere, urina effluere incepit, & postquam sequens balneum ingressus esset, dolor sedatus est, & urina liberè effluxit.

℞. rad. Althææ  
 lilior. albor. anʒ iiij.  
 fol. Althææ  
 malvæ crispæ  
 violarum  
 Mercurialis  
 flor. chamomillæ  
 meliloti  
 sambuci ana M. iiij.  
 sem. anisi  
 fœniculi  
 carvi  
 petroselini  
 anethi  
 fœnigræci ana ʒij.  
 sem. lini ʒ iiij.

*Balneum.*

Incidatur, quæ incidenda, & contendantur pro semicupio. His adhibitis remediis plenissimè restitutus fuit. Libenter ipsū purgasse, & quæ obstructions referunt, & vias urinarias expurgant, exhibuissem, sed occupationes ipsius maximæ, quibus tunc temporis occupatus erat Nobilis iste, id non permisit.

Videmus itaque quantum in periculum & vitæ discrimen ægros ad-

P 2 ducant,

*Mustum  
dysentericis  
non conce-  
dendum.*

ducant, qui dysentericis tempore vindemiarum mustum, tanquam præstantissimum medicamentum non solum concedunt, sed etiam copiosè præscribunt.

## OBSERVATIO XLIII.

De corpore quodam membranoso ex vesica excreto.

*Ad virum clarissimum atq; doctiss. Dn. JOHANNEM CRAFT-  
TIUM apud Neocomenses Doctorem Medicum ordinarium atq;  
celeberrimum, cui GUILHELMUS FABRICIUS Hildanus  
S. P. D.*

**A**Nte mensem Basileâ redii, vir clarissime, ubi per sex integros menses continuò ferè apud serenissimum Principem Janutium Radzi-  
villium, &c. detentus fui. Post reditum meum quartanâ periculosa cor-  
reptus fui. Periculosâ, inquam, ab initio enim continua fuit. Multis  
variisque medicamentis usus sum, quibus Deus ita benedixit, ut nunc  
omnino ferè remiserit febris, & si Deo ita visum fuerit, pristinam va-  
letudinem brevi me recuperare posse sperem. Hac ætate varia occur-  
rerunt symptomata, quorum unum aut alterum Tuz Excell. commu-  
nicare non gravabor.

*Observat.  
Calculi duo  
ex vesica  
extracti.*

Superiori mense Majo die 14. calculos duos rubri coloris, quorum  
alter drachmas tredecim, alter unam cum semisse pendet ex vesica Ge-  
nerosi Viri Dn. *Zacharia Geitzcofferi* à Gaillenbach Dn. in Haunsheim  
&c. extraximus, operationem & curationem feliciter successisse, ut  
Generoso Viro Dn. Baroni in Gorfier significare non graveris, vehe-  
menter rogo. Ipsius enim Generos. hac de re sollicitam esse scio.

*Observatio  
de retentio-  
ne urinæ.*

Nobilem nec obscuri nominis Virum Basileæ, unâ cum clarissimis  
Viris Dn. Dn. D. *Felice Platero*, & D. *Cassparo Bauhino* invisi. Laborabat  
ille retentione urinæ, quæ ipsum per intervalia, & quidem sæpissimè  
mirum in modum excruciabat. Retentionem autem hanc non ex cal-  
culo, sed ex scirrhoso quodam corpore vesicæ ad nato originem habe-  
re, verisimile est. Sed, quod notandum, in vesicam hujus viri catethe-  
rem exilem, ut vulgò utimur, immittere non potui, ut & ante me *Ly-  
thotomus*





in ipso vesicæ fundo, & ad collum uteri penetrans reperi: sed (quod notandum) per ulcus hoc infinitos lapillos contusi pumicis instar & filamentis atque membranis colligatos ac involutos extraxi: quorum nonnullos inter rara mea reservo, in quibus etiam nunc membranae istae apparent. Plenissime convaluit matrona hæc, & ad annum 1609. usque supervixit. Ulcus quinetiam in ipso collo vesicæ existens, consolidatum fuit, uti falsius in 3. cent. observat. videbils.

Ante dies aliquot Neocomensis quidam mihi retulit, ex rupto abdomine cujusdam viri, *Roberti* nomine apud vos in pago l' Ocle, vermem monstruosum prorepisse T. Excell. ut hujus rei veritatem expiscari, mihiq; communicare non gravetur, vehementer rogo. Vale Vir clarissime cum le&issima tua conjugè, quam tecum ego & uxor mea salutamus. Dabam 22. Octob. 1610.

## OBSERVATIO LIV.

## De periculosa carunculæ curatione.

*Caruncula  
in du&u u-  
rinario, dif-  
ficili cu-  
rantur.*

**D**U&um urinarium exquisitissimo sensu præditum esse, nullus Anathomîcorum & Chirurgiæ practîcorum non novit. Inde evenit, ut carunculæ in ipso progenitæ difficulter sanentur; cum morbus actia, & aliquomodo erodentia medicamenta desideret, at locus affectus nihil tale sine maximo discrimine ægri admittit, præcipuè in delictulis, ut sequens historia fidem facit.

*Observatio  
de carun-  
cula.*

Nobili cuidam Parisiensi caruncula ex Gonorrhæa virulenta contracta laboranti, cum Chirurgus medicamentum acre Siphone in du&um urinarium infudisset, protinus dolor ingens exortus est: sequuta deinde inflammatio & febris, utinaque planè suppressa fuit, & intra paucos dies maximo cum cruciatu vivere desiit.

*Admonitio  
ad Tyrones.*

Historiam hancce mihi communicavit Vir nobilis ac strenuus Dn. Noël Louis Dn. in Denant, qui hæc omnia suis se vidisse oculis affirmavit. Ex quibus perspicuum fit, Capitellum Vigonis ejusdemque trochiscos de minio (recipiunt enim Arsenicum) non tutò carunculis istis applicari posse.

## OBSERVATIO LV.

Matrona gravida variolis laborans infantem variolis affectum peperit.

*Viro Amplissimo atque Doctissimo Dn. GEORGIO HORSTIO Philosopho & Medico summo, nec non Illustrissimi Principis ac Dn. Dn. LUDOVICI Landgravii Hassiæ Archiatro, & in inclita Academia Gieffena Hassorum Medicina Professori longè celeberrimo, amico singulari, GUILHELMUS FABRICIUS Hildanus S. P. D.*

**D**E ætumnoso statu rerum domesticarum mearum Vir amplissime fautor & amice plurimum honorande, ante hac ad te scripsi, quare superfluum esset, nunc iterum reficere vulnus. Pestis nondum omnino hic cessavit; etiamsi hucusque aspera satis fuerit hyems: quapropter verendum est ne circa ver iterum ingravescat. Deus misereatur nostris.

Cæterum antea tuum de pueris quibusdam epilepticis ad te scripsi, & quæstionem movi, nimirum *an etiam morbi ex fortis imaginatione prægnantis fœtus imprimi possint?* responsum verò ad literas illas etiam nunc avidè expecto. Nunc simile ferè quid occurrit, quod tecum communicare visum est.

Honestæ quædam ac pia Matrona in oppido Fontenoy in Lotharin. *Observat.*  
gia Baruc Chardini uxor, cum primo utero gestaret, & constitutum tempus pariendi ferè attigisset, ura cum marito suo uno eodemque tempore variolis correpta fuit, & quidem tam graviter, ut maritus mortem obiret. Matrona in ipso vigore morbi, cum corpore & mente simul, & quidem gravissimè laboraret (corpore ratione morbi, mente verò propter obitum mariti sui) infantem peperit vivum quidem, sed variolis ita infectum & contaminatum, ut ipsa facies quoque undique pustulis scateret. Vixit nihilominus ad octavum usque diem. Hæc ex relatione piæ, atque honestæ matronæ Catharina Masel, viduæ Dn. Miloti, quæ hic apud nos vivit, quæque ipsamet testis est ocularis, habeo. Cæterum summopere ex te intelligere cupio, quæ nam variolarum fœtus

fœtus verissima causa fuerit: Imaginatio matris, an verò sanguis maternus? Hæc festinante calamo ad te scribo. Lausannæ ultima Decembris 1613.

## OBSERVATIO LVI.

Prægnans Morbillis laborans, infantem per totum corpus morbillis contaminatum peperit,

**H**Onesta, & pia quædam matrona, & Reipub. Bernensis senatoris uxor, cum dimidiam partem noni mensis imprægnationis ferè attigisset, febre acuta & quidem maligna correpta fuit: morbilli quintæ etiam mox per totum corpus eruperunt.

Quarta die morbi prægnantium doloribus correpta, puellum per totum corpus morbillis contaminatum peperit. Porro etsi cum mater tum etiam ipse infans per dies aliquot gravissimè laborarent, ambo tamen convaluerunt, inprimis mater: puer enim etiam nunc cerebrum humidissimum habet, & catarrhis obnoxius est. Quod præcipue inde accidisse verisimile est, quod obstetrix, & adstantes mulierculæ (quemadmodum mater mihi retulit) infantulum aqua tepida statim post partum abluerunt. Aqua enim cum sit potentis frigida, materiam morbillorum versus interiora, non sine maximo damno repulit. Quodcunque enim attestante Hippocrate, corporis malum ab exterioribus, & ignobilioribus partibus, verti ad interiora, ut ad partes principes, periculosum est, & aliquando mortem adfert. Humorem enim morbosum ad partes principes propellitur. Id autem balneum aquæ calida, in tenello isto, & recenter nato puerulo facile efficere potuit. Hinc videre licet, quam perniciosum sit, infantulos, recenter natos, aqua quamvis tepida, ablueri.

Cæterum cum puer catarrhis, uti dixi, à juventute esset obnoxius, & circa septimum annù ætatis eum visum dextri oculi planè amississe parentes percepissent, ac ego in consilium adhibitus fuisset, nervum opticum ejus oculi, crassis, & lentis humoribus obstructum esse, statim cognovi, quandoquidè oculi malè affecti pupilla ab altera non differbat, etiam si ea nihil discernere posset æger. Aliquoties purgato corpore, & per intervalla applicatis cucurbitulis 14. Januarii 1615. nuchæ sedaceum quoque applicui, idque in eum finem, non solum ut materiam

*Aqua tepida  
infantes  
recenter nati  
non sunt  
ablundi.  
Lib. 6. aphor. 15.*

etiam circa nervum opticum collectam, ad vicham revocarem, verum-  
etiam, ut visus alterius oculi conservaretur.

## OBSERVATIO LVII.

De admirabili admodum situ fœtus in utero, i-  
psiùsque uteri ruptione.

*Viro clarissimo ac doctissimo Dn. CLAUDIO DEODATO, re-  
verendissimi ac illustrissimi Episcopi Basileensis Doctori Medico  
ordinario, atque celeberrimo, cui GUILHELMUS FABRI-  
CIUS Hildanus S. P. D.*

U<sup>l</sup>timæ tuz ante dies quindecim, penultimæ verò, in quibus de ad- *Vide supra  
observat. 8.*  
mirabili admodum, & horriffica mania agis, vigesimo quarto Julii,  
vir amplissime, & amice æternùm observande, traditæ mihi fuerunt.  
Ab eo tempore nihil literarum tuarum accepi, propter aurigarum,  
quibus tu commisisti literas, negligentiam. Ut itaque in posterum se-  
curè ad me pervenire possint, suadeo, ut illas Biennam ad Dn. *Emannu-  
lem Ursisum* Medicum posthac mittas. Hactenus in tractatu meo de  
gangræna occupatus fui, illi nunc postremam manum admovi, obser-  
vationibus auxi, & figuris novis illustravi. Exemplar Oppenheimium  
misi, ubi nisi in via deperditum fuerit, forsan futuris nundinis prodi-  
bit. Nunc quartam centuriam observationum iterum præ manibus  
habeo, paulatimque in ipsa progredior. Quod si observationem tuam  
de leproso communicare tibi libuerit, gratum mihi fuerit, libenterque  
ipsam centuriæ isti inseram: uti quoque illa, quæ circa reverendam, &  
nobilissimam Canonissam Mazonopolitanam in posterum tibi ob-  
servare licebunt.

Quæ de castico circa carpum vulnerato scribis, multoties mihi ob- *De vulnere  
circa carpū.*  
servare quoque licuit, imò & superiori hyeme Patricium quendam  
Bernensem, Dn. *Nicolaum Kilchbergerum* curandum habui. Receperat  
autem ille vulnus insigne ad carpum dextrum gladio Helvetico. In  
ictu isto ramus ille insignis venæ medianæ ad pollicem, indicemque  
(quem vulgus *Chirurgorum* ramum cephalicæ venæ esse arbitratur)

Q excus.



*Vulnera  
articulorum  
cur difficili-  
mè sanen-  
tur.*

*Observatio  
de admira-  
bili situ  
fœtus in  
utero.*

excurrere, uti quoque arteria & tendo, qui pollicem sustinet, abscissi fuerunt. Hæmorrhagia etsi magna adesset, filo tamen ligatis vasis, protinus remisit. Ex arte curato vulnere, omnia tam feliciter successerunt, ut nullum supervenerit symptoma: circa vasa tamen abscissa, vulnus non nisi maxima cum difficultate coaluit. Nunc tamen omnia, laus sit Deo, salva sunt, nisi quod manus propter nervorum, ac tendinum abscissionem robur suum nondum adeptâ sit. Verum hæc minimè rara sunt: vulnera enim, & ulcera omnia articulorum, si profunda fuerint, difficilimè coalescere, indies observamus, idque propter motum articuli, & defectum carnis accidit. Motus enim, quia ex corpore humores ad partem læsam respir, vulnus continuo humectatur, quæ humectatio consolidationi obest, ut Hippocrates & experientia docet.

Potiorè ne nudam ad te mittam epistolam, en casum observatione dignum. Præterita hyeme honesta quædam matrona Berneſis, adhuc juvenis, cum tertio uterum gestaret, & iustum tempus gestationis absolviſſet, doloribus parturientium tam acerbis, ac vehementibus correpta fuit, ut vix unquam similes observati fuerint. Aqua quin etiam, quæ fœtum comitari solet, uti quoque sanguis, copiose profuſere, brachiumque dextrum fœtus, primo quoque insultu erupit. Post horam tamen dolores omnes, & conatus parturientium cessant, nec deinceps redierunt. Quarto post die, videns obstetrix, rem in angustia esse positam, suavit, ut uxor mea (quæ in extractione fœtus mortui aliquoties per singularem Dei misericordiam magna, ne dicam admiranda, præstitit) advocaretur. Illa cum ad parturientem perveniſſet, brachium dextrum ex utero propendens reperit, febris quoque lipothymiz, & vomitus aderant. Exhibita confectio alkermes, ex aqua cinnamomi (sine vino destillata) & buglossæ, inuncto quoque ventre oleo liliorum alborum, & amygdalarum dulcium, brachio quin etiam ex ipso orificio matricis remoto, dolores hypochondriorum, qui antea propter tensionem peritonzi, ut postea dicam, acerbis fuerant, cessarunt. Verum dolores, & conatus parturientium (etsi dolores reliquarum partium continuo ægram vexarent) neque medicamentis, neque manu (ut obstetrices, & Chirurgi exercitati aliquando facere consuevêre) excitari potuerunt. Inunctis partibus dolore vexatis, laxatâ alvo, anodynis, nec non cardiacis ex meo consilio propinatis, dolores omnino cessarunt, ita ut cibum utcumque cum aviditate assumeret, somnum quin etiam minimè turbulentum caperet, & ita quidem, ut mi-

hil amplius in ipsa, præter exclusionem fœtus, desiderari videretur. Cum verò motum aliquem naturæ, qui nobis viam modumque procedendi monstraret, ex consilio iussuque adstantium, in septimum usque expectaremus: ecce cardialgia cum rigore quodam, ac lipothymia cum ægram invasisent, protinus piè placideque extincta fuit.

Sed inquiramus nunc causam, cur fœtum excludere non potuerit. Illæ etsi multiplices sint: omnes tamen ad tria capita reduci possunt. Aut enim <sup>1.</sup> *angustum* est os uteri, quemadmodum aliquando videmus in illis, quæ antea nunquam pepererunt, aut ulcere aliquo in istis partibus laborarunt, aut quibus constitutio corporis siccissima est. At hæc antea bis uterum gestaverat, & feliciter pepererat, nec constitutione corporis admodum erat sicca. Altera causa est situs fœtus præternaturalis, quemadmodum in hac matrona accidit. Fœtus enim in transversum situs erat, & ita quidem, ut caput sinistro, pedes verò dextro hypochondrio ita insisterent, ut in utroque latere prominentia non obscura observari posset. Spina dorsi autem fœtus versus orificium uteri vergebat. Brachium dextrum extra orificium propendebat, sinistrum verò uti quoque crus dextrum (quod versus caput reflexum) mediantibus valis umbilicalibus (qui truncum corporis bis circumdederunt) trunco corporis ita alligabantur, ut ab initio fœtus ad exitum minus commodè sese parare posset, sed omnia inverso ordine acciderent. Tertia denique causa est facultatis expultricis labefactio ac prostratio, quæ fit aut propter vitium cordis abolitionem, aut ex solo vitio uteri. At in hac matrona vires vitales ad finem fœtû vitæ suæ integræ permanserunt. Causa itaque ex utero ipso petenda est, hoc modo. Ab initio cum fœtus, qui & maturus & robustus erat, cum maximo impetu sese moveret, & ad exitum præpararet, sinistro pe de corpus ipsum uteri versus dextrum latus dilaceraverat: hinc facultas expultrix ipsius uteri & protinus & omnino abolita fuit, parturientium quoque dolores, & conatus cessarunt. Rptionem autem illam uteri in aliis quoque observavi, cujus disruptionis subita illa abolitio facultatis expultricis, & parturientium conatus (si vires vitales integræ permanserint) certissima semper mihi fuerunt indicia, idque quotiescunque accidit, de vita parturientis actum est, nisi sectio Cæsarea (quæ tamen in hoc casu valde suspecta est) administrata fuerit. Disruptio enim instrumenti, nimirum utero, cessat quoque actio, hoc est, virtus expultricis, & parturientium conatus, ut antea quoque dixi: quæ omnia cum neque

*Causa difficilius par-*  
*tes.*

*1. Angustia orificii.*

*2. Situs fœtus præternaturalis.*

*3. Facultas expultricis labefactio.*

*Uteri ruptio.*

medicamentis neque manu excitari possint, putrescit tandem fortis, simul & secundina: ex qua putredine vapores putridi, ac maligni ad partes nobiles ascendunt, mortemque accelerant. Occurrit & alia causa, propter quam dolores, & conatus parturientium protinus cessant, Medicis, ut plurimum incognita, nimirum cum ex motu isto vehementissimo fetus, vas aliquod internum disrumpitur, quemadmodum vidi in matrona quadam honesta ac pia, de qua lege observationem § 7. cent. 3. In his autem facultates omnes propter deperditionem sanguinis protinus prosternuntur. Delineationem hujus sius admirabilis libenter nunc ad te misissem, nisi procul abessem à bibliotheca mea, fiet id, Deo dante, cum Bernam reverfus fuero.

De milite cujus in epistola tuam mentionem facis, quid dicam? veror ne subsit focus: Solus enim Deus miraculose unico quin etiam verbo ex tempore gravissimos sanat languores, nos autem medicamentis, quæ tempus requirunt, antequam ex potentia in actum à calore nostro innato reduci possint. Verum si anguis latet in herba, tempus, ac veritas ipsa tandem patefacient. Superioribus annis hujusmodi agyras, pseudomedicos, & circumforaneos hic quoque habuimus, sed cum suis miraculis, & remediis veluti fumus brevi evanuerunt. Ante mensem literas ex Hassia, à Dn. *Georgio Fabro* Medico & Chymico celeberrimo accepi, scribit ille Dn. *Libavium* diem suum obiisse, uti quoque Dn. *Jacobum Mosanum*, illustissimi Principis *Mauritii* Landgravi *Hassie* Doctorem Medicum; & Chymicum eximium, qui & meus fuit amicus intimus: Promiserat ille mihi, se controversiam illam de usu aquæ chalybeatæ in dysenteria enucleaturum: utinam id præstitisset: præstitisset autem sine ullo dubio, nisi invida mors illum nobis eripulset. Prædictam autem aquam alvum movendi vim habere, cum superiori autumno cum junioribus principibus Genevæ rediens, Bernam transiret, ac me inviseret, constanter mihi coram affirmavit. Tu si libuerit hoc genus argumenti facile tractare nodumque illum Herculeum solvere posses: Idque ut propter commune bonum facere velis, te etiam atque etiam adhortor.

Scripti ad Dn. D. *Craffium*, & ut radices ellebori nigri ad te mittat, admonui. An autem radices illæ veri ellebori nigri tam copiose in tractu isto reperiri possint, valde dubito. Rarus enim nobis est elleborus ille verus, & non nisi in hortis, & quidem in paucissimis reperitur. Consiligo verò, quam *Matthiolus* in Dioscor. lib. 4. cap. 146. pseudohelleborum

*Libavii  
obitus.*

*Aqua chalybeata alvum movet.*

rum vocat, & Hieronymus Tragus part. 1. cap. 135. legitimum elleborum (quamvis malè, ut idem Matthiolus ostendit) esse putat, copiosè in montibus nostris crescit: sed adèd malignus est, testante Trago part. 1. cap. 83. ut etiam lupos & vulpes enecet. Cautè igitur in electione radicum ellebori nigri agendum est.

Hæc Lausannâ, ubi ante dies quindecim ad ægros quosdam vocatus fui, ad te scribo. Vale vir clarissime, & æternùm felloiter vive. Raptim ultimâ Februarii 1617.

*Idem ad eundem virum clarissimum atque doctissimum Dom. D. CLAUDIUM DEODATUM Post scriptum.*

Delineationem situs admirabilis fœtus in utero, quam in postremis meis ad te literis promisi, vir amplissime ac doctissime, nunc ad te mitto, ut possis ea, quæ in descriptione sunt obscura ex delineatione plenius cognoscere. Misissimè eam maturius, nisi Lausannæ & alibi aliquandiu derentus fuissim, & pictorem diligentiorē habuissim. Nobilis ille (de quo superiori anno ad te scripsi) qui ex diuturna, & inveterata melancholia in maniam incidit, & à me feliciter restitutus fuit, sexta die mensis Februarii hujus anni, piè placideque obdormivit: Vir à curatione in decimum fere annum, & rem familiæ suæ rectè ac prudenter administravit. Vides etiam in gravissimis, & inveteratis morbis minimè desperandum esse. In vehementissimis autem istis corporis agitationibus materiam peccantem in corpore ita agitaram, excalescentem, attenuatamque fuisse arbitror, ut postmodum partim per sudores istos, veluti extraordinarios, partim quoque per medicamenta melanagoga expulsa, atque dissipata sit. Vale vir amplissime. Raptim Bernæ 2. Martii 1617.

*Vide supra  
observ. 9.*





## OBSERVATIO LVIII

## De admirabili quodam affectu uterino.

*Clarissimo experientissimoq; Viro Dn. GUILHELMO FABRICIO Hildano, Chirurgo-Medico Bernensi, domino & amico longè charissimo, CLAUDIUS DEODATUS, reverendissimi ac illustrissimi Episcopi Basileensis Medicus ordinarius S. P. D.*

**A**dmirabile tuū, clarissime Dn. Hildane, de situ mortui fœtus in utero, ipsiusque uteri ruptione historiam non sine stupore legi. Digna profectò, quæ cæteris observationibus inseratur. Doctè admodum causas difficultatis partus, & exclusionis fœtus in medium adducis: Ego præter angustiam, siccam corporis constitutionem, situs fœtus in utero contenti perversitatem maximi facio in hoc casu facultatis expultricis prostrationem: nō tam ob vitalis facultatis jacturam, quàm uteri à periclitante fœtu factam ruptionem, & dilacerationem excitatam: Siquidem rupto instrumento seu utero, ut verè scribis, haud injuria cessare ejusdem instrumenti actio. Gravia autem illa symptomata, cardialgia, recurrentesq; tum lypothymiz, tum syncope, febris item,

& tandem mors ipsa, haud dubiè è venenatis, corruptis & putrescentis tum foetus, tum uteri vaporibus regiam vitæ sedem impetentibus excitabantur, ut meritò ad cardiaca medicamenta primis morbi insul-  
tibus accesseris.

Quandoquidem autem de uterinis aff. &ibus nobis sermo sit, admirabilem quoque cujusdam honestissimæ matronæ Bruntrutanae historiam recensebo. Hæc postquam bis utero feliciter gestasset, elapsis aliquot annis, menstrua, quæ alioquin aut rarentur, aut diminutè satis fluere solebant, singulis postea mensibus & quantitate & qualitate peccantes apparuerunt: post immodicum enim sanguinis fluxum, magna viscosæ, tenacis & albicantis pituitæ copia egerebatur. Interim uterus clam, furtimque in tumorem aspectabilem tractabilemque elevati, & non ipsi duntaxat matronæ, sed & adstantibus amicis de tertio conceptu spem facere cœpit, donec immodicus mensium fluxus singulis Lunis copiosè prorumpens, falsam de conceptu foetu opinionem fregit. Venter siquidem indies in molem excresecens, non amicis duntaxat, sed & mihi eundem paulò attentius palpan-  
ti, primùm non dubiam de accepta quadam mola, sive ex crassis flatibus aut viscosis & tartareis humoribus, sive carnea congerie ex cruditate & corrupto semine in utero congestis spem fecerat: mox tamen mammarum flaccescencia, falsæ molæ immobilitas, maximè solennis mensium fluxus tanta copia, tantoque impetu prorumpens, omnem de concepta in utero mola metum ademit. Vix enim hætenus in utero subsistere potuisset, quin tandem aliquando laxatis uteri vinculis, referatisque ejusdem vasis, & otificio, unà cum tanto profluentis sanguinis impetu excuteretur. Rejecta igitur & de concepta mola opinione, crevit de imminente hydropis suspicio, crescente utpote indies ventris tumore, cum foedo faciei colore, cachexia, pedum crurumve inflatione, & notabili viriù prostratione, ob nimiam scilicet sanguinis profusionem. At cū nectaris vivifici fons hepar, tum propter laudabilem facultatis hepaticæ progressum, tum propter facultatis sanguificæ firmitatem, nec dum vires amittat, cachecticusque ille corporis habitus alia ratione non accedat, nisi quatenus fons vivificus ob nimiam mensium profusionem sensim exhauritur, sit, ut de vera aliqua hydropis specie, certam facere significationem nondum possim. Nec enim præcessit libetalior aquæ pridem suppressæ haustus: nec perennis sit humoris hydropici in partibus abdom. in. subjectis generatio, quæ facultati hepaticæ  
impe-

*Observatio  
Affectus  
quidam u-  
terinus.*

*Hydrops.*

*Hydropis  
caussa.*

impedimento esse possit. (Jecur n. adhuc omnis vitii expert) Nec item propriū hepatis officiū, ipsa scilicet sanguificatio à partiū propinquantū lienis, mesenteriiq̃ue interceptione, infarctu, aut sympathia prohibetur: tum quod tales infarctus non adsint, tum quod jecur probe suo fungatur officio; ut ex immodico laudabilis sanguinis singulis Lunis prorumpente fluore, nullam tamen hepatis Atoniam excitante constat. Hæc igitur nobis de aliqua hydropis propriè dicti specie omnem metum ademerunt: Anasarca quidem seu hypofarca, cum jam nulli crudi ac pituitosi humores in totum corporis habitum effundantur: Tympanitidos quoque, cum res flatulenti spiritus intestinorum capacitati includantur: Ascitidos demum, cum res aquosi nec serosi fluores flatibus permixti internam abdominis cavitatem distendant. Nec etiam de hydropis uteri suspicio esse potest, in eo siquidem, si vel crudi crassique fluores, flatūsve includerentur, vix fieri posset, quin pridem unā cum copiosissimo mensium fluore excluderentur.

*Observat.*

*Existimo igitur massam illam duram ac globosam, quæ tactu facile percipitur in abdomine, esse variorum, crassorum, glutinosorumque humorum, fortè & sanguinis concreti, flatuumque crassorum congeriem, propriā quādam membranā inclusam, atque intra peritonæum & intestina in inferiori abdominis parte propè uterum, non in interna ejus cavitate sitam firmiterq̃ affixam. Et sanè ante paucos annos præsentente Chirurgo in defuncta quadam muliere, quæ multis annis hydropica credebatur, similem massam proprio involucri, sacci instar investitam observavi, aperto quippe corpore nihil in abdomine reperi, quàm durissimam massam propriā membranā involutam: quā apertā, aliquot nigricantis, & foetidissimæ aquæ amphoras, magnam item crassorum humorum, & concreti sanguinis copiam inventi, salvis cæteris abdominis partibus, jecore, utero. Hinc fit, ut opinor, quod honestissima, & sæc juvenula matrona nullis hæcenus medicamentis curari, massaque ista sensim crescens, nullis thermis emolliiri, nullis medicamentis, nulloque artis ingenio excuti possit. Hæc ad te scribo, ut si a-*

*liqua industria hanc matronam curare possis, me moneas, nec enim grande decretorum laborum præmium. Vale  
vir doctissime, & me amare perge.*

*Clariss.*



Clarissimo viro Dn. D. Claudio Deodato, &c. Guilhelmus Fabricius Hildanus S. P. D.

De casu isto inferioris ventris matronæ cujusdam Bruntrutanae, clarissime atque amicissime mi Dn. Deodate doctæ, & accuratè scribis, ac meo quidem iudicio affectum illum nondum propriè esse hydropem, sed congeriem potius vatriorum, crassorum, glutinosorumque humorum, in ipso ventre affixam, rectè concludis. In hydropse enim abdomen ad diaphragma & costas veras usque nunc seroso humore, ut in ascite, & anasarca, nunc flatu, ut in tympanite, æqualiter extenditur, & ita quidem, ut scirrhī, si qui sint in hepate, & liene vix percipi possint. At in vestra ægra globosa illa massa in inferiori ventre, & quidem è regione matricis tantummodò percipitur. Scribis præterea hepar adhuc sanum, ac integrum esse, probè quin etiam suo fungi officio, quod in hydropse fieri nequit. Est igitur affectus, atque durities illa aut in ipso utero, aut extra ipsius concavitatem, omento, mesenterio, aut pancreati affixa. Video te in hanc sententiam inclinare, massam illam duram intra peritonæum, & intestina propè uterum non in interna ejus cavitate sitam, fitmiterque affixam esse. Solennis enim mensium fluo, inquis, tantà copiâ, tantoque impetu prorumpens, omnem de concepta in utero mola, metum ademit: Vix enim hætenus in utero subsistere potuisset, quin tandem aliquando laxatis uteri vinculis, referatisque ejusdem valis, & orificio, unâ cum tanto profluentis sanguinis impetu excuteretur. Porro etsi ex ipso omento, pancreate, & mesenterio aliquando hujusmodi excrecentias nasci, ac in scirrhos concrelescere sciam, hisce quin etiam meis oculis viderim: hæsito tamen aliquantulum, an in vestra ægra malum sit extra uterum, nec immeritò: Scirrhī enim, qui extra matricem concrelescunt, pedetentim nascuntur, & ita quidem, ut aliquando per multos annos tactu deprehendi non possint, præcipuè si in pancreate, aut mesenterio fuerint, profundè enim jacent, & intestinis ita cooperiuntur, ut non nisi pressu inveniuntur. At in vestra ægra parvo temporis intervallo accrevit tumor. Ex omento aliquando admirandi tumores oriuntur, ut apud *Marcelum Donatum* à clarissimo viro Dn. D. *Georgio Horstio* editum lib. 7. cap. 4. videre poteris: sed ut plurimum pro commotione corporis, facillè ex uno in alterum latus commoventur. In vestra autem ægra, quantum ex tuis colligere possum, ferè immobilis fuit tumor. In tumoribus & scirrhīs o-

*Responsio  
ad præce-  
dentem ob-  
servationē.*

*Scirrhī pe-  
detentim  
nascuntur.*

*Tumores  
admirandi  
in omento.*



Observat.  
Molam ge-  
stantes, etiā  
menstrua-  
les purga-  
tiones ha-  
bere pos-  
sunt.

Vide cens. v.  
obs. 67. &  
cens. i. ob-  
servat. 57.

menti, mesenterii, & pancreatis mammae non intumescunt, at in vestra  
agra intumuisse non obscure indicant literae tuae. Hinc verisimile mi-  
hi videtur, malum potius in utero, quam extra cavitate ipsius latita-  
re, etiam si haecenus menses copiose, & frequenter proflexerint, ex  
quibus tu concludis, nihil in ipso utero posse delitescere, sed crede mi  
Domine Deodate, idem me in nonnullis matronis observasse, praecipue  
in nobili matrona hujus urbis, quae molam ejus magnitudinis, ut ipsam  
non solum ita etando ventrem, verum etiam digito in collum uteri im-  
misso, perferre possem, gestabat: interim tamen suas habuit purga-  
tiones menstruales. Non autem ex ipso utero profluunt menses eis,  
quae molam gerunt, sed quemadmodum refert Ambrosius Parvus lib.  
26. cap. 65. per ramos venae & arteriae hypogastricae, quae in uteri cervi-  
cem sparguntur. Ex ipso quoque utero aliquando profluere menses  
nec propterea tamen molam excui verisimile est, nonnunquam enim  
tam tenaciter adheret, ut cum ipso utero unum constituat corpus, uti  
ego in dissectionibus aliquoties observavi. Non male igitur feceris,  
meo quidem iudicio, si circa exclusionem molae dummodò vires con-  
senferint, laboraveris. Haec sunt vir amplissime atque doctissime, quae  
pro temporis angustia ad te scribere potui. Vale & cum tuis omnibus  
aeternum quam felicissime vive.

CLAUDIUS DEODATUS Med. D. Praestantissimo, famosissi-  
mo Chirurgo-Medico Dn. Guilhelmo Fabricio Hildano  
S. P. D.

Admirabilis illius fetus in utero constituti delineationem; non si-  
ne animi iucunditate contemplatus, mirabilem naturae solertiam pru-  
dentiamque & varios in homine juvando conatus, sum admiratus,  
quae, etsi suo non semper potitur propositio sine, ne tamen frustra omni-  
no suam operam posuisse videatur, inaccessas hominique ferè inco-  
gnitas vias modosque tentat, ut haud injuria è praeceptis philosophis Po-  
lidædala, & omnicia natura nuncupata fuerit. Operæ precium feceris  
si pulcherrima hac observatione quartam tuam Centuriam exorna-  
veris.

De angia  
chalybeata.

Si in difficili illa quaestione de chalybis in Dysenteria usu, tibi aliqua  
saltem ex parte satisfactum sit gaudeo, num autem lucem publicam vi-  
dere digna sine, prudentissimi tuo iudicio relinquo. Hoc saltem tibi  
certo persuasum velim, me propter singularem, quo te prosequor a-  
mo-

morem, & candorem omnem operam daturum, quotiescunque sese obrulerit occasio, ut & studia laboresque & insignes conatus, quos in defessis sudoribus, & candida animi significatione in publicam Rei medicæ utilitatem indies magis magisque producis, meis qualibuscunque studiis juvare, & toti mundo commendare possim. Utinam omnes pari passu, eademque sinceritate & candore suas observationes publicis typis darent, brevi temporis spacio, non sine animi jucunditate, & studiose inventuris utilitate videremus auctam Rempublicam Medicam, & inter spinosæ agytarum, & sophistarum sentes, triumphantem.

Monui non ita pridem, ut data occasione, in juvenum Chirurgorum gratiam aliquid solidi, & certi de lepra, ejusque examine, signisque *De lepra.* Characteristicis in publicum ederes. Cum enim hoc tempore ad Lepre examen imprudentes, & illiterati Chirurghi vocentur, qui cum leprâ a lepra minimè distinguere possunt, facile impingunt, & in ferè da sententia tum sibi, tum iplis ægrotis plerumque non sine utrorum famæ & ætate imponunt: qua de re copiosam satis ad te misi observationem, à nobis nuper observatam.

Misi quin etiam nuper ad se satis bellam cujusdam Matronæ observationem, falsæ Molæ suspicionem laborantem: in qua adductæ rationibus probare nitebar, illum ventris tumorem nulli hydropis speciei adscribi; non item molæ uterinæ annumerari posse: sed esse potius massam quandam globosam, ex variis crassis, lentis, frigidi quætu humoribus, tum fluitibus congestam, propriæ membranæ seu involucri inclusam, non intra uterum, sed forinsecus supra uterû, intra Peritonæum, & ipsa intestina consistere, ibique firmiter median- *Falsæ molæ suspicio.* tibus ligamentis, & membranis hæreere.

Tu contra doctissime & solertissime mentis, & animi tui sensum hoc modo explicas, Doces primò ejusmodi durities Scirrhusas, & excrescentias quandoque in lienis, Mesenterio, rârè tantum ipso in omento, & Pancreate oboriri. Descriptam autem à me congestam duritiem seu excrescentiam scirrhusam tibi potius intra uteri capacitatem sitam videri, tum quod non pederentim, sed brevi temporis spacio excreverit tumor; tum quod ferè immobilis fixus, eodem in loco hæreat, cum tamen omni tumores scirrhusi mobiles sint, & pro varia corporis motione variè etiam moveantur: tum quod ab initio statim mammæ intumuerint, quod tamè nec in mesenterii, nec omenti, nec Pancreatis du-

ris tum moribus contingitur: tum demum quod fluentibus licet mensibus ipsam tamen molam non excuti necesse sit, ea quod sæpè tenaciter utero adhæreat,

His omnibus doctissimis rationibus, non tamen contradicendi, sed potius exercendi ingenii studio, brevibus satis facere conabor. Primum nec ipse unquam existimavi, subesse aliquem vel in mesenterio vel in omento, aut pancreate scirrhosum tumorem, cum hæc nostra massa tantam nec duritiem habuerit, sed sit ætæabilis satis, nec ita occulta, & immersa, sed circumscripta satis, oculis, & ætæ quæque obvia. Ejusmodi massæ cum primas agunt radices, non statim vel à Medico, vel ab adstantibus ipsisve ægrotis percipiuntur; præsertim in obesis & pinguibus, donec in aspeæabilem molem excreverint; ideoque non mirum si primum generationis principium non considerans, scripserim, ex iquo temporis spacio in aspeæabilem molem massam illam excrevisse. Rarò enim, ut nosti ad prima morborum principia vocantur medici. Creverunt mammæ primis mensibus, non quod mola utero inclusa ad sui nutrimentum menstruo sanguine fuerit usa: aut quod oclusis uteri venis, sanguis ille ad mammæ reptus fuerit (quævis enim mense & flore scunt adhuc etiam) sed quod obesi, crassi que corporis multis etiam flatibus, & vaporibus referti constitutionem, multi quoque status mammis sese insinuarint, ideoque scripsi falsam illam mammæmarum excrecentiam & inflationem, & nobis & adstantibus falsam de vero conceptu opinionem fecisse. Nervosior multò jam dictis, ultima videtur ratio, cui tamen sic obviandum. E venæ cavæ descendentes testibus, vesicæ, utero aliisque vicinis partibus alimentum imperientis, ramo, duæ propagines disseminantur; quarum altera epigastrica sursum vergens, alteri quæ vulvæ cervici inseritur, & mammis, occurrat, ex qua uteri cum mammis consensus exoritur, & per hanc propaginem, & virgines, & prægnantes menstruum sanguinem profundunt, licet aliis quoque per easdem vias sanguis profluere possit: Altera verò ejusdem trunci propagio in ipsius uteri corpus inseritur, inque ejus cavitatem disseminatur, qui & sætæui alimentum, & omnibus sætæminis menstruum purgatione præstat. Hinc patet non statim abortum esse pertimescendum, cum gravidis quandoque menses prorumpunt, eo quod ab exterioribus venis uteri collo, seu cervicis insertis promanent. Quod si ab interioribus venis, sætæui adhærentibus, eique alimentum subministrantibus, fluant, rarò sætæus debito tempore in lucem

*Menstruum sanguis, ex quibus venis derivatur.*

*Etiæm gravidis menses profluere possunt.*

cem editur, cum sint acetabula illa, & ora venarum, quæ in uteri cavitatem desinunt, & per quæ fœtus alimentum trahit. fœtusque involucia fiunt, Ex hisce patet, molam, seu potius massam illam in ipso utero non contineri. Nam cum ipsa acetabula, & ora venarum interiorum uteri, æquè benè molam, ac fœtus ipsos involucris instar circumdeant, & ambiant, vix fieri potest, quin in tam frequenti, tamque copiosa mensium eruptione, massa illa jamdudum sit excussa. Et licet fatear una tecum, menses subinde ab exterius foribus descendens cavæ ramis uteri collo, & cervici insertis profluere, nunquam tamen mihi persuadebis, ab ejusmodi venis satis angustis, & exiguo meatu patentibus, tot concreti sanguinis massulas, sæpè pugni instar, tantâ copiâ singulis mensibus prodire, uti nuperrimè adhuc in dicta matrona ipse observavi, quæ etiamnum (nisi massa illa foret) satis bona fruitur valetudine, præterquam quod, ut dictum, singulis mensibus maximam sanguinis concreti partem, partim fluidi, & rûbentissimi copiam profundat: unde temporis progressu aliud non expectandum, quàm hydrops. Ipsa moles jam amplius excrecere non videtur, sed in eodem ferè statu permanet, citra aliquam doloris acerbiteriam. Et hæc sunt mi charissime *Fabrici*, quæ non contradicendi studio, sed ut amoris nostro locum darem, scribere volui. Vale millies, milliesque, & cum sese dederit occasio frequentius ad me scribe. Pro tractatu de gangræna nuper recuso, cum non habeam, quo talionem reddere possim, gratias habeo longè maximas, precorque Deum ter Maximum, ut tibi Nestoreos annos cum vitæ, valetudinisque integritate concedat, quod & facilius, & felicius tuis studiis, & laboribus tem  
 medicam exornare queas. Vale. Datum  
 12. Maji. 1618.

R 3 O B-



## OBSERVATIO LIX.

Gravida, cum ictum bombardæ in coxam recipe-  
ret, abortum facit.

*Viro clarissimo atque doctissimo Dn. DANIELI DANIELIS A-  
pud Düsburgenses Clivorum Doctori Medico longè celeberrimo,  
amico meo plurimum honorando, GUILHELMUS FABRI-  
CIUS Hildanus S. P. D.*

*De morfu  
canis rabi-  
di.*

*De portione  
Luchten-  
bergica.*

*Medica-  
mentum  
cum agro.  
& morbo  
propationē  
habere de-  
bet.*

Quod ad observationem meam de morfu canis rabidi tradidisti re-  
sponsum, Vir amplissime & amice plurimum observande, gra-  
tum, imò gratissimum mihi fuit: & quomodo non gratum? singula-  
rem enim tuam in me benevolentiam ex eo satis colligere licuit. Faxit  
Deus Optimus Maximus, ut contra & tam inter nos amicitiam fovere,  
tuæque Excellentiæ officiis debitis respondere possim.

Descriptio portionis Luchtenbergicæ advertert mortuum canis rabi-  
di hisce diebus ab amico quodam Viro docto mihi communicata fuit:  
illam contra venenam valere, etsi ingredientia si dem faciant, in multis  
quineriam maximo cum fructu adhibitam fuisse sciam; attamen, ut in  
exhibitione methodus observetur, necesse esse mihi videtur. Quomo-  
do enim unum idemque remedium, tam pueris, quam senibus, & in  
eadem ferè quantitate exhibitum, intra novem dies venenum hocce  
tam exitiosum atque lethiferum securè extirpare possit, non video.  
Medicamentum enim, ut cum corpore ægrotantis, simul & cum morbo  
analogiam, proportionemque habeat, necesse est. At quia morfus  
canis rabidi inter morbos maximos numeratur, omnesque partes no-  
biles occupat, quisnam, quæso, venenum hocce tam cito, & indifferen-  
ter in omnibus levi hocce medicamento expellere atque superare pos-  
set? Quandoquidem *extremus morbus*, ut Hippocrates docet, *extrema con-  
veniunt remedia*. Deinde reperiuntur multi, quorum calor nativus pro-  
pter indispositionem aliquam internarum partium labefactus, &  
veluti sopitus est; ita ut medicamenta intra novem dies ex potentia in  
actum convertere non valeat. Alia præterea reperiuntur corpora, quæ  
pravis humorib. ita abundant, ut vis medicamenti ab eis suffocetur. Rectè  
itaque

Itaque antiquitas medicamentum ex cancri fluviatilibus in morfu canis rabidi per quadraginta dies exhibuit. Sed hæc obiter dicta sunt.

*Medicamentum ex cancri fluviatilibus ad morsum canis rabidi. Observat.*

Cæterum cum T. Excell. rerum rararum studiosissimam esse sciam, casum sequentem adscribere non gravabor. Superiorem mensem Junio, undecima die accidit Esseniz, ut matrona octavo mense imprægnationis ictum bombardæ in coxam dextram reciperet: non tamen globulos, sed chartâ dentib. cōtrita atq; commasticata; intraveratq; charta ista (uti mihi ab adstantibus & barbitonsore ipso relatum fuit) musculos ad longitudinem digiti. Ex ictu porro isto factus aded commotus fuit; ut protinus (ægra id facili observare potuit) mortem obiret, & aqua, quæ factum comitari solebat, paulò post efflueret. Postera die doloribus parturientium correpta ægra, factum nō tantum mortuum, imò & nigrum, hæcidum, fætidumque peperit. Et si autem post partum per dies aliquot graviter laboraret, cōvaluit tamē: Vulnus quinetiæ viginti quatuor dierum spacio planè consolidatum fuit: sed non nisi suffulcris & incurvato corpore, idque maxima cum difficultate incedere potuit. Ego cum ingratißimum istum Nobilem T. Excell. probè cognitum divino auxilio sanitati restituissem, & 16. Julii ab ipso discessurus essem, ad prædictam ægram accersitus fui, ut quænam hujus impotentia & corporis incurvationis esset causa, investigarem, simulque remedia apta præscriberem. Tum autem duritiem maximam in inguine, & ab ipso oss. pubis regionem hepatis versus ascendentem repeti; eaque non solum musculis abdominis, verum & quarto itemque crassissimo in femur procedentium nervo adhærebat; quamobrem & doloribus continuis vexabatur ægra, neque uti dixi rectè, sed incurvato corpore & innixâ baculo incedere potuit. Præscripsi evacuantiæ, fomentationes, inunctiones, cataplasmata, enemata, aliaque medicamenta, omnia tamen in illum finem, ut corpus à pravis humoribus exoneretur, ne vi corroborarentur, & durities illa circa nervos emolli-retur. Ex usu porro horum medicamentorum ita restituta fuit, ut nunc erectæ, & abique baculo incedere, domestica quinetiam sua negotia peragere possit.

Movebatur autem tunc temporis inter adstantes quæstio, nimirum factus an fuerit ex ictu interfectus, necne? Ego etsi propter certas causas, quid sentiebam, coram adstantes silentio præterirem; attamen factum ex ictu ipso mortuum fuisse affirmare ausus sum. Etiam si enim ad necem ipsum non pervenerit ictus; aded tamen commotus fuerat

*Quæstio. An factus in utero ex ictu bombardæ suæ interfectus fuit.*

cum uterus, tum etiam ipse fœtus (qui tum temporis, scilicet octavo mense imprægnationis valdè debilis erat) ut ruptis membranis aqua illa, quæ fœtum comitari solebat, efflueret, & hepar uterinum à valis cotylidonib. abrumperetur, fœtusq; enecaretur: non minus ac pisces in aqua ex violentia ictus enecantur, etiam si globulus ipsos non attingat.

*Nigredo unde.*

*Mater ex nimia propter incensum conservatione, infantem edidit igneis notatum maculis.*

Nigredo porro & indicia contusionis, quæ in fœtu appatebant, ex forti imaginatione matris provenisse planè sentio. Simile enim quid clarissimus & longè celeberrimus ille Philosophus simul & Medicus Dn. *Georgius Horstius*, Illustrissimi Landgravii Hassiæ Medicus ordinarius, & in Academia Gieslena Medicinæ Professor celeberrimus, amicus meus singularis, Gieslæ in matrona quadam observavit. Illam enim secundo, aut tertio die ante partum propter incendium perterrefactam, infantem sanum quidem, sed undique maculis igneis contaminatum peperisse, non ita pridem ad me scripsit: Tam efficax in prægnantibus est imaginatio; ex qua admirandæ quandoque proveniunt maculæ, fissuræ, exuberantiæ, aliæque quamplurimæ, quæ captum nostrum excedunt. Hinc quoque duritiem illam, cujus antea memini, ortum suum traxisse verisimile mihi videtur. In forti enim ista imaginatione spiritus, imò & multi humores versus uterum & vicinas partes confluerant. Et quia barbitonfor, cui demandata fuerat curatio, internarum partium nullam habuerat rationem, tumor ibi in musculosis & nervosis partibus remanserat.

*Fœtor unde.*

*Causa putredinis.*

Fœtor verò unde proveniret, dubitatur. Nonnulli fœtum ante ictum mortuum fuisse ex fœtore colligere voluerunt: quibus tamen ego subscribere non possum. Cum enim pervestigarem omnia, ægramque de statu suo ante ictum examinarem, ne minimum quidem, fœtum antea extinctum fuisse sese obtulit. Computruit autem citissimè, primò quia tenellus, ac nondum maturus erat fœtus, secundò, quia calido humidoque loco inclusus, tertio quia calore suo nativo, qui omnia vivificat, & putredini adversatur, destitutus. Quattò quia calor præter naturam qui omnia destruit, in ipso accensus. Quintò quia constitutio æris tum temporis valdè calida & humida, ac proinde ad putredinem proclivis. Has præcipuas fuisse causas, quod fœtus tam citò putredinem contraxerat existimo. Tua verò Excell. hac de re quid sentiat, intelligere cupio. Generosus Dn. Comes mecum Tuam Excellēt. avidè expectat, propterea itaque ad nos. Vale vir clarissime & Fabricium.

*brucium* tuum amare perge. Dabam in arce Bruch. 8. Augusti Anno 1612.

## OBSERVATIO LX.

De prolapsu uteri propter ineptam, violentamque agitationem, tractationemque secundinæ.

**M**atrona quædam gravis ex nobilissima, & antiqua familia Erlachiorum oriunda, cum totum tempus imprægnationis continuis ferè dolorib. lumborum partiumque genitalium confecta, & tandem sexto mense imprægnationis parturientiam doloribus correpta esset, foetum mortuum utcumque feliciter peperit. Obstetrix ignorans, alterum adhuc adesse foetum, cum secundinam vi extrahere vellet, sequutus est dolor lumborum adeò magnus, ut protinus ab opere desistere coacta esset. Alià itaque advocata obstetrice, secundum foetum peperit, sed mortuum quoque. Cæterum etsi secundus partus utcumque quoque successerit, dolores tamen lumborum, partium genitalium, totiusque ventris (qui post violentam ineptamque agitationem primæ secundinæ supervenerant) continuarunt; uterus quin etiam ad pugni magnitudinem extra vulvam prolapsus, ab obstetricibus reduci non potuit. Postquam per duos ferè menses hujusmodi doloribus noctes, diesque, mirum in modum excruciatæ esset, obstetricum, muliercularumque infinitarum, infinitis penè remediis usa fuisset, tandem 14. die mensis Junii superioris anni 1617. me quoque ad se advocare jussit, omnia, quæ ab initio acciderant, exponens. Tum ipsam decumbentem, & propter doloris vehementiam ac diurnitatem, febricitantem reperi, corpus extenuatum, & vires prostratæ erant, uterus quinetiam, uti antes dixi, propendebat. Primò itaque propter doloris vehementiam, vigiliis, viriûmve prostrationem, sequentem potiunculam exhibui.

*Obstetrix incuria.*

℞. confectiois alkermes ʒß.  
extracti nostrianodynii ʒß.  
aquæ cinnamomi ʒß.

*Potiuncula corroborans  
& dolorem leniens.*

Cum decocto agrimonie, veronice, liquiritie, ac seminum anisi fiat potiuncula, detur tribus horis post cœnam. Lumbos, os sacrum, coxas,

**S** perinæum



perinæum, inferioremque ventrem oleo rosaceo inunxi. Ea nocte bene quievit. Quapropter sequenti die, cum vires aliquomodo constare viderem, ipsam sequenti potiuncula clementer expurgavi.

℞. Spec. diuturbiſti. cum i habarb. ʒj ʒ.

syropi rosar, solutivi ʒj.

cum decocto præscripto q. s. fiat potiuncula.

Eadem die cum Badena mihi proficiscendum esset, optima prius præscripta victus ratione, uxori meæ curationem absolvendam commisi. Illa me absente corpus per intervalla leniter expurgavit, & quæ vires instaurant, uti est confectio alkermes, aqua cinnamomi, & similia, exhibuit: exterius manumque quin etiam admovit, non tantum anodyna, verum etiam tandem adstringentia, prout necesse fuit, applicuit. Hisce remediis, & optimæ victus rationi, Deus Opt. Max. ita benedixit, ut post dies quindecim, cum ego Badena reversus essem, ipsam in integrum restitutam reperirem.

## OBSERVATIO LXI.

De prolapsu uteri in nobilissima quadam domina.

Uteri prolapsus.

A Nno 1612. cum parentes & amicos invisendi gratia, in patriam profectus essem, ad nobilissimam matronam, cui uterus ad ovariferini magnitudinem maxima cum ipsius molestia propendebat, vocatus fui, quibus autem de causis malum illud contraxerit, ab ipsa expiscari non potui. Hoc tamen scio, ipsam nunquam utero gestasse, atque hoc vitio per multos annos laborasse, multosque sustinuisse dolores, neque ullo remedio, quantumvis ex arte adhibito, sanari potuisse. Fabricavi ipsi globulos ex subere ejus magnitudinis, ac formæ, uti illos hic depinximus, quibus uterus ita in corpore retineretur, ut si ve pedes deambulare, si ve equum aut currum conscendere voluerit, nullum incommodum inde perferat. Primus autem globus omnino sphæricam, alter vero ovalem habet figuram, suntque ex subere fabricati, & sequenti cerato obducti.

Ceratio.

℞. ceræ novæ ʒiij  
calophonia,  
gummi elemiana ʒj.

CENTURIA IV.



339

terebinth. ℥ iij.  
 pulv. rosarum odos ~~rosa~~ *2. f. my*  
 myrtillorum,  
 balauſtior.  
 rad. consolidæ majoris ana ℥ j.  
 mastice &  
 olibani ana ℥ iij.

Misceantur omnia diligenter, & cum sufficiente quantitate olei *Ceratum.*  
 rosacei, fiat ceratum in forma solida.

Globi autem cerato intingendi sunt interim, dum adhuc liquidum  
 calidumve est: idque in eum finem, ut porositates, cavitatesque ipso-  
 rum cerato adimpleantur. Postea spatulâ calidâ undique lævigandum  
 est ceratum. Habeant quoque globi annexum funiculum, cujus be-  
 neficio urgente necessitate extrahi possint. Utitur nunc sphærico,  
 nunc ovali globulo, prout libuerit, nec unquam ipsum, nisi ante actum  
 venterum deponit.

S 2 Dili.



Diligenter autem prospiciendum est, ut g'obi cum genitalib. proportionem habeant, collumque matricis adimpleant. Magnis enim intrudi non potest; parvus verò uterum non retinet. Annotatio.

## OBSERVATIO LXII.

## Prolapsus uteri compendiosa curatio.

**M**ulier quædam Jutta nomine Hildenzæ habitans, quæ & olim apud parentes meos officio ancillæ per annos aliquot fideliter functa fuerat, cū viro nupsisset, propter inopiā, & inde resultantem pravam victus rationem (erat enim ipsis res angusta domi) una cum marito scabie correpta & Coloniz à leprosis (quibus eo in loco, quod alibi inconsumetum, visitatio & examinatio leproforum commissa est) pro leprosis adjudicari fuit. Non diu post, cum primo utero gestaret & partus difficilis esset, prolapsus uteri sequutus est,

Venit ad me Anno 1580. exponens miseriam suam, purgavi aliquoties corpus pulvere senæ Brassavolz: postea sacculum sequentem ipsi præparavi, eumque ut calidè ter quaterque in die loco affecto applicaret, ac continuo gestaret, jussi: cujus beneficio brevi restituta fuit. & ab eotempore plus quam sexies utero gestavit feciliterque peperit, uti ipsamet mihi retulit. Anno 1612. cum Hildenam parentes, & amicos visitandi gratia profectus essem, Sacculum autem ex sequentibus præparavi:

*Curatio prolapsus uteri.*

℞. fol. plantaginis  
falicis  
mespilorum  
querci

Prunorum sylvest.  
summitatum rubi  
rosarum ana. M. j

Radic. tormentillæ  
consolidæ majoris.]  
bistortæ ana. ʒj

balanustiorum  
nucum cupressi ana. ʒss  
sem Anisi ʒi β.



Inciduntur & confundantur omnia grosso modo pro sacculo intertexto.

Etiā autem mulier hæc, & nonnullæ aliæ hoc remedio à me sanatæ fuere : in multis tamen aliis hoc aliæque præstantiora remedia non ratò frustra adhibuit.

## OBSERVATIO LXIII.

Menses ultra annum septuagesimum profluunt.

Menses ad annum usque septuagesimum octavum profluxisse ipsemet observavi, uti observat 61. Cent. 2. annotavimus. Idem aliis quoque accidisse, quæ sequuntur exempla à viris fide dignis mihi communicata fidem faciunt. Primum clauissimus ac longè celeberrimus vir Dn. D. *Gregorius Horstius* Illustrissimi Landgravii Hassiæ Medicus ordinarius communicavit. Qui in quadam Epistola ad me scripta hæc habet verba :

*Menstrua  
ad 70. usque  
annum flu-  
unt.*

Observatione 61. Centur. 2. de fluxu menstruo in septuagenaria, vix subscriberem, nisi ipsemet talia quid annotassem in nobili vidua adhuc apud nos vivente, quæ annum circiter septuagesimum tertium jam agit, & statis temporibus ordinato menstruo fluxu laborat: quod ego constitutioni sanguineæ, & bono corporis habitu, quo prædita est, ascribo, sicuti senibus quoque non ratò fluxus hæmorrhoidalıs ad ingravescentem usque senectutem perdurat. Hæc ænus Dn. D. Horstius.

Secundum exemplum clarissimus ac doctissimis vir Dn. D. *Daniel Daniels* apud Düsselargenses Clivorum Medicus ordinarius, & longè celeberrimus, amicus meus singularis, hunc in modum mihi recitavit Düsselburgi, dicebat virginem quandam Dorotheam Quant habuimus, illa cum ab anno quinquagesimo ætatis suæ menstruis caruisset & annum septuagesimum ætatis prætergressa esset, denuò ipsi menstrua supervenerunt, & tribus ordinariis mensibus recursum habuerunt, postea cessarunt. Sed quod annotatione dignū, ex evacuatione illa naturā quasi reviviscens ad centesimum ferè annum ætatis pervenit virgo illa & hoc tandem anno 1612. mense Martio extrema macie confecta, è vivis discessit.

## OBSERVATIO LXIV.

De sarcocoele sive hernia carnosâ, & qua de causâ  
ea ut plurimum in dextra parte nascatur.

*Viro clarissimo atque doctissimo Dn. PETRO ROBINO apud  
Bellicenses Doctori Medico ordinario, longè celeberrimo, amico  
singulari. GUILHELMUS FABRICIUS Hildanus S. P. D.*

**F**eliciter, laus sit Deo, ad meos redii, vir clarissime juxta ac doctissi-  
me, sed tardè. Coppeti enim apud juvenem, cui tibiam abscide-  
ram per dies aliquot retentus fui. Ille præter omnium spem, atque ex-  
pectationem convaleuit: Os quod (uti ex Dn. Johanne Monteilleto intel-  
liges) ante carnem prominebat, natura per se separavit, feliciterque  
paulò post meum ad ipsum reditum illud absque dolore extraxi. In  
hoc ægro nonnulla rara observavi, de quibus prolixè ad Dn. D. Offre-  
dum scripsi. Misissimè apographum literarum, sed propter occupatio-  
nes non potui: instant enim nundinæ Francofurtenses, quo tempore  
mihi ad amicos in diversis locis degentes scribendum est.

Adipem humanam, quam promisi purissimam, & à memet ipso,  
cùm ante annos aliquot hic in octavum usque diem corpus virile pu-  
blicè dissecarem, fideliter collectam, & mundatam, mitto, uti quoque  
tractatum meum de combustionibus. Tu ut omnia hilari fronte exci-  
pere velis, obnixè rogo: & si qua alia in te tibi gratificari possum, prom-  
ptissimum & fidelissimum semper me invenies. Statum Dn. Monteilleti  
& reliquorum ægrotorum nostrorum intelligere percipio.

Dum hæc scribo, in mentem venit quaestio, tuis speculationibus non  
indigna, de qua judicium tuum summo periculis expeto: nimirum *car he-* *Quaestio.*  
*nia carnosæ ut plurimum circa dextrum testiculum oriantur?* ut plurimum  
inquam: unicum enim hernia carnosâ ex sinistra parte laborantem,  
mihi videre contigit: reliquæ omnes in dextra parte fuerunt: Addam  
exemplum unum, aut alterum.

*Exemplum I.*

Generosus quidam juvenis, cum amissam suam amplecteretur, at-  
que

*Ex regressu  
seminis in  
antrum vene-  
reo, quæ  
symptoma-  
ta sequuntur.*

que cum ipsa in actu venereo esset, & jam semen ejaculare vellet, à quodam cubiculum ingrediente in actu ita deturbatus fuit, ut semen retrocesserit, retentumque fuerit, quapropter dolor in inguine exortus est, & testiculi intumuerunt. Cum verò morbum propter verecundiam celasset, dolor in sinistro inguine paulatim per se remisit, intumefactio evanuit, & testiculus ad naturalem statum rediit, circa dextrum verò tumor remansit, qui successu temporis in ingentem herniâ carnosam excrevit. Ego cum aliis magni nominis medicis in consilium tandem adhibitus, non solum carnem circa dextrum testiculum concretum, verum etiam scrotum serosis humoribus ita extensum reperi, ut magnitudinem capitis infantis ferè adæquaret.

### *Exemplum II.*

Ante annos aliquot patritium Coloniensem unâ cum clarissimo viro Dn. D. *Johanne Slotano* Medico celeberrimo in visi: Laborabat & ille maxima hernia carnosa, eâque ex dextra parte.

### *Exemplum III.*

Anni elapsi sunt tres, à quibus Bernam Helvetiorum ad virum quendam nobilem unâ cum clarissimo viro Dn. D. *Paulo Lentulo* poliatro Bernensi vocatus fui. Laboraverat ille per annos aliquot hernia carnosa ex dextra parte, tandem quoque hydrocele accessit, ita ut scrotum in illam magnitudinem extenderetur, ut membrum virile planè absconderetur.

### *Exemplum IV.*

Ante menses quatuor Paterniacensis quidam *Johannes Comes* nomine, viginti quatuor circiter annorum ætatis, Lausannam ad me venit. Huic testiculus dexter in massam carneam durissimam, quæ magnitudinem pugni longè superabat, excreverat. Deliberavimus inter nos, ut ineunte vere manum adhiberem. Verum cum aliquantisper diutius apud nos moram traherem, & effusus de die in diem mira celeritate accresceret, Freiburgum se contulit, ibique curationi cujusdam Chirurgi sese submitit. Quid verò cum ipso factum sit, nondum intellexi.

## Exemplum V.

Cum ante menses duos apud vos viverem, in pagum Vauxuallan-  
gon ad reverendum virum Dn. *Casparum Perretum*, ibidem presbyterum  
vocatus fui. Illi autem non solum testiculus dexter, verum etiam va-  
sa spermatica veluti in lapidem induraverant, ita ut manu compresso  
abdomine, duritiem illam in ipso quoque hypochondrio dextro per-  
sentire possem. Malum autem ad ipsam originem usque vasorum sper-  
maticorum ascendere, dolor ipse, quem è regione vasorum spermati-  
corum ad renem usque dextrum continuè persentiebat, indicabat. A-  
derat præterea vomitus, & appetitus prostratio, non tamen propter  
herniam, ut quidam, qui ipsum ante me inviserat, statuit, sed ratione  
tumoris dolorosi & duri, è regione fundi ventriculi existentis, quique  
compresso abdomine, tactu facile percipi potuit.

Quid plura? in tota praxi mea unicuique solummodo, ex sinistra par-  
te laborantem hernia carnosæ (quæque tandem in cancerum exulcera-  
tum, atque insanabilem degeneravit) me vidisse memini. Peculiaris in-  
taque hujus rei ut aliqua sit causa, necesse est. Te vir doctissime, ut pro  
acumine ingenii tui, usu, atque experientia rerum medicarum, illam  
inquirere, mihi quæ haud gravatim communicare vel s. obnixè rogo.  
Ego quid sentiam hac de re paucis annectam.

Hernia Carnosæ, quam Græci Sarcocelen vocant, teste <sup>a</sup> Galeno,  
fit testiculo indurato, & ut idem *Galenus* <sup>b</sup> testatur cum scirrho conve-  
nit. Causam verò humorum crassorum, ad testiculos decurrentium ab  
undantiam, atque partis affectæ debilitatem esse, *Guido* <sup>c</sup> & alii <sup>d</sup> stat-  
tuunt. *Platerius* <sup>e</sup> ex contusione vasorum spermaticorum in scroto, item  
ex succo è vasis illis luxuriante, *Petrus Pigray* <sup>f</sup> vero ex humore non na-  
turali è venis exsudante, ac paulatim in carnis substantiam transeunte,  
fieri scribunt. At verò *Vigo* <sup>g</sup> docet per s. fluxum alicujus humoris fie-  
ri herniam carnosam, nempe cum hujus materię subtilior pars propter  
calorem testiculorum in halitum resolvatur: quicquid verò crassum  
& viscosum est, remaneat, in scirrhum tandem illam indurescere. Præ-  
dictæ porro causæ, etsi minimè rejiciendæ, attamen cur potius in dex-  
tro, quam in sinistro testiculo locum habeant, nondum satis manife-  
stum sit. Etenim potius circa sinistrum testem herniam carnosam gigni  
debere, non immerito cuipiam videri possit. <sup>h</sup> Dexter enim testiculus  
cum propter vasa à magnis vasis ed. delata, sit calidior sinistro, ipsum

*Hernia car-  
nosa, quam  
causam  
habeat.  
a Galenus  
lib. de tu-  
moribus  
præter na-  
turam.*

*b Meth.  
Alted lib. 14.*

*c Guido  
tractus 2.*

*d B. 1. c. 7.*

*e Petrus  
Franciscus  
de herniis  
cap. 23.*

*f Felix Pla-  
terius tract.  
3 cap. de  
causis ex-  
uberantia.*

*g Petrus Pi-  
gray lib. 2.  
cap. 42.*

*h Job. Vigo  
lib. 2 cap. 6.*

*i Gal lib. 2.  
de semine  
Vesalio lib.*

*j c. 13 Bau-  
kinus in  
theatro suo  
anatomico.*

T robu-



*Galenus  
de locis al-  
legatis.*

*de usu  
parium  
lib. 14.*

*de me-  
dicis lib. 6.  
cap. 63  
Cur hernia  
carnosa  
maximè in  
dextro testi-  
culo gene-  
retur.*

*AC*

*Hernia carnea  
fec. in vena  
hæc obnox.*

*AC*

robustiorum quoque esse, sequitur. Ad calidum enim, & succum tem-  
peramentum (<sup>1</sup> *Galenus* verbis utor) quod actionum robur consequatur  
omnibus in confesso est.

Potius itaque circa sinistrum testiculum, qui dextro imbecillior est  
sanguinemque impuriorem, ut idem *Galenus* testatur, ad se trahit, flu-  
xum illum humorum delabi, ac proinde carnosam illam substantiam  
procreari posse, verisimile esse mihi videtur. Id verò cum rarissime ob-  
servatum sit, causam carnosæ herniæ obscuram esse cum *Paulo Aegine-  
ta* statuo. Quod si tamen præter prædictas causas, retentionem, &  
alterationem, aut veluti corruptionem quandam seminis, hujus mali  
causam quoque esse, concedere velis, non usque adeo difficile erit  
causam invenire, cur in dextro testiculo potius quam in sinistro gigan-  
tatur. Et revera retentionem seminis in Generoso isto viro, cujus ab i-  
nitio memini causam totius mali fuisse certum est. Cum enim vasa o-  
mnia semine & spiritibus turgent, & natura ut sese exoneraret, in-  
tenta esset, retentionem, & veluti refluxum illum seminis absque in-  
genti periculo fieri non potuisse, dolor ille, qui in inguine subortus est,  
testis fuit. Idem fortassis, & in reliquis, quorum facta sunt mentio (qui  
forsan causam morbi propter verecundiam celarunt) accidit hujus-  
modi enim herniæ ut plurimum in juvenibus, qui sanguine & semi-  
ne abundant, & in cœlibatu vivunt, accidere solent,

Rarè autem fit ex sinistra parte, quandoquidem seminalis vena si-  
nistra non vena cava, quemadmodum dextra, sed ab emulgente sinistri  
renis exoritur. Itaque verisimile mihi planè esse videtur cum semine ex vena  
emulgente non nihil falsedinis, & introstitatis, quæ crassos viscososque  
humores incidat & resolvat, exsiccet, & putredini adversetur ad sini-  
strum testem defluere. Tuam tamè sententiam hac de re, ut mihi com-  
municare velis, à te magnopere peto contendoque. Hæc festinanter ad  
te scripsi, quapropter ut impolito stylo ignoscas velim.

Quod superest Deum ter Opt. Max. elevatis ad cælum manibus sup-  
pliciter, & humiliter oro, ut Spiritu suo sancto te, dum in labyrintho  
isto Justiniani oberras, clementer conducere, tibi que Bartolæ aliquem  
pium adducere velit, qui te quam citissime è labyrintho educere, & in  
cætum Musarum, & campos Æsculapii introducere possit. Bene vale  
in Christo Jesu cum lectissima tua conjugè, & me ex animo tibi faventem  
redamare perge. Nobilissimum virum Dn. *Claudium Flandrinum*  
Dn. de Montarsier, uti quoque præstantissimos viros Dn. Dn. *Monteil-*

*lesos*

letos meis verbis officiosè saluta. Raptim Lausannæ ultima Martii  
1614. stylo veteri.

## OBSERVATIO LXV.

De hernia aquosa, in qua præter spem, & opinionem carnosâ quædam substantia, vasis spermaticis adnata, reperta fuit.

*Ad clarissimum juxta ac doctissimum virum Dn. HECTOREM SCHLANOVIIUM Reipublica Wormatiensis Doctorem Medicum ordinarium ac celeberrimum, cui GUILHELMUS FABRICIUS Hildanus S. P. D.*

**E**tiam nunc, clarissime simul, ac doctissime mi Dn. D. Schlanovi, in Germania detineor, neque huc usque ad ultimas fines Helvetiæ ad meos pervolare mihi licuit. In causâ sunt ex parte amici, in primis viri docti, qui hinc, & inde me retinuerunt, inter quos Dn. D. Petrus de Spina, serenissimi & potentissimi Principis ac Dn. Dn. Friderici V. Palatini ad Rhenum Medicus ordinarius, & Dn. D. Johannes Rudolphus Saltzmanus Argentinenfis, Medicinæ professor ordinarius, & Dn. D. Johannes Küffer, ibidem Medicus longè celeberrimus, non postremi fuere. Argentinâ discedens, in Alsatia nobilissimum quendam juvenem, herniâ aquosâ laborantem invisi. Huic quia spacio quatuor annorum varia medicamenta, cum à me ante annum, tum etiam antea ab aliis frustra præscripta & adhibita fuere, petierunt parentes, ut tentare an aliqua alia via, sanitati restitui possit filius, se quoq; fore contentos, ut incidere tur scrotû, dum modò conservaretur testiculus. Parvi, intra 3. septimanas curatione me feliciter absolvere posse sperabam: quandoquidem exterius nihil aliud præter aquam, quæ sive ad radios solares, sive noctu ad candelam exponerem scrotum, limpidissima, & in vesicula veluti in ampulla inclusa, apparebat: tactu quin etiam nulla durities percipi potuit: ita quidem, ut nihil præter aquam subesse putarem, uti & ante me ab aliis Medicis, & Chirurgis judicatum fuerat. Sed bone Deus, quàm me fecellit opinio? quàm verissimam esse divini Hippocra-

*De hernia  
aquosa.*

*Aph. 1. lib. 1.*

re sententiam, *judicium difficile*, re ipsa inveni? purgato enim, & preparato prius corpore, cum caustico meo, absque ullo tamen dolore scrotum perforassem, & tertio die post applicationem escharam separassem, præter aquam etiam catineam quandam, & induratum materiam, circumcirca vasa spermatica inveni. Post excisionem itaque escharæ, cum nonnihil humoris serosi effluxisset, dolor ingens in infimo ventre, imprimis in inguine dextro (qui erat locus affectus) subito exoritur, sed momentaneus: antequam enim anodynum præparassem, per se, & nullo adhibito medicamento, remisit. Sequenti nocte scrotum aliquomodo intumuit, & tumor durissimus in superiori parte vaginæ circumcirca vasa spermatica plenius percipiebatur. Tunc gravissima illa & periculosa symptomata, quæ ex hujusmodi apertionibus aliquando provenisse sciebam, mihi in mentem venerunt. Ante annos enim aliquot, cum præstantissimus ille, atque excellentissimus Medico-Chirurgus Dn. *Johannes Griffonius*, pizæ memoriæ Sabaudæ cuidam Lausannæ scrotum aperuisset, & nihil aliud præter quam de hydrocele cogitasset, carnosa quoque substantia testiculo, & vasis spermaticis adnata, sed seroso humore veluti submersa & tecla, reperta fuit, quæ & paulò post in cancerum malignum degeneravit: ubi medicamenta, ferrum simul & ignem frustra adhibuit *Griffonius*.

*Observatio  
de hydro-  
cele.*

*Observat.*

Ante annos circiter tres Lausannæ idem ferè mihi in quadragenario accidit. Sed ambo isti viri, quod non omittendum, pravis humoribus referti erant. Nobilis verò noster æger sanus est corpore, interim tamen seris apud me perpendens periculum, anxius sui præcipuè eam ob causam, quod de periculo ab initio nihil prædixeram. Ægri tamen ætas juvenilis, constitutio corporis optima & sana, & quod ad illud usque tempus ab omni dolore, inflammatione, & fibre immunis fuerat, obediens præterea, cordatus, & ad omnia, quæ agenda, & patientia, paratissimus esset, animum meum à solitudine abducebant. Iterum igitur expurgato corpore, quæ leviter emolliunt, simul & d'scurtiunt, veluti emplastrum de mucilaginibus cum gummis, de melilotis, & de rapis, per dies aliquot applicui. Ex illis cum malum minime ingravescere, quin potius duritiem decrescere, ac nihil maligni subesse (ab emollientibus enim medicamentis, inquit *Galenus* de simplic. medic. lib. 5. cancerosi tumores exasperantur, uti quoque in prima centuria observationum mearum exemplis demonstravi) inde cognovissem, ad fortiora perveni. Ulceri itaque pulverem insigniter emollientem, &

materiam

materiam ex profundo attrahentem quotidie semel inpersi. Exterius linimenta, emplastra, cataplasmata, & similia emollientia applicui, quibus remediis Deus Opt. Max. ita benedixit, ut per singularem Dei misericordiam (cui in omne ævum laus sit, & gloria) spacio quinque septimanarum, curatio feliciter ad optatum finem perducta sit.

Vides clarissime mi Dn. Schlanovi, quanta in hisce effectibus sit difficultas, quantaque diligentia, & vigilantia requiratur, quot si corpus cacochymicum extitisset. procul dubio propter accursum humorum de ipso actum fuisset. Hæc non sine causa, quæ te non latet, ad te scribo, & ut literas nobilissimo viro simili affectu laboranti, communicare velis, suadeo. Vale longum clarissime atque doctissime Dn. Schlanovicum tuis omnibus, quos tecum perquam officiosè saluto. Basileæ in transitu 1. Augusti Anno 1613.

## OBSERVATIO LXVI.

## De Herniæ aquosæ felicissima sectione.

**H**ernia aquosa si ex causa interna ac latente originem habet, ut plurimum sinistram partem seroti occupat, serosusque ille humor in membrana testem involvente Erythroidæa dæta, colligitur: idque præcipue fit rene sinistro, ut Dodonæus rectè annotavit malè affæcto: quapropter serosi humores non attrahens, & ad vesicam mittens, per venam seminariam, quæ isto in latere & emulgente procedit, in membranam Erythroidæam delabitur.

*Hernia aquosa plerumque in sinistra seroti parte.*

Secutio autem Herniæ aquosæ, si ex huiusmodi causa originem traxerit, & testiculus simul exemptus fuerit, periculo non vacat, ut idem Dodonæus observavit. cap. 39. & 40. annotavit. Itaque ne temerè quicquam hac in re tentet Chirurgus suadeo. Ne tamen Tyrones cum meo in præcedenti observatione exemplo, tum exemplo à Dodonæo recitatis deterreantur, & ab officio, atque instituto abducantur, sequenti exemplo illis animum erigam.

Jacobus Gerbertus vir pius & illustrissimæ Reipublicæ Bernensis commissarius dignissimus, quadragenarius robustus, & bono corporis habitu præditus (cui & in juventute calculus per incisionem à vesica extractus fuerat) à multis annis herina aquosa ex sinistra parte vexabatur.

12X

T 3 Multa



Multa ipsi cum à me, tum ab aliis medicis doctis præscripta, & adhibita tū internatū tū externa, fuere medicamenta, absq; fructu tamē omnia: ita ut tandem in maximā molem excreveret scrotum. Cum verò æger tumorem in diès augeri vidisset, denuò me advocandum jussit, petiitque ut extremum sibi auxilium adhiberem; quod etiamsi periculo omnino non vacaret, experiri tamen potius maluit, quam in hujusmodi miseriis vitam diutius trahere. Quamvis enim dolorem non adeo gravem inferret tumor ille, equitando tamen, & ambulando ipsi maximo erat impedimento.

*Hernia aquosa incisa.*

Præparato itaque satis corpore, tum optima victus ratione præscripta, tum purgationibus aliquoties reiteratis, & venæ sectione, septima die, Maji, Anno 1602. ægrum in sedem collocavi, deinde in superiore parte usque ad tunicam Erythroidæam inciso scroto, ipsum ex anteriori parte ab ipsa membrana aliquantum separavi. At quia tota aqua in tunica illa continebatur, ita ut testiculus ea innataret, ne in posterum denuò descenderet aqua acu incurvata, ac filo reduplicato universam hanc tunicam (præter vasa seminalia) apprehendi, & mediocriter constrinxi, atque ligavi. Postea ex inferiori parte ligaturæ membranæ jam ante dictæ, secundum longitudinem incidi, & aquam ad libras aliquot extraxi, paulatim tamen, ne vires deficerent: Deinde turundam satis longam crassamque, ex stuppis factam, & albumine ovi madefactam, ad latus testiculi & inferiorem partem scroti versus infixi. Inguina & anum ventris oleo rosaceo inunxi, & hapsum canabis vitello, atque albumine ovi cum pauca aqua rosacea conquisitam, madefactum applicui. Postero die iterum ventre & inguine inuncto, sequens digestivum applicui.

*Digestivum.*

℞. terebinth. loræ ℥ij  
ceræ novæ ℥β  
gummi elemi ℥j  
ol. rosac. & amygdal dulc. ana ℥β  
ol. de vitellis ovorum ℥j

Dissolvatur gummi lentissimo igne cum oleis, therebinthina, & cera separatim cum & pauxillo olei liquefactis, & additis, fiatque unguentum: tum admisce vitellum ovi, croci ℥β. Unguentum turundis longis & crassis vulneri imposui, & emplastrum Basiliconis applicui. Neque processum huncce antequam vulnus probè esset digestum, mutavi. Tum pulvèrem mundificativum ulceri, & turundis quotidie semel

semel aut bis inasperfi & ulcus per menses duos apertum retinui: inter-  
imque scrotum omni diligentia mundicavi, corpus item per interval-  
la purgavi. Tandem vulnus cicatrice obduxi, bona ægri cum valetu-  
dine, qua etiam ad hunc usque annum 1608. quo hæc scripsi, fruitur.  
Ab eo tamen tempore optimam victus rationem observat, & singulis  
annis aliquoties superfluos humores pharmacis expurgat.

### *Annotatio.*

In hac operatione cautus, ut sit Chirurgus, atque circumspiciens,  
propter pessima symptomata, quæ supervenire solent, necesse est. In-  
primis autem nullo modo operationem hanc, nisi prius benè præpara-  
to corpore incipiat. Quod si intemperiem, aut vitium aliquod in rene  
subesse cognoverit, aut ab ipsa operatione omnino abstineat, aut scro-  
tum in inferiori sua parte tantummodò incidat, ut serofus ille & inclu-  
sus humor effluat. Via tamē nullo modo (ut sit cum testiculus abscin-  
ditur) obstitetur, & serofus humor, qui à rene attrahi non potest, in a-  
bdomine retineatur, sed si opus est, denuò illic defluere possit. Vidi  
ego Bisanthiis sexagenarium virum pium ac probum, cui Dn. *Johannes*  
*Griffonius* Chirurgus præstantissimus propter herniam aquosam singu-  
lis annis scrotum ex inferiori parte perforabat, & serofum humorem e-  
vacuabat, postea ulcus ad cicatricem perducebat. Pervenit homo iste  
ad summam senectutem. Sin autem in rene vitium non fuerit, & de-  
fluxum planè impedire volueris, incisionem in superiori parte scroti  
propè inguina fieri expedit, quandoquidem duplex Chirurgus est scop-  
us, prior evacuare serofum humorem, posterior prohibere, ne rursus  
de novo aqua in scrotum defluat, coacerveturque. At cum aqua hæc  
ut plurimum ex corpore in tunicam illam erythroidæam dictam de-  
fluat, eamque extendat, necesse est, ut incisio in superiori parte scroti  
fiat: sic enim tunicæ dilatæ corrugantur, & cicatrix impedit, ne aqua  
postea facile in scrotum defluat. Ut autem hæc operatio rectè & ma-  
jori cum facilitate administretur, non super scamnum ligandus est æ-  
ger, nec supinus decumbere, sed in sella sedere debet, ut melius aqua  
deorsum descendat, & tunicæ in inguine facilius  
separari, & acu apprehendi  
possint.

*Ab*  
*Hernia aquosa*  
*causa Hernie:*

*Observat.*

*Quomodo*  
*ager sit col-*  
*locandus in*  
*ipsa opera-*  
*tione.*

O B.

## OBSERVATIO LXVII.

## De herniæ aquosæ periculosa sectione.

*Hernia A-  
quosa du-  
plex.*

**H**ernia aquosa aut simplex est aut composita. Simplex appello, in qua sola aqua scrotū extenditur; composita ubi circum circa testiculum materia putrida collecta, aut denique varices ortæ fuerint. Accedit & nonnunquam, Camerario teste, aquosæ herniæ prolapsus intestini in scrotum, quod & ego observavi. Caro item sæpissimè testiculis & eorum tunicis adnascitur: serosus enim humor iste nonnunquam accris factus, venas capillares, membranasque leniter erodit: hinc pars illa sanguinis, quæ paulatim exsudat, quæque optima & laudabilis est, beneficio caloris innati in carneam substantiam concrescit. Indurefcit autem sensim, propterea quod calor natus paulatim debilitatur: interim tamen in illam aliquando molem augetur atque accrescit, ut magnitudinem capitis humani, *Montagnana* consil. 2. 27 *Foresti* l. 6. 27. *Scholio* observat. 23. attestantibus accedat. Reliquum verò sanguinis, quod serosum est, paulatim membranas totumque scrotum ad eò extendit, ut caro ista, quæ testiculo adhæret, digitis palpari non possit. Hujus rei exemplum memorabile clarissimo ac longè celeberrimo Viro Dn. *Johanni Grifonio* Præceptori meo perpetuò honorandò, observare contigit.

*Observat.* Quadragenarius quidam natione Sabaudus à multis annis hernia aquosa laborans, in Hispania à Medico quodam per scrotum trajecto setaceo, parvo cum negotio primo sanatus fuerat. Post annos verò aliquot, cum in victus ratione peccasset, & in pharmacis sumendis negligens fuisset, denuò in scrotum delapsus est humor serosus, qui non solum membranas totumque scrotum in maximam magnitudinem extendit; verum etiam carneam substantiam procreavit, quæ tractu temporis supra modum indurata, naturam canceri sapiebat, idque eventus demonstravit clarius. Accedens enim *Lausannæ*, ubi Dn. *Grifonius* tum temporis degebat, nulla in ipso cognosci potuit hernia carnosæ, ita seroso humore extensum erat scrotum. Inciso scroto plurimum effluxit aqua, Hinc scrotum primò subsidit: post paucos tamen dies sequutus est dolor vehemens, inflammatio & cancerosum ulcus, maximeque malignum, quodque ad eò impetuose adjacentes partes occupavit, ut ipsius malignitas nullo modo

*Hernia A-  
quosa car-  
nosæ junctæ.*

aceri posset. Itaque intra paucos dies maximo cum cruciatu è vita discessit.

### Admonitio.

Diligenter itaque Chirurgus signa omnia, quæ de Herniis à Celso, *Cautiones in hernia aquosa in-cisione ob-servanda.* Paulo Ægineta, aliisque Medicis & Chirurgis describuntur, examinet, essentiamque morbi accuratè investiget, antequam manus operi adhibeat, ne malum in pejus rûat. Præterea videat, ne corpus multis humoribus pravis scateat, aut vitium aliquot insigne in renibus subsit, quemadmodum fuerunt in istis viris herniosis, quorum *Dodonæus* Observat. 39. & 40. mentionem facit. Quotiescunque verò Chirurgus una cum aqua carnem circumcirca testiculum concretam subesse cognoverit, præstat scrotum incidere, testiculum & quicquid circa ipsum concretum separare, atque exscindere, dum modo id radicitus fieri possit: Si enim scirrhusa illa materia processum sive didymum, ut vocât, jam occupat, & abdomini adhæret, frustra tentabitur incisio, & chirurgus infamiam, ægro verò immaturam mortem inferet.

### OBSERVATIO LXVIII.

Ex herniæ aquosæ inepta sectione immatura mors sequeuta.

**D**ominus *Petrus Crottesius* Paterniacensis Senator prudentissimus vir genere, virtute, & pietate verè nobilis, quadragenarius, robustus, & optimo corporis habitu præditus, cum anno 1606. ex equo in terram cecidisset, scrotum, & testes sibi adedò contudit, ut inde exorto dolore, sequeuta sit inflammatio, scrotum quinetiam, & testes mox in tumorem magnum elevati sint. A principio propter verecundiam malū celavit. Tandem cum me in consilium adhibuisset, vi&us rationem tenuem præscripsi, corpus purgavi, & venam in cubito incidi. Loco verò affecto ab initio anodyna, discutientia, & quæ simul aliquo modo repellunt, quale est sequens cataplasma, applicui.

*Scroto contuso ex lapide.*

℞. farinæ hordei ℥ij.  
farinæ fabarum ℥j.

*Cataplasma anodynum & discutienti.*



Coquantur posca ad formam cataplasmatidis, in fine admisce pulve-  
ris rosarum odoriferarum  $\frac{3}{4}$  lb. & post unicam ebullitionem remota ab  
igne, admisce vitellum & albumen unius ovi, olei rosarum parum, fiat  
que cataplasma, quod scroto per dies tres tepidè applicui, bis in die.  
Deinde quæ magis resolvunt adhibui: quale est sequens cataplasma.

*Cataplasma resolu-  
ens.*

℞. farinæ fabarum  $\frac{3}{4}$  ij.  
hordei  $\frac{3}{4}$  j.

Coquantur vino rubro ad formam cataplasmatidis, postea admisce  
pulveris rosarum.

florum chamomill.  
melilotiana  $\frac{3}{4}$  lb.

olei rosarum &  
chamomillana  $\frac{3}{4}$  j.

Vitellum & albumen unius ovi. Misce fiat cataplasma.

Horum medicamentorum beneficio dolor, & inflammatio omni-  
no remiserunt, inflatio quinetiam præcipuè ex dextra parte scroti sub-  
sedit. Circumcirca verò testiculum sinistrum in membrana Erythroi-  
dæ, tumor quidam ex seroso humore remansit. Denuò itaque cor-  
pus per intervalla expurgare visum fuit: loco affecto fomentationes,  
& cataplasmata quæ incidunt, resolvunt, & discutiunt, admovi. Ve-  
rùm enim verò cum frustra hæc omnia esse viderem, suasi ut scalpello,  
aut novacula scrotum incidi permitteret: sic enim inclusum humo-  
rem faciliè & absque periculo evacuari posse ipsi promittebam. Ille etsi  
non recusaret, quia tamen tunc præ aliis occupationibus ipsi non lice-  
bat, totum negotium naturæ tantisper, donec tempus esset aptum,  
committere voluit. Porro etsi tumor scroti paulatim accresceret, & se-  
rosus humor magis magisque in membranam Erythroidæam de flue-  
ret, eam quæ distenderet, exiguum tamen incommodum inde ipsi se-  
quebatur. Quapropter cum hac de re non usque adeò sollicitus esset,  
res in annum usque 1608. prolata fuit. Tum me absente, planè impe-  
riti in manus Empirici incidit. Is nulla habita ratione corporis, neque  
quod hesterno die in magnifico quodam convivio fuerat, & proximâ  
præcedentem noctem inter pocula cum amicis absumserat, vigesima  
tertia Maji, postquam laurè jenæ asscet, & vino generoso, atque mero ite-  
rum in caluisset, ipsum in scamnum collocavit, ac testem vi quadam  
extraxit. Post operationem mox supervenit dolor maximus, superven-  
nit & febris ardens atque continua, vigiliæ, aliæque symptomata, qui  
pium

*Hernia a-  
quoque em-  
pirica cu-  
ratio.*

pium, ac optimum huncce virum, ad finem usque vitæ suæ continuò, ac miserè extorquebant. Et quia artis periti homines in consilium vocati minime fuèrunt, lipothymia quoque & sudores frigidi tandem supervenerunt, ita ut vigesima die morbi animam Deo piè reddiderit, maximo cum luctu civium & reipublicæ dispendio. Post mortem scrotum totumque sinistrum latus supra modum intumuit, nigrum lividumque evasit.

## OBSERVATIO LXIX.

## De monstrobrachio.

*Viro Amplissimo, prudentissimoque Dn. D. CASPARO BAUHINO Anatomico, & Botanico longè celeberrimo Basileensi Archiatro meritissimo, ejusdemque Academia Professori primario, &c. GUILHELMUS FABRICIUS Hildanus S. P. D.*

**T**Andem, ut fidem meam liberem vir Amplissime, fautor, & amice plurimum honorande, en omnia, quæ in præcedentibus meis promisi, nunc ad te mitto. Quæ omnia, etiam si perexigua & tua lectione vix digna censeari possint, attamen ut hilari fronte ea omnia excipere & amice interpretari velis obnixè rogo. Postremas tuas 29, Basileæ datas nudiùs tercius accepi; clarissimum ac celeberrimum virum Dn. D. Pavium nostrum adhuc (à tribus enim adhinc annis nihil literarum ab ipso accepi) memorem esse, gaudeo. Librum suū de ossibus, quē mihi transmittendum ab ipso accepisti, trade, quæso, Dn. Röntg aut Dn. Urstis Pharmacopæo, ut illū huc ad me, aut Dn. Dürëbeimū mittat.

Puellam illam ex Anglia natam, cum monstrosis cruribus, cujus mentionem facis in libro de Hermaphroditis ante biennium Argentinæ cum clarissimo viro Dn. Johan Küssero D. Medico Argentin. vidi, nec sine admiratione. Quæ Dominus Chapusius Chirurgus insignis non ita pridem de monstrobrachio ad me scripsit, paucis hic annexere placuit. Superiori, inquit, anno venit ad me paupercula ex pago Cham-doro in præfectura Bellicensi Antojne Janins nomine, sexagenaria, laborans tumore ingenti brachii sinistri, & ita quidem, ut circumferentia brachii spiritum tres, hoc est, dimidiam circiter partem ulnæ

*Brachium  
monstrosum.*

Parisiensis adæquaret. Ab annis autem quinque ita accrevisse brachium referebat. Intumefactio circa finem deltoidis incipiebat, quæ in parte etiam plus doloris aderat. Durus erat tumor, neque digito compresso cedebat, ut solet fieri in œdemate. Color ferè naturalis erat, nisi quod aliquantum ad rubedinem vergeret. Nonnunquam pruritus, & pustulæ, ex quibus ichor subtilis, & flavus exstillabat, superveniebant. Mansit illa apud nos per menses tres: interim præparato, & expurgato corpore cauteriis potentialibus, tumorem aperui, sed nihil præter pus, uti ex aliis quoque fonticulis, exstillavit. Cataplasmata quoque emollientia, discutientia, & resolventia applicui: quibus omnibus cum nihil me efficere viderem, suasi, ut in posterum nihil amplius tentaret, quapropter ad suos rediit. Brachium autem (quod admiratione non caret) à deltoide, usque ad humerum & collum, uti & circa carpum altero brachio vix ab simile erat, quemadmodum ex annexa figura apparet. Hæc *Chapuisius*.

Cæterum vir amplissime, causam (quæ meo quidem iudicio obscurissima) cur intumefactio per tot annos in medio brachii subsisteret, nec altius ascenderit, Dn. *Chapuisius* mecum summo operè scire expedit. Tu rerum anatomicarum peritissimus nodum istum faciliè, nobis solve: re poteris. Id si feceris, Dn. *Chapuisium* meum tibi multum devinxeris. Vale vir amplissime, & in bonum publicum feliciter vive diu. Raptim Bernæ 16. Junii 1615.

*Anthoyna Ianin de Champdoro  
et Bugey agee d'environ soixante  
ans.*





## OBSERVATIO -- LXX.

De infelicissimo successu sectionis venæ in cubito.

*Ad virum nobilem Dn. D. PAULUM OFFREDUM medicum clarissimum & doctissimum, cui GUILHELMUS FABRICIUS Hildanus S. P. D.*

**L**iteræ tuæ vir clarissime, fautor & amice æternùm observandæ, 29. Decembris Genevæ datæ 12. hujus mensis hic Bernæ mihi traditæ fuêre: ex quibus negotium meum cum Dn. Rouerio tibi cordi fuisse, satis perspectum habeo. Pro suscepto labore, inprimis pro singulari tua in me benevolentia, gratias, quas possum ago maximas. Literas à Dn. Rouerio simul quoque accepi, ad quas respondebo, quamprimum Lausannam reversus fuero, aut forsan ipsemet Genevam me conferam.

Hisce diebus funestus mihi hic occurrit casus, quem nunc tecum communicare constitui.

*Observas.*

*Phlebotomia qua sequuta symptoma-  
ta.*

Juvenis quidam ex nobili familia Bernensi oriundus, viginti quatuor annorum ætatis, constitutione corporis calidus & siccus, sed cacochymicus, qui per annos aliquot Lugduni in præsidio fuit, cui ùm ante duos menses Lugduni mediana dextra phlebotomo pertula fuisset, protinus dolore non solum in ipso cubito, verùm etiam per totum brachium, & ad apices digitorum usque correptus fuit. Pollex similiter, index & medius primo stupore quodâ doloroso per dies aliquot dislocati fuêre, deinde sensum, & motum quoque amisierunt: brachium quineriam post paucos dies à venæ sectione ad humerum usque mirum in modum intumuit. Quapropter alium quendam Chirurgum Lugdunensem in consilium quoque adhibuit: qui cùm inunctiones, cataplasmata, & similia adhibuisset, tumor brachii evanuit, præterquam in loco sectionis venæ, ubi tumor, qui magnitudinem pugni multum excedebat, remansit. Ad natale solum, quum reversus esset, ac ego in consilium vocatus fuisset, tumorem istum in cubito, satis durum, locum verò, in quo vena secta fuerat, utcumque lividum invenni. Rediit mihi tunc in memoriam similis casus, quem anno 1597. Lausannæ mihi videre contigit, quemque tribus verbis hic inferere nō gravabor.

Honestæ

Honestâ & pia matrona Lausannensis Benoite femme de Tilman malagnie (quæ tunc temporis adhuc juvenis erat) cum febre continua laboraret, ipsique jussu clarissimi viri Dn. Alberti Rossii D. medici, mediana secta fuisset, varia pessimaque sequuta sunt Symptomata, brachium quoque mitum in modum intumuit. Natura enim causam morbi, humorem scilicet excrementitium ad cubitum propellere videbatur. Tandem cum ego advocatus essem, & maturantia per dies aliquot applicuissem, ruptus fuit abscessus, & quidem in loco ipso, in quo vena secta fuerat. Maxima inde effluxit puris copia, & quidem ad menses ferè duos: interim autè dum pus efflueret, Symptomata paulatim remiserunt, & pristinae sanitati, robori que restitutum fuit brachium, quo etiam nunc feliciter utitur.

*Observatio de infectione vena sectione.*

Præclarum itaque felicissimumque successum medicamentorum in prædicta matrona apud me perpendens: referens quoque animum ad generale axioma Medicorum, *Contraria ut Hippocrates docet libro de Artibus, Contrariorum esse remedia* item quicquid induit relaxandum, & emolliendum esse, (Galen. lib. 5. Aphoris. Hypp. comment. 19.) maturantia, & pus moventia per dies aliquot applico. Sed quid sit? rupta vomica pus effluit, & quidem foetissimum, sed copioso sanguine, & serosis humoribus mixtum. Tum quoque Dn. D. Bartholomæus Duno hujus Reipublicæ Medicus ordinarius, cum mecum in consilium adhibitus fuisset, ad symptomata, quæ incidebant, quantum fieri potuit debellanda omnes nervos intendimus, sed frustra: brachium enim magis magisque intumuit: sanguis quin etiam, non tamen singulis diebus, sed alternis, aut de tertio in tertium diem, tum copiose effluxit, ut vix prohiberi potuerit. Tandem gangræna consequuta est. Illa autem primò in ipsissimo loco, in quo antea vena secta fuerat exorta, intra paucos dies brachium ad manum & digitos usque invasit. Hac in sphacelum terminata, brachium intra cubitum & humerum amputare, necesse fuit. Operationem septima die hujus mensis præsentè Dn. D. Duno Medico, & M. Johanne Knopff feliciter administravi, omniaque nunc, laus sit Deo, salva esse videntur.

*Nota.*  
*Cancrosum tumores excipio, cui enim emollientia medicamenta ad versissima esse, observ. 89.*  
*cent. 1. item observ. 87.*  
*cent. 3. fusiis declarationibus.*

Sed objicies forsan tumorem huncce brachii Aneurisma fuisse: Respondedo non fuisse Aneurisma inde manifestum fieri, quod nulla unquam in ipso observata fuerit pulsatio, quemadmodum in aneurismate percipitur, quin potius dolorem, stuporem, tandemque sensus amissionem, ut antea dixi, ad fuisse. Ex quibus perspicuum sit, non att-

*Aneurisma.*

riam

*Tendophle-  
botomo  
la/na.*

fiam sed tendonem musculi bicipitis, qui à sexta & septima vertebra nervos suos (qui ad pollicem, indicem & medium descendunt) recipit, p phlebotoma saucietatum fuisse.

Ratione itaque doloris humores ex corpore affluxisse & circa locum sectionis venæ in cubito collectos fuisse verisimile est. Humores porro isti cum propter cacochymiam maximam corporis ægri, & præcedentem luem veneream non satis exaetè curatum, maligni & acres essent, venam paulatim eroderunt inflammationemque excitarunt, calidumque innatum extinxerunt, idque post amputationem brachii, satis superque nobis innouit. Ex interna enim parte brachii, ubi vena quam Basilicam appellant, descendit, ductus, cum in parte brachii amputata, tum etiam in ipso trunco quam bellè observari potuit.

Perductum enim hunc pus fetidum ex corpore tam copiosè defluebat, ut post amputationem brachii cauterio actuali putredinem illam castigare necesse mihi esset.

Hæc sunt vir clarissime, quæ de hoc affectu ad te scribere statui, tu quid sentias rescribere quaeso. Simile casum ante annos tres, apud vos in generoso quodam Anglo accidisse à prudentissimo & consultissimo viro Dn. D. *Sarazeno*, Syndico vestro, heri mihi relatum fuit. Illum nisi grave tibi fuerit, & occupationes non obfuerint, ut mihi prima data occasione communicare non graveris, obnixè rogo. Vale vir clarissime & me, ut facis, amore tuo prosequi perge. Raptim Bernæ 21. Januarii 1615.

*Viro celeberrimo Dn. Guilhelmo Fabricio Hildano Chirurgo præstantissimo* Paulus Offredus M. D. S. P. D.

**E**Ruditissimas tuas accepi non ita pridem, Vir eximie & amice singularis, quarum pars altera, ut verè dicam, quæ de gratiarum actione est plus satis ampla in re tantula tibi à me præstita, superflua videtur, aut saltem ultra mediocritatis leges, nihil enira esse penes me, quod tibi cuique similibus jure non debeatur, lubens profiteor.

Luctuosa illa symptomata infelicitis venæ sectionis consecutaria, quæ describis, in corpore juvenili, non sine aliquo stupore legi, utque spreta omni remedium methodicè administratorum mole, brachium ipsum ad internecionem traxerint: nec enim dubito, quin præter topica omnia medicamenta, & Lugduni & Bernæ ad hujuscemodi tumoris curationem usurpata omne præcesserit revulsionis genus, atque

id

id inprimis, quod à purgantium classe desumitur, utpote in corpore, quod adeò cacochymicum fuisse refert, pernecessariorum: nec verò in assignanda præcipua tantæ ruinæ causâ à sententiâ tuâ discedere possum, cum de nervorum sympathia ob tendinisin vena secunda læsionem dubitare nos haud sinant dolor subitaneus, atq; stupor reliquum manus invadens, ac tres potissimum digitos occupans, nil enim tale in Aneurismate ob arteriam celsam conspicitur, ut nosti, sed longè diversa ab his symptomata succedunt. Jam autem causâ illâ præcipua, & efficiens, cum ad funestorum symptomatum mox subsequenitum creationem impar esset, huic se adjunxit materialis, quam adfers excellens puta, & exuberans quædam cacochymia, tum aliis multis de causis, tum maximè ob Luis Venereæ reliquias enata, quæque ad partem afflicta ac dolentem à natura, ut sui moris est, astatim propulsata, calorē ejus tandem extinxit, ut probè notas, ac sanè hic duplicem illam: *rexpō-* *Causa duplex mori-*  
*tionis* causam agnosco, tum eam, quæ fit à caloris resolutione ob immo- *ficationis*  
 dicam scilicet, ac toties recurrentem hæmorrhagiam, tum eam, quæ à suffocatione caloris oritur; tanta nempe humorum, ichorumque illuvie huc appellente; ut hinc etiam mirari desinam, conspectum à te fuisse, post amputationem brachii ductum illum ad latus basilicæ, canaliculi cujusdam instar, qui scatere pure fœtidissimo, cujus ibidem loci generationem evidentes causas habuisse, non verò, quod velle videris, à reliquo corpore illuc confluisse, ex antepositis colligere est.

Porro cum huncce casum cum illo alio, quem interferis de matrona Lausannensi, confero; istud ex utroque haud levis momenti in praxi elicio, quod nimirum in pura plethora, multæq; cacochymiz participate, si modò nil urgeat, morbusque præceps non sit, commodius tutius, ut sanguinis per hæmorrhoidas hirudinum ope vacuatio, quam per venam brachii sectam institui possit.

De nobili Anglo, qui ante decennium hic obiit ob venæ sectionem malè administratam multa referre nequeo, quod ejusmodi infortunio planè non interfuerim: memini tamen verum aneurisma tunc temporis notatum fuisse, ob arteriam venæ loco celsam, cui cum maturè prospectum non fuerit, sanguine arterioso per totum brachium sparso, gangræna paulò post succedens hominem è medio sustulit. Vale Vir præstantissime, meque tui amantissimum redamare,

quod facis, ne desine. Genevæ

6. Febr. 1615.

X O B.



## OBSERVATIO LXXII.

De infelici successu sectionis cephalicæ in cubito.

*Viro præstantissimo, & Chirurgo excellentissimo Dn. CLAUDIO  
CHAPUSIO GUILHELMUS FABRICIUS Hildanus  
S. P. D.*

*Est respon-  
sio ad ob-  
servatio-  
nem 73.*

Superiori ætate vir præstantissime, dum ego in Germaniam profe-  
ctus fui, utinas domestici mei à te acceperunt literas, quas tandem  
ante paucos dies mihi tradiderunt. Propter pestem enim, quæ hic  
gravissimè grassata est, & ambas filias meas aliosq; ex domesticis meis,  
ex hac lachrymarum valle, ad beatorum sedes evocavit, ædes meæ ultra  
mensēs quatuor perclusæ fuerunt. Retinuit itaque uxor mea literas  
omnes, quas me absente acceperat, donec domus, ut dicunt, purificata  
esset.

*L. b. 2. a-  
phor. 22.*

Cæterum pulchra quædam, & annotatione digna literæ tuæ conti-  
nent, ad quæ in præsens propter occupationes, respondere non pos-  
sum. De casu tamen in epistola tua latine scripta dicam paucis quid  
sentiam, ubi perpendendum est cauterium potentiale, an secundum  
rationem brachio applicatum fuerit necne? Dolorem istum gravissi-  
mum, atque diuturnum capitis, istius viri, de quo scribis, ex abundan-  
tia humorum pravorum, & quidem pituitosorum ortum fuisse, even-  
tus fidem facit. Porro, quia morbi ex repletionē, ut Hippocrates docet,  
evacuacione curantur, humor ille evacuandus erat. Caput autem non  
solum per nares & palatum, verum etiam per setaceum nuchæ appli-  
catum, & fonticulos in brachio commodè evacuari posse, etiam mihi ty-  
ronibus in arte medica notissimum sit, nec ulla demonstratione indi-  
geat, uno tamen, aut altero exemplo id hic stabilire non gravabor.

*Observa-  
tio 1.*

*Dolor in-  
gens capitis  
setac i be-  
neficio cu-  
ratus*

*Observat 2*

Coloniensi cuidam, *Andreas Polster* nomine, dolore capitis adeo con-  
tumaci, ut nullis remediis, quamvis ex arte præscriptis, & eâ quæ fieri  
potuit diligentia adhuc bitis, sedari posset, laboranti, cum setaceum ap-  
plicasset intra paucos dies à dolore omnino liberatus fuit. Integram  
historiam in quarta centuria observationum mearum videbis.

Nobilis quidam in *Marchia Junckher Schel von Aldendorff* no-  
mine

mine, triginta circiter annorum ætatis, non solum dolore capitis, verum etiam catarrho ad pectus defluente, rufsi continua, cum totius corporis extenuatione, per multos annos laboraverat, multisque medicamentis à medicis doctis præscriptis frustra usus fuerat. Huic cum ego Anno 1591. utrique brachio cauteria potentialia applicuissem, à dolore capitis primò, deinde à reliquis quoque symptomatibus ita liberatus, & in integrum restitutus fuit, ut paulò post uxorem duxerit, multosque annos in matrimonio vixerit. Plura si opus esset hujus argumenti exempla adducere possem, sed prolixas scribendi epistolas nunc non datur orium. Secundum rationem itaque brachio applicui isti cauterium, etiam si ad votum non successerit, eventus enim solus erat in manu Domini, qui omnia pro sancta sua prudentia, atque voluntate dirigit, atque disponit. Hinc evenit, ut sæpissimè remedia, quæ infinitis aliis profuerunt, in hoc vel illo ad votum non succedant, ut inde agnoscant ægri, simul & medici, non propriè esse remedia, quæ sanant languores, sed solam misericordiam, atque benedictionem divinam.

*Capitis dolor cum catarrho ad pectus defluente, cauteriorum beneficio curatur.*

Quæstio tamen hic moveri poterit, nimirum an cauterium brachio illi, propter scirrhum inveteratum, quem in axilla latuisse scribis, tutò applicari poterit? Maxime enim, ut postea dicam, inter brachium, & axillam est consensus. Facile itaque materiam aliquam malignam ex scirrho ad brachium mediante cauterio defluere, gravissimumque affe&um istum procreare potuisse, verisimile est.

*Quæstio.*

Ante annos quatuor cum Soloduri apud nobilissimum virum Dn. Wallier propter gravissimum ejus & tibi satis notum affectum moram traherem, simile quid observare mihi licuit. Casum tribus saltem verbis tibi nunc ob oculos ponere non gravabor. Civis quidam Solodurensis, Georgius von Buren nomine, cacochymicus, maximisque obstructionibus viscerum obnoxius, & tunc temporis quinquagesimum annum ætatis prætergressus, cum non purgato corpore, & abique ulla necessitate & consilio Medici, cephalicam in cubito dextro sibi tundendam curasset, eademque die in convivio satis laute vixisset, sequenti die à venæ sectione exortusest dolor circa locum incisionis, non acerbissimus tamen ab initio, sed potius obtusus erat, quo sensim au&to & vehementiore factò, maxima serosorum humorum secuta est effluxio. Æger simul & barbitonfor, qui venam incidemat, cum in maximis angustiis viverent, ille corpore, hic verò mente, & ego quoque advocatus

*Observatio de infelici sectione cephalica in cubito.*

essem, totum brachium ab humero usque ad apices digitorum incredibili ferè modo intumescentum reperi. Inflammatio quoque aderat, & undique pustulis, veluti in herpete pustuloso conspiciebantur, scatebat. Ex his autem serofus & acris quidam humor tam copiosè, ut nihil supra effluebat. Inquietudines præterea, appetitus & virium prostratio, febris, dolor, & inflammatio, talis aderat, ut etiam gangrënâ in propinquis esse metuerem, & de recuperanda valetudine parum sperarem: Curationem tamen sic aggressus sum. Instituta optima victus ratio, eadem die alvum, quæ adstricta, supposito (ab enemate enim averso erat animo) subduxi. Post cœnam nonnihil Laudani cum aqua cinnamomi & confectioe alkermes exhibui, quievit utcumque ea nocte. Postera die portiunculam ex infusione habbari, agarici & senna, in qua drachmæ aliquot electuarii diacarthami dissolutæ erant, exhibui: sed vix semel alvum subduxit portio illa. Quapropter sequenti die drachmam unam pilularum cochiarum, & de hermodactylis, cum granis aliquot trochiscorum alhandal, & diosgydii dedi, sed nulla ferè sequuta est operatio, forsitan quia in præparatione prædictorum medicamentorum aliquid à pharmacopola prætermisum fuerat. Cum enim ad grana quatuordecim lenitivi nostri phlegmagogi exhibuissem, alvum quater, aut quinque subduxi, vomitumque semel movi absque violentia, & molestia tamen ægri.

Brachio quæ dolorem leniunt, calorem nativum, humidumque innatum refocillant, atque instaurant, excrementitios verò humores absumunt, & putredini adversantur applicui. Hinc meliusculè mox habere cœpit: & postquam per dies aliquot Apozemate, ad referandas obstructions viscerum, usus esset, & per intervalla lenitivo nostro phlegmagogo, hydragogisque expurgatus fuisset, ita restitutus fuit, ut etiam nunc superstes sit.

Vides itaque mi Domine Chæpuli, quam periculosum sit, in impuris & pravis humoribus refertis corporibus quicquam movere. Quapropter Galenus lib. 4. Meth. Med. Vulnera non solum propter affectus partis præstantiam, veluti si in parte aliqua nobili fuerint, aut propter ipsius vulneris magnitudinem, verum etiam propter ægri impuritatem atque cacochymiam magna censenda, atque dijudicanda esse, rectè docuit. Videmus enim sæpissime ex minimo vulnere, imò & ex acuto gravissimi nos & lethales suboriri affectus, quemadmodum in tuo ægro *Francisco Prost*, & cive *Solodurensi*, quorum mentio facta fuit, accidit.

Ex.

Ex toto enim corpore humores ad partem læsam veluti ad cloacam confluunt, caloremque nativum istius partis destruunt, variisque symptomata excitant.

Quod de Matrona Cancro laborante scribis, non usque adeo rarum est; & aliquoties huiusmodi Symptomata mihi videre contigit, præcipue ante annos quatuor in nobili quadam matrona Soloduræ. *Observas.*  
*die Gram von Ary* nomine. Illa autem per annos quadraginta cancro occulto in mamilla dextra laboraverat. Tandem cum ad decrepitam ætatem pervenisset, & ex consilio imperiti hominis venam in cubito dextro sibi secandam curasset, non solum ædemate scirrhoso, verum etiam dolore continuo affectum fuit brachium, uti in tertia Centuria observationum mearum, quæ Deo juvante futuris nundinis prodibit, fusius videbis.

*Cancer excultus in mamilla.*

Accidunt autem huiusmodi symptomata propter maximum, qui ratione musculorum brachium pectori adducentium (quibus mamillæ superstratæ) & venarum ab axillari & humorariz ramo ad mamillas descendentium, inter brachium & mamillas est consensus.

Scriptum Dn. D. *Jacobi Schaffris* de inedia puellæ Helveticæ accepi, & gratias habeo maximas, illam nunc iterum comedere & bibere alias ex me intellexisti. Dn. D. *Lentulus* piæ memoriæ, etsi hac de re plurima collegerit & pro prælo annotaverit, nihil tamen præter illa quæ anno 1604. in lucem dedit, quæque jam dudum te vidisse existimo extant. Vale præstantissime vir & feliciter vive diu. Raptim Lausannæ 14. Decembris. 1613.

## OBSERVATIO LXXII.

De inepta & periculosa applicatione caustici.

*Viro clarissimo atque doctissimo Dn. D. JOHANNI KÜEFFER Medico Argentinenſi longè celeberrimo, cui GUILHELMUS FABRICIUS Hildanus S. P. D.*

**T**Abellarius, quem ad me miſiſti, Vir clarissime amicissime, quæ mi Dn. D. Küffer, undecima hujus Bernæ ad me pervenit, tuasque tradidit: sed propter tempeſtates, maximasque pluvias ac inſortunium,

X 3 quod



quod equo meo in via accidit, ante decimum sextum Badenam pervenire mihi non licuit. Ubi cum Tuam Excell. non offendissem, supra modum contristatus fui: sperabam enim per dies aliquot me tecum me exhilaraturum, pristinamque nostram amicitiam coram renovaturum. Retulit Candidatus ille, quem reliquisti inopinarum discessum tuum, propter adversam valetudinem uxoris tuæ charissimæ accidisse. Doleo ipsius vicem, te verò rogo, ut quomodo se habeat, data occasione mihi significes. Cras, Deo volente, ad meos me iterum conferam, tuasque Bernæ exspectabo.

Cauticum, quod à me petiisti, nunc ad te mitto, idque ut hilari fronte accipere velis, rogo. Diversos mitto lapillos, magnos videlicet & parvos; quo possis secundum naturam subiecti, hoc est, prout cutis aut crassa aut mollis fuerit, hunc vel illum applicare. Ego illos spacio quinque aut sex, imò nonnunquam duodecim horarum relinquo. Diligenter autem prospiciendum est, ne escharam nimis magna & profunda comburatur: hoc enim non solum odiosum & dolorosum est: verum etiam fonticulus inde veluti inutilis efficitur, erosio videlicet venis capillaribus per quas natura humores peccates expellere debebat. Nonnunquam quoque partes nervosæ è caustico, si profundam fecerit escharam, læduntur: hinc dolor ingens, & continuus, aliæque gravissima symptomata sequuntur, uti alibi exemplo de Pharmacopæo quodam monstravimus. Quod si arteria aut vena simul à Caustico erosa fuerit, sequitur hæmorrhagia & magna & periculosa; quemadmodum ante annos aliquot nobili cuidam Lausannensi accidit. Huic cum seplasiarius quidam causticum sinistro brachio applicuisset, & post dies aliquod escharam, quæ & magna & profunda fuit, extraheret, maxima periculosissimaque sequuta est hæmorrhagia. Causticum enim ramum illum superiorem, quem Cephalicum vocant Anatomici, eroserat. Ego acceffit, et si protinus in subsidium accurrissem, ad libras tamen aliquot sanguinis effluxisse reperti tanto enim cum impetu profusiebat ut adstantes omnes, imò & ipse pharmacopæus perterriti & effrentes. Pulvere nostro ad sistendum sanguinem stupis albumine ovi madefactis ulceri impoſito, feliciter cohibita fuit hæmorrhagia, paulatimque deinde ulcus coaluit.

Vides, quàm circumspectè in applicatione caustici procedendum sit, cavendumque ne liquescendo nimis latè serpat, quod quidem instrumentum ante annos duos à me ad te misso, facile impedire potestis.

Vale

*Escharam nō  
sui nimis  
profunda ex  
applicatione  
caustici.*

*Vide obs.  
94. cons. 1.*

*Observatio  
periculosa  
caustici ap-  
plicatio.*

Vale vir amplissime cum honestissima tua conjuge, quàm tecum peramanter saluto, uti quoque nobilem virum D. *Johannem Brengenfer*, & rescribe, sicut per occupationes. Dabam Badenz 16. Junii 1617.

## OBSERVATIO LXXIII.

De infelici successu cauterii potentialis brachio applicati. Item de gravissimo tumore brachii ex cancro mammillæ progenito.

*Ad solertissimum, nec non experientissimum virum Dn. GUILHELMUM FABRICIUM Hildanum, Medicum & Chirur- gum clarissimum.*

**V**ix attem ullam calumniis adeò obnoxiam esse, atque medicinam, te vir præstantissime, in difficilimis artibus Chirurgiæ operibus sæpissime expertum fuisse, non dubito. Me verò quod attinet sycophantarum morsus aliquoties quoque effugere non potuisse, sequens historia fidem facit.

Ante annos ites, aut quatuor, regitus, atque advocatus in oppidum Moyrem, ut *Francisco Pross* sexaginta circiter annorum ætatis, & gravissimo, nec non inveterato dolore capitis laboranti remediis salutaribus subvenirem, me contuli. Huic universalibus veluti purgationibus, venæsectione cucurbitularum applicatione adhibitis setaceum quoque & cauterium potentiale applicui. Verumenimvero intra duos vel quatuor dies post applicationem cauterii tumor œdematosus in brachio paulatim exortus est, sensimque ita accrevit, ut totum brachium ab humero usque ad digitorum extremitates non secus ac hydropicorum crura intumesceret. Iterum igitur vocatus fui, & ne humiditas illa maxima calorem naturalem dissiparet, penitusque exstingeret, brachium scarificavi. Facis scarificationibus multum aquæ limpide & velut lixivium, non dissimilis ab ea, quæ ex hydropicorum ulceribus emanare consuevit, effluxit. Remedia quibus usus fui ad humores istos dissipandos, & Ethiomenum præcavendum, ne prolixior sim, silentio involvo. Tumor itaque brachii omnino resolutus & dissipatus fuit.

Post

*Observat.  
prima.*

*Applicatio-  
nem Cau-  
terii qua  
symptoma.  
ta sequuta.*

Post duodecim tamen dies reversus est, easdemque partes invasit tumor ille: verum eisdem iterum adhibitis remediis, denuò magna ex parte, non tamen ex toto evanuit. Quapropter variis in locis expertos consuluerunt Medicos, quorum aliqui (petentibus enim consilium semper aliquid respondendum est) symptoma hoc ratione cauterii, nervo appoliti, provenisse affirmabant. E olo enim & abscisso nervo aquam non aliter ac ex amputato sarmento extillare asserbant. Alii aliter sentiebant. Horum tamen rationes, quàm infirmæ sint, eis qui in anatomicis versati sunt, notissimum est. Sciunt enim nervos longè profundiores latitare, quàm quod à cauterio attingi potuissent. Deinde non supra tendonem musculi deltoidis, sed multò alius appositum fuerat causticum. Post menses tres brachio veluti hydropicorum crura intumefacto, lenta febris extinctus fuit. Nulla tamen aderat gangræna, aut lividitas, nullus item dolor, nisi gravativus. Sed ut veritatem fatear, nisi septuagenaria ætas appropinquasset & observatio, quam mox referam, me movisset, applicationem cauterii istius symptomatis causam fuisse arbitrarer. Uno enim modo nascimur omnes, sed naturâ declinante diverso modo ruimus in interitum, omnibusq; hominibus, ut summus Doctor gentium docet, semel mori statutum est.

*Observat.  
Cancer in  
dextra  
mammilla.*

Alterius autem observationis nostræ narratio hæc est. Domina de Rosieres defuncti jam pridem D. Comitis Pontisualensis soror, anno quinquagesimo ætatis suæ cancro in dextra mammilla correpta fuit. Is ex occulto paulatim exulceratus est, & ita quidem, ut intra spacium decem, aut duodecim annorum, totam ferè mammillam cum maximis & continuis doloribus, atque cruciatu, labris item prætumidis, & aspectu horrendis eroserit. Ego accersitus in Samuelem pagum prope urbem Pontemvallensem, ubi tunc degebat, ad ipsam perveni, & remedia ad sedandos dolores apta adhibui. Doloze aliquomodo sedato semestri post, iterum morbus recrudescere cepit. Brachium enim dextrum primò circa musculum deltoidem & bicipitem, deinde ad manum usque eodem modo, uti brachium præcedentis viri Dn. *Francisci Probst* intumuit. Iterum igitur advocatus, remedia ad dissipandos humores aquosos applicui, sed pauco cum fructu. Quapropter brachium & manum scarificare coactus fui. Hinc aqua tam copiosa effluxit, ut universum ferè cubiculi pavementum ea irroraretur, absque ulla tam, & aut saltem exigua tumoris imminutione. Tandem post hebdomadas

res vivere desiit, brachio, uti dictum, intumefacto, suo verò sentiendi facultate, uti & brachium Dn. *Francisci Pross* minimè destituito. Neuter tamen brachium suum ob tumoris magnitudinem, absque subsidio & adjumento gestare potuit.

Cæterum causam intumescationis brachii prædicti viri ad scirrhum durissimum, inveteratum, immobilem doloris expertem & lividum, sub axilla latitantem, nec non costis ipsis affixum, refero. Tumorem enim huncce, cum diu antea mihi monstrasset, funestum istum exitum (quæ enim cum domina de Rosieres acciderant, mihi occurrebant) ipsi prædixi. Tumoris itaque brachii causam scirrhum istum sub axilla, non autem cauterii applicationem (etsi ipsum diem obitus aliquomodo maturasse non dubitem) fuisse, ac tandem symptoma hoc supervenisse, etiamsi cauterium applicatum non fuisset, existimo. Post mortem invidis, qui hac de re ad summam lætitiâ contorquebantur, variis in locis me obtrectandi non defuit materia. Hæc tibi etiamsi experientia, & rationibus te minimè esse sciam destitutum, significare decrevi, ut si aliquando tale quid tibi acciderit, cautus esses, mihi quæ vicissim successum significares. Vale & me amare perge. Datum Sancti Amoris 22. Decembris 1612.

*Ex scirrho  
sub axilla  
brachii su-  
mor ade-  
matusus.*

*Tua Excellentia addictissimus*

CLAUDIUS CHAPUSIUS.

## OBSERVATIO LXXIV.

### De maximo successu fonticuli ad poplitem.

Senator quidam Solodurensis Dn. *Nicolaus Areyn* nomine, cum annum sexagesimum ætatis prætergressus esset, & obstructionib. viscerum imbecillitate quæ ventriculi ad eò graviter laboraret, ut etiam abdomen & crura ipsa tumore œdematoso extenderentur, sitis magna, nec non cibi fastidium, aliaque symptomata adessent, & lecto affixus esset, Una cum clarissimo viro D. *Paulo Lentulo* Reipublicæ Bernensis Doctori Medico me in consilium vocare jussit anno 1608. mense Majo. Instituta optima victus ratione & præparato humore peccante corpus aliquoties rhabarbato, senna & similibus expurgavimus, &

Y quæ



quæ partes nobiles corroborant, calidumque innatum sovent, exhibuimus. Tandem quoque Cantherio potentiali fonticulum ad poplitum dextrum effinximus, inde serosi humores tam copiosè effluxere; ut brevi præter omnium spem atque expectationem restitutus sit æger. Vixit homo iste ad annum usque 1615. & quidem satis commodè. Natura enim humores excrementitios ad fonticulum veluti ad cloacam tam copiosè protrudebat, ut ab eo tempore, & quidem ad finem vitæ suæ paucis usus sit medicamentis.

## OBSERVATIO LXXV.

Dolor sciaticus, pruritus item totius corporis beneficio fonticulorum feliciter sanatus.

**F**ranciscus Crosseranus Lustriacensis ad lacum Lemmanum Senator, ne non Tribunus plebis meritiſſimus, vir pietate, & virtute ornatissimus, sexaginta circiter annos natus, & amicus meus singulari studio observandus, cum per menses aliquor dolore sciatico, & pruritu molesto, aut potius doloroso totius ferè corporis laborasset, & vix in nixto baculo amplius incedere posset, in consilium me vocavit Anno 1613. mense Septembri. Suasit corpus à pravis humoribus (erat enim homo maximè cacochymicus) aliquoties evacuetur, viscera ab obstructionibus liberarentur, corroborarenturque, & quantum fieri posset, ad temperiem reducerentur. Ille verò cum à medicamentis aded alieno esset animo, ut horum nihil tentare posset, nec vellet, ne planè ipsum sine subsidio relinquerem, cauteria duo, alterum brachio sinistro, alterum poplito dextro applicui, quorum beneficio dolor sciaticus, simul & pruritus ille molestissimus totius corporis paulatim remiserunt, convaluitque æger. Fonticulus autem brachii nullum dolorem intulit, cum tamen fonticulus ad poplitum per menses aliquot continuò ferè dolorosus esset. Acris enim, falsusque, ac pravius ille humor doloris sciatici, & pruritus causa proxima, cum naturæ beneficio ad fonticulum copiosè demandaretur, vellicando nervosæ partes, dolores excitavit.

*Dolor sciaticus fonticulorum beneficio sanatus.*

## OBSERVATIO LXXVL

In qua vulnera digitorum & manuum contra opinionem & doctrinam FELICIS WIRTZII aperta retinenda esse, exemplis ostenditur: & opinio WIRTZII refutatur.

*Viro clarissimo atque doctissimo Dn. MICHAELI DÖRINGIO  
Breslaviensi Doctori Medico longè celeberrimo, amico singulari  
studio observando, GUILHELMUS FABRICIUS Hildanus  
S. P. D.*

Quod tantotemporis intervallo, Vir clarissime, fautor & amice æternum honorande, veteris meæ erga te observantiæ memoriæ literis non renovatim, mea profectò negligentia minimè causâ fuit: sed propter occupationes corporis & mentis molestias id accidit. Superiori enim ætate Wormatiam ad Generosum quendam vocatus, variis occupationibus à studiis meis abstractus fui. Post reditum verò meum Lausannam, quæ luctuosa ac funesta mihi advenère, ex proximis meis ad te literis cognoscere potuisti. Silentium itaque meum, si tibi molestum, longè prohi dolor causâ silentii mihi molestior fuit.

Responsum meum ad epistolam tuam de nova, rara & admiranda hernia uterina, propter easdem quoque causas retardatum fuit. Illud tamen per hæc nundinas Silbertinas Francofurtum mitto, ut ibi centuriæ meæ tertiz ahneatur, & simul cum ea excudatur.

Chirurgicum opus *Felici Wirtzii* superiori anno auctum Basileæ iterum excusum fuit. Multa profectò in ipso continentur, quæ rationi & experientiæ repugnant, ideoque quomodo juniores Chirurghi factum ex lectione hujus libri capere possint, nondum video. Quænam, quæso, absurda & periculosa hæc est opinio, quam cap. 11. lib. 2. ubi in vulneribus pectoris penetrantibus turundas rejicit, materiamque purulentam, ac sanguinem in vacuo pectoris collectum per urinas, alvum ac sudorem evacuari posse, præter rationem protulit?

*Felix  
Wirtz in  
vulneribus  
pectoris turundas re-  
jicit.*

— In vulneribus digitorum ac manuum turundas quoque absque ulla

distinctione improbat. Hæc verò doctrina quam erronea sit atque periculosa, etiam si tibi in Chirurgicis exercitatissimo viro satis superque notum sit, nonnullis tamen exemplis id hic stabilire non gravabor.

### Exemplum I.

*Vulnus exitum non negligendū.*

Civis quidam & mercator Coloniz Agrippinz *Wilhelmus Quadus* nomine, in vico *Bechergassen* habitans, cum quadā die. n. officii circa merces suas occupatus esset, examen balancis volæ manus iniecit. Ego, quia tunc temporis ad Generosum virum *Dn. Sebastianum ab Hatzfeldt* Dominum in *Wilsdenberg*/et. profectus eram, cunctando, & me expectando affectum suum neglexit; & ab initio peritos Chirurgos non adhibuit, multò minus vulnus turundis apertum retinuit. Superficie itaque vulneris clausa, circa quartum auctus est dolor: ille, quia corpus sanguine & humoribus oneratum erat, adeo ad se attraxit, ut exorta febre sequuta sit inflammatio ac phlegmone, ita ut variis in locis exulcerata sit manus, & non nisi magno cum labore restituta fuerit.

### Exemplum II.

*Jacobus Bergerius* civis *Laufannensis*, ibique in suprema curia notarius dignissimus circa annum 1594. scapello volam manus sibi punxit. Et quia vulnus propter sui angustiam turundis apertum minimè retineret Chirurgus, & pus in ipso fundo vulneris colligeretur, retinereturque, talia sequuta sunt symptomata, ut de vita periclitaretur. Dolor autè in primis exortus est acutissimus, mox febris, inquietudines & phlegmone sequebantur. Ego tandem in consilium adhibitus, & omnibus ad morbum dopellendum necessariis institutis, post gravissimos ac diuturnos cruciatus, tandem pristinz sanitati restitutus fuit, & huc usque hic vivit.

### Exemplum III.

*Ex punctura spinæ niglessa gangrana & sphacelus.*

Anno 1591. pagana quædam *Hildenz* spinā summum indicem digitorum punxit. Cum verò propter causam superius allatam vulneris superficies coaluisset, & pus circa partes nervosas collectum fuisset, exortus est dolor, inflammatio, atque gangrana, qua in sphacelum conversa, adiit me tandem. Purgato corpore & ad metacarpum abscisso digito convaluit.

## Exemplum IV.

Anno 1598. rusticus quidam propè Laufannam, tractando spinas, malleolo spinam sibi infixit. Neglecto morbo & maturè nimis clausâ puncturâ, exortus est dolor: mox sequuta est inflammatio & gangæna: tandem sphacelus totam tibiam invasit atque occupavit. Cum verò abscissionem tibię reculsset, intra paucos dies extinctus fuit.

Summo itaque studio vulnera angusta, etiam si in partibus nervosis fuerint, quicquid dicar *Wirtzius*, turundis tantisper, donec vulnus satis fuerit expurgatum, aperta retinenda esse, experientia ipsa, uti ex præscriptis exemplis apparet, testis est. Accedit quoque ratio: In omnibus enim vulneribus, præcipuè per incisionem factis, cutis facillimè & statim ab initio contrahitur, primò quia membranosa est; deinde quoque quia natura illâ veluti tegumento ignobili reliquas partes magis nobiles, veluti carnem, venas, arterias, nervos, nervosasque partes ab injuria aëris vindicare studet. Caro autem tam cito coalescere non potest: primò enim in ipsis quoque vulneribus per incisionem factis quædam species contusionis adest, at caro contusa, ut putrescat, & in pus convertatur, necesse esse, ex *Hippocrate* scimus. Suppurationem autem illam carnis, nisi in tempore, fieri non posse, etiam tyronibus notum est. Contrahitur itaque cutis vulnorum, præcipuè per incisionem factorum, statim ab initio: humores verò, qui ex carne vulnerata confluant, retinentur, paulatimque incalescunt, & acres fiunt: & quia pars affecta nervosa, ac proinde maximè sensibilis est, sequitur dolor, qui attrahendo sanguinè & humores, gravissima symptomata excitat.

Turundæ autem eâ industriâ, ut ad minimum superficiem vulneris, donec reliquæ partes sauciatae, veluti caro & nervi, satis expurgatae fuerint, hiantem retineant, adaptatae, atque fabricatae esse debent: ne tamen partes nervosas compugnant, danda est opera. Quapropter profunditas vulneris diligenter observanda est, & ne acies turundæ fundum vulneris, præcipuè si nervus, aut nervosum quid detectum fuerit, comprimat, diligenter danda est opera. Augustissima autem vulnera, quia turundam crassam non excipiunt, exilis verò cum nimis sit flexibilis, hinc & inde refectatur, & fundum vulneris minimè attingat, solo frustum filii aurei, aut argentei, pro vulneris profunditate longum, carbalo involvere, & unguento aliquo anodyno & digestivo inungere, nec non vulnere inungere. Blandè tamen hujusmodi, uti reliqua o-

Quare vult  
nera turundæ  
dus sine a-  
perta ser-  
vanda.

Quomodo  
turundæ  
adhibenda.

Noni non nif  
ger nipa hila  
ma: pphab hila  
ma: pphab hila



omnia vulnera, sunt tractanda. Periculosissimum enim, ac omnium ferè exiliosissimum symptoma esse dolorem, alias ex me intellexisti.

*Dua causa  
quare in-  
tundis in  
vulneribus  
utendum.*

Atque hæc prima, & præcipua causa est, quod turundis in vulneribus utimur: nimirum ut humores, qui ratione solutionis continui consueunt, effluere possint. Altera est, ut medicamenta ad fundum vulneris pervenire, atque penetrare possint. Ad quid enim, quæso, conducet medicamentum, ad vulnus digerendum, mundificandum, aut carne implendum, si vulnus clausum fuerit? Interim tamen, dum circa vulnus externum occupati sumus, in universalibus nihil omitendum est. Tenuis itaque victus ratio instituenda, corpus à pravis humoribus & sanguine, si plethora adfuerit, evacuanum. Hæc nisi facta fuerint, & vulnus ab initio turundis non dilatatur etiam si exiguum, & nullius momenti fuerit: aliquando tamen materia illa retenta, gravissima symptomata procreat, mortemque accelerat. Cujus rei exempla præter illa à me adducta, etiam apud auctores habemus: Ab exigua & planè despicabili vulnere (ut post *Valleriolam* lib. 3. enarrat. 3. scribit *Schenckius* observationum medicinalium lib. 5. de digitis manuum) in vola sinistræ manus accepto, quod vix subditam cuti carnem contingeret, *Ludovicum vives*, Senatorii ordinis hominem, ea in curia, quæ apud *Montspessulanum* est, quam vulgo generalium vocant, intra septimum diem convulsione de repente orta concidisse vidimus. Observavimus, inquit *Horatius Augenius* lib. 9. epist. 2. Patavii ex vulnere minitri digiti *Johannem Baptistam* Argentinum decessisse.

Ex his vides mi *Do. Döringi*, quam periculosus sit Empiricus ille processus *Wirtzii*, tuam tamen sententiam atque opinionem intelligere cupio. Plura nunc adscribere non licet. Vale itaque & cum tuis omnibus feliciter vive diu. Clarissimum ac æterna laude dignissimum virum *Do. Petrum Kirstenium* ex me quæso demissè saluta.

Lausannæ 27. Decembris

Anno 1613.

## OBSERVATIO LXXVII.

Ex punctura vespæ circa carpum dolor ingens totius corporis, & lipothymia consequuta.

*Viro Amplissimo, atque doctissimo Dn. GEORGIO FABRO Castri Imperialis Fridbergensis, &c. Doctori Medico ordinario ac longè celeberrimo, amico suo plurimum honorando. GUILHELMUS FABRICIUS Hildanus S. P. D.*

Quod jam diu nihil literarum ad te dederim Vir clarissime clarissimeque frater, non oblivione amicitiae nostrae, sed longo locorum intervallo accidit. Cupio enim fraternam nostram amicitiam; quoad vixero tecum literis fovere. Sed quid quaeso agis, & quomodo mente simul, & corpore vivis? me quod attinet, alias ex meis intellexisti literis, quam graviter, vel potius quam paternè Pater meus celestis ante annum me visitaverit, quodque gravissimum mihi inflictum fuerit vulnus. Illud pro dolor, tantum abest, ut cicatrice sit obdutum, quin potius insanabile, & lethale ulcus abjerit. Propter continuos enim dolores vires exhaurit, humidumque radicale paulatim absumit. Quæritis causam. Illa tibi nota est, & superiori ætate plenius innotuit: non tuit & nobilissimo & strenuo viro Domino *Wolffango Adamo à Schwalbach* etiam suo dispendio. Fecit id humanitas sua, & in me benevolentia singularis: quapropter ipsi ut debeo gratias ago maximas, gratias inquam immortales. Sed severum illum pseudomedicum (qui ulcus meum non lenit, sed exasperat, non suaviter abstergit, sed ad cruoremque conficit) si ad vos redierit, ut indignum vestra amicitia, si me amas repellito, & ut meo nō suo consilio utatur ipsum admonitō. Clarissimo viro Dn. *D. Horsio* ut eodem modo cum ipso procedat, meo nomine quaeso significa.

Porro etsi mens ægrotet, corpus quin etiam hic Bernæ (quo ante mensem ad ægros quosdam vocatus fui) laboribus occupatum sit, nefas tamen fore putavi, si colloquia nostra Appollinea negligerem. Occurrit itaque casus non omnino vulgaris superiori ætate à me observatus, & annotatus, quem laconico stylo tibi delineare decevi.

Matrona

Punctio  
vespæ.

Matrona quædam ex nobilissima, & heroica familia *Sickingiorum* oriunda, nomine & re ipsa *Margarita*, nec non Generosi & strenui viri *Johan. Christophori à Stadion*, serenissimi Principis ac Dn. D. Maximiliani Archiducis Austriæ, &c. in camera Ensis hemiana consiliarii & vicarii prudentissimi, nec non Satrapæ in *Landsern* vigilantissimi, &c. Uxor cum in canicularibus in prandio à vespæ punctiōem circa carpum finistrum accepisset, protinus dolor ingens in loco affecto exortus est. In ipso fere momento cum lipothymia supervenisset, ad lectum se cōferre coacta fuit. Ubi non diu post dolor ille, qui ab initio manum & carpum solum occupaverat, per totum corpus expansus, & acerbior factus fuit. Eodem quoque die vesicæ humore seroso & pellucido (veluti in combustionibus conspiciuntur) repletæ, exortæ sunt. Sub vespæram uti quoque sequenti die, cum totum corpus oleo scorpionum (quod maritus in promptu habebat excellentissimo) inunctū, & sudor lapide Bezoar copiosè provocatus fuisset, brevi pristina sanitati restituta fuit ægra, separata per totum fere corpus Epidermide. Vides vir clarissime minimum quandoque insectum maximum in se continere venenum, præcipuè si ad partem aliquam nobilem (uti in hac matrona, in qua venenum per arteriam carpi celeriter ad cor pervenit) delatum fuerit. Punctiōes itaque vespæ non sunt negligendæ, quandoquidè aliquando in insanabile ulcus degenerasse in alia quadam matrona nobili observare mihi contigit: historiam forsân post hac tecum communicabo, nunc non datur orium. Vale frater charissime, cum honestissima tua conjuge, liberis quæ dulcissimis. Saluta quæso meo nomine generosum ac strenuum virum Dn. Burggrafium, nobilissimum item virum Dn. à *Schwalbach*/ ipsiusque uxorem genere & virtute nobilissimam: præterea clarissimum virum Dn. D. *Horstium*, cujus literas, uti quoque tuas avidè expecto. Bernæ

15. Decembris. 1614.

## OBSERVATIO LXXVIII.

Ex punctura vespæ circa juncturam mandibularum ulcus insanabile consequutum.

*Ad eundem Virum clarissimum atque doctissimum Dn. GEORGIUM FABRUM castri Imperialis Fridbergensis Doctorem Medicum ordinarium celeberrimumque, cui GUILHELMUS FABRICIUS Hildanus S. P. D.*

Cum præcedentes ad te literas, clarissime atque doctissime mi Dn. Faber, obsignassem, nec in tempore commodum tabellarium invenire, sequentem casum (quem in præcedentibus meis ad te literis quoque promisi) adjungere visum est.

Matrona quædam Dilsburgi Clivorum, genere & pietate nobilis N. Holt nomine, cum adhuc esset juvenis & quadam die in viridario obambulare, & à vespa punctiorem in faciem circa aurem dextram recepisset, protinus exortus est dolor maximus, inflammatio quoque mox sequuta est, & totum caput intumuit. Adhibitis remediis dolor nec non intumescitio ex parte remiserunt, relicto abscessu in ipso loco a festo, quo rupto, sordidum & insanabile sequutum est ulcus; quod etsi præclaris quoque Medicis atque Chirurgis curandum commissum fuisset, oleum tamen & operam perdiderunt omnes, quamvis summam adhiberent diligentiam, uti ego met testis sum ocularis. Cum enim apud Cosmam Slotanum Medico Chirurgum præstantissimum viverem, & Chirurgiæ studio operam dare in sextum usque annum, vidi quanta diligentia quantaque sedulitate circa affectum huncce laboraverit. Defuncto Slotano, quum omnia frustra adhibita fuisse vidisset ægra, nihil amplius deinceps tentare voluit, sed curationem palliativam ad finem usque vitæ suæ adhibuit. Ad decrepita tamen ætatem usque vixit, & quidem utcunque commodè: quandoquidem ulcus hocce velut cloaca erat, ad quam natura superfluos atque excrementitios humores ex toto corpore copiosè & quidem continuo amandabat.

Quod autem affectus ille, qui ab initio non usque adeò gravis esse

Z

videba-

Vespa punctura.



*Ulcera circa juncturas mandibularum sunt insanabilia.*

videbatur, in diuturnum & insanabile ulcus abierit, ad constitutionem loci affecti meo quidem judicio præcipue referendum est. Cum enim ulcus è regione juncturæ mandibularum esset, non potuit propter continuum motum juncturæ ad cicatricem perducì. Ulcera enim, ut norunt Medici, non sanantur, nisi exsiccantur: at quia motus, attrahendo humores, humectat, sequitur necessitas, ò, ulcera circa juncturas mandibularum, cum sint in continuo motu, præterquam cum homo dormit, insanabilia esse; nisi forsitan Chirurgus methodum illam, quam ego primus inveni, & in prima centuria observationum mearum, observat. 38. proposui, adhibeat: quod si methodus illa tunc temporis mihi cognita fuisset, ægra proculdubio maximum commodum inde recepisset, mihi verò divitias comparassem.

De agno monstroso Lausannæ reperto nihil nunc ad te scribo: historiæ enim & anatomici narracionem, unâ cum delineatione monstri ad Dn. de By mihi, qui illâ, uti spero, prælo suo subijciet, ita ut mammarum ad te pervenire possit. His iterum vale vir clarissime, & Fabricii tuum amare perge. Raptim Bernæ 22. Decemb. 1614.

## OBSERVATIO LXXIX.

## De punctura vespræ.

*Item:*

## De infelicissimo successu croci metallorum.

*Viro præstantissimo Dn. GUILHELMO FABRICIO Hildano, Chirurgo celeberrimo, GEORGIUS FABER castri Imperialis Fridbergensis D. Medicus ordinarius S. P. D.*

**V**ix dici queat, humanissime & præstantissime Dn. Fabrici, amico-  
rum optime, & plus quam fraterno, si quis major est, amore prosequende, quam exhilararint me binæ tuæ literæ, 21. Januarii hujus anni, à mercatoribus Argentina redeuntibus, & hac transeuntibus ad me perlata. Absterferunt enim omnem nubem & nebulam suspicionis cuiuscunque: quibus jam nunc discussis sub amœnissimo hujus veris initio refulcet Sol ille tui erga me pristini amoris & benevolentia clarissimus

mus, qui quidem non penitus sublatus, sed aliquandū occultatus fuit in obscuris diuturnioris quodammodò silentii tenebris, mihi ingratis-  
simis. Verùm purgavit se triste illud cœlum, & tu teipsum de intermissi  
hactenus officii ratione, utinam modo lætiora illa de valetudine tua  
fuissent, quam variis modis affligi, atque indies magis magisque debili-  
tari, auribus meis valdè ingratum est. Tuum erit mi *Fabrici* omnia, quæ  
à benignissimo Deo immittuntur, animi Christiani magnitudine con-  
stanter perferre, ea præsertim, quæ humanitus nobis quotidie obve-  
niunt. Interim etiam parcere lectioni & scriptioni, imò affectibus ipsis  
siquidem vitæ venenum tristitia ipsa est. Quæ cum scribo, non dubi-  
tabo de tua constantia, quam in sano corpore, & mente tibi mihiq; sa-  
nam in multos annos conservet Deus Opt. Max. unicè voveo.

Me meosque, quod attinet, superiori ego ætate variè quoque va-  
lui, & non tam corpore, quam animo minus comode. Febre ardentis-  
sima correptus, aliquot septimanas graviter decubui, cui ab aliquo in-  
tervallo successit recidiva pessima, quæ vires propemodum omnes ex-  
hauserat. Verum singulari Dei beneficio, debicæque medicamentorū  
applicatione tandem victa discessit, egoque viribus paulatim recupe-  
ratis, cum meis mediocriter nunc vivo, & reconvalesco. Quid præsens  
hic nobis allaturus sit annus, anxius expecto: quanquam non tantum  
doleam, quantum scio accidisse, quam timeam, quantum adhuc possit  
accidere. Variolæ superiori anno multos hic, & in vicinia è medio su-  
stulerunt, has nunc exceperunt morbilli, qui epidemii & nobis jam  
sunt, atque idem malum mihi quoque domesticum fuit, sed Deo gra-  
tia tolerabile & sine jactura vitæ & filiolæ: videntur esse futuræ præ-  
ludia pestis, sicuti & pleuritides illæ malignæ.

Publica præterea nec pro nostro, nec pro aliorum voto, & volunta-  
te sunt in tota nostra Germania seditiones, & turbæ hic & ubique bel-  
la minantur funestissima. De negotio Francofurtensi ex aliis, adeoque  
ipsis relationibus publicè editis multa cognoscere poteris. Sed ne que-  
relas more meo pro epistola mittere videar, modus hic esto.

Cæterum eodem temporis articulo, quo tuz mihi offerebantur, in-  
ter cætera privato studio tractatum de venenis præ manibus habebā,  
ideoque eo ipso nomine gratissima erat communicatio duorum isto-  
rum casuum, de punctura scilicet vesparum, pro quibus tibi gratias ago  
maximas. His autem pellētis in memoriam mihi revocabam similem  
fermè casum, quem, dum Anno 1598. Patavii studiorum gratia com-

*De punctura  
vespa  
historia sin-  
gulari.*

morarer, excellentissimum D.D. *Julium Casserium Fabricium Placentinum* præceptorem meum æternum colendum in praxi comitarer, apud matronam quandam nobilem mihi videre contigit. Hæc ipsa in ipsis quoque canicularibus à vespa quadam circa metacarpium dextrum lædebatur: ubi statim dolor obortus est maximus, cum inflammatione insigni supervenit febris ardētissima, & phrenesis. (siquidem nervosis & musculosis partibus inflammatis, hæc noxa cerebro promptissime communicari solet) Aderant præterea frequentes & biliosæ evomitiones. ventris constipatio, aliorumque symptomatum *συνδρομή* & momentanea quadam istorum exacerbatio: accedente insuper tempore æstivo calidissimo, quod impetum moti jam humoris mobilis in matrona præsertim valdè plethorica, & succulenta magis magisque intendebat. Accersitus itaque supradictus Dn. D. *Casserius*, præmissis Bezoardicis, & cordialibus, locum affectum sine ulteriori mora scarificando cauterizabat, eamque non neglectis aliis convenientibus remediis cum universalibus, tum particularibus (divina annuente gratia) à præsentissimo & evidentissimo vitæ discrimine dextrè liberabat, feliciterque pristinæ sanitati brevi restituebat. Suspicebatur D.D. insectum hoc ab aliterius cujusdam venenati animalculi sucu vel infleu, vel herba quapiam venenata depasta, insectum fuisse, & postea malignitatem hanc parti læsæ discrasia, ipsi, ut puncturæ induxisse, id quod rationi, aut veritati haud absolum videtur. Epidermis verò, quod in priori illa ægrota sub finem curationis à plerisque corporis partibus fuerit separata, manifestò colligitur, istud venenum summæ fuisse activitatis, eò, quod vitiosum & malignum suum humorem vi internatum partium calorigifica, & virtute bezoardica ad remotiores & excrementales partes cutis & poros amandarit, tandemque per sudores epidermide excoriatà & ablata, omnino extra corpus propulerit. Cujusmodi historia legitur in observationibus *Forensi* lib. 30. observ. 5. sub finem. Re & itaque me hercle mones, ejusmodi virulentos morsus, & puncturas etiam minutissimorum insectorum, si præsertim in musculo aliquo seu jactura fiant, minime esse negligendas. Id quod etiam ex altera historia nobilis matronæ ab *Holt* apparet, cui à punctura vespe ulcus in facie venenata continuitatis facta solutione cacochecticum & insanabile relictum est. Hujus quidem concumaciæ causam *Galenus* lib. 1. de compos. medic. per genera cap. 18. & lib. 4. cap. 1. Item lib. 1. de medic. per loca. Sic quoque *Cornes Montanus* lib. 3. cap. 17. ex parte reddere conatur

tur. Tutamen prudenter asseris istud ulcus propter continuum juncturæ, morum, & humorum affluxum ad cicatricem perducere non potuisse. Nihil dicam de quibuldā naturæ proprietatibus hominum peculiaribus, ad sanationem inidoneis. Quemadmodum enim ligna quædam propter nodorum abundantiam ex naturali defectu & corruptela adeò degenerant, ut findi nullo modo possint, sed relinquenda: ita etiam in ejusmodi naturis frustra sæpius instituitur sanatio, ubi præexistente insigni cacochymia, & pravorum humorum abundantia, munia illa innata medicina esse nequit. Quandoque etiam intemperies alicujus particulæ in causa est, quò minus ulcera consolidationem recipiant: Sed quid ligna in sylvam?

*Quæ ulcera inter-  
dum curari  
nequeant?*

Pro colophone addere lubet casum de infelici croci istius metallici effectu, qui superiori ætate hic accidit. Fuit aliquādiu nobiscum Chymiater quidam, homo alioquin non indoctus, sed purus putus Paracelsista. Is rebus suis fortè desperatis aut ad restim usque perductis, spe majoris lucri Francofurtum se contulit, ibique brevi post vitæ & praxeos finem fecit. Habuerat ille puerum pro famulo, quem postea discedens hic reliquit. Famulus verò ab hero suo (nescio quo titulo) fortè fortuna acceperat pixidulam croco isto metallorum plenam, quemq; contra omnes, etiam deploratissimos affectus egregie prædicare didicerat. Quid sit? Mulier quædam ipsius vicina conqueritur de filiola graviter decumbente, & suspicionem lumbricorum verita, dosin istius pulvisculi tantopere commendatâ vicino sibi erogari petit. Illa impetrat satis magnam quantitatem pulveris, tantamque eam ægorantifiliolæ quinquenni exhibet: à cujus assumptione paulò post gravissima oboritur symptomata, vomitus & dejectiones alvi enormes, con-  
fusions vehementes totius corporis, insultus aliquot epileptici, & dolores in toto corpore acerbissimi. Parentes miserrimo hoc spe & aculo perterriti & commoti, Dn. D. Jeremiam Molsherum Medicum, qui tum temporis me febricitantem amicitia gratia inviserat, accessi curant, sed priusquam adventaret, mortem oppetiit infelix ista puella. Cadaver ipsius de consilio Medici & aliorum fuit incisum, & sequentia notatu dignissima in eo deprehensa.

*De infelici  
successu  
croci metal-  
lorum.*

Aqua citrina ore & natibus effluerat copiosissima.

Omentum vileribus exemplis fuerat à parte inferiori disruptum.

Hepar cæruleum & nonnihil induratum, quasi in aqua ferventissi-  
ma fuisset maceratum.

Z 3 Pulmo



Pulmo in dextra parte flavescent.

Vesica fellis præter modum tumida, extuberans, & repleta sanguine aterrimo.

Cor in sinistra parte flaccidum exangue.

Ventriculus ad ovi magnitudinem, in quo repertus adhuc fuit iste pulvis seu crocus, à quo etiam intestina fuerunt tincta & infecta.

Atque ita habes historiam consilii imprudentissimi, & facinoris capitali supplicio dignissimi. Alias tibi, quod communicem hoc tempore, mihi nihil occurrit. Accipies etiam à clarissimo Do. D. *Horstio* nostro cum literis observationes aliquot singulares, minimeque vulgares, si quid posthac erit, te non celabo. Vale.

## OBSERVATIO LXXX.

### Expunctione vespæ gangræna consequuta.

*Gangræna  
ex punctura  
in vespæ.*

*Curatio  
gangræna.*

**A**Nno 1587. rusticus quidam propè Lausannam juvenis, robustus & plethoricus à vespæ in dextrâ latus faciei haud procul à minori cantho oculi, cum ætatis tempore punctus fuisset, dolor ingens, & inflammatio talis sequuta est, ut sexta die morbi, cum ego advocatus essem, totam ferè partem illam faciei lividam & gangræna contaminatam reperirem. Exhibito clystere, quicquid ita affectum scarificavi, unguentum Ægyptiacum, aliæque ad gangrænam appropriata medicamenta applicui, eademque die venam in cubito dextro incidi. Sequenti die corpus cholalogo, ut infusione rhabarbati, syrupo rosato solutivo & electuario de succo rosarum expurgavi: hinc symptomata remiserunt; & aliquoties reiterato cholalogo, & adhibitis remediis ad gangrænas necessariis (de quibus prolixè in tractatu nostro de gangræna & sphacelo egimus) sanitati restitutus fuit æger.

Eodem tempore civis quidam Lausannensis *Hugo Lugrain* nomine, cum simili modo læsus fuisset, ac in manus imperitorum incidisset, multos sustinuit dolares, non solum in parte male affecta, verum etiam totius capitis. Tandem convaleuit, sed palpebræ dextri oculi propter cicatricem inversæ fuere. In isto porro morbo (quod quidem deplorandum) caput & oculi ita debilitati fuerunt, ut post aliquot annos visum omnino amisit, & ad hunc annum 1614. usque cæcus circumducatur.

O B.

## OBSERVATIO LXXXI.

## De præputio monstroso ejusque abscissione.

*Viro clarissimo atque doctissimo Dn. JOHANNI FRIDERICO WERTENBERGIO Doctori Medico Basileensi longè celeberrimo GUILHELMUS FABRICIUS Hildanus, S. P. D.*

Plurimum me exhilararunt literæ tuæ clarissimæ, atque amantissimæ mi Dn. D. Wertenbergi, partim propter theses à te mihi transmissas, partim etiam quia eadem curationem cum puero Dn. Wenzii post meum à vobis abitum feliciter successisse, ipsumque nunc præter spem atque opinionem, multorum forsàn & parentum, sine baculo incedere, indicaverunt, Laus sit Deo opt. max. qui medicamentis & laboribus nostris benedixit: In epilepticiis divini quippiam observari posse, tecum assero, cum id ipsum non raro me edocuerit experientia. Szpissimè enim nonnihil quod captum nostrum superat in corporibus Epilepticorum delitescit. Quapropter morbus iste etsi ex semine parentum minimè contractus fuerit, multoties tamen nullis remediis eum tolli posse testantur viri gravissimi, præcipuè si æger Baccho, ut est noster æger, addictus fuerit. Sic & morbos comitiales, qui post vigesimum quintum annum ætatis superveniunt, ut plurimum insanabiles esse Hippocrates & Galenus testantur, cum ætas illa si commentariis Joh. Lygæ in Aphor. 7. lib. 7. credendum, humida sit, & frigida causamque morbi adaugeat. Adecimo quarto tamen anno ætatis usque ad vigesimum, aut vigesimum quintum non nisi duos Epilepticos sanitati restitutos fuisse, ab eo tempore quo praxin exerceo, observavi. Primus fuit juvenis Lausannensis, de quo vide historiam observar. 41. Cent. primæ observationum mearum. Alter fuit puella ex honestissima familia in Belgio, octodecim annorum ætatis, quæ ab ipsa pueritia Epilepsia laboraverat. Purgato aliquoties corpore provocatisq; mensib. & exhibitis eis, quæ à proprietate occulta huic morbo adversantur, nuchæ quin etiam adhæbito setaceo convaleuit. Sed hujusmodi exemplarata sunt: Infantulos vero ñ ultos morbo comitali laborantes, feliciter curavi.

*In epilepsia  
quiddam  
divini.*

*Lib. 5. aph.  
7. Galen in  
comment.*


*Cate-*

*Observatio  
de phimosi.*

Cæterum post meum à vobis abitum casus chirurgicus non vulgaris mihi accidit, quem tibi nunc communicare constitui. Juvenci cuidã viginti duorum annorum ætatis ab ipsa nativitate præputium præter modum naturalem & nonnihil monstrose propendebat.

Ita enim versus anteriorem partem contortum erat, ut effluente urina ipsa sursum versus abdomen efflueret. Hinc vesicam commodè, & sine mæfactione vestimentorum nunquam exonerare potuit, nisi solus ligulis ad latrinas sese conferret. Si autem pars illa præputii, ut postea ex delineatione videbis, non simplex esset membrana, ut est præputium secundum naturam formatum, sed potius substantia quædam carnosæ, effluens tamen urina, sub ipso præputio retinebatur, ipsumque usque ad mediam partem penis mirum in medium extendebat. Propter contorsionẽ n. & complicationẽ præputi, locũ per se omnino effluere nõ potuit, nisi digitis diu emulsa glande, atq; præputio: propter continuã hancce emulsionẽ urinæ, & contrectationẽ glandis, membrum virile magnitudinem naturalem multum excedebat. Porro victus ratione, purgationibus, & venæsectione ad operationem bene præparato corpore, ægrum in dorsum collocaui, & instrumento castratore à Chirurgis dicto, apprehenso, & constricto præputio, ipsum juxta glandem abscidi. Deinde pulverem, reliquaque, quæ ad cohibendam hæmorrhagiam necessaria, postea digitivum, & quæ cicatricem inducunt applicui. Ne autem præputium in tempestivè, & præter modum contraheretur, fistulam plumbeam imposui. Sic divino aspirante numine feliciter curatus fuit. Verum id notandum est, me nulla arte, aut industria præputium retro glandem retrahere, ipsiusque coalitionem impedire potuisse, quod quidem propter carnosam illã substantiam, de qua antea dixi, accidisse certum est. Urina tamen nunc absque ullo impedimento, & copiosè, & rectè effluit: nec dubito, quin sperma idem facturum sit, cum ad matrimonium pervenerit, etiam si balanus à præputio detegi minimè possit. His vale vir clarissime, & feliciter vive diu. Ocyus Bernæ Helvet. 13. Nevemb. 1616.

*Deli-*

*Delineatio præputii monstrosi.*

- A. Substantia est præputii abscissi, carnosa, & utcumque dura.  
 B. & C. ductus est urinarius, rugosus & contortus.  
 D. Inferiorem partem penis, quæ sutura dicitur, denotat; illa dura, & instar chordæ extensa erat.

*De phimosi præcedente, idem ad eundem.*

In postremis meis ad te literis, vir clarissime, ubi de abscissione præputii egī, scripsi, me nulla arte aut industria præputium retro glandem retrahere, ipsiusque coalitionem impedire potuisse. Id autem eam ob causam accidisse scias, quod æger in prima operatione consentire noluit, ut superfluum omne abscinderem, glandis enim læsionem supra modum timebat: pars itaque superflua ita ex anteriore parte glandis coaluit, ut nullum ferè foramen pro evacuatione urinx restaret. Quapropter cùm iterum ad me venisset, de præputio particulam ad pollicis latitudinem feliciter abscidi. Hinc præputium adeò retractum fuit, ut amplius glandem obtegere non posset, nullum tamen incommodum inde persentit: & nunc in matrimonio satis commodè vivit. De paraphimosi observationem singularem ad te scribere statueram, nunc verò propter certas causas id in aliud tempus differo.

Vale vir clarissime, & me quod facis ama.

Rapum Bœna.



## OBSERVATIO LXXXII.

## De infelicissimo successu inunctionis ex Mercurio in Arthritide.

*Viro clarissimo doctissimoq. Dn. CLAUDIO DEODATO reverendissimi & illustrissimi Episcopi Basileensis Doctori Medico longè celeberrimo amico singulari, GUILHELMUS FABRICIUS Hildanus S. P. D.*

**M**iraberis procul dubio, Vir amplissime, tam diu me siluisse, nec quicquam literarum ad te dedisse, imò ne quidem responsiones ad postremas tuas misisse. Quæris causam? Superiori autumno in Hassiam ad nobilissimum quendam ægrum vocatus fui; apud quem mihi aliquandiu persistendum fuit, & ante mensem solummodo ad meos redii: quapropter ut diuturno silentio meo, & quod tractatum meum de gangæna & sphacelo maturius non miserim, ignoscere velis, obnixè rogo.

*unctiones  
ex Mercurio  
in Arthritide  
conveniunt.* Cæterum aliquando me præsentē inter literatos, & quidem in disputationibus publicis controversiam hanc, nimirum *an inunctiones ex Mercurio Arthriticis prodesse possint, necne?* exortam disputatæque fuisse memini. Utus quidem & alter suas habuit rationes: neminem verò hæcenus scientiâ & conscientiâ præditum videre potui, qui illi initiones hæc in Arthritide adhibuerit: Agyrtæ tamen quidam levissimus, Imperitusque homo ad istam impudentiam actemeritatem usque devenit, ut quæstionem hanc dubiamque in Patricio quodam Bernensi & Senatorii ordinis Viro nobis non argumentis Scholasticis & Academicis, sed re ipsa solvere non sit veritus: ausculta, quæso, mi Dn. D. Deodate integram historiam.

*Observat.*

Fuit is Dn. *Johan. Rudol. hu. Huberus* ex antiqua familia Patriciorum hujus urbis oriundus, vir pius & solidè doctus, qui & in juventute Germaniam, Belgium, aliasque regiones peragravit, & Academias varias perlustravit. In patriam reversus cum esset, non diu post provincia Grammaticei curialis ipsi commissæ fuit, in qua se ita gessit, ut postmodum in præfectum Grandisonentem constitutus fuerit. Elapsis annis præfe-

præfecturæ suæ in Senatorem hujus Reipublicæ, tandemque in Tribunum plebis & Ædilem designatus est. Porro cum ex patre arthritico natus esset, in peregrinationibus quinetiam incommoda multa cum caloris, tum etiam frigoris (quibus omnibus nervosum genus mirum in modum debilitatur) sustinisset, ac tandem quoque ratione conversationis vino largiore uti coactus fuisset, circa annum vigesimum octavum ætatis suæ de dolore articularum conqueri cœpit. Ab initio morbi, cum à quibusdam imperitis hominibus in hanc opinionem, nimirum nihil quicquam medicamentorum in Arthritide adhibendum esse, ad ductus inescatusque esset, morbum neglexit: quapropter dolores paulatim & vehementiores & frequentiores sequuti sunt, & ita quidem, ut nonnunquam ad dies quatuordecim aut hebdomadas tres præ maximo dolore somnum capere vix posset. Cum ita per annos aliquot miseram vitam viveret, tandemque propter doloris frequentiam ac iniquitates, concoctiones in visceribus probè fieri non possent, paulatim sequutæ sunt obstructions maximæ, hepatis, splenis, & venarum Mesaraicarum: & arthritidis nodosa facta est. Ingravescente sic morbo, variorum, sed ut plurimum, imperitorum hominum consiliis uti cœpit, sed paucum cum fructu. Tandem, & quidem ante biennium, suâs quorundam in Argoviam ad imperitissimum quendam Agytam profectus est. Is suis secretis (horum enim hominum medicamenta omnia sunt secreta) cum integram valetudinem se ipsi restituere posse impudenter promisisset, sese ipsi cutandum tradidit. Quid sit? vix purgato corpore artus unguento ex Mercurio confato inungit, & quidem eo usque dum faucium, linguæ gingivarum, totiusque oris intumesfactio, inflammatio & exulceratio, summaque viuum prostratio sequuta sit, aded ut in decimum quintum diem usque veluti in agone fuerit. Demum consilio & auxilio cuiusdam viri Ecclesiastici, qui istis in locis medicinam facit, veluti ex cymba Charontis ereptus fuit. Vitiis aliquomodo collectis, ad suos Bernam rediit, meq; non diu post iterum in consilium adhibuit: iterum, inquam, antea enim ipsi, & interna, & externa quoque nonnulla medicamenta felicissimo cum successu adhibueram, & fonticulos in brachium & ad popliteum feceram. Sed videamus nunc, quidnam apud ipsum effecerint, & quid deinceps cum ipso acciderit. Campo-Regio (ubi curatio, aut potius destructio hæc à Medicaastro facta fuit) Bernam reversus, præter extenuationem, & imbecillitatem externarum partium, summam quoque internorum

*Inundione  
ex Mercurio  
in arthritide  
gravissima  
sequuntur  
symptomata.*

*Therma  
Piperina.*

viscerum, calorisque nativi labefactionem, ac humidi primogenes diminutionem in ipso observare potuimus: & ita quidem, ut ab eo tempore omnia in deterius processerint. Et quamvis multis, & præstantissimis medicamentis, cum à viris doctis, tum etiam à me præscriptis uteretur, thermas quin etiam Piperinas, quæ in obstructionibus viscerum referendis, divinas edunt operationes, inviseret, ac fonticulos (quos agyrra veluti minimè necessarios clauserat) iterum sibi aperiendos curasset, parum tamen profecimus, adeò vires, actionesque omnes prostratæ erant. Morbus itaque paulatim ita auctus fuit, ut continuis ferè doloribus affligeretur, nec solum pedum, genuum & manuum, verum etiam scapularum, nuchæ & coxarum. In his doloribus sæpissimè medicamentum illum, ejusque medicinam diris votis execratus fuit. Ante menses aliquot cum morbus postremum insultum facere velleret, primò exortus est dolor capitis tam vehemens, ut futuræ disjunctæ viderentur. Non diu post materia quædam pituitosa tam copiosè in brachium dextrum decubuit, ut totum brachium, manus simul & digitus supra modum, & ita quidem intumefacti sint, ut extinctionem caloris nativi, gangrænamque proximam esse metuerem: præter intumefactionem enim dolores quoque maximi, qui materiam peccantem magis magisque attrahebant, aderant. Nec consultum fuit applicare defensiva, & repellentia, propter metum aliorum gravissimorum symptomatum. Deus tamen ita benedixit medicamentis, ut intra octiduum restitutum sit brachium. Interim verò caratulus nunc ad hunc, nunc ad illum articulum, imò & ad ipsum pectus deflavit, hinc sequuta est tussis maxima, non solum propter materiam ex capite ad pulmones devenientem, verum etiam propter duritiem, & intumefactionem hepatis & splenis, qua diaphragma in altum elevabatur. Quæ omnia cum appetitus prostratio, viriumque labefactio sequuta esset, die quinta hujus mensis, hora prima noctis Ascite piè placideque obdormivit, cum nondum quadragesimum primum annum ætatis suæ absolvisset, maximo cum ipsius familiæ detrimento, atque jactura, ac hujus Reipublicæ incommodo, nec non amicorum suorum luctu. Quinque reliquit liberos,

*In puero  
quing, an-  
norum ar-  
thritici do-  
lores depre-  
benduntur.*

inter quos filiolus est *Nicolaus* nomine, quinque circiter annorum ætatis, in quo jam tum doloris arthritici indicia hæc obscura deprehenduntur, quod profectò mirum in tam tenella ætate, vixque simile ab *Hippocrate* observatum fuisse existimo. Testatur enim lib. 6. aphorismo 30. *Pueros autem usum Veneris podagra non laborare.* At puer iste non solum

per

per intervalla de dolore articulorum, inprimis circa plenilunium, ac cælo existente frigido & humido, ita conqueritur, ut etiam noctu nunc inquieret dormiat, nunc præ dolore ejulare cogatur, verum etiam nonnunquam tuberculis pituitosis ad carpos, & pedum articulos laboraret. Horum tuberculorum ante annum duo ad suppuratorem pervenerent, in quibus materiam adeo lentam, ac viscidam inveni, ut vix medicamentorum vi extrahi potuerit. Vides quanta impuri, & morbifici seminis parentum in liberos sit efficacia.

Hæc propter eam quæ à multis ab hinc annis inter nos fuit amicitia & familiaritas, lacrymantibus oculis scribo, ut videas unicum hocce exemplum ad prædictam quæstionem solvendam satis superque sufficere. Apparet præterea exinde hujusmodi illinitiones in aliis quoque articulis doloribus. (qui ex lue venerea proveniunt non intelligo) absque summo periculo adhiberi non posse. Gravissimè itaque à Magistratu Amplexissimo mulcanda, atque coercenda esset hæc illa pseudo-medicorum, quæ in doloribus articulorum, quos vulgo dicit falsæ sâhmæ vocat, miseros istos ægros veluti ad inferos detrudit: ibique Mercurio suo crudo crudeliter excruciat, ac nonnumquã immanissimè trucidat. Trucidat inquam, possem enim hujus rei exempla plura proferre: sed tria illa observatione 92. Cent. 3. adducta sufficient. Utinam igitur Principes & Magistratus, quibus Reipublicæ, salus commissa est, tandem hujusmodi imperitissimis hominibus interdicerent, eorumque audaciam temeritatemque reprimerent. Sed bone Deus, quam procul abest adhuc à scopo? dum hujusmodi impostores non tantum perfert, sed & nonnunquam in gravissimis morbis ipsos advocat, ipsique quod preciosissimum habet corpus nimirum, imò & vitam ipsam committit. Quapropter mirum nemini videri debet, si aliquando iustissimo Dei iudicio, Magnates ipsimet ab hujusmodi imperitis impostoribus trucidentur, poenamque eorum quæ circa subditos neglexere etiam in hoc mundo persolvant. Hac de re exemplum memorabile videre poteris obs. 82. Cent. 3. & Tract. de Gangræna & Sphacelo cap. 15. Ignosce quæso vir amplissime si forsan Asiatico discursu molestus tibi fuerim. Non ita pridem ex literis Dn. Constantini Erhardi ad me scriptis maximo cum gaudio intellexi, reverendam Dominam canonissam utcuque restitutam esse. Laus sit Deo Opt. Max. qui benedicendo medicamentis ipsam restituit. Tu si forsan hoc tempore veris ipsam videris, statum ipsius quoque mihi significa. Vale vir amplissime, & cum tuis omnibus



quos tecum saluto, æternùm quam felicissimè vive. Dabam Bernæ 11.  
Martii 1618.

## Utrum hydrargyri inunctio Arthriticis conveniat?

Claudii Deodati Med. Doct. reverendissimi & illustrissimi Epi-  
scopi Basileensis Medici responsio ad clarissimum experientissi-  
mumq; Dn. Guilhelmu[m] Fabriciu[m] Hildanum.

Consulta-  
tiones me-  
dica.

Non te fugit, clarissime Vir, optimam quidem esse inter Medicos  
tam Hippocrateos, quam Hermeticos opinionum diversitatem & dis-  
sensionem; pessimam autem voluntatum: omnium verò præstantissi-  
mam ægris maximè expetendam tum opinionum tum voluntatum  
consensum & conspirationem. Nihilominus tamen non paucos videris  
& præstantissimos & celeberrimos Medicos hac nostra ætate, qui  
consultandi gratia ad sanandos ægros convocati, non tam in eo stu-  
dium operamque locant, ut morbi ideam, naturam, essentiam, causas,  
locum affectum, & debitam curandi rationem in medium proponant,  
quam ut doctrinæ, ingeniiq; ostendendi causa, relicto ægrotante, ad  
sublimes & hyperphysicas quæstiones atque umbratiles logomachias  
ingenii acumen librent, & ampullosis verborum opinionumq; ratiun-  
culis, solo contradicendi studio decertant; dum unus Hippocratico-  
rum partes tueri, alter Hermeticorum castra propugnare conatur. Hic  
contradicentium Authorum opiniones ad veritatis examen revocare;  
ille novam consultandi methodum crepans, nescio quid novi luminis  
in Hippocratis orco delitescentis eruere, & ad illustrandos obcæcator,  
tam in theoreticis quàm practicis, animos cujusdam Promothei instar,  
subministrare studet. Interea dum hæc non sine fastu, non sine superci-  
lio, & animorum aversione, arrogantia & alienatione fiunt, miseri æ-  
grotantes, ut non rarenter observatum, mediis in consultationibus,  
non expectato consultatium vel consilio vel auxilio, vitam cum mor-  
te commutant. Idem ferè in obscuriorum quæstionum Medicarum  
discussionibus usu venire consuevit, in quibus enodandis, multi non  
tam veritatis lumen quærunt, quam inani verborum lenocinio, inge-  
nii sublimitatem, & pomposam labascensit doctrinæ ostentationem  
ambiunt & stultè affectant.

Sed his missis, vix quæstioni tuz arduæ & obscuræ satis quis apodi-  
cicè

Et cæ respondit ~~in~~ paucis prius & Arthritidos & Mercurii naturam, essentiam, causas proprietatesque in medium produxerit.

Arthritidē, quod cōcernit, hoc loci non quemvis dolorem, articulos infestātem audimus, sed eum duntaxat, qui symptomatum vehementia, perenni materiæ morbificæ affluxu, humoris seu salis potius Arthritici cruditate & synathrysmo acerbissimus est, tum propter communis ligamenti distentionem, tum propter vicinorum nervorum, tendinumque sympathiam & compressionem excandescētisque tartari, seu spiritus salis vehementem actionem. Ex quibus abunde constat, Arthritidos essentiam & naturam in articularum repletionē ab acuto tartari spiritu, vel sale acerrimo vitriolato, nitroso, aluminoso ve facta, communis ligamenti distensione, nervorum, tendinumque compressionē consistere; quæ cum nervis vicinisque partibus vim inferant, tantam doloris acerbitatem excitant, quæ vix major excogitari potest, idque non citra ingentem partium calorem; ideoque Hippocrates lib. 6. *Εἰς τὰς ἁρτίους* hunc affectum *Articularum febrem* vocat, cum doloris acerbitate conjunctam, ab articularum repletionē, distensione, compressionē & putredine excitatam.

*Arthriti-  
quid?*

*Arthriti-  
dos essentia  
in quibus  
consistat.*

*Arthriti-  
articularū  
febris.*

Suscipiens hujus affectus causa est, vel singulorum articularum, vel plurium simul gentilitia, aut hæreditaria imbecillitas, vel à nativo, & proprio temperamento, vel ab immodico Venetis usu, nimia refrigeratione, orio, immodicæ equitatione eum contracta. Efficiens autem nimia salsuginosi, serosi acuti, aut nitrosi, æruginosi ve humoris simplicis, vel heterogenei in tartaream substantiam congelati abundantia, & feritas, quæ vel in ipsis articularum juncturis, capacitate, & synovia gignitur, vel ex aliis partibus in eisdem impetu fertur, ibique pro varia salis congesti mordacitate & acrimonia, varias ciet dolorum acerbitates, qui & Hippocrate & experientia testibus, potissimum veris, & autumnalium tempestatibus recurrunt, recrudescentque quod tunc temporis serosæ defluxiones plurimum luxurient, quæ cum ad imbecillas articularum juncturas impetu ferantur, concretamque ibi tartaream materiam vel augeant, vel dissolvant, aut calcis vivæ instar, irrigando inflammant, fit ut dolores excandescant, & symptomatum vehementia miseri arthritici plus satis torqueantur.

*Causa ar-  
thritidos.*

*Vere & au-  
tumno qua-  
re articulo-  
rum dolores  
plerumque  
recurrant.*

Hactenus de arthritidos historia, quantum quidem ad nostrum propositum facere videtur. Nunc paucis etiam, pro instituti nostri ratione, quantum quidem literarum Laconismus patitur, nonnulla de hy-

*De Mercurio.*

*De Mercurio pauca prodiderunt antiqui.*

*Fernelius Mercurii usum improbat.*

*Mercurius quid operetur.*

hydrargyro, seu argentino vivo, aut Mercurio, admirabili illo hermeti-  
corum Protheo proponamus, ut iis præcognitis, facilius postmodum  
propositæ quæstionis difficultatem solvere possimus. Inter antiquos  
græcos auctores vix alius timidius, & incertius de hydrargyri natura,  
& proprietatibus scripsit, nostro Galeno: Quamvis Dioscorides Galeno an-  
tiquior nonnulla, at obscura satis, nectanti etiam momenti de eo lite-  
ris consignavit, quem postea secuti sunt Oribasius, Aëtarius, Aëgineta, a-  
liique græci medici, qui pauca quædam addiderunt. Inter Arabes ve-  
rò Avicenna, Rhazes, Mesue, aliique nonnulli paulo pleniore, & audaciore  
calamo Mercurii facultates commoda & incommoda depinxerunt.  
Hos demum insecuti moderniores latini, Gilbertus Anglicus, Brassavolus,  
Fallopium, Sylvius, Julius Palmarius, Matthiolus, & alii quam plures, & præ-  
stantissimi dogmatici Medici, quibus etsi Mercurius aliquomodo sus-  
pectus, & venenum visus sit: tamen prævia & concinna aliqua præpa-  
ratione, tam quo ad internum, quàm quo ad externum medicinæ usum,  
hydrargyrum magnis laudibus, & encomiis extulerunt, unico ferè ex-  
cepto Fernelio, qui suavisimo, latinis nequitate præcorum Arabum, &  
Mauritanorum barbariem nobis condivit, hic libello suo de lue vene-  
rea, omnibus ingenii & eloquentiæ viribus Mercurium è medicamen-  
torum familia deturbare, & ad ultimos Garamanthas, extremosque  
Indos relegare conatur. Cum enim observasset ex intempestivis hy-  
drargyri inunctionibus tanta cum ferocia, & dolorum aliorumve sym-  
ptomatum acerbitate, miseris ægris, & vires labascere, & colliquatis vi  
medicamenti, corporis humoribus, extrema languescere, refrigerari,  
membrorum tremores, contracturasque paralyticas, apoplexias, dentium  
à naturali situ divulsiones, & consimilem horrendorum symptoma-  
tum syndromen concitari, hydrargyrum qualitate frigidissimum, sub-  
stantiæ proprietate maximè venenosum, unà cum sectariis proclama-  
vit (quasi verò ejusmodi calamitates à calorificis quoque causis fieri  
nequirent). Hinc usu receptum hodiè, ut nonnisi admixtis calorificis,  
& Mercurii ferociam frænantibus, ejusmodi usurpentur inunctiones  
Mercuriæ, qualia sunt aromata, pinguedines, adipēs, olea, &c. qui-  
bus facultates, partium robur, spirituumque tremores, conservatu-  
ros, præservatu-rosque sibi persuadent. Nec enim solum, ut volunt, Mer-  
curius ex candescentium humorum ferociam, & impetum sua frigidi-  
tate coëcet, obtundi: que, non solum siccitatem attemperat, maligni-  
tatemque eorundem cohibet, sed etiam viscera æstu flagrantia hume-

&at



Aut, refrigeratque: Unde non mirum, si omnis generis scabies, pruritus, impetigines, psoras, lichenas, & ipsam sæpe lepram demulceat, cōpescat, aut etiam radicatus extirpet. Hisce addunt hydrargyrum suū perniciosā, & venenata qualitate caput petere, immodicas defluxiones, molestissimas spuitiones, & scyalismos, atque infectissima alvi profluvia, lethalesque hypercathartes ciere, corporis item humores, & solidam totius substantiam fundere & colliquare, ut proprium, & peculiarem ex iis humorem trahat: Scitihos quinetiam, nodos tophosque; tam arthriticorum, quam gallicorum emollire & dissolvere, omnis generis dolores, tam calidos, quam frigidos, mitigare, (ut nunc omnium ulcerum, fistularumque curam silentio involvam) quæ omnia partim innata frigiditate, partim vi, qua pollere volunt, sulphurea & humida, partim demum venefica proprietate fieri, existimant.

*Mercurius  
caput petst.*

Multas hic audis, doctissime *Fabrizi*, easque contrarias ex dogmaticorum sententia Mercurii proprietates, ut, quam in partem declinare debeas, te vix explicare possis.

At Hermetici, quibus naturæ lumen patet, quibusque in referenda viva rerum & potissimum metallicarum Anatomia, & genium & ingenium micat, longe secus de Hydrargyro sentiunt: non venenarum clamitant; sed ut præstantissimum medicamentum, maximis laudibus extollunt; non tamen illotis manibus ad illius usum accedunt, nec indifferenter quovis obvio, nec crudo, sed arte Spagyrica concinnato, & ad cœlestem quasi *δυνάμιν*, & essentiam redacto, magno ægrotantium fructu, ad ferocissimorum etiam morborum expulsionem utuntur. Ideoque quantum fieri potest ad usum medicos adhibent Mercurium nativum, eumque vel Hispanicum, vivum, purum, putumque, per se fluxilem, quem *Plinius* æterni liquoris vomica appellat, vel Istricum, aut è Schlavonicis, Ungaricis, Cracoviensibusve fodinis erutum & spiritalibus Auri tinctoriis à natura imprægnatum. Horum defectu, artificioso utuntur, & eo potissimum, qui ex ipsis perfectis corporibus, aut è nativa seu montana cinabtri per sales resuscitatorio arte spagyrica elicitur. Qui enim ex plumbo & bismuthi admixtione conflatur, cum sophisticatedus sit, & (quo empyrici plerumque ob pretii vilitatem utuntur) ob veneficam, terrestrem, & frigidissimam Saturni naturam, humano corpori tantopere inimicam, supradicta symptomata pro ducat, omni studio & diligentia è medicamentorum familia excludendus. Et quoniam non rarenter heterogeneæ aliorum Mineralium substantiæ,

*Hermeticorum opinio de Hydrargyro.*

*Quinam Mercurius eligendus.*

*Mercurius qui fit ex plumbo & bismuthi admixtione vitandus.*



ut antimonii, bismuthi, Saturni, &c. Argenti vivi mineris vel affideant, vel & adhærescant, sicque varias & sæpè lethiferas Mercurio facultates imprimant, ideoque Hermetici ceu sagaces naturæ ferutores, non quemvis citra delectum, sed verum, genuinum, purum putumque, naturalem, Hispanicum, aut alium optimum, rite à sulphureis terreis cretatis, corporibusve heterogeneis separatum, repurgatumque seligunt, qui summa partium tenuitate præditus, æreus, cœlestis, & spiritus instar ignei, intima quæque etiam solidissima metallorum corpora pervadit, penetratque. Et licet forinsecus ad tactum frigoris intensi significationem faciat albescatque sub ea tamen albedine & insignis rubedo, quemvis carbunculum superans & tenuissimus subtilissimusque later igniculus, flagranti dulcique liquore insignitus, cuius ope tantam purgandi vim sortitur, quantam nulli aliorum purgantium concessam esse legimus. Nec peculiari, & sibi indita proprietate crassos lentos, viscososque purgat humores ut putat *Fernelius*; sed omnis generis corporis impuritates, unde ex illo rectè præparato Cathartico universale parari potest; uti & alia sexcenta præstantissima remedia, uti est Arcanum corallinum, tantopere in affectibus podagricis decantatum, Mercurius vitæ, Mercurius præcipitatus auri Diaphoreticus, Aquila cœlestis. Tinctura, Essentia, spiritus oleum, & elyxir Mercurii, ut videre est apud Paracellum, Penorum, Quercetanum, Riplæum, Crollium, Andernacum, Libavium, Beguinum, Bornettum, Scotum, F. Valentinum, & alios quàm plures Hermeticos.

Ex hæcenus dictis, doctissime *Fabrici*, paucis intellexisti, quæ meo saltem iudicio & Arthritidos & Mercurii sit indoles, natura & proprietatis ratio.

Indicationes curativæ arthritidos.

Jam paulo propius ad Questionis solutionem accedentes, tribus ut ajunt verbis, Arthritidos curativas saltem indicationes referemus, ut inde constare possit, qual lege & methodo huic aff. Atui Mercuriatæ indicationes adhereri possint.

Cum igitur superius docuerimus Arthritidis generationem tum articularum imbecillitate, tum feroci materiæ fæluginosæ & acutæ affluxu, & copia, quæ eo fertur vel decubitu, vel attractione, vel orgasmo, ceterisduo haud dubiè quoque erunt curationis scopi, materiæ scilicet morbosæ evacuatio & affectuum partium corroboratio. Unde materiæ morbosæ generatio impedienda, genitæ materiæ fons exhaustendus, impediendus orgasmus, materia autem partibus cōcreta dissol-

dissolvenda, discutiendaque & partes demum affectæ corroborandæ. Quibus autem prædiis tum internis, tam externis, executioni mandari possit, cum jam non sit nostri instituti, propositæ quæstionis solutionem hoc modo aperimus.

*Quæstionis  
propositæ  
solutio.*

Nullus medicorum etiâ præstantissimorum inficias ibit, pro Arthritidos curatione, Mercurium quoque adhiberi tuto posse: sed quæstio est, num crudo, an ritè præparato; num artificiali, num naturali utantur?

Crudum qui adhibent, & eum quidem, qui ex plumbagine, Saturno & Bismutho conficitur, (quo ferè Empirici, tum ob pretii vilitatem, tum quod verâ veri & genuini Mercurii signaturam ignorant) & ex eo inunctiones Mercuriatis, additis prout lubet, & calidis, aromaticis, pinguibus, adiposis, oleosisque concinnant, tantum abest, ut Arthritici ea inunctione sublevantur ut potius gravissima quæque symptomata, qualia in tuo patiente post inunctionem effloruere, persenscant, ob veneficam, malignam, & frigidissimam Mercurii illius plumbaris qualitatem, tum nervoso generi, tum tendinibus, & ligamentis, imò toti humanæ naturæ insensissimam. Et licet forsan in inunctionum præparatione verum & genuinum Hydrargyrum adhibeant: cum tamen sæpè venenatis aliorum metallicorum substantiis, ut dictum, imprægnetur, & ab iis neglecta debita præparauione, non separetur, non mixtū, si ea quoque ratione imprudenter adhibitus, suâ quoque malignitatem nervis, ligamentis, tendonibusque communicet. Adde quod Mercurius crudus tota substantia nervosis partibus sit infestissimus.

*Mercurius  
crudus ar-  
thriticis nō  
adhiben-  
dus.*

Quod si è vero, genuino, naturali que hydrargyro artis Hermeticæ ingenio vel oleum dulce Mercurii, vel spiritum illum fragratem, quem Mercurii liquorem, seu ardentem aquam Mercurii vocant, per salis Armoniaci fixi oleum præparemus, eo que topicos nodosque podagricos, gypseamque & tartaream materiam juncturis firmiter adhzrentem debita ratione præmissis que præmittendis inungamus, minimè quoque dubitandum, quin felicissimus inde sequatur effectus. Cum enim spiritus ille Mercurii ritè præparatus, & subtilissimus, & penetrantissimus sit, usque adeò, ut corallia ipsasque perlas & uniones facili negotio in liquorem agat; nullo modo dissidendum, quin & materiam tartarosam juncturis affixam, vel ipsas periosas adnatam, uti & topicos nodosque gypseos, enodare, mollire, resolvere, in fluxilem liquorem agere, sicque tandem evacuationi aptos reddere potis sit.

*Mercurius  
legitimè  
præparatus  
in arthritico  
de adhiberi  
potest.*

*De interno  
Mercurii usu.*

De interno Mercurii usu, cum nihil quærias, nihil quoque dico: cer-

tum tamen est, Hermeticos arcano illo corallino tantoperè laudato in curanda Arthritide, podagricis quæ affectibus mirandos effectus edidisse. Et hæc paucula pro temporis brevitate ad dictæ quæstionis solutionem dicta sufficiant.

*Causa do-  
lorum ar-  
thriticorū  
in pueris  
ante Vene-  
ris usum.*

Puerulum autem quinquennem articularibus doloribus correptum quod attinet, nec moror, nec miror. Nam à parentum, avorum, proavorumve semine fixæ tincturæ impressionem Arthritidos suscepit: quod semen cum præcox fuerit, præcoces quoque ejusdem naturæ fructus, qualitates, proprietates, signaturas & characterismos, uno pluribusve membris impressos produxit. Non quidem laborant podagrâ pueri ante Venereis usum secundum Hippocratem; nisi à parentum semine podagricis tincturis imprægnato id contingat, præsertim cum parentes lue Venerea fuerint aliquando infecti; qui affectus Hippo-

*Quare nunc  
citius, nunc  
sardius af-  
fectus hære-  
ditariis in  
liberis er-  
rumpant.*

cratis ævo nondum nec effluerat, nec innotuerat. Coronidis loco addiderim, quod non rarerit filii Arthriticorum, non statim, sed longo post tempore duntaxat paternos affectus perferant; eo quod innati balsami vitæ vivacitas, & perennis aquæ vitæ irrigatio, seminales, fixæ tincturæ, impressiones impediatur; unde hæreditarius morborum character, ob nectaris vivifici abundantiam delitescere cogatur, quo minus in germina, flores, fructumve prorumpat. Quod si vivifici nectaris paupertate à primo ortu laboret natura, uti in hoc tuo puerulo; sit, ut eo citius flaccescens natura, hæreditariam impressionem admittat; & præmaturitalis tincturæ flores prorumpant: et si id in omnibus morbis hæreditariis perpetuum non sit, sicut in puerili morbo seu epilepsia videre est. Et quoniam non semper vigent morborum semina & tincturarum impressiones, sit, ut & ætatis decursu, & seminis morbifici consumptione parentes senio confecti, prolem generent, nullis morborum hæreditariorum tincturis infectam.

Quæ sub finem literarum tuarum de Pseudomedicis parambulans illis sumi, nugæ, ut vendulis adducis, summo opere placuerant. Quod si veram, genuinam & omnibus partibus absolutam illorum historiam legere velis, vide & consule essentiam hellebori extractam *Petri Holtzheimii* impressam Colonæ non ita pridem. Hic etsi rem graphicè & abundè depingat; usque adeò tamen excecantur hominum, etiam Magnatum & Principum animi & oculi; ut media in luce videntes, non videant, & audientes non audiant. *Mundus vult decipi, decipitur ergo.* Sed videor te plus satis occupatum, plus æquo detineri: parce ergo mihi, parce

parce ingenuo amoris. Vale, & tuum *Deodatum* amare non desistas.  
12. Maji 1618.

## OBSERVATIO LXXXIIL

## De infelici successu potionis vulnerariæ.

**I**N præcedentibus Centuriis de infelici successu emplastri stiptici, si-  
ve fodicationum, uti & de balsamis Empiricorum more applicatis  
exempla aliquot recensui. Nunc, quid de potione vulneraria, si Empi-  
ricè & absque methodo exhibita applicataque fuerit, observavi, in gra-  
tiam juniorum Chirurgorum adscribam.

Anno 1616. gladiator quidam M. Contradus --- Dantiscanus qui-  
dem natione, sed Bernæ civitate donatus, vir adhuc juvenis, robustus  
& plethoricus, cum duos inter se litigantes, alterum ab altero separare  
vellet, gladio acuto in brachium sinistrum vulneratus fuit. Hæmor-  
rhagiâ sedatâ, ex consilio amicorum solo decocto vulneratio (quod ibi  
non solum in vulneribus, verumetiam in quibusdam aliis affectibus *Potio vul-  
neraria.*  
Panaceæ loco habetur) ex Pyrola, virga aurea, fanicula, artemisia & be-  
ta rubra in vino coctis cum barbitonore quodam M. Johann. Knopff  
nomine, curationem aggressus est. Terautem in die haustum decocti  
prædicti sumebat, vulnusque eodem decocto terabluēbat linteamq;  
insuccatum decocto applicabat, ac reliquum negotium curationis o-  
mnino naturæ committebat. Ab initio curatio ad votum successit.  
Circa tertium verò exorta est inflammatio, dolor ingens, febris, nau-  
sea & appetitus prostratio. Quapropter cum ego in subsidium vocatus  
essem, manus, totumque brachium intumefactum, & ad cubitum us-  
que inflammatum repeti: nec solum brachium intumefactum erat; ve-  
rùm & muscoli pectoris per consensum afficiebantur: hinc quoque de  
angustia pectoris conquirebatur, propter vapores quoque ex inflam-  
mato brachio ascendentes, cor nonnunquam veluti lypothymia affi-  
ciebatur. Vulnus autem in musculo isto, quia *Vesalio* tabula prima mu-  
sculorum A. notatur, & ferè eo in loco ubi versus carpum in tendonem  
desinit, exstebat; vixque hujus magnitudinis, sed exterius veluti cru-






*Curatio  
vulneris.*

ita obductum & clausum erat. Accepto stylo exploratorio, cum an-  
guem in herba latentem deregere vellem, adstantes me admonent, ne  
tale quid tentarem, nec vulnus resficarem; cutem enim superficiete-  
nus tantummodo scissam ægrumque decoctum vulnerarium ab ini-  
tio bibisse. Imaginantur namque sibi nostros homines, decoctum  
hoc consolidationem externam vulnorum non concedere, nisi ipsa  
concavitate prius consolidata: ego tamen sæpissimè contrarium ma-  
gno ægrorum periculo observavi. Immisso stylo, cum vulnus (spitha-  
mam ferè profundum esse, versus cubitum ipsum penetrans vidissent,  
supra modum admirati fuerunt. Inuncto brachio oleo anodyno, tu-  
rundam, quæ tamen dimidiam partem vulneris nondum attingebat  
(profundius enim prima vice pervenire non potui) digestivo nostro a-  
libi in affectibus capitis descripto inunctâ imposui, & linteum in refri-  
gerativo madefactum tepidè applicui: victus rationem tenuem præ-  
scripsi, vinoque ipsi planè interdixi: Et cum julapium ex refrigeranti-  
bus & corroborantibus circa nonam noctis propinssam, longè quie-  
tior noctem illam transegit, & aliquantulum melius habere cœpit. Al-  
tera die circa sextam matutinam Chologogum exhibui, cuius benefi-  
cio corpus clementer expurgatum fuit. Brachium iterum inunxi, tu-  
rundam paulo longiorem imposui: idem quotiescunque vulnus cura-  
bam, tentavi, donec ad fundum vulneris pervenerim. Non autem ex-  
pedit, quod diligenter notandum, ut turunda ejus sit crassitie, ut to-  
tum vulnus adimpleat: hinc enim dolor continuus, aliæque pessima  
symptomata excitarentur: sed sufficit, ut circa superficiem vulneris,  
tres tantummodò partes vulneris adimpleat, & quarta remaneat va-  
cua, ne labia vulneris à turunda extendantur. Turunda autem ex lin-  
teis suavissimis eo modo fabricata est, ut formam planè pyramidalem  
habeat, quo tandem circa fundum vulneris quædam solummodo par-  
tem vulneris adimpleat, vacuo relicto, ne generatio carnis impediatur  
propter eandem quoque causam, digesto, vulnere, turunda singulis  
ferè diebus aliquantum abbrevianda est.

*Turunda  
cujus de-  
beant esse  
magnitudi-  
nis.*

Ceterum post dies aliquot, cum symptomata veluti dolorem, intumescationem brachii, nec non inflammationem non satis remittere viderem, indeque colligerem adhuc aliquid nobis nondum satis cognitum subesse, eamque ob causam iterum stylo argenteo vulnus explorarem, secundum inveni sinum (non tamen ejusdem profunditatis) sub vena, quam vocant cephalicam, versus medianam penetrautem, planè comodo, ut hic depinximus.

*Vulnus reduplicatū.*



A. vulnus est externum in cute.

B. ductus est versus cubitum

C. ductus est sub vena cephalica, versus medianam venam.

In superficie itaque videlicet in cute unum erat, in ipsis verò musculis duplex erat vulnus, quod quidem diligenter notandum: quotiescunque enim hujusmodi reduplicatio vulneris accidit, æger versatus in periculo: dum enim Chirurgus curat unum, alterum verò sibi incognitum negligit, pessima suboriuntur symptomata, quemadmodum aliquoties mihi videri contigit.

Detecto itaque altero vulnere, turundam quoque eodem unguento inunctam immisi, idque bis in die: brachium totum prædicto oleo inunxi, & sequens cataplasma applicui.

*Cataplasma.*

℞. farinæ hordei

fabarum ana ʒj.

pulv. rosarum rubearum

balauft. ana ʒij.

chamomil.

melilot. ana ʒj.

Cum posca, fiat cataplasma: adde sub sinem parum olei rosacei & vitellum unius ovi unctum cum albumine.

Hanc

Hanc methodum ante decimum quartum diem non mutavi, dein de sarcoticis, & cicatricem inducentibus curationem feliciter absolvi, observata tamen optima victus ratione, & laxata alvo, quotiescunque necessitas urgebat.

*Reduplica-  
tio vulneris unde?*

Porro reduplicatio hujusmodi vulnerum accidit, aut propter tremulentiā manus, quæ vulnus infligit, aut propter motum, agitationemque corporis vulnerati. Iracundus enim infligendo vulnus, profecto non eandem prudenriam, ac circumspectionem adhibet, qua nos utimur in operationibus Chirurgicis: neque ipsius intentio est, uti nostra, videlicet curare, sed ut plurimum enecare potius, ut ut autē sit, non vacat periculo maximo hujusmodi reduplicatio vulneris, inprimis, si Chirurgus ignarus, aut negligens fuerit, quemadmodum antea quoque monui.

## OBSERVATIO LXXXIV.

De vulnere reduplicato & gravissimis inde sequutis symptomatibus.

*Reduplica-  
tio vulneris  
quid sit.*


**R**eduplicationem vulnerum periculosam esse, in præcedenti observatione obiter notavimus; idque nunc in gratiam tyronum exemplo non vulgari ostendere non gravabor. Reduplicationem autem vulneris voco, quando in cutē unum existit vulnus, in musculis verò duo, aut etiam, ut me vidisse memini tria reperiuntur; idque propter causas in præcedenti observatione allatas: hinc aliquando ægri gravissimis periculosissimis, & symptomatibus absque causa Chirurgico cognita corripuntur, quemadmodum ex sequenti observatione videre licet.

Circa annum 1608. rusticus quidam in Peroy ad lacum Lemmanum in duello vulnus in coxam dextram, & regione verò articuli gladio acuto recepit. Advocato barbitonsore, qui immisso stylo exploratorio, vulnus sursum versus os sacrum ascendens reperit. Id quamvis eā, quā fieri potuit diligentia curaret; nihilominus circa tertium exortus est dolor maximus, inflammatio, febris, aliæque gravissima symptomata. Ego circa sextum morbiliteris nobilissimi viri Dn. *Johan. de Martines* Dn. in Bourgod pie memoriz, cum auctus essem, hominem in

*accer*

*maximè*

in maximis angustis reperi, tam magnus erat dolor, inflammatio, febris & difficultas in reddendis urinis (tota enim clunis usque ad podicem & perinæum intumefacta erat) immisso stylo, aliud vulnus, quod barbiton for non observaverat deorsum per medium clunis versus podicem descendens reperi hunc in modum.



- A. vulnus externum in cute denotat.
- B. ductus est versus os coxigis.
- C. ductus versus perinæum.

Cæterum cum vulnus externum in cute ita angustum, ut ambas turundas excipere non posset, & alterum à me detectum valdè profundum esset, deorsumque tenderet, suasi adstantibus & amicis, ut ex inferiori parte incideretur, quo pus eò melius effluere posset. Exonerata itaque alvo beneficio enematis, & immisso stylo excavato, & ex una

Cc parte



partes petto, ad ipsum fundum vulneris usque sequens scalpellum per rimam, aut excavationē ipsam styli descendi & impressi, donec quod reliquum erat carnis una cum cute acie scalpelli transfigerem, quo facto, & extracto scalpello, funem ex serico rubro paratam, & digestivo inunctam imposui: coxam ad genu usque totumque latus oleo anodyno inunxi, & loco affecto sequens cataplasma calidè applicui.

*Cataplasma.*

℞. micæ panis lbj.  
puly. seminis fornugræci  
lini  
cydoniorum  
meliloti ana ʒʒ.  
puly. rosar. rubear. ʒj.  
croci ʒʒ.

Coquantur cum lacte vaccino, fiatque cataplasma, addendo vitellos ovorum num. 2.

Post cœnam julapium ex refrigerantibus, corroborantibus, & dolorem lenientibus exhibui: hinc melius quievit ea nocte, urinamque minori cum difficultate excrevit. Sequenti die cholagogo corpore evacuavi, postera die venam in cubito incidi, & secundum tolerantiam virium sanguinem extraxi. Vulnus autem in duodecimum, aut decimū quartum diem prædictis remediis bis in die curavi: funem ad minimū semel in die extraxi, recentemque eodem digestivo inunctam imposui. Hac methodo cum per dies aliquot, uti dixi, usus fuisset, & æger optimam, tenuemque victus rationem observasset, dolor, reliquæque symptomatica remiserunt. Digesto satis, & mundificato vulnere, scaroticis & cicatricem inducentibus curationem feliciter absolvi.

*Deli-*

*Delineatio instrumenti, quo perforatio facta fuit.*




*Superioris instrumenti explicatio.*

A. Stylus est excavatus, & ex una parte apertus, cujus extremitas D. notata, clementer ad ipsum usque fundum vulneris immittenda est. Deinde acies cultelli B. notata per ipsam rimam styli ad fundum vulneris infigatur, & extra cutem usque extrudatur, donec digitis possit apprehendi. Tandem immissa acie cultelli E. notata in rimam styli excavati, ita extrahendus est cultellus incisorius, ut ipsius acies rimam non egrediatur. Extracto cultello, funiculus C. notatus, digestivo ut dictum est inunctus, in vulnere relinquitur. Postea quotiescunque opus est novum imponere funiculum, unus alteri annexendus est, sic extracto uno, alter immittitur.

Aliud instrumentum, quo vulnus profundum, & angustum ex adversa parte commodissime inciditur, perfoditurque.

A.A. Stylus



A. A. Stylus est, cujus acies in formam lanceoli, quo vena incidun-  
tur, fabricata est.

3

fistu-



B. fistula ex argento, aut cupro: eam autem non rotundam, sed aliquomodo depressam esse convenit.

*Quomodo  
vulnus ex  
altera parte  
incidendum.*

Uti instrumenti talis est: Immissa fistula usque ad fundum vulneris, immittendum quoque & per carnem cutimque exitudendum est scalpello. Tandem funiculum scalpello eo in loco ubi C. notatus est protinus annexere convenit. Hoc modo extrahenda fistula una cum scalpello, ita funiculus sequitur, vulnereque immittitur.

Cæterum quia de incisione & apertione vulnere hic agitur, visum fuit annexere instrumentum, quo cutis (si subest maximus spaciolissimusque sinus) secundum longitudinem ocysissime velociterque inciditur, ut in sequenti observatione demonstratur.

*Observat.*


*Abscessus  
ingens in ti-  
bia ex fri-  
gore.*

Ante annos aliquot studiosus quidam, & alumnus Illustrissimorum Dn. D. Bernensium, 18. annorum ætatis aut circiter, cum propter frigoris vehementiam quam anno 1601. tempore hyemali passus fuerat, dolore vehementissimo totius tibiæ dextræ, ab ipso genu usque ad ipsas extremitates digitorum pedis correptus fuisset, & tibia intumisset, Bernam se contulit, ubi clementia, & benignitate magistratus Amplissimi receptus & barbitonforibus Xenodochii commissus fuit, qui cum abscessum aperuissent, & per menses aliquot ipsi varia remedia, frustra tamen adhibuissent, Lausannam venit, ubi ipsum divino aspirante numine feliciter sanitati restitui. Erat autem tibia ab ipso genu usque ad talum supra modum intumefacta, longitudine quinque circiter digitorum in latitudine positorum infra genu, ulcus erat rotundum ac parvum, ex quo sanies aut ichor copiose effluebat. Corpus cum propter cruciatus, & dolores, quos Bernæ & in reditu Lausannam passus fuerat, supra modum extenuatū, ac debile erat, febricula quoque accibi fastidio vexabatur.

*Curatio.*

Cæterum ulceri prædicto immisso stylo exploratorio, cutem ab ipso osse ad spithamæ ferè longitudinem separatam animadverti: & quia manifesta caries in osse deprehendebatur, ulcus quinetiam tam angustum esset, ut sinus ille maximus, simul ac caries in osse (nisi illud dilatatum esset) expurgari non posset, de dilatatione ulceris cogitare cæpi. Ne tamen temerè quid in extenuato, ac debili corpusculo tentarem, Clarissimum virum Dominum *Abelem Roscium* Doctorem Medicum Lausannensem celeberrimum rogavi, ut mecum ægrum adiret. Ille cum pro sua humanitate paruisset & sinum illum maximum à barbitonforibus neglectum, simul & cariem in osse stylo explorasset, opinio-

opinionem meam facile subscripsit. Sequenti itaque instrumento, praesente praedicto Dn. D. Rescio, & Dn. Claudio Marione pharmacopaeo fidelissimo, cutem incidi, & impositis filamentis dilatavi, idque in eum finem, ut caries in osse auferri posset. Incisionem autem cutis sequenti instrumento feliciter praestiti.



*Superioris figura explicatio.*

A. A. instrumentum est cultellare, & bene scindens.

B. B. ipsius acies acutissima, quae antequam vulneri immittatur, cera in formam globuli obducenda est, ne inter immittendum carnem hinc & inde compungat.

A litera C. autem usque ad D. cutis cum incidenda esset, aciei cultelli globulū cereū, uti dictū adaptavi, & cum cultello ad locum, ubi caro incidenda erat, pervenisset, aciemque extra cutē extruxisset, globulus cereus in ulcere remansit, tunc ulterius extruso instrumento, carne è vestigio divulsi. Postea quae ad carie ossis removendā considerabantur, cōmodē

modè applicui, quod antea propter angustiam vulneris fieri non potuit. In hac autem curatione, quanto cum fructu euphorbio usus sum, lector videre poterit observatione 92. centuriæ secundæ.

## OBSERVATIO LXXXV.

## Demonstroso varice ejusq; abscissione.

*Viro clarissimo atque doctissimo Dn. MICHAELI DÖRINGIO  
apud Breslavienses Doctori Medico longè celeberrimo amico singulari, cui* GUILHELMUS FABRICIUS *Hildanus S. P. D.*

Quod te ad iter & discessum paras, clarissime atque amantissime Dn. Döringi, hisce diebus Coloniz à viro quodam docto mihi nunciatum fuit. Doleo mei, non tui causa: mei, inquam, causa; in re-ditu enim ad meos, te Gieslæ non invisere solùm, sed & ambabus ulnis amplecti sperabam. Tui verò causa lætor, quando quidem te hætenus summo cum honore atque emolumento studiosorum provinciam Professoris Medinæ in illustri illa Academia administrasse, & max cum gratia ab illustrissimo Principe dimissum fuisse, scio. Rectè itaque facis, mi amicissime Dn. Döringi, quod maternis & amicorum precibus obtemperas, teque ad paternos lares confers. Ego Deum ter Optimum Maximum suppliciter oro, ut Spiritu suo sancto tibi adesse, teque Angelis suis feliciter conducere velit. Ego etiam nunc in patria hæreo, eritque forsan per menses aliquot mihi hic persistendum.

Cæterum quia te operationibus Chirurgicis delectari sclo, placet in præsentiarum adscribere casum, quem tibi non ingratum fore confido.

*Observat.*

*Varix in  
tibia.*

Anno 1589. ex Gallia cum ad paternos lares reversus essem, ad quadragenarium quendam hinc in vicina virum robustissimum & optimo corporis habitu præditum, *Adolphus* quiss dem *Bruch* nomine, vocatus fui; Laborabat ille ulcere maligno & inveterato in tibia sinistra, una cum varice ingentis magnitudinis. Crassitie enim brachium meum ad carpum adæquabat, & spithamam ferè erat longa: Incipiebat autem in ipso poplite, & pedem versus descendendo gyrum, & circumvolutiones duas efficiebat. Sed quod notandum, quamprimum tibiā in strum elevabar, protinus retrocedebat sanguis: in terram verò posita tibia

tibia, iterum descendebat, & quidem in ipso momento: &, ut verbo dicam, sanguis fluebat, & refluebat non aliter; ac si in tubulo quodam, nunc in hanc nunc in illam partem projectus fuisset.

Porro cum ulcera varicosa, ut nosti, nisi prius abscisso varice consolidari nequeant, curationem sic aggressus sum. Instituta optima vi&us ratione, aliquoties item expurgato corpore, & venâ brachii ejusdem lateris incisâ, ægroq; in scamno collocato, in ipso poplite cutem blandè ab ipsa vena separavi. Deinde filo reduplicato, mediante acu incurvata varicem ample&tebar: in inferiore parte varicis eodem modo processu. Sed antequam filum stringerem, nodumq; facerem, tibiam ex scamno in terram collocandam jussi: idq; in eum finem, ut sanguis pro more deorsum fluere. Verebar enim, ne sanguis ille propter fluxum & refluxum subtilior factus, incommodum aliquod procrearet. Tandem filum ex superiori parte varicis primò ar&te strinxi, nodumq; effeci; postea quoque ex inferiori parte. Quo factò, varicem propè nodum superiorem, ut sanguis in varice, veluti in sacculo oblongo contentus, effluere posset, scalpello incidi. Cum verò copiosior, quàm pro magnitudine varicis decebat, efflueret, & locum attentè inspicerem, repertus fuit ductus cæcus, qui ex inferiori parte ligaturæ varicem ingrediebatur. Ille cum filo ligari non posset, non nihil unguenti escharotici ad ipsius ostium, postea pulverem nostrum ad sanguinem sistendam albumine ovi copiosè applicui; omniaque fasciâ oxycrato madefactâ ligavi, & in sequentem diem usque reliqui. Demum vulnera aliorum vulnerum more curavi. Interim quoque circa ulcus nihil, quod necesse videbatur, prætermisi, & corpus per intervalla expurgaui. Sic divino favore convaluit, & ab eo tempore in hodiernum diem usque optima sanitate fruitur: ulcus quinetiâ clausum remansit. Utinam igitur, vir clarissime, in omnibus morbis causâ auferri posset; nihil enim tunc incurabile esset. Vale vir clarissime, &

*Fabricium tuum amare perge. Raptim Hildenz*

16. Aprilis 1612.

*Curatio  
varicis.*



## OBSERVATIO LXXXVI.

De affectu quodam grayissimo, nec non raro Calcanei tempore pestis contracto.

*Viro nobili Dn. PAULO OFFREDO Doctori Medico clarissimo  
atque doctissimo, GUILHELMUS FABRICIUS Hildanus  
S. P. D.*

**D**istuli aliquantisper ad te scribere, Vir amplissime, fautor & amice  
unicè mihi observande, non propter negligentia in scribendis li-  
teris, multò minus oblivionem tui, sed quod verebar, ne tuum simul  
& meum adhuc cruentum vulnus re fricarem. Ea enim est amicitia no-  
stræ sanctitudo, ut quæ tibi advenire adversa, tristitia, mentem quo-  
que meam non parum compunxerint. Ut enim de morbo tuo pestife-  
ro, quem acutissimum fuisse jam pridem non sine maximo dolore in-  
tellexi, taceam; annon evulsio illa *C O S T A E T U A* longè nobilissimæ  
doleret? Expertus loquor: Ante quatuor enim annos in eadem fui  
nave. Aedes inæ propter pestē gravissimam Lausane essem ultra men-  
ses quatuor perclusæ erant: ex filiabus meis mortem obierunt duæ, fa-  
mulus item & ancilla. Uxor mea charissima, reliquique omnes domo-  
stici per singularem Dei misericordiam, veluti ex cymba Charontis,  
non sine maxima difficultate evaserunt. Tuas miseras, inquis, narras:  
sic me solaris? Ego verò, mi Dn. *Offrede*, adversa mea præterita, & quæ  
etiam nunc continuo (quid dicere velim, satis intelligis) mihi dolo-  
rem cruciatumque adferunt, quantum Deus Opt. Max. pro singulari  
sua misericordia atque clementia dat virum, patienter, & quantum  
fieri potest, constanter fero. Quapropter te hortor, ad incommoda tua  
pari mente mecum ferenda. Amisisti illam? minimè; sed properavit  
ad beatorum illam sedem, ad quam nos omnes quoque aspiramus.  
Scimus enim, inquit Doctor Gentium, nos, si terrestris hujus domus  
nostræ tabernaculum dissolutum fuerit, ædificium ex Deo habituros,  
domicilium videlicet non manu factum, æternum in cælis, in hoc e-  
nim suspiramus, experientes domicilio nostro, quod è cælo est, super-  
indui. Itaque *Lipsi* verbis utor, ut nauta fluctus afflicientes negligit, in-  
terim

## CENTURIA IV.

21

terim tamen manum in clavo habet, oculos in astris: sic nos oportet quod bene agimus agere, & mentem ad Deum referre. Et quia non subito, inquit *Seneca* impulsus, ac prostrati sumus, sed singulis diebus nihil viribus nostris subtrahatur, neque anni denuerantur, incertumque sit, ubi mors nos expectet, expectamus illum omni loco (egregia enim res est mortem condiscere) ea tamen lege, quemadmodum *D. Paulus* monet, loco præallegato, ut dissoluto tabernaculo nostro tibi restri, ne nudi, sed induti, fide scilicet reperiamur.

Sed ut ad privata mea adversa redeam, etiamsi adeò maligna esset pestis illa Lausannensis, & ex centum ægris vix sedecim evaserint, per singularem tamen Dei misericordiam atque clementiam, beneficio alexipharmacorum & fonticulorum, in brachio videlicet sinistro, & poplite dextro, conservatus fui: Imò per paucos, qui fonticulos gestabant peste correptos fuisse, observavi. Unum tamen, & quidem molestissimum, ne dicam exoticum incommodum mihi eo quoque tempore supervenit: dolor nimirum gravissimus, & acutissimus in ipso calcaneo dextro: qui quidem, quia etiam nunc me angit, excruciat quæ anam dedit affectum illum cum omnibus suis circumstantiis ordinem ad te perscribere, tuumque, utri quoque parentis tui summi Philosophi ac Medici consilium, auxiliumque expetere.

Scias autem primò, vir clarissime, ante annos triginta, me peste gravissimè laborasse, & bubonem in dextro inguine ruptum mihi fuisse. Ab eo tempore, quotiescunque aër aliquis pestiferus me afflat, protinus dolorem in ipso inguine dextro per sentio. Tempore itaque pestis Lausannensis aliquoties dolor ingens in inguine exortus est, absque tamen febre, aut aliquo alio graviore symptomate: sed sumpto ad grana sex vel octo lapide Bezoar cum scrupulis duobus cornu cervi ustis & præparatis, confectioe alkermes ad semidrachmam, omnibusque dissoluti in aqua cardui benedicti & cinnamomi, nec non provocato sudore, dolor mox in inguine evanuit, & ad poplitum versus fonticulum descendit, non sine inflammatione, intumescione, & dolore totius cruris. Materia hæc pestifera cum aliquoties, & singulis ferme mensibus semel in corpore ita collecta, & beneficio naturæ ad fonticulum in crure expulsa fuisset, tandem aliud sequutum est symptom gravissimum, dolor nimirum (qui etiam nunc me excruciat) in ipso calcaneo dextro, adeò acutus & vehemens, ac si subulis partes nervosae compungerentur. Nunquam autem, quod notandum continuus fui

Dd 2 dolo

dolor iste, sed suas habuit periodos, certamque observavi horam, nimirum quartam matutinam, & tyrannidem suam per horam ad minimum integram exercuit, idque singulis diebus. Cum vero corpus pilulis pestilentialibus aliquoties clementer expurgassem, & alexipharmaca prædicta, nec non extracta, & salia cardui benedicti, & scordii sumissem, & lotionem pedis ex radicibus caryophyllatæ, vincetoxici, althææ, malvæ, foliis betonicæ, cardui benedicti, scordii, floribus sambuci, chamomillæ, meliloti, & similibus per dies aliquot usus fuisset, dolor paulatim imminutus, & qui antea per horam integram excruciauit, paulatim veluti momentaneus factus est. Dum ita ultra menses quatuor excrucior, in Alsatiam ad nobilissimum ac strenuum virum Dn. Franciscum Conradum à Sickingen, serenissimi Principis Maximiliani Archiducis Austriæ, &c. Consiliarium, & summum præfectum in Straussen vocor 27. Maji Anno 1614.

Cæterum cum propter diversas occupationes in Alsatia per menses sæcres detentus fuisset, dolor ille in calcaneo omnino evanuit, ita ut penitus me curatum esse arbitrarer. Reversus Lausannam cum dolor iterum circuitus suos observasset, ac ego hujus subitæ mutationis causam diu investigassem, cognovi tandem id ex usu vini, ut vocant Vaudensis (de la Vaux) accidere. Ab eo enim tempore quotiescunque de hoc vino bibo, nisi egregiè dilutum fuerit revertitur dolor, ex quibus perspicuum fit, quam adversum perniciosumque hoc genus vini sit catharthosis, quod & in nonnullis Arthriticis hic indies observo. Ante mensem cum Masonopolim in Alsatiâ ad nobilè matronâ, gravissimè afflictu oris laborantè vocatus essem, ibique per septimanas quinque morâ traherè, ne semel quidem sensu dolorem, etiam si ut plurimum vina generosa biberem. Vix domum reversus, dolor quoque rediit. Invadit autem, ut antea dixi, circa quartam matutinam; quam primum verò vesica evacuata fuerit, quod pro more circa quintam fit, imò inter exonerandum ipsam, penitus evanescit, & remittit dolor, nec hætenus unquam ante prædictam horam quartam rediit. Doloze isto acutissimo infestante, si tibiam extendendo calcaneo, ea qua fieri potest violentia spondæ insisto, aut si uxor ambabus manibus locum dolentem comprimit, statim cessat dolor. Cum primum tamen pedem spondæ amoveo, mox, imò in ipso momento dolor revertitur, eademque violentia, ut ab initio excruciat, idque tantisper, donec vesicam exoneravero.

Vinum  
Vaudense  
catharticos  
noxium.

Cate:



Ceterum etiam si nulla adfir intumefactio, nullaque manifesta imperies, neque semel sedato dolore, ullum incommodum in ipso pede, & in crure usque ad proximum tempus paroxysmi sentiam: vires tamen aliquomodo prosteruntur, lassitudoque aliqua corporis inducitur: quapropter anxius profectò sum hac de re mi Dn. D. Offrede: vereor enim ne paulatim incrudescat malum.

Ante menses aliquot propter Catharrhū ad pectus, à vino per intergrum ferè mensem abstinui omnino, & decocto agrimoniz, veronicæ, liquiritiz, florum tussilaginis, cinnamomo, ac saccharo aromatizato usus sum, idque cum fructu maximo: Dolor enim, calcanei omnino remisit. Qui propter libenter renunciarem vino, si id sine læsione ventriculi, quem usque adeò validum habeo, fieri posset, neque sæpius peregrè mihi proficiscendum esset. Quæso itaque ut pro singulari nostra amicitia, summoque ingenii tui acumine negotium hoc tibi cordi sit, opinionemque tuam simul, & parentis tui rescribere digneris. Ego enim, ut ingenue fatear, in cognitione hujus affectus mihi met ipso non peritus satisfacere possum: & quoniam in loco materia morbifica hæreat, item undenam sympathia illa inter vesicam, & talum adeo magna, ut illa exonerata hic protinus à dolore levetur, nondum satis rectè intelligere possum.

Sub finem pestis Lausannensis, materiam quoque flatulentam circa fonticulum in brachio meo sinistro collectam fuisse, percipere potui. Musculus enim anterior cubitum flectentium, in cujus medio ferè fonticulus est, per intervalla adeò tremebat, agitabaturque, ut adstantes non solum agitationem & motum, verum etiam, si brachio admoventer aurem, veluti strepitum quandam perciperent: nullus tamen aderat dolor. Duravit quidem per menses ferè duos, postquam verò prædictis alexipharmacis aliquoties usus fuisset, omnino remisit, neque deinceps ullum incommodum hac de re sensi. Hæc propterea adscribo, si forsan ad cognitionem morbi mei tibi inservire possent. His vale vir Amplissime & cum tuis omnibus æternum feliciter vive. Saluta quæso meis verbis Amplissimos viros Dn. Parentem tuum & D. Sarazenum Syndicum vestrum prudentissimum. Dabam Bernæ 20. Januarii 1666.

*Viro celeberrimo & clarissimo Dn. Guilhelmo Fabricio Hildano Medico & Chirurgo præstantissimo, Paulus Offredus, Med. Doct. S. P. D.*

Dd 3 Non



Responsum  
ad præcedē-  
tem obser-  
vationem.

Non parum me solatz sunt eruditissimæ, atque humanissimæ tuæ literæ vir celeberrime, & amicissimæ, quas tamē ante bimestre ferē scriptas, nudius tertius modo accepi. Vulnus meum demā tui similib. reficitur, non recrudescere illud, ut ais, sed potius deliniri persentio; nec ullum abire diem patior, quin & ipsemet eo sine vulnus hocce coalescere nescium reficem, nempe ut paternā Deo visitationis modum ob oculos mihi ponens, ab ejus nutu in spe & silentio pendere discam indies, mundanisque sepositis ad cœlestia divino adspirante numine vehementius contendam, quæ ærumnarum, fidelibus contingentium finem esse præcipuum probè nosti. Utinam verò tibi vir optime de prospero valetudinis tuæ, rerumque domesticarum statu gratulari possem: nec enim sine dolore tibi utrinque satis graves mœroris causas eriamnum suppetere video, eoque dolendum magis, quod isthæc ea viræ tuæ parte experiaris, quæ subsidio, & alleviamento potius digna foret, & in qua sane messem te facere dulcissimam tot, tantorumque laborum in gratiam & tuorum, & totius quoque Reipublic. Medicæ atē exanimatorum, tempestivum plane videretur. At verò cum secus sentiat Pater cœlestis, macte animo, pie senex & quod jam pridem instituisti, ceu strenuus Christi miles, bonum hoc certamen decertare perge: nam debet Deus his quoque finem.

Cæterum quam describis mihi morbi tui naturam, una cum suis omnib. circumstantiis, mirari, quam ulterius perferutari malle, adeo rem obscuritatis plenam deprehendo, & in quæ enodanda vel mihi vel tibi satis facere me posse diffiteor: quia tamen tibi gratificari, ac morem gerere semper in votis habui, aliquid super hac re in medium adferre nitar. Et primò de tristi sensatione, quæ grassante peste recurrit subinde ad corporis partem, quæ semel carbunculo vel bubone pestilenti affecta fuerit, nil est ambigendum. Nam & ipse hoc expertus sum: Siquidem postquam carbunculus, quem in collo passus sum ad circatricem perductus fuit, non destitit locus vario tempore acutissimi, sed ferè momentò ei doloris sensum exhibere: idem etiam experiebantur alii quamplurimi, dum hic pectus grassabatur. Quæ res abunde, meo iudicio testari potest, quanta sit malignitate donatum venenum illud pestiferum, utpote quod non modo partis affectæ temperiem alterat, verum etiam naturalem ejus habitū, seu *Idiosyncrasiam*, qui in certâ calidi tum nativi, tum insipientis proportionem, ac debet utriusque ad partis temperiem relatione consistit, immutat, ac velut evertit; ut hinc non solū

pars

De tristi  
sensatione,  
qua tem-  
poris pesti-  
feri re-  
currit ad  
partem, quæ  
semel peste  
affecta fuit.  
Veneni pe-  
stiferi ma-  
lignitas,

Circa  
papa  
B. L. G.  
L. G.  
L. G.  
L. G.  
L. G.  
L. G.  
L. G.  
L. G.  
L. G.  
L. G.

pars debilior remaneat, fluxionibusque recipiendis apta, ut in aliis particulatibus morbis usuvenit: sed insuper ob illam, velut *ἀντία* quā venenum pestiferum in partem affectam introducere arbitror, determinari videtur illa partis debilitas ad eam *δυσωρίαν* tempore pestilentiatione cujus vel levissima in aëre labes sanis omninò corporibus minimè alioquin noxia, per occultam quandam sympathiam, ac familiaritatem, corporis olim peste detenti spiritus & humores non nihil agitare valet: unde fit, ut locus in eo tempore debilior, quique carbunculi, aut bubonis sanari vestigia retinet, dolorem illum acutum & fugacem persentiat, ab acriore scilicet materia, seu vaporosa, seu ichorosa, quam propulsat eò natura vario tempore. Ac sanè viscera nobilia grassante peste in plerisque indiscriminatim aliquantulum divexari, frequens de fugaci quodam, & vago in emunctoriis præsertim dolore que relata satis arguit.

Jam verò, ut cūssas doloris attingam, quem in calcaneo dextro, percipis, verisimile omnino est, hunc à materia pestifera primam traxisse originem, ut ipse colligis ex temporis pestilentis notatione, quo primum apparuit: hinc illa ibidem introducta alteratio atque *ἀντία*, quam supra diximus, à veneni scilicet præsentia, cujus quidem portio paulò crassior, & humoralis per fonticulum in poplite dextro salubriter evacuabatur: at tenuis ac vaporosa ad calcaneum usque excurrens, & ad partes illas frigidiores ac tendinosas appellens, denegata libera *ἀπερρόη*, dolorem illum acutissimum, tum distendendo, tum vellendo excitare cæpit. Et quamvis materiam pestiferam, quæ malum istud olim creavit, subesse hocce tempore non sit credendum: varii tamen ichores tum biliosi, tum Melancholici succrescere non desinunt, qui ratione potissimum fonticuli, quem gestas in poplite dextro, totam eam partem, & maxime calcaneum ad eò *δυσωρίαν*, & jam debilius divexare pergunt; idq; multò magis cum vino ueris valdè tenui & vaporoso, quale illud Valdense, quod notas, toti nervoso generi, nervorumque principio parum favens.

Potriò hic doloris in calcaneo typus est, quemadmodum refert, ut nempe sit gulis diebus recurrat circa horam quartam matutinam, qui spacio unius horulæ, plus minus terminetur, præsertim si manibus locus fortiter comprimitur, aut spondam levi vehementer eo pede premas, non secus ac in ea levioris convulsionis specie contingit, quæ Galilis vulgò *Gusta crampa* dicitur: hac enim forti crutis affecti compressione,

*De causa doloris calcanei.*

*Quare dolor in calcaneo certa hora recurat.*

ne, vapor, qui est causa mali continens & proxima, sese in nervosa corpora insinuans, velut excutitur & evanescit: quia verò per somnum calor concentratus in ichores hosce bilioso-melancholicos agens, ab eis aciores vapores, quam multos facili negotio exsuscitat, qui postmodum soluto somno in partes nervosas ceu magis externas ac debiles impetum habent, hinc idè recursus iste doloris quotidianus, & quidem ilico post somnum parefit: verum quod huiusce doloris sedatione post exoneratam vesicam protinus & manifestò te deprehendere narras, monstro non valdè ab simile judicari: quis enim, quæso, seu generis, operisve societate, seu partium vicinia, inter talum & vesicam consensum unquam notavit? An fortè vesica lorio per noctem collecto distenta, lumbares nervos, quorum propaggines ad talum usque excurrunt nonnihil comprimens, impedit, quo minus libera fiat horum vaporum exhalatio; quæ postmodum loco ampliore factò per exonerationem vesicæ feliciter peragitur? quod si etiam doloris talum affligentis causam potissimam in ipso inguine dextro pèste olim affecto, ceu in proprio fomite velimus agnoscere, unde postea per continuam nervi substantiam evidens doloris sensus ad ipsum talum terminetur, ibique demum ceu in parte sensus exquisitissimi elucescat, hinc evidentior adhuc evadet, illa harum partium vesicæ vicinarum ab ea repleta compressio, liberam materierum exhalationem impediens: hanc opinionem in re tam ardua expendendam tibi relinquo, & ad ipsam mali curationem, cum ita vis, descendo.

De cura-  
tione.

Utrumque quod gestas cauterium, locis tamen mutatis, valdè probò: superius enim affigere vellem brachio dextro, nempe ad revulsionem κατ' ἰκτὶν à partibus affectis: infernum verò cruri sinistro, ut accommoda fiat derivatio, & avocetur hac ratione materiz descensus in crus dextrum. Cathartica non improbo per vices: verum in hoc casu infernas corporis partes infestante, benignum aliquot emeticum non esset abs re: ego penes me habeo non ex metallicis aut mineralibus desumptū, q̃ per exiguā copiā serofos potissimum humeres ἀνω καὶ κάτω tuto & abundè vacuat: si ejus volueris copiā tibi faciā libētissimè. Vino ut edū omnino ceseo, sed rubello potius, quàm albo, q̃ utiliter, meo judicio diluere posses aquā ex infusione radicū chynę plus minus, p̃ ratione vini magis minùsve generosū. Inter topica præter ea, quæ ulurpas, balnea sulphurea ineūte hac ætate ex usu elisēt. Plura scribere nō vacat, ob vernas curationes & p̃servationes, q̃ nos planè avocāt: tu, q̃so, boni consule

consule, quæ pro temporis angustia hic adscripsi, & me, quod facis, amare perge. Vir amplissimus & consultissimus Dn. *Saracenus* salutem plurimam impertitur tibi, nec non & parens meus, qui Medicinæ hoc suo extremo senio valedixit, ac totum sese Theologicis occupationibus tradidit. Ego verò frustra omnia tibi tuisque ex animo adprecor. Vale. Genevæ 18. Mart. 1616.

*Viro nobili Dn. Paulo Offredo Doctori Medico clarissimo atque doctissimo, GUILHELMUS FABRICIUS Hildanus S. P. D.*

Multum tibi debeo, clarissime atque doctissime mi Dn. *Offrede*, qui tot tantisque occupationibus in praxi medica obrutus, tam solidè ac doctè ad literas meas respondes, nodumque Herculeum solvis. Plurimum, inquam, tibi debeo, nec candidissimam illam animi tui significationem satis ex oculari possum. Interim quoque doleo, quod in præsentiarum verbis tantummodo tibi gratias agere cogor: quod si tamen Deus Opt. Max. vitam extenderit, & occasio sese obtulerit, ne omninò ingratus erga te videar, operam dabo.

Cauterium ex brachio sinistro removendum, & dextro applicandum esse suades, ac ego propter affluentes humores ad oculos in utroque brachio gero cauterium nec sine fructu: utinam ne tandem propter visus mei imbecillitatem ad setacei applicationem pervenire necesse quoque mihi sit.

Fonticidium ex crure dextro in sinistrum derivationis causa removendum esse censes, & rectè quidem. Altero enim crure, inquit *Galenus*, male habente reliquum scarificabis: Materia enim, exempli gratia, ad crus dextrum per venas defluens, scarificato aut exulcerato sinistro, violentiâ quadam attrahitur: quapropter circa distributionem venæ cavæ supra ossis sacri initium, potius ad sinistrum quam ad dextrum crus defluit. Libenter igitur sententiæ tuæ subscriberem, nisi obstructionibus hepatis à multis annis obnoxius fuisset. Etiam si enim hepar per venas dextri cruris etiam evacuari posse sciam, rectitudinem tamen fibrarum secundum mentem *Hippocrati* & *Galen*i libeter, & quantum quidem possum, observo. Interim tamen, si dolor calcanei iterum insulsum fecerit (à duobus enim mensibus, quia vino modicè & minus generoso, aquâ quinetiam diluto utor, inducias mihi dedit): consilio tuo, volente Deo, parebo. Libenter tamen ex te intelligere percuferem, an fonticulus in dextro crure absq; periculo claudî possit? Ego

*Responsum ad præcedentes litteras.*

*Meth. med. lib. 13.*

*Fonticulus in crure dextro ad hepatis obstructions.*

Ee quidem



quidem dubito: primò propter imbecillitatem viscerum, sed in primis ingeneratam hepatis obstructionem: ingeneratam, inquam: memini enim utrumque parentem longè charissimum hydropo vitam posuisse. Deinde, quia, ut in quoque rectè sentis, in inguine dextro, nescio quid malignitatis ab eo tempore, quo peste laboravi, remanserit: illam porò malignitatem an post hac ingravescente ætate, & propter continuos labores corporis, & mentis molestias imminuto calido innato, & humido primigenio beneficio naturæ ex dextro inguine ad sinistrum per obscurissimas vias regredi possit, valdè dubito. Catarricum quod promittis gratissimum mihi erit: pretium quod indicaveris libentissimè persolvam. Vino rubello quotiescunque utor, ab ipso detrimentum accipio, & tensionem aliquam hypochondriorum persentio. Ignosce obsecro, vir clarissime, non possum nunc propter occupationes plura ad te scribere. Vale & cum tuis æternum vive. Ocyus Bernæ 10. Maji 1616. Tractatum meum de dysenteria nondum Francosurto accepi, alioquin misissem ad te exemplar.

*Ad eundem virum nobilem Dn. D. Paulum Offredum.*

Maturnius ad te scripsissem vir amplissime, fautor, & amice plurimum honore, nisi tractatum meum de dysenteria Francosurto expectassem, & successum affectus mei gravissimi, antequam ad te scriberem observare voluissem. Tractatum ante paucos dies accepi, tam negligentes in rebus authorum sunt typographi, quapropter clarissime mihi Dn. Offrede, ne moram agere feras, eumque hilari fronte excipias, te etiam atque etiam obsecro. De affectu meo quid dicam? Audivit *Jehova* deprecationem meam: *Jehova* orationem meam suscepit. Quatuor enim nunc elapsi sunt menses, à quibus, laus sit *Deo*, nullum sensi dolorem, interim tamen optimam victus rationem quantum quidem licet observo: à convivii publicis splendidisque uti & à vino Valdensi, abstinere; corpus quinetiam per intervalla expurgo. Ex eo autem tempore, quo primum dolor cessare cepit, iterum aliquid singulare in affectu meo observavi: singulis enim ferè noctibus circa horam primam coactus, fui exonerare velicam, quod antea tamen, & quidem per totam vitam meam nunquam mihi contigit. Exinde colligo materiam illam malignam, quæ ad talum decumbebat nunc per urinam evacuari. Vides, quomodo natura aliquando vias sibi apertissimas, nobisque incognitas, ad expurgandos humores noxios sibi construat? Catharicum

*Psal. 6. 10.*

aticum tuum ad serofos humores evacuan-  
dos non dum accepit: est for-  
san illud, quod Gemou, siue *Guttam Gamba* appellant. Sed quid qua-  
so de hoc medicamento tibi videtur? Scribit *Carolus Clusius* lib. 4. exo-  
ricarum observationum, cap. 8. Gemou esse succum concretum. Sed  
vixit mecum non ita pridem candidatus quidam Medicinæ *Wolffgan-  
gus Gasto* nomine, vir pius, doctus & in chymicis optimè exerci-  
tatus; is mihi retulit, se à chymico quodam viro fide digno intellexisse,  
Gemou non succum concretum, sed chymicum esse medicamentum,  
imò & non nihil antimonii in se continere. Tibi hac de re quid videat-  
ur, si per ocium libet, rescribe quæso. Ego nunc per Dei misericordiam  
cum meis omnibus satis bene valeo. Filius meus Lutetiam profectus  
est: Deus sospitator & tutelaris ipsi æternùm benedicat. Reliqua ex  
amplissimo viro Dn. *Sarazeno* Syndico vestro prudentissimo, intelli-  
ges. Vale clarissime mi Dn. *Offrede*, & æternùm feliciter vive. Ocyus  
Bernæ 1. Augusti 1616.

*De Gutta  
Gamba.*

*Tua Excellentie addictissimus & obsequentissimus*

GUILHELMUS FABRICIUS HILDANUS.

## OBSERVATIO LXXXVII.

## De morfu hominis.

**R**usticus quidam in pago *Worb*/prope Bernam *Hans Schiltcher* nomine, in conflictu ab adversario suo iracundiâ exandescens, *Morsus ho-*  
ad secundum articulum medii digiti manus sinistri morsus fuit. Ab ini- *minu.*  
tio à balneatore quodam in secundum mensem usque curatus fuit, sed  
parum feliciter: quandoquidem malum ita auctum, ut tandem Bern-  
nam ad barbitonforem primum *Xenedochii* se conferre coactus  
fuerit. Is cum nullum aliud remedium, quam ut ad metacarpum ab-  
scinderetur digitus, superesse, bono isti rustico persuaderet, operatio-  
nem quæ strenuè, & per dies aliquot urgeret, auctor fuit nobilissimus  
vir Dn. *Petrus à Watsenville* Dn. in *Wyll*, ut ad me se contulerit æger.  
Tum manum, brachium, imò totum corpus propter doloris vehemen-  
tiam, & diuturnitatem extenuatum, digitum verò præter modum in-  
tumefactum reperi, qui & in superficie junctus exulceratus, & ligamen-

*Curatio.*

ta, ipsæque cartilagine juncturae et ossa, ossa que inter se disjuncta, & separata erant. Purgato corpore, & parum dilatato ulcere, & imposito pulvere catagmatico, aliis que, quæ in sordidis ulceribus, & eis, in quibus ossa cariiosa sunt, adhiberi solent, cartilagine, nec non squamula appendicum exciderunt. Deinde brevi consolidatum fuit ulcus, ita quidem, ut spacio sex hebdomadum, divino aspirante numine, tuam curationem absolverim. Juncturam verò cum rigidam, & immobilem permansuram esse scirem (etosis enim cartilaginibus, quæ appendices ossium tegunt, ossa juncturae mediante callo connectuntur, uti observat. 77. centur. 3. fusius declaravimus) maturè ipsam aliquantum incurvavi, ita ut manus pristinum robur adepta sit.

## OBSERVATIO LXXXIIX.

## De morfu canis rabidi.

*Viro clarissimo atque doctissimo Dn. DANIELI DANIELS apud  
Düsbürgenses Clivorum Doctori Medico ordinario, atque celeberrimo, GUILHELMUS FABRICIUS Hildanus. S. P. D.*

Quod tua familiaritate, vir clarissime, Nesselrodii apud Generosum virum Dn. Kestlerum diutius frui, mihi non licuerit, doleo, nihil enim unquam magis mihi in votis fuit; quam ut cum viris doctis atque eruditis amicitiam contrahere, cumque eis me erudire possem. Sed gravissimus morbus charissimæ Matris meæ obstitit: evocavit illam Deus ex hac lachrymarum valle ad æternam vitam 16. die mensis præteriti, cum ad annum octuagesimum ætatis suæ, pie religiosèque vixisset.

Cæterum colloquia illa, quæ nupertimè Nesselrodii inter nos de morfu canis rabidi habuimus, occasionem mihi præbuerunt, ut tuæ Excel. casum singularem, quem hisce diebus mihi videre contigit communicarem: is verò talis est.

Circa festum purificationis beatæ Mariæ virginis proximè elapsus, rusticus quidam Hildensæ vir robustus viginti septem annorum ætatis & optimo corporis habitu præditus, à cane rabido circa poplite, & genu dextrum variis in locis morsus fuit. Eadem die in pegû Ater vocatum, & ad marginem ferè Rhæni situm, ipsum conduxerunt: ubi

*Morsus canis rabidi.*

ubi sacrificulus ejus loci clave ignita *S. Huberti*, ut vocant, vulnera inu-  
 sit; ipsumque eadem die ad suos remisit, ad majorem quoque securi-  
 tatem, *portionem Luchtenbergianam* tantopere in morsu canis rabidi cele-  
 bratam sibi adferendam curavit, eaque summa cū diligentia, & prout  
 præscripta, usus fuit. Nullū supervenit symptoma, & ulcera intra dies  
 quatuordecim planè coaluerunt. Eodem autem tempore porci tres ab  
 eodem cane morfi erant: quibus prædictam portionem similiter exhibu-  
 erunt: nihilominus tamen post mensem rabie correpti fuere: Ru-  
 sticus verò ad finem mensis Aprilis absque omni incommodo super-  
 vixit. Tunc primò dolores maximi, & peracuti in tibia dextra exorti  
 sunt, urina quinetiam simul, & excrementa alvi suppressa fuere. Tertia  
 die morbi cum ego accersitus essem, vires adeo prostratas inveni, ut  
 cum è lecto surgeret, ex una in alteram partem veluti ebriosus vacilla-  
 ret, & solus minimè incedere posset. Inquietudines, nausea, anxietates  
 & angustia pectoris, nec non dolores maximi in inferiori ventre ade-  
 rant, & urina simul & excrementa alvi, ut dixi, suppressa erant. Circa genu  
 tamen, & in ipsa tibia nihil apparebat, præterquam quod cicatrices liti-  
 vidæ, aut potius nigrae essent. Enema emolliens, & anodynum protin-  
 us infudi, quo rejecto, sequuta sunt excrementa prædura, parumque  
 urinæ. Sacculum quoque ex radicibus, herbis, floribus, & seminibus  
 emollientibus & dolorem sedantibus calidè applicui: & inferiorem  
 ventrem perinæumque butyro recenti & oleo lumbricorum (urinam  
 enim provocat) inunxi. Post horas duas, cum iterum alvum exonerar-  
 et, excrementa copiosè rejecit: sequutum est & multum materiæ pi-  
 tuosæ, viscidæ & salivossæ, veluti sperma ranarum, multum item red-  
 didit urinæ, quæ etsi obscura, turbulenta & spissa esset, absque impedi-  
 mento tamen & liberè deinceps ad finem usque vitæ suæ ipsam reddidit.  
 Semel atque iterum ita copiosè exonerata alvo, ipsum jam evasisse pe-  
 nitus sperabam, sed fellit opinio: quandoquidem paulò post corre-  
 ptus est rigoribus maximis: subsequens nox gravis & vires magis ma-  
 gisque prostratæ fuere: & quia ab initio morbi usque in quintum diem  
 nihil dormiverat, paulatim in delirium incidit: exclamabat, vociferabatur,  
 adstantes arripiebat, & objurgabat: ex una in alteram partem  
 lecti sese, projiciebat cum impetu, & sanguinem atrum, & in grumos  
 concretum expuebat. Cum verò post cœnam nonnihil laudani, &  
 confectiōis alkermes exhibuissem; omnino remisit delirium & ea  
 nocte benè quievit. Altero tamen die cum à somno pejus haberet,



mortem ex *Hippocrate* Aphor. 1. lib. 4. proximam adesse prædixi. Au& itaq; febre, au&â etiam imbecillitate virium, & sudore frigido correpto ægro, placide & mente constanti, animam sexta die morbi effudit.

*Hydrophobia.*

*Morbi maligni nota.*

Cæterum vir clarissime, etiam si *Hydrophobia* quæ præcipuum, & verissimum symptoma est morsus rabidi, correptus non fuerit: ipsum tamen pestifero hocce veneno necatum fuisse ex stimis. Primo enim morbum in summo gradu, ut ita dicam, malignum fuisse summa illa virium prostratio, angustia circa præcordia, anxietates, nausea & hujusmodi fidem faciunt. Deinde causam mortis fuisse morsum canis, dolor ille pungens, qui per dies aliquot, antequam reliqua symptomata supervenirent, tibiam exercuerat, certissimum est indicium, aliquid veneni ibi remansisse. Et profectò malignitatem aliquam adfuisse, præter dolorem lividitas, aut potius nigredo cicatricum indicat. Vides itaque vir clarissime, nulli remedio, nulloque alexipharmaco, quantūvis approbatissimo in morbis præcipue acutis, nisi methodicè adhibito, fidendum esse. Præsentaneum & à multis seculis approbatissimum remedium in morsu canis rabidi, est cauterium actuale: at hic inutile fuit! Causam quæris? Dicam paucis quid sentiam. Primò an sacrificulus clavem illam ignitam *S. Huberti*, satis profundè infixit, incertum est. Ustionem enim superficiei nequaquam sufficere, exemplum habes observat. 86. cent. 1. observationum mearum *Chirurgicarum*.

*In morsu canis rabidi vulnus est apertum retinendum.*

Deinde post inustionem eschara excidenda: vulnus quinetiam ad menses duos, aut tres apertum est retinendum. Eschara enim nisi prima, aut secunda die auferatur, retinetur in ipsa portio aliqua veneni, quæ vi ignis inspissata fuit, iterumque dum putrescit eschara, in liquorem dissolvitur, & per venas capillares ad majora vasa transit, partesque nobiles serpendo paulatim inficit, uti fufius in prima, quàm in secunda centuria observationum monstravimus. At quia in hoc ægro eschara nimè excisa, & ulcera nimis maturè cicatrice obducta fuerant, mirum non est, ipsum tandem pestifero hocce veneno extinctum fuisse. Quia tamen inustio aliqua vulnerum præcesserat, & portione *Luchtenbergiana* usus fuerat, venenum extremam suam sævitiam exercere, & hydrophobiam excitare non potuit.

*De portione Luchtenbergiana judicium auctoris.*

Potionem *Luchtenbergianam*, quia multos ea curatos ex *T. Excell.* intellexi, non improbo: an verò intra novem dies, uti affirmant, venenum hocce tam exitiosum extirpare potens sit, valde dubito, & empiricum istum processum periculosum esse affirmare ausus sum. *Galenum*

& alios ex antiquioribus Medicis medicamentum ex cineribus cancrorum fluviarilium, quod omnium est præstantissimum, & à tot viris approbatissimum, ad quadraginta dies exhibuisse, eorum scripta testantur. Quomodo itaque potio ista venenum hoc etiam lethiferum intra novem dies debellaret? Ideoque omnia secundum rationem, ut monet *Hippocrates*, lib. 2. aphorismo 52. facere, in magnis quinetiam periculosissimis morbis, empyrica methodicè & cum ratione adhibere præstat. Vale vir clarissime, & si libet, & vacat rescribere. Raptim Hildanz 18. Maji 1612.

*Doctissimo Viro Domino Guilhelmo Fabricio Hildano Medico  
& Chirurgo expertissimo, Domino & amico suo unicè colendo,  
Daniel Danielis Med. Doct. S. P. D.*

Doctissime atque expertissime Domine *Fabrici* amicorum amicissime, quam te devinxerit Nesselrhodiana nostra contracta amicitia & conversatio ex gratissimis tuis literis vidi, paremque me tibi offero ad quævis præstanda obsequia. Casum quem ad me scripsisti de morsu rabidi canis, legi & perlegi, omnibusque perpensis, rusticum illum, quem sibi patientem habuit, à rabido cane iectum, in primis ordinario (superstitioso tamen, ut habeo) remedio, clave nimirum, quam dicunt *S. Huberti* ignitâ usum, sibi sanitatem promittendo, fuisse. Deinde etiam ad majorem confidentiam *potionem* illam, quam dicit *Luchsenbergicam*, toties feliciter comprobaram sumpsisse. Hæc cum ita se habeant, supersticiosam illam inustionem multorum animis inhærete constat, quæ tamen, si ferio ad id destinato & concinnè apto, debite & secundum artis exigentiam fiat, non solum prodesse, sed etiam radicitus venenum tollere valet: non enim est, quod majorem habeat efficaciam in hoc casu, venenosam illam materiam extirpandi & corrigendi, quam ipse ignis, præsertim candenti ferio impressus, ignis namque vis penetrativa, abrasiva, mundificativa & stiptica, præcipue si per ferrum imprimatur: ferrum enim naturâ suâ abstergit, & exlucit succum quemvis imbibendo: habet & hoc, quod insingat penetrativam illâ veneni qualitatem, quo minus ad interna viscera transeat: sed unum restat, ut citò & citè fiat, deinde etiam eschara subitò & aptè excidenda est, ne fortè portio aliqua veneni sub ea lateat, quæ humorib. undique affluentibus, tanquam resoluta & macerata spiritibus & sanguine participet

*Cauterij a-  
qualis præ-  
stantia in  
morsu canis  
rabidi.*

*Pulvis sublimati n-  
fusi in mor-  
sucanū ra-  
bidi.*

participet, totumq; sua lue corpus inficiat. Deinde ulcera exsecta sunt mundificanda & abstergenda, nec cicatrix ulla induenda, nisi elapsis ad minimum 40. diebus & ulterius, indiesq; semel applicandus & inspergendus pulvis sublimati, qui in hoc casu singularem, imò raram habet efficaciam, viamq; latam & apertam venosæ exhalationi præbet: nec interim deesse debent exquisita antidota, quorum omnium proprietas sit corroborare, & vi propria spiritus corrigere, undiquaque per sudores materiam peccantem (si qua fortè itreperit) extirpare & discutere. Hac fortè (meo iudicio) si rusticus methodo, debitaq; & convenienti vi&us ratione usus fuisset, jam miser vitam cum morte non commutasset.

*De potione  
Luchten-  
bergica.*

De Luchtenbergica autem potione, quot ponit, usa, exiguo attamen vel nullo profectu: Credo: alia enim hæc est methodus curandi, quæ saltem per occultam antidotariam vim perficitur, neque hæc inustionem candentis ferri requirit. Illa enim propter escharam indurctam, & fortè non resectam, potionis vim aufert, quod minus illa externe vulneribus applicata, suam potuerit exereere efficaciam: & sic non potioni imputandum, sed potius inscitie Chirurgi, si fortè quis fuerit. Illam enim toties & tam felici successu comprobaram potione (cujus ocularem me testem offero) illasam, nec maculatam volo: plurimi namque adhuc supersunt, qui ex usu illius potionis jam multis elapsis annis, etiam nunc bellè vivunt. Potionis usus est per novem continuos exhibere dies tria cochlearia trinis vicibus indies, nimirum jejuno stomacho in ipso Solis ortu meridie, & vesperi Solis occasu. Deinde locum affectum & vulnera quotidie ter etiam diligenter abluere, petiamq; lineam potione illa imbutam vulneribus externe applicare, donec vulnera coaluerunt, & cicatricem obduxerint: nec memini ullū fuisse, qui hoc ita jussu habito processu occubuerit. Quod autem scribit magis methodicè esse cum hac potione procedendum, huic vestræ opinioni facile subscriberem, si alia huic curationi methodus adscriberetur: ubi autem hæc suffecerint, & huic subscribo. Quodlibet enim medicamentum, & quælibet operatio suum habet ordinem. Addit D. sua, quod tanto temporis spatio, nimirum à festo purificationis B. Virginis ad finem usque Aprilis rusticus commodè vixerit, vulneraque omnia coaluerint: non miror: Luchtenbergica enim potione abluta, tandem cicatricem posuerunt: Venenum autem, quod inhæsit, altasq; in corpore radices propter diutius retentam escharam, inje-

*Potio Luch-  
tenbergica  
quomodo  
usurpanda.*

cit,

est, ablutione illa superficiali abstergi non potui: Spiritibus enim & sanguini participavit: desit etiam novem illis absolutis diebus potionis usus. Natura itaque omni medicamine destituta, non potuit evincere impressum totique corpori immixtum venenum: Sic tandem suas edidit operationes, unde extrema illa debilitas, nausæ, anxietas, pectoris angustia, vertigo & alia, quæ refert, symptomata orta, tandemque mors ipsa subsequuta. Convocata ubi D. sua accesserit, refert ante triduum, dolores illi quam maximos & peracutos in tibia dextra exortos esse, imo omnia excrementa alvi & urinæ suppressa fuisset, ipsiusque vires adeo prostratas invenit, ut velut ebriosus è lecto surgens, hincinde vacillaret, minimeque pedibus insistere posset. Circa genu autem nihil dicit apparuisse, quam cicatricum livorem & nigredinem. Hæc omnia simul indicant venenum verè subesse totumque corpus planè occupasse. Quod livor in genu & cicatricibus apparuerit cum extremo dolore, non est, quod miremur: hic namque est naturæ motus, materiam peccantem ad loca infecta propellere; debilia enim cum sint, illam profigare non valent, simulque vulnere consilio non admittit materiam adfluentis excretionem, unde dolores vehementissimi, inde vertigo & aliz anxietates: per reflexum enim repetiit materia cerebrum, unde rabies, tandemque ipsa mors subsequuta.

De exhibitione quorundam medicamentorum recenset se enema exhibuisse, quo tam tetra & varia fuerint ejecta excrementa, tam alvi, quam vesicæ: Credo. Constipatio etenim illa corporis, corruptio etiam venenosa, infectio denique omnium humorum, talia excrementa produxerunt. Alia adhibita anodyna, benè & opportunè sunt administrata: sed efficaciam in tam gravi affectu habere non potuerunt: major enim fuit infectio, quam medicamenti virtus. Laudanum quietem & somnum quidem induxit; at venenum tollere nō potuit, uti & confectio alkermes laudano mixta spiritus insector cordis corrigere desit, juxta proportionem enim veneni exhibita non fuit: non enim consistit, venenum eo usque serpsisse. In hoc casu medicamentum ex cineribus cancerorum *Galenii* summè laudo: corrigit namque spiritus, omnesque humores continuus ille istius anridori usus.

*Vires medicamenti ex cineribus cancerorum.*

Hæc sunt, mi doctissime Domine *Fabricii*, quæ pro modulo mei ingenii in hoc casu consideravi: quæ, si placuerint, gratum erit. Attamen obnixè rogo, ut judicium suum rescribat: optarem ex animo me in hisce oris semper posse tuâ frui præsentia: dexteritas enim & scientia lon-



ga & felici experientiâ comprobata, tuarû curationum, tua denique ingenii doctrinâ, pietatis & probatæ vitæ cognitio, me totum tibi devinxit, ita ut nihil magis optem, quam officiosissima tibi præstare officia. Hæc vale vir doctissime & expertissime, divino numine semper fultus, & vivediutissime feliciter, meque tibi amicissimum habe. Dabantur Duisburgi 24. Julii Anno 1612.

## OBSERVATIO LXXXIX.

## De morfu lupi.

*Clarissimo atq; doctissimo Viro Dn. SEBASTIANO MEYERO  
Reipublicæ Freiburgensis Helvetiorum D. Medico ordinario at-  
que celeberrimo, GUILHELMUS FABRICIUS Hildanus  
S. P. D.*

**A** Nte paucos dies, Vir clarissime, quia Dei beneficio felicitet ex Belgio ad meos reversus sum, diutius differre nolui, quin T. Excell. epistolâ hocce interpellarem, pristinam quinetiam amicitiam atque familiaritatem nostram renovarem. Freiburgum Brisgoviorum in reditu peragravi, ibi Medici multis honoribus me affecerunt: & nonnulli ex iis conviviis splendidis me exceperunt. Dn. D. *Morimus* ibidem Medicinæ Professor primarius, simul & reliqui Medici T. Excell. per me plurimum salutare jubent. Responsum ad observationem meam de periculosa canceri occulti curatione, quam ante annum ad te misi, nondum accepi: exspecto illud avidè.

*Experientia  
in re Chi-  
urgica ne-  
cessaria.  
Morius lupi  
venenosus.*

Cæterum, mi Dn. *Meyere*, quam necessaria in re Chirurgica sit experientia, indies magis magisque experior. Olim enim morfum lupi venenosum esse in dubium vocare volui: nunc verò opinionem Dn. D. *Caroli Stephani* Medici Regii longè celeberrimi (qui morfum lupi venenosum esse asserit) rationi consentaneum esse, experientia me edocuit. Et quia antehac de morfu canis rabidi inter nos scriptis prolixè communicavimus, non ingratum tibi fore existimavi, si, quod ante duos annos de morfu lupi observavi paucis, ne nudam ad te mitterem epistolam, hic adscriberem.

*Observatio.* Anno 1610. mense Februario cum rustici propè Lausannam in venatione lupum in obstantes plagas trussissent, & quinquagenarius quidam

dam ex illis lupum trucidare velle, insurgit contra ipsum lupus, ipsiusque genu dextrum artipit: & circumcirca rotulam quatuor in locis dentes altè infigit, ac miserum in terrâ projicit, & nisi reliqui rustici accurrissent, lupum quin etiam occidissent, de bono isto viro actum fuisset. Ab initio etsi dolores, & magni & continui adessent: affectum tamen neglexit, neque ulcera, ut aperta manerent, & ichor efflueret, operam dedit. A fera itaque inflatum virus, cum effluere liberè non posset, auctus est dolor, aucta est & inflammatio. Cibi item fastidium & diarrhæa supervenerunt. Tandem cum materia purulenta undique circumcirca genu, & in ipso poplite collecta esset, & sinus aliquot sibi pariter, adductus mihi fuit Lausannam. Plurimis itaque factis incisionibus & aperturis, pus tam copiosè & tam diu effluxit, ut vires inde mirum in modum prosternerentur. Tandem propter labefactionem virium diarrhæa in henteriam conversa, planè extenuato corpore, naturæ satisfecit.

Verùm clarissime Domine *Meyeri* hic perpendendum est, primò huncce virum cacochymicum, & melancholico succo refertum fuisse, secundò morbum ab initio neglexisse. Ego enim cum advocarer, jam per multos dies decubuerat, & labia vulnere ferè coaluerant. Deinde propter injuriam temporis, & adversam valetudinem meam (non dū enim à quartana mea planè restitutus erā) rarè ipsū invisere potui, sed negotiū famulo, & ipsis domesticis (qui nonnunquā absente famulo turundas extrahebāt, ita ut labia vulneris nimis citò coaluerint) committere coactus fui: circa affectum itaq; externū errores commissi fuerūt. Tertiò nō illam, quæ requirebatur victus ratione observabat. Quartò partem læsam valdè debilem fuisse perpendendum est: antea enim per multos annos, & diversis quidem temporibus ulceribus in ipsa tibialaboraverat. Ab initio itaque morbi, quia corpus purgatum non fuerat, & dolores vehementes (qui ut *Galenus* testatur instat cucurbitulæ attrahunt) adessent, sanguis & humores copiosè afflaebant, qui à parte debili & in decliviori loco sita, facilè excipiebantur. Interitum itaque hujus viri potius ad supradietas causas, quam ad venenosam aliquam qualitatem à fera inflatam, referendam esse, rationi aliquomodo consentaneum esse videtur. Verum tuum hac de re iudicium, ut proxima data occasione rescribere non graveris rogo. Ego, ut ingenuè fatear, hujusmodi morsus malignitatem non sperndam, cum maximam contusionem, tum etiam salivam feræ inflatam, sibi adjun-

*Carolus  
Stephanus  
invenatio-  
nelupi.*

etiam habere, existimo. Id enim non solum viri eruditi, verum & symptomata, quæ in hoc viro apparuerunt, satis superque testantur.

Civem insuper quendam in oppido Corsonnay propè Laufannam, Minicus Maria, si rectè memini, ex motu lapii obiisse, Johannes Colonnay Archigrammateus Corsonnensis, vir virtute & ingenio præstans, mihi retulit. Plura nunc propter instantes nundinas Argentoratenses, ubi multa scribenda mihi occurrunt, adscribere non licet. Vale itaque vir clarissime cum tuis omnibus, quos tecum ego & Colimatea mea petamanter salutamus. Raptim ex Maszolo meo 8. Decembris 1612.

## OBSERVATIO XC.

Ex Impetigine levissima circa carpum gangræna  
& mors.

Inter ea quæ corpus humanum excruciare solent, sive animalia si-  
ve morbi, acari, meo quidem iudicio, infimum locum merito obui-  
nent. At ex acaro alterum gravissimis symptomatib. correptum fuisse,  
alterum verò mortem obiisse, observatione 96. Cent. 1. declaravimus.  
Nunc ex levissima quadam impetigine idem accidisse mihi retulit no-  
bilis ac doctissimus vir Dn. Johannes Sarazenus l. V. Doctor & civitatis  
Genevensis Syndicus prudentissimus, fautor & patronus meus æter-  
nùm honorandus, cum Anno 1615. 9. Aprilis Genevæ honorifico con-  
vivio me excepisset: & sunt hæc ipsius verba. Dominus de Noyon no-  
bilis Gallus & frater Dn. de Briquemaud, Impetigine quadam (Dartes  
appellant Galli) pruritu continuo, ac molesto circa carpum laborans,  
Montispeffulum venit circiter annum 1595. ubi (etiāsi quantum  
ad partes internas optime valere:) in consilium advocato Chirurgo,  
medicamenta varia adhibita fuere. Tandem exorta in-  
flammatione, & Gangræna, fato debitum  
solvere coactus fuit.

Impetigine

*Ex impeti-  
gine levissi-  
ma, gan-  
græna &  
mors.*

## OBSERVATIO XCI.

## De gangræna post curatam dysenteriam.

*Viro nobilissimo ac doctissimo Dn. D. PAULO OFFREDO  
Medico celeberrimo, GUILHELMUS FABRICIUS Hilda-  
nus S. P. D.*

**H**umanissimas quas ad me dedisti literas, vir clarissime, jamjam  
haccepi, utinam eis in præsens satisfacere & cum egregio isto viro  
Dn. *Johann. Metcilleto* Bellicium me conferre possem. Sed detineor hic  
apud juvenem quendam *Urbani Wadans* filium. Is ante menses tres  
Dysenteria correptus fuit: Morbus gravissimus, contagiosus & mali- *Dysenteria.*  
gnus fuit. Uno enim eodemque ferè tempore mater, & duo filii in  
morbum inciderunt: cum verò nullum adhiberent Medicum, mater  
maximis cum doloribus & cruciatu obiit: filius verò majornatu paula-  
tim naturæ beneficio restitutus fuit. In nostro quoque ægro cum flux-  
us alvi paulatim remississet, ac ipsum jam penitus evasisse cuncti specta-  
rent, & cum circa vires instaurandas tantummodo occupati essent; ec-  
ce novo, & quidem gravissimo symptomate corripitur. Repente e-  
nim & ex improvise dolor circa talum dextrum exortus est, ac mox to-  
tum pedem invaluit. Dolor iste adeò vehemens fuit, ut dies noctesque  
ejulare coactus esset: interim tamen intumescitio nulla sequuta est:  
Colorem nullum quin potius frigus maximum, molestum, & doloro-  
sum sensit: quapropter adstantis linteis, tegulisque calidis pedem ex-  
calefacere studebant, sed frustra. Dolor enim simul & reliqua sympto-  
mata ita ~~con-~~verunt, ut intra paucos dies extincto calore innato, sphac-  
elus in pede exortus sit. Is totum crus ad genu usque paulatim invasis-  
it, absque ullo tamen caloris indicio, & intumescitione partis affectæ.  
Substitit sphacelus in ipsa poplite, ubique in sordidissimum ulcus de-  
generavit. Ulcus hoc cum totum genu occupasset, carnem simul & li-  
gamenta ita erosit, ut ossa in ipso genu, imò & rotula ipsa planè sepa-  
rata essent.

Cæterum etsi æger ex præcedente Dysenteria gravissima supra mo-  
dum extenuatus esset, & vires propter fœtorem (qui adeo magnus erat  
Ff 3 ut



ut etiam adstantes ipsum absque noxa si ferre non possent) ferè succumberent, ac proinde de recuperanda valetudine omnes desperarent: attamen quia hocunicum præsidium, amputatio scilicet membri putridi, superesset; tandem in consilium vocatus fui. Ultima itaque die mensis præteriti, auxilio divino prius invocato, præsentē Dn. *Jacobo Goulartio* verbi divini ministro, multisque aliis tibiam in ipso femore abscidi. Operatio laboriosa, & difficilis fuit: Nervi enim ita erant retracti, & genu versus pectus incurvatum, ut mentum ferè attingeret. Porro in scamnum collocato ægro, cum crus extendere, & femur scamno annectere vellem, vena in poplite rupta fuit, & sanguis copiosè emanare cepit. Perpendens itaque in hoc ægro hæmorrhagiā nihil esse perniciosius, ac proinde ut femur scamno annecterem, inducias non dari, proinus sinistra apprehenso femore, dextra carnem ad os usque incidi; non autem novacula ut in robustioribus & plethoricis corporibus fieri solet: sed cauterio actuali & in forma cultri, quemadmodum hic depictum est, fabricato.



Hujus cauterii etiam beneficio & carnē incidi, & sanguinē simul re-  
stinxi. Incisa carne usque ad os ac dextra apprehensa ferra, illud felici-  
ter abscidi. Operatio etsi difficilis, nihil tamen sinistri nobis in ea,  
laus sit Deo, accessit. Altera verò die cum truncum à fasciis denudaf-  
sem, musculos, qui facta amputatione membri os obtegeant, ita ver-  
sus coxam retractos reperi, ut os plus quam duos digitos in latitudine  
posi-

positos ante carnem prominere: ita ut verendum sit, ne prominentia illa ossis molestiam aliquam posthac nobis pariat. Nunc quia in viribus restaurandis, & symptomatibus, quæ gravissima corrigendis, occupatus sum, ægro per dies aliquot adesse cogor: postea Bellicium me, Deo volente, conferam, & in transitu Genevæ de affectu Dn. *Monteilleri*, & de quibusdam aliis rebus prolixè tecum conferam. Vale vir clarissime cum tuis omnibus, quos tecum ex animo saluto. Raptim Coppeti ad lacum Lemannum 4. Februarii 1614.

*Adeundem virum nobilem atq. doctissimum Dn. D. Paulum Offredum, cui Guilhelmus Fabricius Hildanus iterum S. D.*

Magnalia Dei, etiam si in omnibus rebus à Deo creatis appareant, nobilissime atque doctissime mi Dn. *Offrede*, in Medicina tamen præcipuè & luculenter quidem sese patefacere indies exerior. Bellicio enim Coppetum ad ægrum, cujus in postremis meis ad te literis mentionem feci, rediens, cum nihil magis expectarem, quam corpus ipsius jamdudum terræ, animam verò Deo consecratum fuisse (quandoquidem præter prostrationem, & summam labefactionem virium, etiam sudores frigidi, qui, ut divinus *Hippocrates* rectè docuit, mortem pronunciant, aderant) præter spem atque opinionem meam, omniumque adstantiū ipsum rectè valentem inveni. Cum verò truncum inspexissem, os femoris ante carnem adhuc prominens reperi. Qua de re cum iterum supra modum anxius essem, de abscissione cogitare cœpi. Altera itaque die præparatis omnibus, cum os prominens abscindere vellem, & feram juxta truncum apposuissem, illud jam beneficio naturæ separatum esse primo intuitu magna cum lætitia cognovi: quapropter protinus sententiam mutavi, neque puerum, qui supra modum timore perculsus erat, ulterius defatigare volui. Substiti apud ipsum per dies aliquot, ac quæ officula attrahunt applicui, & quotidie os clementer ex una in alteram partem commovi, atque deduxi: Sic quarta die post meum ad ægrum adventum, os magnum atque integrum absque dolore & ita quidem extraxi, ut ne guttula quidem sanguinis sequuta sit. Longitudinem autem atque formam hujus ossis hic adumbrare volui.


A. pars

C.

B.

A.

A.



A. pars ossis est versus genu, quo in loco abscissum fuerat.

A litera A. usque ad B. pars ossis est, quæ per duos ferè menses à carne denudata fuerat: Post operationem enim, ut in præcedentibus meis ad te literis scipſi, musculi versus coxam retrahebantur, ita ut os à carne, imò & ab ipso perioſtio nudum conspiceretur.

Pars verò ossis à B. usque ad C. in ipsis musculis abscondita remanserat, donec tandem beneficio naturæ in medio ferè ipsius femoris separatum esset. Quod autem uatura os femoris per se ita separaverit, profectò admiratione non vacat, imprimis quia durissimum ac solidum, æger verò naturâ supra modum imbecillis, & cum præ virium prostratione vix spirare posset: adde etiam, quod medicamenta ad locum istû, in quo os decidit, nunquam pervenerint. Ubi iterum divina clementia, atque potentia noranda & celebranda est.

Sed quasnam putas esse causas vir clarissime, quod ita à carne, imò & perioſtio denudatum fuerit os? Ego quid sentiam paucis aune&ſi. Musculos beneficio fibrarum & tendinum, & perioſtii ossibus tenacissimè adhærere sciunt anatomici: non potuit itaque os à carne denudari, nisi erosio fibris & perioſtio. Cæreû etſi sphacelus in ipso genu subsisterit, ibiq; summo naturæ beneficio in sordidissimum ulcus degeneraverit, putredinem tamen longè altius circa os femoris radices suas fixiss:, & os à perioſtio suo denudasse, ex hac historia luce meridiana clarius apparet. Ex quibus videre licet, quàm periculosa & absurda sit opinio atque doctrina eorum, qui membrum demortuum in ipsa carne putrida abscindendum esse docent. Tuam vero, vir doctissime opinio-  
nem, atque sententiam hac de re libenter intelligam.

Nobilis ille Germanus, qui fistula lachrymali laborat, quid agit? Ne incisio illa à Chirurgis proposita te suadente fiat, iterum moneo: idq; propter gravissimas causas, de quibus post hac Deo dante tecum conferam. Utinam videres matronam, quæ etiam nunc hic apud nos vivit, cui ante annos octodecim similem affectum curavi: ab eo n. tempore nullum inco-  
modo huc de re sentit, & non solum à fistula lachrymali, verum etiam ab aliis incommodis uno eodemq; opere liberata fuit. Hæc raptim & inter multas occupationes ad te scribo, instanti n. undina Francofurtenses, quæ in scribendis literis continuo mihi labores plurimos pariunt, quo propter ut tumultuanti, & festi-  
arî calamo ignoscere velis, obnixè rogo. Vale vir nobilissime & doctissime, iterumq; vale & æternum vive cum tuis omnibus, quos tecum ex animo saluto. Lau-  
fannæ 23 Martij 1674.

Gg O B.

Quare os  
ita denuda-  
tū fuerit.

AB:

Membrum  
demortuum  
in carne  
putrida nō  
est abscin-  
dendum.

Fistula la-  
chrymalis.



## OBSERVATIO XCII.

Degangræna ex intemperie frigida & sicca orta.

*Gangræna  
ex intempe-  
rie frigida  
& sicca.*

**D**ominus Jacobus Marcuardus vir probus, ac pius, & Moratensis Archigrammateus, septuaginta circiter annorum ætatis, cum per annos aliquot nodosa podagra, simul & Cheiragra adeo excruciatu fuisset, ut ne si illis quidem amplius incedere posset: Tandem anno 1611. mense augusto frigus quoddam molestum ac stuporem persensit. Cum autem dolor nullus, multo minus intumescitio supervenirent, de morbo suo non usque adeo sollicitus fuit. Tandem aucto paulatim stupore, pes & digiti pedis primò lividi, deinde nigri evaserunt, & gangræna evidentissime sese patefacere cœpit, sensimque versus genu proserpsit. Ego cum quintæ Septembris Moratum ad ipsum accersitus essem, pedem & crus in ipsam sutam usque spaciellatum, & instar carbonis nigrum, frigidum & supra modum siccum extenuatumque reperiri. Dolor tamen nullus aderat: neque ab initio morbi ad illud usque tempus adfuerat inquietudines ferè nullæ; quapropter, dormiebat pro more: appetitus vix depravatus fuit, & vix mutatio aliqua in pulsu persentiri potuit. Rogarunt tum ipse æger tum adstantes, ut amputarem crus, sed ipsorum voluntati parere nolui. Morbum enim penitus insanabilem esse judicavi, primo quia maxima totius corporis extenuatio aderat: secundò quia vires propter ætatem & diuturnitatem doloris, quo toties cum arthritide vexaretur excruciatu fuerat, minimè constarent. Tertiò quia calidum innatum & humidum radicale propter jam dictas causas, non solum in parte affecta, verumetiam in toto corpore absumptum. At morbi ex siccitate & penuria alimenti, & humidi primigenii ut plurimum insanabiles sunt. Quapropter convulsio à veratroyitem ea quæ post ardentes febres supervenit, teste Hippocrate, lethalis est.

*Lib. 2 aphor. 26  
lib. 5 aphor. 22*

Post meum abitum barbironforem in consilium vocarunt, is spreto omnibus, quæ ego de essentia morbi exposueram, & de eventu prædixeram, ipsius persuadebat, auctum non usque adeo gravem esse & amputato membro omnia salva affirmabat. Ex consensu itaque ægri & amicorū crus abscidit. In ipsa autè operatione ægrum mirum in modum

cor-

cordatum fuisse postea mihi adstantibus relatum fuit: sed eventus talis fuit, qualem ego prædixeram. Post dies enim aliquot ab amburato membro, gangræna truncum iterum invasit, sensumque altius profertur, ita ut paulo post piè placideque expiraret.

## OBSERVATIO XCIII.

De gravissima quadam combustione, ejusdémque felicissima curatione.

*Viro clarissimo atq. doctissimo Dn. D. PETRO PAVIO Anatomica & Botanica scientiarum in inclita Academia Lugdunensi Bazarorum Professori longè celeberrimo, amico suo æternum honorando, GUILHELMUS FABRICIUS Hildanus S. P. D.*

ET si ab eo tempore, quo Lugduni in ædibus tuis longè humanissime me excepisti, Vir amplissime atque doctissime, de tuo erga me amore ac benevolentia nunquam mihi dubium fuit: quotidie tamen singulare erga me studium tuum, magis magisque mihi innotescit. Testes sunt literæ tuæ, quas deinceps ad me dedisti: testis quoque est opus tuum de ossibus, quod non ita pridem dono mihi misisti. Non characeum, aut ossium profectò, sed aureum misisti munus, ad eò mihi charum, acceptumque est, non solum propter doctrinam, quâ vehementer oblector, verum etiam, quia à tanto amico proficiscitur. Ab amico, inquam, sincero, qui de me, quamvis immeriti, tam honorificè mentionem facit. Sed quidnam ego rependere, aut quam in re amplissimo Viro gratificari potero, non video: interim tamen studium omne meum, atque ingenium ad humanitatem tuam celebrandam, conferam, tibi que, si aliqua in re gratificari potero, non deero officio meo. Vix credas, quam me exhilarant præclara illa scripta tua, quæ ad finem præfationis libri tui de ossibus, promittis, quæque avidè expecto. Faxit Deus Opt. Max. ut brevi lucè videre possint. Propterea, queso, Vir amplissime, ne sinas, ut illa, quæ tot laboribus, totque curis ac vigiliis concepisti, quæque & tecum nata sunt, tecum quoque moriantur. Non nobis, sed Deo & proximo nati sumus; nec malevolorum ac sceleratorum, invidiosorumque hominum, qui (nescio quo nam spi-

Situ diabolico ducti) leoninis dentibus aliorum scripta libenter discerarent, totumque, ut ita dicam, orbem viris probis orbarent, habenda est ratio: sed clavus testis testis est. *Galenus* suos quoque habuit adversarios, suosque antagonistas habuit *Homerus*; imò & *Salvator noster Jesus Christus*. Sed deflexeruntne à proposito? minimè. Tu itaque Vir amplissime aude & ter quoque perge, omnemque cunctationem abjice: omnibus, sine omni dubio, probis viris, quibus gloria, Dei utilitasque proximi cordi est, rem facies gratissimam.

● *Observa.* Cæterum cum libellum meum de combustionibus tibi gratum acceptumque fuisse, ipsiusque lectionem (uti literæ tuæ Coloniam ad me datæ, testantur) te oblectasse sciam, intermittere non potui, quin tibi sequentem casum, revera non vulgarem communicarem.

Anno 1616. 10. Octobris, excellentissimi ac prudentissimi Viri Dn, *Antonii à Grassenried*, inclytæ Reipublicæ Bernensis Quæstoris ancilla, cum puerulo, qui vesperti pede altero in vas aquæ ferventis plenū illapsus erat, succurrere veller, ipsa incautior, vas totum evertit, ita ut tibia sinistra ad genu usque & supra, mirum in modum aqua adureretur, unde totum crus ad imam usque pedis plantam, propter doloris vehementiam mirum in modum intumuit. Ab initio applicata fuerunt linthea in spiritu vini madefacta, ex quorum usu tumor quidem nonnihil remisit: verùm ægra cum sequentibus diebus à locis frigidis sibi non temperaret, factum est, ut dolores, inflammatio, aliæque symptomata indies majus incrementum sumpserint. Ego cum quarta die morbi advocatus essem, ipsam febricitantem inveni, dolores, inflammationes & inquietudines aderant maximæ, & totum crus ad femur usque supra modum intumefactum erat. Præscripta optima victus ratione, & loco vini decocto agrimonix & veronicæ propinato, circa nonam noctis potiunculam anodynam exhibui. Altera die clementer corpus expurgavi. Topica hæc fuerunt: ubi cunque epidermis nondum separata erat, unguentum sequens applicui:

Unctio  
ad. rubra

℞. Cera crudæ ʒjß.

salis

saponis Venetialbiana ʒj.

Misceantur in mortario, fiatque unguentum cum oleo rosaceo & amygdalarum dulcium.

Deinde toti cruri, pedi, imò ipsi genu sequens cataplasma calidè applicui.

ʒ. farinæ hordei &  
 fabarum ana ʒvj.  
 farinæ seminis sænugræci ʒj.  
 cydoniorum ʒß.  
 fol. & radic. Althææ  
 Malvæ pulverisatæ ana ʒjß.  
 radic. cutcumæ pulveris ʒß.  
 croci ʒj.  
 butyri recentis ʒiiij.

*Cataplasma.*

Pulveres seminis sænugræci & cydoniorum primò aqua parum coquantur, quæ cum iterum refrigerata fuerit, reliquæ farinæ & pulveres una cum butyro adjiciantur, coquanturque ad consistentiam cataplasmatismatis cum s. q. lactis vaccini: tandem admisceantur vitelli ovorum numero duo, appliceturque calidè.

Ab initio, ut impetum humorum, qui ex corpore defluebant impedirem (erat enim valdè caco-chymica) defensivum supra genu applicui, ac per intervalla potiunculam anodynam propinavi, nec non corpus semel atque iterum expurgavi. His per dies aliquot adhibitis medicamentis, etiamsi nullum adesset ulcus profundum, sed ipsa solummodo epidermis separata, tam copiosè tamen (quod diligenter notandum) pus album, æquale, ac optimum effluere cœpit ut incredibile sit. Ausus enim sum affirmare & ipsi domestici testes sunt oculares, quotiescunq; affectum curavimus, curavimus autem ipsum bis in die, plus quam semilibram puris in ipsis linteaminibus, & emplastris repertum fuisse, idque per multos dies continuasse: Tandem sensim diminuta quantitate illa puris, paulatim desiccata est cutis, ita ut intra hebdomadas quinque curationem hancce feliciter, plenissimeque absolverim. Interim autem dum pus ita copiosè effluxit, cataplasmate usus sum, imò & aliquibus in locis, veluti in pede, & circa talum usque ad finem curationis. Applicui tamen & nonnullis aliis in locis magis humidis, circa finem curationis linimenta exsiccantia veluti unguentum de cerusa, de minio & similia. Non ita pridem filiolum Dn. Pierre Bouvier civis Lausannensis, decem mensium ætatis, cui tibia aqua fervente combusta fuit, eadem methodo feliciter restitui, ubi similiter pus supra modum copiosè effluxit. Cæterum annotatione dignum est, tantam copiam puris cum nullum adesset ulcus per ipsos poros effluxisse: Ex quibus perspicuum fit, quantum methodus hæc differat ab illa, pas-

*Maxima  
 puris copia  
 per poros ef-  
 fluxit.*

*Observas.*



*In combustionibus  
frigida non  
applicanda.*

sim à prædictis usurpata. Si enim hæc frigida applicata fuissent, materia illa procul dubio tam copiosè non effluxisset: sed in ipsa parte affecta retenta fuisset, maximo ipsius ægræ damno: tandem enim in ipsis vasibus, & musculis putrefacta, & acris reddita materia, inflammatio, & caloris nativi extinctio, aut ad minimum herpes exedens, uti juveni cuidam, cujus cent. 1. observatio. 99. memini, accidit, sequuta fuisset. De gravissimo quodam, ac lethali vulnere in puella quadam, quæ hic in xenodochio obiit, & quanta cum facilitate in dissectione cadaveris vulvulam illam ad principium colli invenerim, alias ad te scribam, nunc enim ne epistolæ limites excedam, finem faciam. Vale vir amplissime, & æternum vive. Bernæ 1. Maji 1617.

## OBSERVATIO XCIV.

Quidam ex combustionem pulveris tormentarii  
sphacelo totius ferè corporis corripitur, ac intra  
horas duodecim naturæ satisfacit.

*Ad Virum præstantissimum atque doctissimum Dn. EMANUE-  
LEM URSTISIUM artium liberalium Magistrum, cui GUIL-  
HELMUS FABRICIUS Hildanus S. P. D.*

INtra mensem, aut circiter, præstantissime atque doctissime Dn. Urstius binas ad te dedi literas. In prioribus, ut aërem mutares, & huc ad nos venires, hortatus sum: quod nunc quoque facio. Postremis (quas ante dies octo misi) delineationem viri scævi mortui, quem ante menses duos feliciter hic extraxi, inclusi. An verò literas acceperis, mihi non constat. Postmodum casum non vulgarem videre contigit, quem tibi communicare non gravabor.

Hæc, qui fuit tertius hujus mæsis, juvenis quidam viginti circiter annorum ætatis, cum noctu pulverem tormentarium pararet, subimet ipsi tormentum exitiosum mortaleque paravit. In tabulam enim ligneam ad libras usque quinquaginta pulveris tormentarii, qui nondum penitus exsiccatus, insperferat. Verum cum in eodem conclavi, circa horam quartam matutinam quieti sese tradidisset, & candelam

in tabulam ipsam, cui pulverem insperferat, posuisset, ac paulò post scintilla ex candela in pulverem cecidisset, protinus ita incensus fuit, ut parrem domus disrumperet, stramina quinetiam læti, in quo miser ille nudus jacebat, incenderet. Corpus cum ita esset in medio flammæ, accurrit ipsius socius (qui ab eodem pulvere graviter quoque læsus est) is copiosè affusâ aquâ, ignem extinxit, miserumque ex Vulcani faucibus eripuit. Nihilominus tamen dolores acerbissimi, protinus ac paulò post virium quoque prostratio supervenerunt. Ego eadem die circiter horam tertiam pomeridianam acceffit, hominem in agone mortis inveni. Calor nativus cum propter vehementiam flammæ, & etiam propter copiosè affusam aquam frigidissimam adeò erat extinctus, ut totum corpus (quod undique intumefactum erat) ne pectus, aut ventrem quidè excipio, frigidissimum, nigrum spacelatumq; esset. Pulsus nullus percipi potuit, ita ut paulò post è vita discederet. Vale vir præstantissime & saluta meæ & uxoris meæ nomine amicos omnes. Raptim Lausannæ 4 Februarii 1611.

## OBSERVATIO XCV.

Ossa propter causas externas denudata, non semper alterari, cariemque contrahere, exemplis demonstratur.

**O**ssis cariem unam ex præcipuis esse causas, quæ vulnere, & ulcerum consolidationem impediunt, etiam mediocriter in Chirurgicis exercitatis, notissimum est. Corruptur autem ossa aut à causis externis, aut internis. A causâ externa quotiescunque in vulneribus profundis, & magnis os à carne, & periostio suo denudatum est: tunc enim ratione aëris ambientis corrumpitur: Si enim calidior quam pro temperamento ossis convenit, fuerit, vitalem spiritum ossis, humidum quæ innatum absument, sitque aridum & cariosum. Ita etiam, si nimis frigidus fuerit, emoriatur superficies ossis, propterea quod humidum radicale ratione frigoris veluti gelatum, & ad caloris pabulum ineptum factum sit. Corruptur quoque si oleosis, putrefacientia, & acia medicamenta applicata fuerint.

*Ossa corrumpuntur aut à causâ externa aut interna.*

*Ossa corruptum sunt.*

Interna

Interna caussa est, cum acris humor circa aliquam partem ossis collectus fuerit, ossaque eraserit: quemadmodum accidere videmus in abscessibus putridis, præcipuè ex luse venerea, & variolis ortis. Verùm de hac caussa alias, nunc de externa solummodò agere constitui.

Cæterum nonnullos, & quidem non vulgares vidi Medicos atque Chirugos, qui in hac fuerunt opinione, ossibus etiam in recentibus vulneribus denudatis non posse adnasci carnem, nisi ipsorum superficies naturæ, & medicamentorum beneficio in squamam abierit. Quapropter quamplurimum ipsis vulnus cum osse denudato: occurrebat, illud per dies aliquot ad cruorem usque scalpri abradebant, aut circa medicamenta, veluti oleum sulphuris, vitrioli, aquam fortem, & similia applicabant, ac proinde ex simplici vulnere non raro ulcus malignum efficiebant. Oleum enim vitrioli, sulphuris, & aqua fortis, propter ipsorum ingentem calorem, ac edinem, ac vim causticam humidum innatum ossis absumunt, idque non superficiet enus tantum (mirum in modum enim penetrant ad vicinas partes) verum etiam profundè, quemadmodum videmus in dentibus cariosis. Si enim horum medicamentorum aliquod denti carioso positum fuerit, remittit quidem dolor ad tempus, interim tamen caries non castigatur, sed deus sui usque radicem brevi omnino eroditur. Et si autem aer adversissimus sit ossibus denudatis, attamen ut ab ipso alterentur, & corrumpantur, non semper sequitur, præsertim si Chirurgus diligentem curam circa vulnus adhibuerit, nec quicquam acre applicuerit, idque et si multis exemplis demonstrare possem, unum tamen, aut alterum, ne nimis tædiosa sit lectio, saltem addere constitui.

*Non semper  
ab aëre ex-  
serno ossa  
alterantur.*

### Exemplum I.

Anno 1582. ego adhuc juvenis, cum apud præstantissimum, atque excellentissimum virum Dn. *Cosmam Scotanum* Chirurgiæ studio operam darem, & ab ipso in pagum *Langenberg* in Marchia ad ægros quosdã curandos missus essem, incidit mihi in manus quinquagenarius quidam, cui cutis simul & pericranium ictu baculi lignei à toto ferè bregmate sinistro abstractum, separatumque fuit, absque ullâ tamen con-

*Curatio cõ-  
sussionis in  
capite cum  
cranio de-  
nudato.*

fusionem cerebri, aut fractionem cranei.

Curationem sic institui. Primò albumen ovi, pulveri rosarum mixtum ad sanguinis fluxum cohibendum vulneri imposui; eutemque carnosam, quæ ad aurem ferè usque dependebat, quantum fieri potuit

in

in altum reduxi. Alvum quæ adstricta, eadem die Suppositorio subduxi & venam in brachio sinistro incidi. Altera die sequens lenitivum exhibui.

*Purgatio.*

℞. foliorum & florum betonicæ.

fol. agrimonie

veronicæ

scabiosæ ana M.ß.

℥ol. senæ.

sem. anisi an ʒ ij.

Coquantur in aqua ut colatura redeat ad ʒ iij in quibus dissolve electuarii de succo rosar. m℥. ʒ ij.

syrupi rosarum solutivi simplicis ʒ j.

Misce fiat potio.

*Nota.*

Quotiescunque autem curabam vulnus, ne os ab injuria aëris ambientis læderetur, famulum constitui, qui sartagine munitis impletam è regione vulneris tenebat. Os detectum diligenter filamentis siccis obtegi, labiis verò vulneris ad decimum quartum scilicet diem sequens digestivum imposui.

*Digestivum.*

℞. cetræ novæ

colophonie

gummi elemiana ʒ j.

terebinth. ʒ vj.

ol. rosarum &

de vitellis ovorum ana quantum satis.

Dissolvantur omnia simul & percipientur admisceanturque croci ʒ ß.

vitellum ovium unum

Misce fiatque linimentum.

Prospiciendum autem, ne unguentum hoc nimis sit liquidum, neve ad os persuat, quapropter filamentis illud parce, & labiis solummodo applicui, quod reliquum erat vulneris, filamentis siccis ac mundis inplevi, omniaque emplastro Basilicone obtegi, totumque caput oleo rosaceo inunxi. Hoc modo cum per dies aliquot vulnus quotidie curassem; tandem undique in ipso cranio denudato, maculæ rubræ, veluti si illud sanguine conspersum fuisset, apparebant. Hæ cum in singulis horas accrevissent, brevi in substantiam carneam abierunt quamvis spongiosam: quæ intra paucos dies cranium denudatum undique obtegit. Tum sequentem pulverem inspersi.

Hh

℞. flo-



℞. florum betonicæ  
salviæ  
rosarum ana ʒj ʒ.

Rad. iridis Florent.  
cariophyllatæ  
ligni cassiæ  
masticis  
thuris ana ʒij  
croci ʒj

Misce fiat pulvis tenuissimus.

Tandem quoque emplastrum de betonica applicui. Sic intra mensem curatum fuit ingens hocce vulnus, sine ulla ossis deperditione.

*Filamenta  
pro vulne-  
ribus capi-  
tu quo mo-  
do prepa-  
randa.*

Filamenta autem quibus utor in vulneribus capitis, sequenti modo præparare consuevi. Accipio telam contritam, & ad filamenta paranda aptam, eamque sequentibus aquis imbuo, iterum in umbra exsicco, idque ter aut quater repeto, tandemque ex tela illa filamenta conficio.

℞. aquæ betonicæ  
salviæ  
lavendulæ  
rosar. odoriferar. an ʒj  
cinnamoni  
ligni cassiæ  
styracis calami itæ  
benzoini ana ʒj

Pulverisentur, & cum prædictis aquis commisceantur ad usum.

### Exemplum II.

Anno 1616. Dn. *Johan Rudolphi Huberi* Reipublicæ Bernensis Consiliarii, & Tribunis plebis prudentissimi filiolus *Nicolaus* nomine, trium circiter annorum ætatis, cum ex alto cecidisset, & panniculum carnosum inter futuram coronalem, & fontem, versus sinistram partem à cranio separasset, craniumque ad latitudinem palmæ ferè denudatum fuisset, præcedente methodo vulnus feliciter sanavi,

absque ulla ossis deperditione.

## Exemplum III.

Anno 1600. puella quædam octodecim mensium ætatis, Lausannæ in torrentem cum cecidisset, & capite in unam & alteram partem contra rupes projecta fuisset; tanta sequuta est capitis contusio, ut propter puris copiam panniculum musculosum circa bregma sinistrum tribus in locis incidere coactus essem. Incisa cute, cranium nō solum denudatum, verum etiam depressum, non tamen fractum reperi. Puerorum enim crania nonnunquam absque ulla fractura deprimuntur.

/X/:

Sic autem processit: præter universalia bis in die caput sequenti linimento inunxi: *Linimentum.*

℞. ol. rosac.

mytilorum ana ℥ ij.

chamomil.

amygdalarum dulcium ana ℥ j.

gummi eleni ℥ j.

Misceantur lentissimo igne usq; dum gummi elemi dissolutum fuerit, tum per linteum colentur, reserventurque in ampulla vitrea ad usum.

Cranio filamenta sicca, præscripto modo præparata, labiis vero vulneris præscriptum digestivum, totoque capiti sequens cataplasma calidè applicui: *Cataplasma.*

℞. farinæ fabarum

hordei ana ℥ ij.

pulv. florum &amp; folior. betonicæ

salviæ

rosarum

mytilorum

stæchad. ana ℥ j.

sap. ℥ ij.

Coquatur in vino cubro ad formam cataplasmatidis, adde sub finem

pulv. radicis cariophyllatæ

calami aromatici ana ℥ ij.

croci. ℥ j.

vitellos ovorum num. tres.

Misce fiat cataplasma: applicetur calidè.

Ab initio autem, & quidem spacio quindécim dierum, cum pus co-

H h 2 piose

*Impressio  
cranis quo-  
modo cu-  
rata.*

piosè efflueret, jussi, ut mater singulis, ut ita dicam, momentis, digitis os naresque clauderet: idque in hunc finem, ut retentis spiritibus cerebrum inflaretur, impressionemque cranii in situm naturalem reduceret.

Elapso decimo quinto, loco prædicti digestivi, sequens unguentum vulneribus imposui.

℞. pulv. radicum angelicæ  
cariophyllatæ  
iridis Florent.  
aristolochiæ rotundæ ana ℥j.  
cinnamomi electi &  
ligni sassafras ana ℥ij.  
extracti betonicæ &  
salviæ ana ℥ij.  
croci ℥j.

Cum r. ellet rosato quantum satis fiat unguentum. Post usum cataplasmatis emplastrum de betonica applicui.

Præscriptis adhibitis remediis, impressum cranium non tantum in naturalem situm rediit; verum etiam vulnera brevi coalesuerunt, neque squamæ ullæ ossis exciderunt: & in integrum ita restituta fuit puella, ut ad annum 1613. (quo anno peste obiit) vixerit.

#### *Exemplum IV.*

Puellæ cuidam Bernenis, filiæ Dn. *Jona Weis*, simile vulnus contusum cum cranii denudatione, simili methodo, similibusque remediis feliciter curavi, sine ossis deperditione.

#### *Exemplum V.*

Crura quamvis excrementitios humores ex toto corpore faciliè recipiant, idem tamen & circa tibiærum & crurum vulnera observavi, uti sequens historia fidem facit. Rusticus quidam *Montagni* in ditione Reipublicæ *Freiburgensis* Helvetiorum, vulnus maximum ex maxima confusione in sinistram tibiæm recepit. Paterniacum cum mihi adductus esset, os multum denudatum inveni. Dolor (vulnus enim ab initio neglexerat) maximus, inflammatio, intumescitio totius cruris aderant. Convenientibus adhibitis remediis, in integrum restitutus fuit, absque ulla ossis deperditione. ?

*Exem-*

## Exemplum VI.

Anno 1615. quidam ex domesticis illustris Viri Dn. *Castilionis* serenissimi Regis Galliarum Consiliarii prudentissimi, & apud Helverios Legali vigilantissimi. *Bartholomaeus* nomine, juvenis viginti annorum ætatis & robustus, cum ictu securis vulnus in dextrum crus accepisset, facileque majus usque ad medullam ferè fissum, & nihil curandus commissus fuisset; restitcto sanguine, corpus eodem die electuario de succo rosarum, nec non syrupo rosato solutivo, cum aqua cichorei dissoluto expurgavi: altero die venam in brachio dextro incidi: in superficie vulneris digestivum, quale ante descripsi, ossi verò filamenta sicca imposui, totum crus ad coxam usque oleo rosaceo inunxi, & sequens cataplasma applicui:

*Cataplasma.*

℞. farinæ hordei ℥vj.  
pulv. rosar. rubear.  
myrtillorum ana ℥j.  
bolialbi ℥ij.

Cum aceto rosaceo & aqua, fiat cataplasma, sub finem adde albumen simul & vitellum unius ovi; Misceantur, fiatque cataplasma.

Processum illum ante decimum quartum non mutavi. Deinde quæ cicatricem inducunt, applicui. Hisce remediis in integrum restitutus fuit, nullo superveniente symptomate. Partem autem illam ossis, quæ ad medullam usque ferè separata, & in altum elevata erat, fasciis, laminisque plurabeis paulatim clementerque depressi, ita ut medianre collo iterum annexa fuerit, & ne festuca quidem ossis exciderit.

## OBSERVATIO XCVI.

Ossa propter causas internas denudata non semper squamam abjicere, exemplis demonstratur.

EX causis quoque internis ossa plerumque cariem contrahunt, præcipuè si humor aliquis acris, aut putridus diutius in aliquam partem corporis defluerit, & abscessum procreaverit. Ossa enim etiam omnium partium corporis sint durissima, attamen successu temporis ab ejusmodi humoribus defluentibus corrumpuntur, quemad-

*Ex causis internis ossa cariem contrahunt.*

Hh 3 modum



Hipp. lib 6  
aphor. 45.

modum cadentes guttas pertundere saxa videmus. Quapropter-  
 & Hippocrates scriptum reliquit: Ulcera quæcunque annua sunt, quæ-  
 que per annum integrum durant, aut etiam diuturniora, os abscedere  
 est necessarium. Nam cum hæc ipsa sint maligna, necesse ut non tan-  
 tum caro ipsa, verum etiam os corrumpatur, & abscedat. In lue vene-  
 rea, item in variolis, aliisque abscessibus putridis sæpissimè id observa-  
 tur.

Euphorbiū  
ad cariem  
ossis.

Quotiescunque autem ossa ex huiusmodi caussis denudantur, ut-  
 plurimum corrumpuntur, antequam caro & cutis ipsa (uti non raro  
 mihi observare contigit) exulcerantur: nec coalescit vulnus, nisi caries  
 ossis prius ablata fuerit. Id autem commodè fiet, si labia ulceris spon-  
 giis præparatis aperta retineantur, & pulvis euphorbii quotidie insper-  
 gatur: vix enim quicquam præstantius ad cariem ossis auferendam oc-  
 currit euphorbio, quemadmodum observatione 92. centuriæ primæ  
 observationum mearum fusius declaravimus. Est enim calidum usque  
 in quartum gradum: quapropter humores ossi imbutos exsiccat: neq;  
 ad partes sanas penetrat, uti faciunt oleum vitrioli & aqua fortis, quæ-  
 admodum in precedente observatione annotavimus. Hac methodo  
 aliquando cariem ossis emendavi, ubi nulla excidit squama. Euphor-  
 bium enim paulatim, cum insigniter exsiccando, tum etiam à quadam  
 proprietate occulta, ossa corrigit, & quicquid carioli cum pure effluit.  
 Hujus rei exemplum mihi Anno 1600. in puella duorum circiter au-  
 norum ætatis, & filia Dn. Petri Sylvii Viviacensis, ad lacum Lemannum  
 videre contigit. Huic puellæ enim cum post variolas abscessus ingens  
 circa cubitum sinistrum supervenisset, Lausannam mihi adducta fuit.  
 Apertâ vomica, os denudatum & cariosum repertum fuit. Ex una por-  
 tione ulceris, ubi profunda erat caries, naturæ atque euphorbii be-  
 neficio squama decidit: reliquam verò cariem natura sensim, & qui-  
 dem insensibiliter correxit, ita ut plenissimè convaluerit ægra, neque  
 ad hunc usque annum 1614. quo hæc scribo, ullum incommodum hac  
 de re perferat.

Observatio.

Os cario-  
sum.

Observatio.

Eodem anno cum Dn. Joachimi Rohaud, pharmacopolæ Lausannen-  
 sis filia duorum annorum ætatis, ulcus ex variolis contraxisset, mihi quæ  
 adducta fuisset, os denudatum, & cariosum reperi. Præscriptis adhibi-  
 tis medicamentis, ulcus absque ulla manifesta ossis separatione sana-  
 tum fuit. Manifesta, inquam, quandoquidem fieri non potest, ut os  
 cariosum carne laudabili obtegatur, & ulcus cicatrice obducatur, nisi  
 prius

Nota.

pius ablata carie. Sensim itaque naturæ, & medicamentorum beneficio quicquid cariosum, separatur, & veluti pulverulentum quid cum pure effluit.

Hæc ingratiam iveronum adscribere visum est, ne ægros cauteriis aqualibus, scapris, aut medicamentis erodentibus faciliè excrucient.

## OBSERVATIO XCVII.

In qua, in magnis ossium comminutionibus, atque contritionibus, etiam post multos annos fragmenta ossium prorumpere, exemplo demonstrabitur.

*Viro clarissimo, atque doctissimo Dn. SEBASTIANO MEYERO  
Reipub. Solodurensis D. Medico ordinario, GUILHELMUS  
FABRICIUS Hildanus S. P. D.*

**I**nclusas quas nunc ad te mitto literas vir clarissime, ante menses tres ad te scripseram. Cum verò (nescio quonam infortunio id acciderit) per dies aliquot retentæ fuissent, ac interim ego Bellicium ad egregium virum Dn. *Claudium Monteillerum*, ibidem procuratorem vocatus fuisssem, in reditu meo ante dies aliquot iterum ad manus meas pervenerunt. Vides quanta sit tabellariorum negligentia! Interim ne longum silentium meum ægrè feras, obnixè rogo. In isto autem itinere nonnulla annotatione digna, & quidem ad materiam illam, de cancro, quam ante hac inter nos literis tractavimus, spectantia, occurrerunt, de quibus Deo volente, post hæc tecum communicabo. Nunc tamen ne nudas plinè mitterem literas, hunc in praxi utilissimum, & annotatione dignissimum accipe casum.

Strenuus quidè & generoso animo præditus miles *Petrus Gautier* nomine, cum ante annos 20. in Gallis exercitum duceret, in obsidione & aggressu oppidi cuiusdam, istum sclopeti recepit. Globulus autem in *istius sclopeti* regione hepatis, & quidem ad latus musculi recti, latitudine circiter digitorum sex supra umbilicum intraverat, & trajecto musculo obliquo, simul & transverso abdominis (illis tamen visceribus inter-

nis

nis) superficiem ossis ilei propè os sacrum perforavit, ibidemque ad ipsam cutem remansit. Altera tamen die levi à Chirurgo facta incisione cutis, extractus fuit.

Ab initio etsi gravissima sudervenirent symptomata nonnulla, vulnus tamen è regione hepatis existens, brevi consolidatum fuit, neque ab eo tempore ullum incommodum ægro attulit. Alterum verò ulcus in ipsa superficie ossis ilei, etsi Chirurgus illud ab initio & methodicè, & eà, quàm fieri potuit, diligentia curasset, & ossicula nonnulla comminuta ex ipso extraxisset, tandemque quoque ed cicatricè perduxisset: post annos tamen circiter duos, cum æger febre maximisq; rigotib. & bubone in inguine correptus fuisset, iterum dolor ingens, inflammatio insignis, atque intumescitio, in loco prioris vulneris circa superficiem ossis ilei exorta est. Advocatus Chirurgus, illam adhibuit diligentiam, ut tumor ille paulò ad suppurationem pervenerit: quo rupto multum puris inde effluxit; ossicula quoque nonnulla, quæ sese ultro offerebant à Chirurgo absque ulla violentia extracta fuere: ac brevi iterum consolidato vulnere, æger convaluit.

Ab eo tempore, etsi aliquoties iisdem symptomatibus corripereetur æger, & diversorum, & quidem in artis operibus exercitatisimorum Medicorum atque Chirurgorum curis sese submitterer; hæc tamen nullus, ut ferrum & ignis adhiberetur, in dè ne *Grisonium* quidem excellentissimus atque exercitatisimus ille Chirurgus suavit. Ante mensem postquam ulcus denuò plus quàm per annum integrum clausum fuisset, ac eisdem symptomatibus corripereetur æger, tandemque apertum fuisset ulcus, ne c non multum puris effluxisset Bellicium se contulit, meque in consilium adhibuit. Tum immisso stylo exploratorio, fragmentum ossis in imo vulneris statim inveni. Quapropter suasi, ut adhibitis universalibus ulcus clementer, & absque dolore dilataretur, donec ossa confRACTA, & quidem illa inprimis, quæ stylo inveniebantur, extrahi possent. Quid verò facturus sit, & an consilio meo in posterum obtemperaturus, nescio: ego enim propter festinationem, curationem isto in loco à familia mea remoto suscipere non potui. Deinde etiam, si prædicta symptomata per intervalla, & ut plurimum de secundo in secundum annum recurrant, malumque iterum recrudescat, & ossicula ejiciantur, quia tamen non usque ad dè malum hoc ipsi molestum est, & ulcus iterum faciliè coalescit, non magnoperè hac de re sollicitus est æger. Est præterea vir robustissimus & optimo corporis habitu præditus, morbisque parum obnoxius. Hæc

Hæc in eum finem ad te scribo, ut inde videas, in maximis illis contritionibus, & comminationibus ossium, ut alibi fusius monstravi, post multos etiã annos ossicula confracta ex vulnerib. protũpere, ac proinde quã incircumspectè Chirurgus ille circa affectum nobilissimi viri Dn. *Wallerii*, processerit. Ille autem, quomodo nunc se habeat, ut ex nobilissimo viro Dn. *Philippo à Staphiaco* Dn. in Molondins expiscari, & maturè ad me rescribere velis, platum rogo. De literis Dn. D. *Döringii*, quarum in superioribus meis ad te literis mentionem feci, ne sis sollicitus, illas enim per aliam commoditatem misi. Vale vir clarissime cum tuis omnibus, quos tecum ego & *Colineta mea* peramanter salutamus. *Laufannæ 18. Martii 1614.*

*Vide histo-  
riam de  
gravissimo  
vulnere  
scelopeti.*

## OBSERVATIO XCVIII.

De usu corticum arborum loco ferularum in fracturis ossium, & in commodis inde subsequutis.

Corticæ arborum in fracturis ossium loco ferularum in usum quoque receptas esse, sciunt Practici. Ego verò eas ob causas, quas mox annexam planè improbo.

Anno 1587. Nobilis quidam *Chamveriacensis Claude de Combe* nomine ex Germania rediens *Laufannam*, ex ictu equi fracturam tibie cum vulnere contraxit. Ego accersitus fracturam reposui, ægrumque in lectica ad urbem conduxi: ubi cum in diversorio ad crucem albam, per dies aliquot permanisset, ut ipsum ad ædes suas conducerem, petiit. Porro in via transeundo Romiliacum Sabaudie oppidum, Empiricus quidam (quem in ossium fracturis, & dislocationibus reponendis ad cælum usque extollebat vulgus) ægro adductus fuit. Præcedenti autem die propter maximum æstum, erat enim sub finem mensis Augusti, suasu, nè dicam jussu ægri, loco ferularum cortices recentes salicis applicueram. Solutis itaque fasciis præsentē Empirico, impressio quædam in parte musculosa haud longe à poplite conspecta fuit: qua visa arrogans ille Empiricus (me ob juvenilem ætatem in hac parte Chirurgiæ imperitum, & inexpertum judicans) ossa illa confracta non satis accurate à me resposita fuisse inde collegit: ac ægro persuade-



re cepit, ut de novo tibia extenderetur, ossa que contracta, & suis locis remota in situm naturalem reponerentur, Ego, etiam si fracturam plenissime restitutam esse, neque eo in loco in quo Empiricus fracturam sibi ~~ssim~~ imaginabatur, unquam os male affectum fuisse, sed impressionem illam, atque foveam ratione corticum accidisse satis scirem: tamen quia de honore, atque exultatione mea agebatur, supra modum fui anxius. Tandem ægrum & adstantes, ut negotium in sequentem diem differrent, admonui, hisce adductis rationibus: primò quia æger defatigatus: deinde quoque quia operationes nunquam vespertino tempore, nisi maxima urgente necessitate admittenda. Opinioni meæ cum clarissimus, ac longe doctissimus vir Dn. *Claudius Veretio* I. V. Doctor iudex ordinarius Episcopatus Mauriacensis, & advocatus in supremo senatu Sabaudie, ægri gener (qui eadem die chamberiaco socero suo obviam venerat) subscripsisset, & ut operatio in sequentem diem produceretur, æger consensisset, protinus totum crus, & ipsum femur oleo rosaceo, & myrtillorem inunxi: ut aurem eo melius penetrarent, atque influxos humores repellerent oleo, guttulam unam aut alteram a ~~seti~~ rosacei ad junxi. Inuncto crure, illud à pede usque ad genu fasciâ sequenti decocto madefacta involvi, medio ~~z~~riterque constrinxi, idque in eum finem, ut humorem influxum, ibidemque veluti congestum exprimerem.

Æ. folior. & radic. plantaginis majoris.  
 summitatum rubi  
 rosarum  
 myrtillorem  
 foliorum salicis  
 prunorum sylvestrana M. j.  
 absinthii  
 rosmarini  
 salvia M. ß.

Coquantur in aqua ad consumptionem tertie partis: Colaturæ adde pœm accri. Post ferulas ~~stupa~~ stupis in volutas fracturæ iterum circumposui, ac mediocriter constrinxi, tibiamque in capsulam, quâ in via usus fuerat æger, collocavi. Lectum ita sternere iussit ut crus male affectum, natibus nonnihil altius jaceret, & influxi humores sursum refluere possent. Illa nocte optimè quievit, nec sensit dolor. Altera die solutis fasciis, nulla inæqualitas, nullaque depressio, aut fovea reperi-

ta, inficitia nec non arrogantia aut potius impudentia hujus empirici  
 in me habuit. Conduxi ipsum chamberiacum, ibique per duos men-  
 ses apud ipsum moram traxi, curationemque divino favore feliciter  
 absolvi. Ab eo tempore cortices arborum, in primis recentes, loco fe-  
 rularum nunquam applicare volui. Hæc quia in superioribus observa-  
 tionibus de fracturis, ossium egimus, in gratiam tyronum adscribere  
 volui, eosque adhortor, ut hac in re cautè, & circumspèctè agant. Cor-  
 tices enim cum exsiccantur, circa fracturam contrahuntur, doloresq;  
 excitant, ossaque nonnunquam suo loco iterum remouent.

*Cortices  
 loco ferula-  
 rum in fra-  
 cturis non  
 adhibenda.*

*A detecta*

## OBSERVATIO XCIX.

Usus emplastri oxycrocei in fracturis ossium non  
 semper tutus: *Præm. v. m. agni li. bispi & catelij:*

VU'gus Chirurgorum in fracturis absque distinctione, statim ab i-  
 nitio, aut post paucos dies emplastrum oxycroceum fracturæ ap-  
 plicare solet: idque non sine ingenti periculo fieri posse, multis qui-  
 dem demonstrare possem exemplis, sed hoc unicum sufficiet.

Adolescens 24. annorum, robustum & biliosum cognovi, cui ti-  
 bia fracta, in manus batibonoris (cujus nomini parco) incidit. Repo-  
 sita fractura primo apparatu emplastrum ex bole armeno, farina hor-  
 dei, & albumine ovi applicuit. Tercio post die deligasset tibiam, & fra-  
 cturam suo loco repositam inuenit, emplastrum oxycroceum admo-  
 vit. Eodem die exortus est pruritus, qui paulatim transit in dolorem  
 vehementem post dies aliquot. Ego vocatus, tibiam inflammata, &  
 pustulis lividis refertam, & ut paucis dicam, gangrænâ infectam repe-  
 ri: undique scarrificata cutis, & remediis, quæ ad gangrænæ curationem  
 faciunt, applicatis, cessavit gangræna. Postea fracturam suis quoque  
 remediis propriis & aptis, divino favore, persanavimus.

*Emplastrum  
 oxycroceum  
 in fracturis  
 non semper  
 tutum.*

Hinc perspicuum fit, usum hujus emplastri periculosum esse in fra-  
 cturis præcipuè autem ab initio fracturarum & dislocationum: est &  
 eò periculosius emplastrum istud, quantum subiectum, hoc est, cor-  
 pus ægri biliosius, calidius, aut pravis humoribus refertum fuerit. Sunt

*Oxycroceū  
emplastrū  
Diabolicū.*

enim ingredientia hujus emplastri ferè omnia calida. Hinc partem affectam calefacit, sanguinemque & humores attrahit, qui, quod circa initia fracturatum, ac dislocationum in motu sint, & ratione doloris & solutionis continuatis, libentius atque facilius affluunt. Mstrum itaque nemini videri debet *Vigonem* lib. 8. cap. 6. Emplastrum hocce *Oxycroceum diabolicum* appellasse. Ego, ut ingenuè fatear, rarissimè eo utor, nisi forsan in fine morbi pro corroboratione partis affectæ, aut ad duritiem aliquam dissolvendam. Usus autem cerati *Vigonis* ad fracturas ossium (cujus descriptionem vide libro & capite præallegato) mihi summopere probatur. Neque infimum locum hac in parte obtinet emplastrum *Sclorani* præceptoris mei honorandi, cui ego pulveres aliquos convenientes addere solitus sum, ut

*Emplastrū  
ad fractu-  
ras ossium.*

℞. emplastri *Sclorani* ℥ iiij.  
pulveris radicum lymphiti majoris  
rosarum rubearum  
myrtillorum ana ℥ ij.  
lapidis ostiocolle præparati ℥ vj.

Misceantur lentissimo igne cum modico olei rosacei, fiatque emplastrum.

## OBSERVATIO C.

Ex applicatione emplastri oxycrocei, & de mucilaginibus, gravissima symptomata.

*Post appli-  
cationem  
emplastri  
oxycrocei,  
qua sym-  
ptomata se-  
quuta.*

Generosus Dn. Baro in *Gorsier*, vir quadragenarius, robustus, obesus & plethoricus, cum Anno 1609. per nives traha veheretur, genu dextrum aliquo modo sibi contudit. Applicato tamen nescio, quo medicamento, quod ad manus habebat, intra paucos dies sanitati restitutum fuit genu. Verum post menses circiter duos cum de imbecillitate quadam partis affectæ conquestus esset, ac apud quendam artis Chirurgicæ imperitum, consilium petiisset, suasit ipse, ut generosus Dn. emplastrum ex æqualibus partibus oxycrocei, & de mucilaginibus præparatum sibi applicaret. Quod cum fecisset, intra paucas horas, exorto prius dolore, sequuta est inflammatio & pruritus, tandem quoque febris continua, & herpes miliaris cum maximo tumore totius tibi;

biz, & cruris, ad inguina & scrotum usque sese extendens. Dolor erat ingens, & inflammatio adeò magna, ut gravissimum aliquod symptoma, puta gangrænam, vereretur. Ego 16. Aprilis Burgo Segusianorum Neocomum cum nobilissimo viro Dn. *Jacobo Wallier* rediens, unà cū clarissimo atque doctissimo viro Dn. *Joh. Jacobo Crassio* Doctore Medico celeberrimo, & Dn. *Jacobo Guy* ad prædictum generosum accersitus fui, & symptomata quæ recensui ex parte observavi, ex parte quoque remisierant. Ante nostrum enim adventum à domesticis meis expurgatum fuerat corpus: Venam in cubito inciderant, & topica anodyna & repellentia applicuerant. Inflammatio tamen, & herpes ad inguina & scrotum usque sese extendebat. Cæterum etsi morbus in declinatione esse videretur, nihilominus tamen quia verebatur, ne nova aliqua exoriretur inflammatio, & affluxus humorum (maxima enim aderat plenitudo cū ad vires, tum etiam ad vasa) visum fuit corpus denudò paulatim apozemate laxativo, pro interpositis diebus repetito, expurgare: venam quinetiam in brachio dextro iterum incidimus. Exterius verò fascia decocto ex siccantium, discutientium, & corroborantium simplicium madefacta, tibiam, coxamque involvimus. Sic Dei beneficio brevi convaluit.

Iterum itaque monitos velim tyrones, ut in applicatione hujus emplastri prudenter, & circumspectè agant, propter causas, quas in præcedenti observatione declaravimus.

F I N I S.

II 3 INDEX





I N D E X.  
O B S E R V A T I O N U M  
E T E P I S T O L A R U M  
H U J U S C E N T U R I Æ.

- D**E vulnere quodam gravissimo capitû historis singulari, ad reverendum vi-  
rum Dn. Simonem Goulartium. Observ I. pag 3  
An, & quomodo prædictum vulnus lethale fuerit, ad nobilissimum virum Dn.  
Danielem Naborovium. II. 4  
De percussione capitû, & gravissimis inde sequentibus symptomatibus, ubi quoque, de felsi-  
ci perforatione cranii, post duos menses à percussione facta agitur, A viro claris-  
simo Dn. D. Johanne de Burgo observata. III. 9  
Cuidam in fractura calvaria undecima die morbi cranium felici cum successu per-  
foratur: ubi etiam de inedia Appolloniz Schreietæ, ad clarissimum virum  
Dn. D. Janum de Burgo IV. 11  
De gravissima commotione cerebri, ex qua mors intra paucas horas sequuta, ad no-  
bilissimum & consultissimum virum Dn. Henricum à Rosenthal J. V. D.  
V. 16  
De admirando dolore capitû, ad clarissimum virum Dn. Sebastianum Maye-  
rum Med. Doct. VI. 18  
Contumacissimus dolor capitû setacei beneficio curatus. VII. 21  
De admirabili admodum, & horriffica Mania, viri celeberrimi Dn. Claudii  
Deodati Med. Doct. ad Dn. Guilhelmum Fabricium Hildanum Episto-  
la. VIII. 21  
In veterata Melancholia in Maniam mutata, eger convalescit, ad amplissimum vi-  
rum Dn. Claudium Deodatum Med. Doct. IX. 25  
De hydrocephalo, ad reverendum virum Dn. Johannem Jacobum Grassle-  
rum X. 27

	255
<i>Ex fumo fornacis non ita pridem extructa, lethargus, &amp; mors. XI.</i>	28
<i>Matrona sternutando è vita discedit. XII.</i>	29
<i>Sternutamentum Empiricorum more adhibitum, quæ incommoda sequuta.</i>	
XIII.	30
<i>De Ophthalmia gravissima compendiosa curatione, ubi etiam de aperture renarum jugularum agitur ad clarissimum, &amp; doctiss. virum Dn. Michaellem Döringium Med. Doct. XIII.</i>	31
<i>Ex intempestiva lachrymatione suffusio in oculo dextro suborta. XV.</i>	34
<i>De novo quodam instrumento, in deponendis cataractis utilissimo. XVI.</i>	35
<i>Scoria ferri adnata infixæ, gravissimos longos atque continuos doloris excitat, &amp; quibus remediis tandem remota fuit. XVII.</i>	37
<i>De plumbi adnate infixi extractione vulnerisq, felicissima curatione. XVIII.</i>	38
<i>De præstantia setacei in fistula lachrymali, ad nobiliss. atque doctiss. virum Dn. Paulum Offcedum Med. D. XIX.</i>	39
<i>Pauli O. Fredi Med. Doct. ad Dn. Guilhelum Fabricium Hildanum Epistola.</i>	
<i>De ulcere maligno, &amp; cancroso circa radicem lingue ad ampliss. virum Dn. Bartholmæum Merclinum Med. Doct. XX.</i>	34
<i>De admirando dentium dolore, &amp; gravissimis inde sequutis symptomatib. Claudii Deodati Med. Doct. ad D. Guilhelum Fabricium Hildanum Epistola XXI.</i>	50
<i>Ad clariss. virum Dn. Caudium Deodatum. Guilhelmi Fabricii Hildani Epistola.</i>	
<i>Cardialgia, &amp; epilepsia gravissima ex inepta venæ sectione sequuta ad doctissimum Dn. D. Emanuele Urstium XXII.</i>	56
<i>Emanuelis Urstii ad D. Guilhelum Fabricium Hildanum Epistola.</i>	
<i>De peste gravissima Lausannensi, &amp; nonnullis annotatione dignis in ipsa observatis. Ad nobilissimum virum Dn. Danielem Naborovium. XXIII.</i>	59
<i>Observatio, in qua longè maximam esse difficultatem in cognitione, &amp; electione lapidis Bezoar ostenditur, ad excellentissimum virum Dn. Philibertum Sarazenum Med. Doct. XXIV.</i>	63
<i>Philiberti Sarazeni ad Guilhelum Fabricium Hildanum Epistola.</i>	
<i>Guilhelmi Fabricii Hildani ad Dn. D. Philibertum Sarazenum Epistola.</i>	
<i>De duplici pleuritide, Sebastiani Mayeri Med. Doct. ad Dn. Guilhelum Fabricium Hildanum Epistola XXV.</i>	
<i>Venus in acutis morbi nocentissima XXVI.</i>	70
<i>Lac desperatum, quomodo restitutum. XXVII.</i>	71
	De

- De variolis, & abscessu interno rupto, vomituque rejecto. XXVIII. ibid.  
 De morbo quodam abstracto, ad nobilem virum Dn. Paulum Lentulum Med. 72  
 Doct. XXIX, 74  
 De gravida quadam, qua spacio sex hebdomadam ab omni serè cibo, ac potu abhor-  
 suit, usu tamen clysterum cum sætu conservata fuit. XXX. 74  
 De prodigiosa fame, ad nobilem virum Dn. Paulum Lentulum Med. Doct. 75  
 XXXI. 76  
 De vomitu admirando, & serè quotidiano cum aliis gravissimis symptomatibus,  
 qui ultra annos triginta duravit, ad clarissimum virum Dn. Philibertum  
 Sarazenum Med. Doct. XXXII. 88  
 De inveterato dolore ventriculi, ejusdemq; compendiosa curatione XXXIII. 89  
 Ex esu fungorum symptomata gravissima sequuta, ubi etiam de lapide Bezoar  
 XXXIV. 90  
 Ex esu fungorum vomitus vehemens, & descensus intestini in scrotum XXXV. 90  
 Ex solo contactu fungorum, qua symptomata consequuta XXXVI. 91  
 Quidam veneno infectus, antimonio pristina sanitati restituitur XXXVII. 92  
 Ex haustu maximo aque frigida ingens dolor ventriculi cum mentis alienatione  
 sequutus XXXVIII. 93  
 Ex maximo haustu aqua vite, qua incommoda & commoda sequuta XXXIX. 94  
 De fluxu hepatico & rejectione, substantia hepatis post usum surperbi mineralis  
 XL. 95  
 Hydrops potus abstinentia curatus, Dn. Abelis Roscii Med. Doct. ad Dn. Guil-  
 helmum Fabricium Hildanum Epistola XLI. 96  
 De infelici successu punctiōis umbilici in hydropica XLII. 97  
 De periculosa dysenteria curatione per aquam frigidam XLIII. 98  
 De duobus lapidibus ingentis magnitudinis in vesica fellis repertis XLIV. 99  
 De dolore contumacissimo, & diuturno ventris, deque ipsius causa post mortem re-  
 perta XLV. 100  
 De dolore diuturno, & inveterato ventris XLVI. 101  
 Matrona quadam multum pinguedinis per successum excernis XLVII. 102  
 Dolor nephriticus, quibus remediis sedatus XLVIII. 103  
 De infelici successu pradietorum medicamentorum in juvene quodam, ad nobilem  
 virum Dn. Paulum Lentulum Med. Doct. XLIX. 106  
 De ingenti calculo, & aliis nonnullis observatione dignis in cadavere repertis, Pe-  
 tri Blandini, Med. Doct. ad Dn. Guilhelmum Fabricium Hildanum E-  
 pistola L. De

De calculo ingentis magnitudinis, ex vesica hominis extracto, ad clariss atque do- ctiss virum Dn. Petrum Blandinum Med. Doct. LI.	108
Perri Blandini Med. Doct. ad Guilhelmu Fabricium Hildanum Epistola. Expositio vini recentis, & nondum desecati retentio urinae, cum maximis doloribus sequeuta LII.	114
De corpore quodam membranoso, ex vesica excreto, ad virum clarissimum Dn Jo- hannem Jacobum Crastium Med. Doct. LIII.	116
De periculosa caruncula curatione LIV.	118
Matrona gravida variolis laborans, infantem variolis affectum peperit, ad amplif- simum virum Dn Gregorium Hoftium Med. Doct LV	119
Pregnans morbillis laborans, infantem per totum corpus morbillis contaminatum peperit LVI.	120
De admirabili admodum sicu factus in utero ipsiusque uteri ruptione, ad clariss vi- rum Dn. Claudium Deodatum Med. Doct LVII.	121
De admirabili quodam affectu uterino, Claudii Deodati ad Guilhelmu Fabricium Hildanum Epistola LVIII.	126
Guilhelmi Fabricii Hildani ad Clariss virum Dn. Claudium Deodatum Epistola.	
Gravida cum scitu bombarda in coxam reciperet. abortum facit, ad clarissimum virum Dn. Danielem Danielis Med. Doct. LIX.	134
De prolapsu uteri propter ineptam, violentamque agitationem, tractionemque se- cundinae LX.	137
De prolapsu uteri in nobilissima quadam Domina LXI.	138.
Prolapsus uteri compendiosa curatio LXII.	141
Menses ultra annum 70. profluunt LXIII.	142
De Sarcocoele sive Hernia carnosa, & qua de causa ea ut plurimum in dextra par- te nascatur, ad viru clarissimu Dn. Petrum Robinum Med. Doct. LXIV.	143.
De Hernia aquosa, in qua prater spem, & opinionem quadam substantia carnosa vassissimaticu adnata repera fuit, ad clarissimum virum Dn. Hectorem Schlanovium Med. Doct LXV.	147
De Hernia aquosa felicissima sectione. LXVI.	149
De Hernia aquosa periculosa sectione LXVII.	152
Ex Hernia aquosa inepta sectione immatura mors sequuta. LXVIII.	153
De monstroso brachio, ad amplissimum virum Dn. Casparum Bauhinum Ar- chiatum Basileensem LXIX.	155
De infelicissimo successu sectionis vene in cubito, ad nobilem virum Dn. Paulum Officedum Med. Doct LXX.	158



Pauli Offredi Med. Doct. ad Dn. Guilhelmum Fabricium Hildanum  
Epistola.

De infelici successu sectionis Cephalica in cubito ad praestantissimum Chirur-  
gum Dn. Claudium Chapusium LXXI. 162

De inepta, & periculosa applicatione caustici ad clarissimum, atque doctiss. virum  
Dn. Johannem Küeffer Med. Doct. LXXII. 165

De infelici successu Cauterii potentialis, brachio applicati, item de gravissimo tu-  
more brachii ex cancro mamilla progenito, Claudii Chapusii ad Guilhel-  
mum Fabricium Hildanum Epistola LXXIII. 167

De maximo successu fonticuli ad poplitum LXXIV. 169

Dolor sciaticus, pruritus item totius corporis beneficio fonticulorum feliciter sana-  
tus. LXXV. 170

Vulnera digitorum, & manuum contra opinionem Felicis Wirzii aperta re-  
tinentia esse, exemplis ostenditur, & opinio Wirzii refutatur: Ad clarissimum  
virum Dn. Michaëlem Döringium Med. Doct. LXXVI. 171

Ex punctura vespe circa carpum dolor ingens totius corporis, & Lypothymia se-  
quuta, Ad Ampl. ss. virum Dn. Georgium Fabrum Med. Doct. LXXVII. 175

Ex punctura vespe circa juncturam mandibularum ulcus insanabile consequutum  
Ad eundem LXXVIII. 177

Depunctura vespe, item de infelicissimo successu Croci metallorum Dn. D. Geor-  
gii Fabri ad Guilhelmum Fabricium Hildanum Epistola LXXIX. 178.

Ex punctura vespe Gangrana consequuta LXXX. 182

De preputio monstroso, ejusq. abscissione, ad clarissimum virum Dn. Johannem  
Fadericum Wertenbergium Med. Doct. LXXXI. 183

De infelicissimo successu inunctionis ex Mercurio in Arthritide, ad clarissimum,  
doctiss. mumq. virum Dn. Claudium Deodatium Med. Doct. LXXXII. 186.

Utrum Hydrargyri inunctio Arthriticis conveniat? Claudii Deodati ad  
Guilhelmum Fabricium Hildanum Epistola.

De infelici successu potionis vulnerariae. LXXXIII. 197

De vulnere eduplicato, & gravissimum inde sequens symptomatib. LXXXIV. 200

De monstroso varice, ejusq. abscissione, ad clarissimum, atque doctiss. virum Dn.  
Michaëlem Döringium Med. Doct. LXXXV. 208

De aff. ftu. quodam gravissimo, nec non raro Calcanis tempore pestis contractio, ad  
vnum nobilem Dn. Paulum Offredum Med. Doct. LXXXVI. 200

Paul. Offred. ad Guilhelmum Fabricium Hildanum Epistola,  
Guilhelmi Fabricii Hildani ad Dn. D. Paulum Offredum Epistola.

De morsu hominis LXXXVII.

De morsu canis rabidi, ad clariss. acque doctiss. virum Dn. Danielem Danielis  
Med. Doct. LXXXVIII. 220

Dn. D. Danielis Daniels ad Guilhelum Fabricium Hildanum Episto-  
la, 220

De morsu Lupi, ad clariss. virum Dn. Sebastianum Meyerum Med. Doct.  
LXXXIX. 226

Ex impetigine levissima circa carpum gangrena & mors. XC. 228

De Gangrena post curatam Dysenteriam, ad nobilem virum Dn. Paulum Of-  
fredum Med. Doct. XCI. 229

Epistola ad eundem Dn. D. Paulum Offretum.

De gangrena ex intemperie frigida & sicca. XCII. 134

De gravissima quadam combustione, ejusdemq. felicissimo curatione, ad clariss. vi-  
rum Dn. Petrum Pavium Med. doct. XCIII. 225

Quidam ex combustione pulveris tormentarii Sphacelo totius serè corporis corri-  
pitur, ac intra horas duodecim natura satius fecit, ad praestantissimum virum Dn.  
Emanuellem Uetigium Artium liberalium Magistrum. XCIV. 238

Ossa propter causas externas denudata non semper aliterari, cariemq. contrahere  
exempli demonstratur. XCV. 239

Ossa propter causas internas denudata non semper squamas abjicere, exemplis  
demonstratur. XCVI. 245

In magnis ossium comminutionibus, atque contritionibus, etiam post mul-  
tos annos fragmenta ossium prorumpere exemplis demonstratur, ad clariss. vi-  
rum Dn. Sebastianum Meyerum Med. Doct. XCVII. 247

De usu corticum arborum loco scularum in fracturis ossium, & incommodu inde  
sequuti. XCVIII. 249

Usum emplastri Oxyrocei in fracturis ossium non semper tutus XCIX. 251

Ex applicatione emplastri Oxyrocei, & de mucillaginibus gravissima sympto-  
mata. C. 252

F I N I S

Ex quibus Fabricianis singulis Praeterea,  
Benevolentibus in rebus Medicis & Chirurgis apri,  
sionibus perspicendi rebus apte dotes. His ipse  
compendiosior ad apicem artis Medicæ & Chirurgiæ  
perueniendi via est quam Virorum doctissimi in aliis  
his Litteris, & perspicendis institutionibus indicat, fami-  
liaribus Christiani collegij, aut literarij Diplomati offit.  
Ut in manus maxime laudat, ita regimini optimij acutiss.  
Qui pertractata mandata sapienter immittebat.

August Fabricii Medicæ Præceptis V. M. M. M.  
suis Libris tibi perinde uti in notiss. Libris  
iste egregie testatur. Libri v. h. contracta præ-  
ceptione & Index, cui in Verba est scriptum.

August Fabricii  
v. m. m. m.

G V I L H E L M T  
FABRICII HILDANI  
INCLYTÆ REIPUBLICÆ  
BERNENSIIUM HELVETIORUM  
MEDICO-CHIRURGI  
Ordinarii

*Epistolarum ad amicos, eorundemque ad ipsum*

Centuria Prima:

*In quibus passim Medica, Chirurgica, aliæque lectione digna  
continentur.*




OPPENHEIMII  
*Sumptibus Johannis-Theodori de Bry,*  
Typis Hieronymi Galleri

---

M D C X I X.







GUILHELMI FABRICI HILDANI

*Inclita Reipublica BERNENSIS Helvet.*

*Medico-chirurgi ordinarii.*

EPISTOLARUM AD  
AMICOS EORUNDEMQVE  
AD IPSUM

CENTURIA PRIMA.

In qua passim Medica, Chirurgica, & alia notatu  
digna tractantur.

EPISTOLA I.

*Amplissimo viro D. ÆMILIO PORTO, FRANCISCI POR-  
ti Cretensis F. in academia Heidelbergensi græcæ linguæ professori  
celeberrimo GUILHELMUS FABRICIUS Hildanus S.  
P. D.*



AGNO sanè, & ultra meritum me æfficiis honore, vir am-  
plissime, qui tam amicè, & candidè ad me scribis, & fru-  
&um studiorum tuorum ad me mittis. Ucinam libera-  
lem illam animi tui significationem aliquo modo com-  
pensare possem. Nunc tibi verbis tantummodò gratias agere coactus  
sum, reipsa me aliquomodo gratum exhibebo, cum prima centuria  
mea

mea observationum, & curationum Chirurgicarum in lucem prodierit. Fiet id (si Deus Opt. Max. cœptis faveat) proxima æstate librum de prisca Græcorum computatione/moralem simul, & Theologicum ex-  
 osculor, & cupidis ulnis amplector. Faxit Deus, ut reliqua, quæ promittis, in communẽ Republicæ utilitatem, in lucem prodire possint. Orationem tuam doctissimam de ira, maxima cum voluptate legi, & immeritò. Est enim omnibus Christianis lectu dignissima, imò summè necessaria: Quandoquidem, ut ingenuè fatear, & tuis verbis utar, nulla est perturbatio animi, in qua homines ita peccent, atque in ira. Imperus enim irascentis nihil, aut parũ ab infania, vel à furore differt, ut Galenus libro de cognoscendis, curandisque animi affectibus testatur. Hinc spiritum (ut alibi Galenus docet) in corde, & arteriis inflammatur, in venis sanguinem concitat, cerebrum concutit, nervos convellit, humores exagitat, calorem innatum labefactat, valerudinem vitiat, morbos quæ inducit lethales. Ego juvenem, cui caput vulneratum cum clarissimo Dn. D. *Jano Antonio Sarazeno* Medico Regio, & D. *Johanne Griffonio* Chirurgo præstantissimo Genevæ curandum habui: Is ab omni periculo liberatus, ex sola ira in febrem incidit, & brevi post è vita decessit. De effectibus iræ superiori æstate Lausannæ misererrimum habuimus exemplum. Articularius in duello vulnus cultro inflictum, ad cubitum recepit, is ab omni mortis, & accidentium periculo liberatus, cum per fenestram eum, qui vulnus inflixerat transeuntem ex improvviso vidisset, ad eò perturbatus, atque commotus est ira, ut denuò aperta in vulnere vena hæmorrhagia ad eò magna sequuta sit, ut à Chirurgis restingui non potuerit, ira ut post paucos dies è vita discesserit. Anno 1585. simile quid Hildenz in patria accidisse memini. Quidam *Conradus* ju *Karnap* nomine, in sinistram bregma in duello vulneratus fuit, vulnere jam digesto, quadam die, cum adversarius ipsius ex improvviso cubiculum ægni ingressus, eam quæ ob causam æger vehentissima iracundia permotus fuisset, arteria soporalis iterum rupta est, ex qua sanguis tam copiosè effluxit, ut ipsum non si maxima cum difficultate reprimere, atque sistere potuerim. Multos item propter vehementiam iræ apoplexia, paralyti, febris continua, aliisq; morbis gravissimis correptos fuisse observavi. Meritò igitur omnes Christiani hanc materiam de ira attentè legant, ut quomodo hanc animi perturbationem frenare, atque reprimere possint, addiscant. Quandoquidem (ut *Basilius* monet) nihil est, quod Christiano possit vitio

verti

*Observatio.**Ab ira mors.**Observatio.**Observatio.**Morbi ex ira.*

verti magis, quam quod ad ulciscendum promptus sit, atque modis omnib. det operam, par pari referre iis, à quibus injuriam acceperit. Faxit Deus ter Opt. Max. ut quotiescunq; irasci nobis acciderit, nequaquam tamen peccemus, quemadmodum *Divus Paulus* monet. Cæterum Colonia Heidelbergam quidam *Matthias Quadus* nomine familiam suam forsan ducturus est brevi: id si fecerit, & ad vos pervenerit, etiam atq; etiam rogo, ut ipsum commendatum habeas. Est vir probus, pius, & bonis literis summo perè deditus, familia tamen oneratus. His vale vir clarissime, cum honestissima tua conjuge, quam mecum salutat uxor mea, Deumque supplicamus, ut te quam diutissime incolumem conservare velit. Paterniaci 16. Junii Anno 1604.

## EPISTOLA II.

Amandus Polanus à *Polansdorf*, præstantissimo, optimoq; viro D.  
GUILHELMO FABRICIO *Hildano*, Medico & Chirurgo  
*Paterniacensi*, amico bonæ fidei S. P. D.

MAXimas ago gratias tibi præstantissime Dn. Fabrici, qui de mea valetudine tam es sollicitus, ut etiam oleum ad deopilandos obstruções optimum, liberalissimè mihi communicaveris. Fuit illud gratissimum, utque vicissim tibi, tuisve occasione data, aliqua gratia respondere possim, operam dabo sedulò. De balsamo parum mihi restat, quæso aliquid iterum trans mitte, pretium adscribe, bona fide persolvam. Cæterum amicissimè te rogo, ut, si tantum suffurari temporis poteris, de sequentibus quæstionibus Chirurgicis, de quibus inquirendi ansam nuper in nuptiis mihi præbuit unus ex proceribus nostræ civitatis, tuam exponas sententiam. Prima hæc est: An sanguinis guttula è corpore sub patellam in genu delabi possit, quæ non solum morum & incessam per aliquot annos impediatur, sed etiam suppuratione efficiatur, & post usum thermarum Psefferensium copiosissimum pus effundat: cum tamen antea præter dolorem neque tumor, neque inflammatio, neque ulcus in genu extiterit? Secundò quæritur: An morbus Arthriticus in corpore juvenili, exempli gratiâ, viginti annorum curari, quibusq; remediis possit? Alius et à mihi amicissimus, author fuit, ut de cutaneis affectibus, quibus Chirurghi non rarò Medicis

Quæstio 1.

Quæstio 11



Æstio III.

magis occupantur, quærerem. Quibus balneis artificialibus furfures cutis, ac inprimis capitis detergi commodè, atque curari possint? Hisce te cum conjugè dulcissima, quam saluto millies, divinæ protectioni commendo. Basileæ 18. Septembris 1616.

## EPISTOLA III.

AMANDO POLANO à Polansdorff S. S. Theologie Doctori,  
GUILHELMUS FABRICIUS Hildanus S. P. D.

Maturius quidem respondissem, Vir amplissime & perpetuè mihi reverende, nisi tota serè familia mea dysenteria graviter affecta fuisset; quæ tamen nunc Dei singulari beneficio convaluit. Ad quæstiones, quas mihi discutiendas proponis, quid vis, ut ego, tardioris naturæ ingenii, respondeam, vel noctuas Athenas adferam? Quia tamen responsum exposcis, dicam paucis, quid sentiam.

Blutstropffen.  
quid sit.

Ad primam quod attinet quæstionem, vox illa aut phrasis loquendi Blutstropffen / adeò barbara & apud Medicos inusitata existit; ut nunquam apud Practicos quicquam me de illa legisse meminerim. Quid verò vulgus appellet Blutstropffen / satis mihi cognitum est. Quotiescunque enim dolore aliquo, absque causâ manifesta aliquo in loco, præcipuè circa articulos corripuntur, illico guttam sanguinis eò defluxisse dicunt. Falsum verò id esse, hinc apparet, quod defluxiones, quæ ex sanguine sunt, calidæ sint, ac phlegmonem excitent. Ac quamvis pars phlegmone obfessa non statim ab initio (quemadmodum Galenus docet libro de tumoribus præter naturam) sit immodicè calida: quia tamen sanguis ibi inclusus necessariò putrescit, sequitur mox inflammatio: siquidem (ut idem Galenus refert) corpora simul calida & humida, in calidum locum coacta promptè putrescunt. Cæterum quia in illo viro, cujus mentionem fecisti, motus genu per aliquot annos impeditus fuit, absq; tamen rubore & inflammatione loci, non ex sanguine fuisse hanc influxionem, tam certum est, ut nihil certius. Fuit igitur ex frigidis & viscidis humoribus, qui nonnunquam ad annos multos circa juncturas delitescere solent priusquam erumpant. Id ego Coloniz in viro quodam observavi: propter dolorem quantumvis levissimum circa genu sinistram per annos quatuordecim claudicaverat.

Observat

caverat. Tandem anno 1595, ex interna parte juncturae ad latus rotulae, cum tumor apparuisset, me in consilium adhibuit. Purgato itaque aliquoties corpore, discutientibus & resolventibus curam aggressus sum, sed frustra. Tandem enim ad suppurationem pervenit, & primis quidem diebus aqua feri laetis instar, postea verò materia quaedam tenax, quasi lac coagulatum, aut veluti caseus recens, quae ossi (quod cariosum inveniebamus) adhærescebat, effluxit.

Porro hujusmodi affectus, quos vulgus *Blutstreyffen* appellat, si à causa frigida originem trahant, fiunt aut per affluxionem aut per congestionem. Per affluxionem, quotiescunque ex capite materia aliqua ad nervum, aut partem aliquam nervosam veluti juncturas, aut membranas musculorum, vel tendines defluit, & tunc oritur statim dolor, quantumvis exterius neque tumor, neque rubedo appareat. Materia enim, quia parva quantitate exiit, tumorem non efficit, neque inflammationem, cum frigida sit. Superiori anno cum cuidam Paterniacensi hujusmodi catarrhus in dextrum humerum ac brachium decidisset ac ingentem dolorem excitasset, me advocari curavit: Nullus aderat tumor, nullaque inflammatio. Videns itaque materiam adhuc in motu esse, statim non nihil extracti corticum esulæ, cum decocto betonicæ, salviæ, rosmarini & majoranæ exhibui. Istud enim extractum dummodo fideliter præparatum fuerit, vehementer ex juncturis & longinquis partibus absque tamen periculo trahit. Partem verò affectam prima die bis aut ter oleo rosaceo, cui guttula una, aut altera aceti admixta erat, secunda verò die aqua mea arthritica inunxi. His intra dies tres divino favore plenissime convaleuit, nec postea unquam tale quid sensit. Nunc iterum civem quendam hujus oppidi curandum habeo, cui ante dies decem hujusmodi *Blutstreyffen* in sinistram coxam non procul à junctura femoris defluxit, qui mihi non paucos fecit labores: nunc tamen, laus Deo, convaleuit. Nonnunquam tamen etsi materia per se frigida fuerit, nisi ab initio cura, atque diligentia adhibeatur, tandem & tumor, & inflammatio, aliaque symptomata calida oriuntur. Doloris enim vi humores ex corpore ad partem affectam, quasi cucurbitula trahuntur.

Per congestionem verò fiunt hujusmodi affectus, aut propter errorem facultatis alteratrici: quando scilicet membrum suæ debilitatis causa nutrimentum dirigere non potest, tunc enim id corrumpitur, & paulatim generatur abscessus: Aut propter expultricis imbecillitatem,

*Observatio  
de catharro  
in dextrum  
brachium de-  
labente.*

*Ex h: Es: lo  
an luvist h: c:*

*Observatio.*

*Congestio-  
nis causa.*

ita ut in ipso membro superfluitates retineantur atque corrumpantur. Ad hanc itaque causam refero affectum istius Colonienſis, cujus mentionem feci. Huc quoque referri poterit istius viri, cujus tu meministi affectus, *Wluts troypffen* (ſi ita appellare licet) dictus. Materia enim, quæ aliunde deſluit, cum aliquid planè præternaturale ſit, ſi nervoſas partes petat, veluti ſunt juncturæ, tendines membranz, muſculorum, dolores maximos excitat. Nutrimētum verò proprium, etiamſi propter ſupra dictas cauſas corrumpatur: tales tamen dolores non inſert; habet enim adhuc cum parte familiaritatem, atque ſympthiam quandam. Paulatim tamen in unum congeritur, & in ſpaciū aliquod ad juncturam deſluit, ita ut quamplurimum temporis progreſſu tunica quadam obducatur, in qua poſtea non modò humores, verum etiam corpora ſolida, unguibus, pilis, oſſibus; & lapidibus ſimilia inveniuntur, teſte Galeno Meth. Med. lib. 14. Ego ſuperiori anno Bernenſem matronam, quæ ex huiusmodi abſceſſu per annos quatuor ad carpum dextrum laboraverat, curandam habui: in quo abſceſſu materiam larido non abſimilem, membrana incluſam inveni, quæ ætri per dimidiam horam expoſita, iu lapides induxit.

*Obſervatio  
de abſceſſu  
ad carpum.*

*Thermacæ  
piperinariæ  
facultas.*

Cæterum cum thermæ Piperinæ, præter infinitas propemodum, quas habent facultates, etiam juncturis, & nervis malè affectis, mirificè proſint, facilè fieri potuit, ut earum uſu corroborato calore nativo, & vi facultatis expultricis juncturæ, materia poſtea, quæ ſub rotula per annos aliquot detenta fuerat, motumque impedierat, partim in balnium reſoluta, partim verò in pus converſa, natura, & vi facultatis expultricis ad cutem expulſa ſit.

*Ad 2. quæ-  
ſtionem re-  
ſponſio.  
Articulorū  
morbi cu-  
rati diffici-  
les.*

Ad ſecundam quàm proponis quæſtionem, quæ eſt, *An Arthriticus morbus in juvene viginti annorum ætate ſit ſanabilis*, & quibus remediis nihil certi reſpondere poſſum. Cum enim morbi omnes articulorum, ſive ulcera, ſive vulnera fuerint ſint diffiſiles curatu: morbus tamen, quem præctici (ſpretis omnibus aliis) propter ipſius violentiam, & pertinaciam tantummodo Arthriticum vocant, omnium eſt curatu difficiliſimus: præcipuè ſi hæreditario jure, uti frequenter accidere ſolet, ſuper-  
venerit: ſub eſt enim virulenta quædam materia. & cauſa hominis ingenio nondum ſatis cognita. Quia tamen ſuas quoque habet cauſas manifeſtas, & cognitæ, hæc in primis mihi eſſent inquirendæ, conſtitutio item, & natura ægri conſideranda, antequam aliquid certi de morbi eventu, atque, an ſanabilis ſit necne; prædicere poſſem. Verum tamen

in

in hac ætate non omnino insanabilem esse existimo, dummodo æger obtemperare velit; neque nodi in articulis comparuerint. Remedia autem cum secundum causas, accidentia, & constitutionem ægri mutantur, & adhibeantur, ea in absentia ægri recensere atque præscribere mihi impossibile est.

Nunc ad tertiam quæstionem nimirum, quibus balneis artificialibus *fur- fures cutis & imprimis capitis possint desergi, atque curari, pervenio* Hic verò imprimis considerate convenit huiusmodi furfures ex vaporibus corruptis, qui ex phlegmate falso, aut sanguine corrupto, cholera, aut melancholia adusta elevantur, originem trahere, ac maximam siccitatem cutis arguere. Hinc necesse est, ut balnea ista partim ex emollientibus & humectantibus, partim etiam ex abstergentibus, & exsiccantibus præparentur. Humectatione enim propter siccitatem maximam cutis; exsiccatione verò propter superfluos humores, qui sub cure retinentur opus est. Rectè igitur balneum, ex foliis, & radicibus malvæ, betæ, scabiosæ, fumarie, semine fœni græci, radicibus Lapatii acuti, scrophulariæ, ellebori nigri, bryoniæ, sulphure, nitro, sale marino, tartaro, furfuribus, staphisagria præscribi potest. Hæc verò, aut pars eorum in livio addito parum aceti coqui convenit. Post balneum, cute linteo absterfa, unguento enulato, aut oleo, sive liquore tartari (cujus successum sæpius expertus sum) inungatur. Sed quia iste affectus suas quoque habet causas internas, atque ut antea dixi corruptionem, & adustionem humorum quoque arguat, haut sufficient topica. Præscribenda itaque erit ægro optima victus ratio; purgatio item humoris peccantis, phlebotomia & similia secundum exigentiam morbi: Sic enim non solum curabitur hic affectus; verum etiam alia mala, quæ nonnunquam sequi solent, evitabuntur. Atque hæc sunt vir amplissime quæ ad quæstiones tuas respondere potui, quæ quamvis non ita polita, atque exquisita, quemadmodum decebat, sint tamen ut ea æqui bonique consulas, & amicè interpretari velis, obnixè rogo.

Nunc vicissim, nisi molestum tibi fuerit, dubium hoc, quod interdum me valdè conturbat, proponam. Quandoquidem quia hic & in vicinia sæpissimè ad difficiles partes accersor, ad eò, ut fetus mortuos manibus extrahere cogar, occurrit mihi superiori anno inter cætera matrona quædam honesta Murati Judæa nomine, & uxor M. Jani Schörtilia per dies sex parturientium doloribus laboraverat, signaq;

nonnulla fortum in utero mortuum esse, aderant. Præcedente enim

*Ad 3. quæstionem responsio.*

*Quibus balneis cutis, capitisq; furfures curantur.*

*Balneum artificiale ad furfures.*

*Signa factum mortui in utero.*



die cum rigore quodam matris fetus moveri cessaverat, ita ut postea neque parturiens ipsa, neque obstetrices, & adstantes matronæ, mori ullum perceperint. Vertex quoque capitis hujus fœtus, cum paulatim in conspectum sese dedisset, sphacelatus conspectus erat: Fœtor quoque aderat. Ex his & nonnullis aliis signis fœtum mortuum esse conclusimus: sed malè: vivum enim tandem eum extraxi. Sed quia caput per dies aliquot propter angustiam genicalium (erat enim triginta annorum ætatis, constitutione corporis sicca, nec antea utero gestaverat) graviter compressum, atque ex illa compressione, inflammatio, atque corruptio sequuta fuerat, tertio post die è vita discessit. Mater verò convaluit brevi, & usque nunc bona valetudine fruitur. Nunc quæstio est, nimirum cum signa nonnulla fœtum in utero mortuum esse adsint, & in vitæ periculo parturiens versetur, ego si manum adhibuero, & instrumentis vel quocunque modo fœtum sine periculo tamen matris extrahere, & parturientem divino auxilio liberare conatus fuero, si forsan fœtum adhuc vivum in utero existentem in operatione læderem, an id salva conscientia, & absque damno salutis meæ fieri possit, nec ne? De hac dubia quæstione quid sentias, mihi mentem tuam aperire non graveris. Mitto momentum de balsamo meo, utere eo, quemadmodum significavi coram. Utere quoque vino medicato, quod superiori anno præscripsi, & per intervalla hepatis regionem oleo meo deopilativo, quod per Dn. *Urstium* ad te misi, inunge. Ex his Deo volente non exiguum fructum percipies, dummodò corpus quoque per intervalla clementer expurgatum fuerit. Ego Deum Opt. Max. suppliciter oro, ut remediis benedicat, ut diu ad Deigloriam, & ædificationem Ecclesiæ vivere possis. Vale vir maxime, & me, ut facis, ama. Paterniaci Aventicorum 6. Decembris. 1616.

## EPISTOLA IV.

AMANDUS POLANUS à *Polandsdorff*, GUILHELMO FABRICIO *Hildano* S. P. D.

**B**inas tuas literas accepi, præstâtissime Dn. *Fabrici* amice plurimū mihi honorande, in quarū priorib. respondes ad mea interrogata, & simul quæstionem mihi proponis decidendam. Quod illum attinet, cui

cui Chirurgus quidam dicebat sanguinis guttam in genu decessisse, interea ex hac vita evocatus est, postquam ossa pedis, & tibiæ carie corrupta fuissent, & ipse misere cruciatibus gravissimis excarnificatus, optimi patris mihiq; charissimi, bonus filius. Sæpè optavi, tuum consilium ut adhiberetur: nam indocti isti Chirurghi, quales sunt nonnulli, quantum ægotantibus noceant, experientia testatur. Quæstionis mihi propositæ decisio facilis est. Quæ ratio est medici periti, purgās medicamentum exhibētis, vel sectionem venæ suadentis; eadem est Chirurghi circumspēcti, oꝝ eræ artis suæ exercētis. Jam autem æpè usu venit, ut Medicus peritus purgans remedium præbeat, aut sectionem venæ consulat ægotanti, qui post usum sectionis venæ, aut medicinæ, pejus habet, & moritur: Cujus mortis causā nequaquam est Medicus, qui regulas artis sequens sanare voluit ægotantem non necare. Idem etiam statuendum de Chirurgo factum ex utero materno extrahente cum dexteritate, & circumspēctione debita, qualis quidē in artificem cadere potest, si vel in ipsa extractione factus moriatur, mortis culpam ipsi non posse, nec debere imputari; quum & matri, & foetui succutere voluerit, non autem perniciem adferre. Modus & finis actionum variant de iis judicia. Actio peracta modo legitimo, & sine bono, conscientia bona peracta est, etiam si eventus optatus non responderit. Nō est igitur, quod conscientia tua scrupulum injiciat, si operationi tuæ Chirurgicæ exitus felix non consensit. Operatio ex præscripto artis peragitur à Medico & Chirurgo: eventus seu exitus in manu Dei, omnia pro sancta, atque justa voluntate suā, ordinantis, & dirigentis, positus est.

*Medicus secundum rationem agens, etiam si eventus optatus non responderit, culpandus non est.*

Quid diceres de consiliariis, seu Magistratibus politicis, qui in causa iustissima suadent, vel suscipiunt bellum, quod justam causam habentibus sæpè est funestum, & luctuosum? Nonne Israëlites, qui bellum inferebant Benjamitis, bonam habebant causam, & Dei jussu bellum inferebant? & tamen uno die ex Israëlitis interierunt viginti duo millia virorum, altero die octodecim millia. Num igitur illi conscientiam læserunt, qui bellum consuluerunt? nequaquam. Jam bone Deus quam longe distat mors infantis unius à tot millium cæde? Stat igitur fixum firmumque, Chirurgum rectè operantem, bonam conscientiam servare, etiam si exitus non responderit ex voto.

Ad posteriores literas paucis respondeo, quia M. Ursinus, quid à me dictum, vel factum sit, quod ad tractatum de combustionibus, & lacy-

crymas in obitum Dn. *Utenhovii* spectat, exponer. Epistolium carminibus se lachrymis illis adjunxi, quo institutum tuum probo. De titulo sententiam meam dixi, relicta tamen ea in re libertate D. *Zuingero* statuendi quicquid videretur ipsi. In præfatione quod mutarem non vidi: rectè illa habet, meo iudicio. Valdè opto, ut ex voluntate Dei convenire possimus, ut tecum tanquam cum artifice de hernia agam. Vale prosperrimè cum conjugè tuà lectissima, & feliciter age. Basileæ die 26. Februarii Anno

Da nobis paCeM IchoVa.

EPISTOLA · V.

IDEM AD EUNDEM.

*Electuarium  
cydoniarum  
laxativum.*

**M**I amicissime Dn. *Fabrizi*, à Francofurtensi itinere me avocarunt partim occupationes officii mei, partim pestis, quæ Heidelbergæ, Wormaciæ, Moguntia, Francofurti, in Hassia, & vicinis Comitatibus grassari dicitur, unâ cum dysenteria. Interea nihilominus negotium illud, tibi cognitum, curæ fuit mihi, & erit: ubi aliquid certi habuero, per hominem certū tecū cōmunicabo. Ne epistola hæc sit vacua, adscribere placuit electuarium cydoniarum laxativum, mirè gratum, & tutum, quo ipse usus sum aliquoties. E tribus uncis scammonii extrahitur tinctura cum optimo spiritu vini, tamdiu reiterando laborem, quousque nullus novus spiritus affusus tingatur: tinctus Spiritus missus servetur. Postea ad libras tres pharmacopolarum cydoniarum (id est, cydoniorum, & sacchari debite mistorum & coctorum) cum jam incipit inspissescere, affunditur paulatim spiritus vini tinctus, movendo & agitando spatula, donec omnis affusus sit spiritus, qui inter movendum & supra ignem evanescit, remanente vi purgante scammonii. Ultime aliquid aquæ cinnamomi optimi affunditur, & parum rursus decoquitur: tandem in scatulas effunditur. Electuarium fit pellucidum, & valde gratum gustu, & suaviter purgans. Dosis à drachmis tribus ad 6. pro ratione personæ, & ægrotantis virium.

Vitum præstantissimum Dn. *Jacobum Gutlinum*, qui cum generosis duobus Genavam tendit, commendatum tibi esse cupio, & conjugem tuam seminam honestissimam & M. *Urstisium* plurima salute imperior. Vale feliciter & salve. Basileæ die 18. Septembris 1607. Epi-

## EPISTOLA VI.

Antonius Fayus, *ornatissimo & clarissimo viro Dn. GUILHELMO FABRICIO Hildano suo. S. P. D.*

**C**larissime vir Domine, & amice charissime, pro novo munere, quod mihi tuo nomine exhibuit Dn. M. Ursisius gratias ago maximas, nova est ad tua erga me merita accessio. Perge porro de hominum genere bene mereri, & à Deo fausta omnia expecta. In epigrammate quod nuper de milite vulnerato ad te misi, si fortè illud es editurus muta (*pars quoque cava fuit*) pro eo quod est: *parsque recisa fuit*, ne quis putet, amputatam portionem cerebri, siquidem vulneratus fuit castrum, cranio, utraque menynge & ipsa cerebri substantia tacta ad profunditatem spissitudinis Taleri, longitudo autem vulneris in ipsa cerebri substantia erat æqualis extremæ articulatione minimi digiti, cum vulnus totum æquaret digitum medium longitudine, occupans frontis partem cameratam. Vale viro prime & peritissime. Te tuosque omnes Deo commendo. Genevæ No. Junii 1607.

*De gravissimo vulnere capitis, membrarumq; & cerebri latione.*  
Ex hac epistola epigramma, quod legitur obs. 13. cens. 1. & obs. 2. cens. 1. corrigendum.  
Vulnus cerebri.

## EPISTOLA VII

*Clarissimo atque excellentissimo viro Dn. D. Arnoldo Manlio Medicina professori in Academia Colonienfi primario, amico ac promotori suo a terrum colendo. GUILHELMUS FABRICIUS Hildanus S. P. D.*

**I**nter omnes, quos in diversis locis, diversisque temporibus habui præceptores, vir amplissime, Domine, amice ac mæcenas in perpetuum honorande, tu revera unus ex fidelissimis, mihi quæ semper charissimis extitisti, ut qui non solum in prælectionibus tuis doctissimis, verum etiam in privatis colloquiis suavissimis, atque humanissimis me erudire nunquam sis gravatus. Quapropter quantum tibi debeo, apud me quidem sentio, quomodo verò tantam in me exhibitam humanitatem compensare possim, nondum video. Amore quidem &

Mm reve-



Reverentia, quo ad vixero, quantum quidem Deus Opt. Max. dederit virium, te prosequi conabor, utinam beneficiis officiisq; simul id præstare possim. Ubiunque tamen tibi inservire potero, nunquam de ero officio meo, Prælectiones tuas undique doctissimas in Hippocratis aphorismos, sperabam, aliquando in lucem prodituras, maximoque cum desiderio ipsas hæcenus expectavi, ac etiamnum expecto. Nec dubito, eas non solam pergratas, verum etiam longe utilissimas Esculapiadæ fore familiæ: cui hac in parte, ut aliquando gratificari velis summopere rogo, atque efflagito. Ego commentaria nonnulla ex prælectionibus istis exceperam, sed in peregrinationibus meis, proh dolor, mihi nescio quomodo distracta, atque deperdita sinit. Porro mitto ad te primam centuriam observationum Chirurgicarum, unâ cum tractatu de combustionibus, & dysenteria, vehementer rogans, ut omnia æqui, bonique facere velis. Nunc secundam centuriam præmanibus habeo, quæ si Deus vitam extenderit, & alia negotia permiserint, post hac quoque prodibit. Vale vir amplissime. Raptim Paterniaci Aventicorum 12. Junii 1603.

## EPISTOLA VIII,

*Clarissimo viro medico, & chymico celeberrimo Dn. D. Bernhar-  
do G. Penoto à Portu S. Mariæ Aquitano. Guilhelmus  
Fabricius Hildanus S. P. D.*

*De hydro-  
pico quodâ.*

**M**aturius ad te misissem, vir clarissime, tractatum meum de Dysenteria: sed ad quid, noctuas Athenas ferret: interim tamen quia eum videre expetis, en ad te mitto exemplar, quod ut æqui bonique consulas, etiam rogo. Cum *Castellano Masseto* Hydropico vestro, vireor rem deploratam esse, ac paracentes in ei parum prodesse, quandoquidem senex est, & debilis, & vix alimentis uti potest. Sunt & partes nobiles, inprimis verò hepar, & lien ex intemperata victus ratione, multisque doloribus Arthriticis, quos passus est labefactæ tumefactæ, & induratæ. Et quamvis totum abdomen adeo in tumorem elevatum & extensum sit, ut prædicta membra palpari non possint: attamen ea indurata: & tumefacta esse, indicat color obscurus & flavus faciei, & oculorum, respirandi difficultas, tussicula sicca paucitas urinæ, tumor ædematosus crurum &c. In tumore abdominis ali-  
quid

Signa tu-  
moris hepa-  
tis & lienis.

quid particulare obsevari, quod hepatis, & lienis tumorem indicat: nimirum ventrem ab umbilico deorsum multo depressiorem esse, superiorem, sunt enim regiones hepatis, ventriculi & lienis à xiphoide & postremis costarum verarum, usque ad umbilicum valdè elevatæ, & tumefactæ. At tumorem illum ex duritie & inflatione hepatis, & lienis, fieri certissimum est; quandoquidem aqua semper deorsum tendit & imum ventris præcipuè extendit. Adest igitur manifesta, & insignis intemperies, durities, & obstructio viscerum, quæ morbum hunc in senibus præcipuè incurabilem reddunt. Quantum ad paracentesin, non est illa vera curatio, tollitur enim tantummodo causa conjuncta, nempe aqua, quæ & faciliè regeneratur, nisi prius ablata fuerit causa antecedens, seu efficiens, nimirum durities, & intemperies viscerum sed existimo, illam tantam esse, ut vix tolli possit. At quomodo tolleretur, quandoquidè adeo averfatur medicamenta, ut ne syrupum quidè rosaceum, mannam, & thabarbarum sumere possit. An possit aqua illa destillata, quam præscripsimus ex radicibus, herbis floribus, &c. aperientibus, & corroborantibus, uti brevi videbis, & nobis successum indicabis. Si utitur aqua illa, & reliquis medicamentis externis, atque optima victus ratione, cum post aliquot dies poterimus facere paracentesin & paulatim extrahere aquam, sin minus profectò laterem lavabimus: quantum enim hodie extrahemus, cras regenerabitur. Ego absente ægro loquor, tu præsens omnia multò diligentius annotare poteris. De successu præscriptorum medicamentorum fac nos certiorem: ut quid posthac faciendum sit, maturè deliberemus. Vale vir clarissime, & te amantem ama Paterniaci 18. Augusti 1603.

De Para-  
centesi.

*Non quod  
sit vera  
Hildanus  
non  
e.*

## EPISTOLA IX.

Bernhardus G. Penotus à portu S. Mariæ Aquitanus Med.  
Doct. GUILHELMO FABRICIO Hildano S. P. D.

Tuas, simul & literas clarissimi viri Dn. D. Jacobi Zuingeri accepi, charissime mi Dn. Fabrici, responsum ad literas D. D. Zuingeri ad te mitto, fac quæso, ut ad ipsum perveniat. Cæterum officium meum hic resignavi, & domum mihi Genevæ conduxi. Si maturius literas tuas accepissem, prolixius respondiissem. Interim tamen quantum ad

Mm 2 plan.

*Sanicula  
femina*

*Euchisio  
vulgo helledo-  
rum Hippo-  
cratis.*

*Aqua ex o-  
leum sani-  
cula.*

plantam, quam tu cum *Euchisio* saniculam feminam appellas, paucis dicam quid sentiam. Est illa verus elleborus Hippocratis, epipactis Dioscoridis, & elleborine Matthioli. Tradicitur ipsius purificatus, & spacio 24. horarum aqua maceratis, postea per alembicum vitreum in cineribus destillatis, aqua extrahitur cum supernatante oleo croceo, suavissimo odore prædito, aqua similiter suavissimum habet odorem, nec facile corrumpitur. Mihi ad te parum hujus aquæ: illa etiam si ante annos quinque destillata, ampulla quin etiam haud diligenter obdurata fuerit, odorem tamen, simul & gustum retinuit. De ea, ut periculum facerem, nunquam sese occasio obtulit. Extractum quoque ex radicibus feci, sed nunquam exhibui: interim tamen ipsum melancholicis prodesse, ex odore colligitur. Fætor olei cornu cervi per retortam extracti aufertur, si oleum Colchotar vitrioli rectificatum fuerit, reiterando laborem, donec nullus amplius percipiatur fætor. Aqua cornu cervi odorem non habet gravem, ac insigne est anodynum. Tibi ad quid ex usu sit, nescio, nisi fortè in podagra ex causa frigida, sed de his aliis plura. Valeraprim Ebrodum 5. Junii 1608.

*Fætor olei  
de cornu  
cervi, quo-  
modo sol-  
lendus.*

## EPISTOLA X.

CAROLUS UTENHOVIUS *ornatissimo viro, & ιεροχρησ-  
γών των εν τη των υγιων δοκίμιη* solertissimo GUILHELMO FA-  
BRICIO *Hildano amico neutiquam lebejo* S. P. D.

**V**olentius nullum esse tormenti genus, quam quod vias obturat u-  
rinæ, scias, hac nocte me expertum fuisse *Fabrici*, crebroque opem  
implorasse in illo me tuam, at frustra: Proinde licet alexipharmacum  
*Bosterus*, atque *Manlius* præsens mihi persæpe detulerint, tamen quia  
plurimi te facio, amoque plurimum, mi *Fabrici*, uo idque merito (quip-  
pe qui *Flodropiam* & filiolam adoptivam *Annam* ab orci faucibus, *Ca-  
rolisque* familiam *Utenhovi* integram, hac eruere non gravatus æstate,  
Deo juvante) te unum, te inquam ego instar omnium in urbe Medi-  
corum atque Chirurgorum ego deinceps volo esse, atque unicum.  
Proinde te accelerare gressum huc jubeo chare *Fabric*, & valere *Maria*  
*Colineta* cum tui consorte thalami, dulcibusque liberis *Coloniz* 1599.  
18. Septembris Stilo novato.

Σάπξ ὁλθ' ὡν ὑβὲν παρὰ, ὡν ὁ ὁλθ'.

Epistola

## EPISTOLA XI.

*Viro amplissimo, clarissimo, Dn. D. CASPARO BAUHINO Anatomico & Botanico longè celeberrimo, Basileensi Archiatro meritissimo, ejusdemque Academia Medicina Professori primario, & Illustriss. Wirtenbergici ducis Medico felicissimo, GUILHELMUS, FABRICIUS HILDANUS*  
S. P. D.

**Q**Uæ de fungis, quos miseram, communicasti, vir amplissime, per-  
grata mihi fuere. Trislaginis sive chartæ drys plantam exsiccata, *De Trisla-*  
& chartæ egglutinata, ad te mitto. Dn. D. Georgius Jenischius piz me- *gine sive*  
moriz illam alteram Botrydem esse statuebat. Ego cum propter ratio- *Chamadri.*  
nes, quas in literis ad Dn. Jenischium datis, & quarum apographum nup-  
perrimè ad te misi, recensui, tum & propter singulares virtutes, quas  
cum scordio communes obtinere, sæpissime usu atque experientia ex-  
pertus sum, scordii potius illam speciem appellandam esse censeo.  
Tua verò quæ hac de re sit sententia, scire vehementer aveo. De Eu-  
phorbio quoque judicium tuum expecto. De lapide Bezoardico quæ-  
cunque singularia observavi, doctissimo Dn. D. Michaeli Döringio con-  
victori meo amantissimo, communicavi: qui quia hac de re materia  
& doctè, & prolixè ad te scribit, nihil reperam hic. Lapidem quos habeo  
parvi sunt, sed tamen boni, uti ego non raro expertus sum. Ante annos  
aliquot inter manus Dn. Mahueti, tum in gymnasio Lausannensi Aë-  
braicæ linguæ professoris, lapidem, quem ipse Bezoardicum fuisse af-  
firmabat, vidi, qui magnitudinem ovi gallinacei adæquabat. Sed in  
istis magnis potius fucum & dolum, quam in parvis reperiri, quidam  
pharmacopola Colonienfis, amicus meus singularis, aliquando mo-  
nuit: Quod & ego verum esse expertus sum. Prima data occasione ad  
illum scribam pharmacopæum, & petam, ut si quid singulare circa  
hosce lapides observaverit, nobis communicare non gravetur. Singu-  
lis enim annis ipsos in copia in Belgio sibi comparat, atque hinc inde  
distribuit. Vale vir amplissime, & Æsculapiadæ familiæ lumen ætern-  
um cum tuis omnibus, quos tecum ego, & uxor mea demissè salutamus,  
Raptim Paterniaci Aven 9. Februar. 1608.

Mm 3

EPI.



## EPISTOLA XII.

*Virtute, doctrina, eruditione præstantissimo Viro Dn. CASPARO  
DORNAVIO Philosophia, & medicina doctori amico suo  
perpetuo honorando, GUILHELMUS FABRICIUS  
HILDANUS S. P. D.*

*Partes dis-  
ficiles.*

Non possum satis exosculari, vir clarissime, ingentem illam in me-  
tuam benevolentiam, & liberalem animi tui significationem,  
quam antequam nos coram vidimus, plenissime mihi exhibuisti, cum  
observationes meas Chirurgicas carmine eleganti honorare digna-  
tus es. Utinam tales essent, ut tanti viri encomio digni censeripossint.  
Interim tales quales sunt, mitto ad te exemplar unum, cui addere li-  
buit tractatum de dysenteria. Tu vir humanissime pro tua humanita-  
te humaniter omnia excipe, & æqui, bonique consule. Doleo, quod  
tot, tamque absurdis mendis, propter incuriam typographi scateant  
observationes: non enim manuscriptum exemplar correctius dari  
poterat. Cæterum post tuum à nobis discessum Chirurgica nonnulla  
rara mihi occurrerunt: inprimis vero in quatuor puerperis difficilimis  
adhibitus fui. Primò Lausannæ 7. Septembris: sed parturientem in  
mortis agone inveni, atque in illa ipsa hora, in qua ad ipsam accessi, è  
vita discessit. Post mortem aperto ventre præsentem clarissimo viro Dn.  
D. Rheterio, fœtus semi putridus, uterus verò dilaceratus conspectus est.  
Secundò Muravi 10. Septembris, ubi ex parturiente fœtum mortuum,  
præsentem reverendo Dn. Joanne de l'Orca, ejus loci verbi divini ministro  
extraxi. Fœtus post dies aliquot obiit, mater verò pristinae sanitati re-  
stituta fuit. Tertiò in eodem Muratensi agro 27. Septembris præsentem  
nobili viro Dn. Nicolao à Wattenville, quem honoris, & erga ipsius Ma-  
nes observantiæ causa hic nomino, fœtum semiputridum extraxi,  
puerpera similiter canvaluit. In hac præterea civitate habemus ma-  
trona[m] honestam, quæ per tres integros menses fœtum mortuum in  
utero gestavit. Ego quidem in consilium adhibitus fui, sed uxor mea  
20. Octobris fœtum extraxit. Matrona illa nunc laus Deo, bellè se ha-  
bet. His vale vir clarissime & amicissime, & aliquando ad nos rescri-  
be. Paterniaci Aventicorum 27. Novembris Anno 1605.

EPI.

## EPISTOLA XIII.

CASPARUS DORNAVIUS *Med. Doct. clarissimo, præstantissimo, moq. Dn. GUILHELMUS FABRICIUS Medico-Chirurgo peritissimo. S. P. D.*

Clarissime, & præstantissime mi Dn. Fabrici, amice colende; eadem ego memoriæ tenacitate summæ tuæ in me humanitatis, & amicitiaæ mecum circumfero imaginem, atque tu præsentis mei recordaris colloquium, & voto nostro, breviorē conversationem. Quis enim tam ferrei foret pectoris, tam caperata frontis, qui non te redamēt, sic amantem? non magnificaret generi humano & Asclepiadaæ familiæ tam fructuosē commodantem? Quod verò honorario me tuo, insigni illo, & multis nominibus exoptabili, adficere dignatus est, fecisti, ut animo meo anxium negotium facessam, quibus modis hoc beneficii grāvida aliqua gratia rependere possim. At non possum pari Talione. Hoc spondeo tibi lubens, hoc voveo volens, animo me interim gratum futurum, donec & hic reipsa in aliquod gratitudinis monumentum sese exerat, quod tibi tam certē persuadeas velim, quam me tibi communis Æsculapii societate addictum. Observationes illæ tuæ de foetuum extractione, ut lectu dignæ, ut scitu jucundæ! Maſte mi Fabrici hac tua dexteritate. Videris mihi hoc pacto brevi collecturus aliam observationum centuriam, & eam in humani generis solatium, publici juris ususque faciurus. Ita ne autem & uxor tua Chirurgicas jam administrat *εὐχρησίους*? Bone Deus quanti est virtus, scientia, peritia! quæ quiescere non potest, quin spe etiam, & modo insolentiori vim suam diffundat, non secus, atque sol supra horizontem nostrum elevatus, non potest non hoc universum naturæ theatrum illustrare. Expectas tu fortassis, ut tuas observationes meis compensem? Falleris totus, si hanc concepisti opinionem: si quidem nondum tantoperè messis mea, ut dicitur, in herba est. Laborem equidem tibi, si placet, objiciam lubens, & temporis inferam dispendium: quod tu tamen pro inici nostri amoris, amicitiaæque sacro, non tantū æstimabis. Dicam quid velim. Adolescens quidam floridæ temperaturæ, carnosa, benz, & commodæ ante octennium lapsa quodam dext. um luxa-

*Luxatio  
brachii ex  
lapsu.*

VIT

vit brachiū: quod ab eo tēpore atrophiam, & macie confici cœpit: adeo quidem, ut jam magis, magis quā cæteris membris ob corporis augmentum incrementibus, minuatur, decrescat, macrescat. Accedit, quod in intrinseca cubiti flexura, tensio quædam percipiatur, ut in justam longitudinem ac rectitudinem brachium projicere nequeat: sed incurvatum ferè in modum falcatæ Lunæ citra tamen doloris vim gestare cogatur. De causâ non disputabo prolixius. Unum monebo: videri mihi à primo relaxati, postmodumque repositi tempore, errorem in ipsa repositione collocatum fuisse: & in ipso articulationis spacio vel ex adfluxu humoris, vel alimenti callosi quippiam succrevisse. Hoc ut conjiciam, facit, quod tota extrinseca cubiti articulatio, ejusque processus protuberare plus videatur, quàm secundum naturam sese habere debeat: & inæqualitas quædam simul dictorum humeri, & cubiti processuum, licet vel sub aspectum vel tactum corpus aliquod seu calulus præter naturam non veniat. Ufus est, ut audio ante annum, imò ante complures annos remediis quibusdam, ex adipe humano, & nonnullis oleis: sed citra notabile quodpiam adjumentum. Nunc cum & malum vires assumat, & tempus accedat, quo vel pugillatui, vel aliis equestribus exercitiis nonnunquam vacare debeat, brachium verò decurtatum, & incurvatum non admittat, accuratori cura opus est. Tu mi præstantissime Dn. *Fabrici*, consule quæso in medium, quid tibi & doctrina, & experientia cognitum, in hoc affectu salubri cum successu, aut saltem illius spe adhibendum videatur. Dabo operam, ut hoc benevolentiz genus aliis amicitiz officiis, & studiis promereri queam. Rogo itaque vehementer, expectationi meæ, ne desis: & quamprimum fieri potest, sententiam tuam mihi rescribas. Fieri enim potest, ut primo vere Musas nostras hinc in alias regiones transferremus. Vale

vir clarissime, amice exoptatissime, & me ama. Hei-

delbergæ Eidibus Januari

CIO IDC VI.

## EPISTOLA XIV.

*Adeundem virum Præstantissimum Dn. CASPARUM DORN-  
NAVIVM Med. Doct. cui GUILHELMUS FABRICIVS Hil-  
danus S. P. D.*

OB solam inspectionem literarum tuarum, vir virtute & doctrina  
verè præstantissime, & amicorum longè charissime, crede mihi  
præ gaudio exilii; tum quia te rectè valere, & nostri memorem esse,  
nec mente à nobis alienari, etsi excelsissimi montes nos jam segregant:  
Tum etiam quod velitationes nostras literarias gratas tibi fuisse probè  
intelleximus. Perge quæso mi *Dornavi* in eadem amicitia constantia,  
nec sine eam vel temporis injuria, vel locorum intervallo evane-  
scere. Ego vicissim quoad vixero, Deo dante, sincerè, & religiosè eam  
erga te conservabo: idq; ubicunque, & quandocunq; sese obtulerit  
occafio, re ipsà pro virili declarabo. Porò visum nonnullis ex amicis  
meis memoriam celebrare *Karoli illius magni Ulenborii*: piæ memoriæ,  
quam Dn. *Rhesberio* ad calcem præfationis observationum adjicere li-  
buit, aliqui ad me miserunt Epitaphia, nonnulli verò promiserunt, quæ  
suo quoque tempore prodibunt. Quod si simile quid in memoriam  
hujus viri tam pi., tam docti, & erga quosvis humanissimi, canere, &  
ad me mittere libuerit, pergratum mihi feceris. Multum enim ipsi pro-  
pter incomparabilem ipsius in me benevolentiam debui, ac etiam nunc  
ipsius familiæ debeo. Casus quem proponis gravis est, inveteratus, &  
vix curabilis: id quod ante annum in juvene satis expertus sum. Is dis- *Dislocatio;*  
locato cubito sinistro, in manus imperiti empirici incidit: qui juncturam *cubiti.*  
nec satis benè reposuit, multo verò minus à dolore, & humorum  
affluxu vindicavit. Post menses aliquot ad me veniens, illius brachium  
decurratum, incurvatumque valdè, & juncturam propter concretam  
illam materiam circumcirca planè immobilem deprehendi: aderan-  
que dolores, & maximi, & continui. Ego divino favore, maximisque  
& longis laboribus, tum universalibus, tum topicis medicamentis do-  
lores sedavi, affluxum humorum amovi, affluxos discussi, tantumque  
effeci, ut nunc, Laus Deo, major ex parte brachium suum officium fa-  
ciat, & rusticana negocia ferè omnia peragere possit. In integrum verò  
propter callosam circumcirca juncturam concretam materiam resti-

Nn      tui



*Atrophia  
ex una foris  
compressio-  
ne.*

tui minime potuit. Hodie denuo, præfente Dn. Urstiso (qui te salutat plurimum) puerum invisi, qui eodem plane affectu, ut ille, de quo scribis laborat, sed vix admovebo manum. Ex his intelligere licet, vir Amplissime, quid de eventu casu illius; quem mihi depingis, cogitare atque expectare licet. Atrophia enim brachii hinc evenit, quod ex malè repositis, atque extuberantibus ossibus, vel etiam propter concretam in intrinseca cubiti flexura materiam, venæ atque arteriæ comprimantur, ita ut alimentum & spiritus non facile permeare, nec ubique partes brachii irrorare possint. Atque atrophia illa, ut plurimum incurabilis censetur, nisi prius ossa in naturalem situm reposita fuerint: Id quod hic, quia morbus inveteratus est, frustra tentaretur. Suaderem tamen, ut prius purgato corpore singulis horis matutinis, antequam lecto egredetur, æger totum brachium, manum & nucham inungere curaret succo lumbricorum, cui admixtum sit parum olei amygdalarum dulcium. Atque ut deinde in maximis laboribus, & exercitiis brachiorum sese exerceret: & nonnunquā gravissima pondera manu sublevare tentaret. Sic enim fiet, ut nervi extendantur, parsque affecta mediocriter incalascet sanguinem, atque nutrimentum motu illo violento attrahat. Præparationem succi poteris petere ex tractatu meo Germanico de gangræna & sphacelo cap. 13. pag. 205. Deinde appone: em ceratum Oesypi Philagrii. His si non penitus curatur affectus, maximum tamen inde juvamen: tum ipsum percepturum confido. Ego Deum optimum maximum suppliciter oro, ut iis benedicar, & te uratum generoso Barone (quem demissè saluto) totoque sodalicio vestro, quam diutissimè incolumem conservare velit, quo peregrinationem vestram feliciter absolvere possitis. Vale vir amplissime, & amicorum optime, meque amare perge. Paterniaci

Aventicorum 17. Martii

1606.

EPI-

## EPISTOLA XV.

*Viro clarissimo atque doctissimo Dn. D. Casparo Helblino, in illustri Academia Freiburgensi Brisgoviourum Medicina professori celeberrimo* GUILHELMUS FABRICIUS Hildanus  
S. P. D.

UT tandem fidem meam liberarem, clarissime atque amantissime *Servitura oculi artificialis.* mi Dn. D. Helblino, en ad te mitto structuram oculi, quam ut hilari fronte excipere velis, obnixè rogo. In separatione ne quid disrumpatur, circumspicè procedendum est. Prima quæ occurrit membrana, adnata, sive conjunctiva est, deinde quod sequitur obtegumentum album, crassumve, pinguedinem repræsentat. Illud cum abstraxeris, musculi sex, quatuor recti, duo obliqui, simul & nervus motorius per omnes musculos dispersus, & expansus in conspectum veniunt. Sequuntur deinde membranæ, innominata nimirum, cornea, & uvea, in medio separatæ, ut essent, necesse fuit, alioquin quæ præterea in oculo continentur, minimè conspici potuissent. Superior autem pars uveæ, ubi perforata est, in superiori parte ipsius corneæ abscondita est, poteris illam faciliè acicula, aut acie scalpelli apprehendere, extrahere, iterum quæ pro arbitrio reponere, postea sequuntur retiformis, & membrana vitrea, per crassam autem portiunculam illam albam, humorem vitreum repræsentans, in cujus centro humor crystallinus, simul & membrana aragno idea resident. Quod si globulos istos crystallinos, quos promiseras, misisses, artificiosius forsan humorem istum crystallinum, cum sua tunica aragnoidea repræsentassem. Possum enim aragnoideam tunicam ita efformare, ut sit rotunda, undique clausa, & instar telæ araneæ contexta, quo humor crystallinus in medio collocatus conspici possit. Verùm ut globulus ex utraque parte foramen habeat, quo stylum ferreum excipere possit, necesse est. Omnino tamen, ut perforatus sit, non expedit, sic enim splendorem suum ex parte amitteret. Clarissimus vir Dn. D. Mezius communis noster amicus, quæ ante dies aliquot Basileâ veniens, in via offendi, significavit mihi, te globulos istos paratos habere: si ita est, mitte quæso illos per huncce famulum meum, aut alium fidelem nuncium: Quamprimum enim ad

Musum meum reversus fuero, operam dabo, ut tunicam illam cum suo humore crystallino de novo exstruam & ad te mittam. Sed rescribere obsecro, an modum illum adumbrandi tunicam illam, quem jam proposui, approbes, & quid præterea in structura illa oculi, præter humorem aqueum, quem nullo artificio adumbrare potui, desiderari possit. Hæc festinanter ad te, vir clarissime, scribo: quapropter ut tu, multuanti calamo ignoscere velis, plurimum rogo. Includum fasciculum literarum mitte quæso per tabellarium, ut vocant, ordinarium ad Dn. de Bry, ille jam tertiam centuriam observationum mearum, & quædam alia sub prælo habet. Vale vir amicissime, & æternum vive cum tuis omnibus, quos tecum saluto. Saluta obsecro meo nomine amplissimum ac longè doctissimum virum Dn. D. Mockium, clarissimos item, atque doctissimos viros D. D. Faußium, & Dn. D. Mezius, uti quoque præstantissimum virum Dn. Federerum, quos ut Deus Opt. Max. diu conservare velit, ex corde opto. Raptim Bingæ 17. Julii 1614.

## EPISTOLA XVI.

JOHAN. CASPARUS HELBLINUS *Med Doct. experientissimus viro Dn. GUILHELMO FABRICIO Hildano S. P. D.*

*Respondetur præcedenti epistola.*

Oculum mira arte, & industria elaboratum, quem ante hac clarissimus vir, amicis omni observantia colendum, promiserat, non sine maxima voluptate, hodie à præsentium latore accepi, idque propterea, quod singularem tuam erga me benevolentiam, & animicandorem intelligerem, tum quod symbolum ab amico singulati, ac rarò necessitudinis in itæ perpetuum obtinerem, tum etiam quod ornamentum esset maximum eorum, quæ jam ab aliquo tempore non sine studio, & labore perquisivi. Quare tibi, ut amicissimo amico gratias ago, & habeo maximas, meque hujus fore gratum & memorem, candidè polliceor. Uque hujus initium videat, en globulos, quos pro humore crystallino reponere soles transmitto: mihi scem citius, si occasionem ad te scribendi nactus fuisset: quod si hac forma placuerint, me fide quoque mea liberatum existimabo: sin minus, curabo, ut ad nutum conficiantur, & si Bingæ ad dies aliquot permanseris, Adamantem convenienti instrumento exceptum procurabo. Quid verò de hac eleganti

leganti, & laboriosa oculi structura, & de deficiente humore aqueo, qua ratione is etiam addendus, sentiam, alio tempore commodior significabo. Hisce vale, atque ut cepisti me amare perge. Datum ratipm Freiburgi 19. Julii 1614.

## EPISTOLA XVII.

*Viro Clarissimo, atque doctissimo Dn. JOHANN. CASPARO  
HELBLIN O, in illustri Academia Freiburgensi Brisgovio-  
rum medicina Professori longè celeberrimo, amico singulari  
GUILHELMUS FABRICIUS Hildanus, S. P. D.*

**M**Unusculum quod misi, tibi gratum fuisse, vir clarissime, & ami- *Responsio  
ad epistolam  
præcedentem.*  
ce æternum honorande, vehementer gaudeo & sincere dico, majorem esse necessitudinem nostram, quam ut pro hoc officio tantoperè mihi gratias agere debuisset. Globulos crystallinos quos misisti, accepi, & vicissim gratias, ut debeo, tibi ago immortales. Ex eis autem tres, qui omnium minimi, & ex utraque parte aliquomodo depressi, humorem crystallinum quam elegantissimè repræsentant. Utinam reliqui essent similes, & exigua valdè haberent foramina, quo illos absque colla annexere possem: tentabo tamen an aliquo artificio illos potero adaptare, & membranz aragnio deæ ita inserere, ut ex utraq; parte conspici possint, & genuinum splendorem retineant. Id si ex voto successerit, mittam ad te, ut in præcedentibus meis promisi, specimè, sin minus, monebo, & ut alio modo elaboraretur, à clarissimo viro contendam. Per dies, ut arbitror quatuor, aut quinque hic mihi adhuc commorandum erit; interim, si Adamantem procurare poteris, rem gratissimam mihi feceris: & libentissimè restituam, quicquid expenderis & quidem cum usura. His vale vir clarissime, & me tui amantissimum, vicissim amantem. Iterum meo nomine saluta amicos, quorum in præcedentibus meis ad te literis memini.

Raptim Bingæ 28. Junii

1614.



## EPISTOLA XVIII.

CLAUDIUS DEODATUS *Reverendissimi, & Illustrissimi Episcopi Basileensis medicus ordinarius*, GUILHELMO FABRICIO *Hidano S. P. D.*

*De dysenteria.*

*Dysenteria  
agrū terrifi-  
ca.*

*Dysenteria  
fugaces  
qua?*

*Dysenteria  
quid.*

INSIGNEM profecto vir excellentissime, & apprimè necessariam de dysenteria tam præservanda, quam methodice persananda suscepi-  
sti provinciam, cum sit affectus, qui quavis ferè anni tempestate, & se-  
nes, & juvenes, & utriusque sexus homines invadat, totasque quado-  
que regiones, & provincias depopuletur, quamvis hoc ratum sit, quod  
ut sunt anni tempestates, sic & humorum, hunc affectum excitantium  
Ideæ; & ut humorum sunt ideæ, ita ut hujus affectus formæ: inter alvi-  
na tamen symptomata, quæ humoris acerbitate, & excretionis labo-  
riosa sunt, dysenteria ferè primatum tenet: Cum enim omnis sangui-  
nis profusio, sive sursum sive deorsum facta, tam ob ipsam fluxionem,  
quàm profluvii causam suspecta sit, sit, ut dysenteria ob sanguinis per  
alvum eruptionem terrifica sit: terrentur enim ægri viso sanguine,  
quamvis subinde, & Medicum & ægrū spe salutis solet: ut, præsertim si  
humoris morbifici copia, salva nutritionis & æconomia exciteretur: vel si  
alvus excrementis figuratis, mollibus, modica bile perfusa & cibi in-  
gesti copiam respondentibus feratur, & debito tempore: vel cum est  
Critica, & quæ Lionosis supervenit & senibus hæmorrhagiæ loco. Ta-  
les autem dysenteria fugaces, in quibus excrementa ad tempus saltem  
cruore tinguntur, dicuntur. Quod si excrementa humida sint, alba  
viridia, vitellina, meraca, multaque bile tincta ferantur, si vel sæpè &  
multum, vel sæpè & paucum, & cum stridore excrementantur, tales sanè  
dejectiones & symptomatice sunt, & partibus per quas feruntur cala-  
mitatè inferunt, maximè si ab atra bile, quæ prænuncium habuit bilis  
vomitum, quæ tormina induxit, ortus sui causam agnoscat: Talis e-  
nim dysenteria in sanabilis carcinomatis Ideam præ se fert, tum pro-  
pter materiæ feritatem, tum propter ulceris malignitatem.

Quod si causas examinemus, apparebit. Dysenteriam propriè usur-  
patam, non esse intestinorum difficultatem, cum sine hac sæpè fiat dy-  
senteria, sed esse cruoris per intestina ad alvum manantis dejectionem,

ad

ad fluxus hæmorrhoidalls differentiam, qui ab alio duntaxat emanat. Cruoris autem dysenterici dejectio ab intestinis & per intestina manans, vel à partibus superioribus, vel à toto corpore, vel intestinis exulceratis manat. Si feratur per intestina cruor, & loturam cornium recens macatarum referat, hepatis resolutionem & imbecillitatem arguit. Inde fluxus ille hepaticus, qui non rarerent magno ægrotantium malo pro dysenterico habetur. Quod si & cruenta, & muls, & naturæ virtute fiat dejectio, à Galeno lib. 4. de art. *αἱματώδης* dicitur, & talis quando que ob ulcus malè sanatum, dysenteriam *αἱματώδην* excirar, quæ tamen lethalis non est, sed fugæ sanguinis exclusio: & hac ratione fit, ut quandoque à cubiti ulcere alvus cruentis excrementis feratur, quia corpus est permeabile.

*Fluxus hepatis.*

*Dysenteria αἱματώδης.*

Dysenteria verò propriè dicta ab intestinorum ulcere nascitur, cum scilicet intestina crassiora, vel superiora & tenuiora torminibus attrahibile, aliisve acribus salis, arsenicalibus, aronicis, vitriolatisque humoribus ulcerantur pro humorum scilicet idea, quorum dominatu corpora tenentur, sed de his pauca ista sufficiant.

*Dysenteria propriè dicta.*

In curatione quaeritur, an in dysenteria conveniat phlebotomia? Sanè si cruoris ab intestino exulcerato manantis exclusio ægrum damnisaugeat, à sanguinis detractione minimè abhorrerem: sic, si patiens sit æstuosus, hepar bile accensum excandescat, deijciendi finem non faciat, sit dejectio cruoris ab intestino manantis, & nec jactatio, nec incendium quiescat, quis non venæsectionem procurabit; ut perennitas à calore & intestini incendio dependens extingatur, præsertim si virium robur adsit?

*De phlebotomia in dysenteria.*

Quod si purgatione opus sit, nullum præstantius pharmacum imo barbaro excogitari potest, eo quod & fluxionem sistat, partem roborret, ulcus sua adstrictione & moderata siccitate curet: At non prius, quam pars ulcerata consolidationem perceperit, clysteribus, potionibus, medicamentis lenientibus, non autem ulcere aut inflammatione affecto hepate. Graviter enim mihi peccare videntur, qui sine doloris levatione, ulcere non mansuesacto, nec materia morbifica justificata cathartica dysentericis exhibent; ulcus enim mendando ægrefcit.

*De purgatione in dysenteria.*

*Cathartica in dysenteria quando non exhibenda.*

Quod si dysenteria epidemica fuerit, ea nulla ratione prius suppressi debet, superstitie totius perennitate, sed exhausti & confirmari debet, parte prius purgata. Porro cum initio dysenteriae adstringentibus utendum non sit, eo quod dejectio, quæ *αἰαδὸν* populæ, & not. *αἰαγὺν* *ὕλην* habet.

De usu a-  
qua chaly-  
beata in dy-  
senteria.

Aqua cha-  
lybeata,  
quomodo  
præparanda.

habet, pleuritidem, petipneumoniam faciat, & dysenterias, aliaque fr-  
via symptomata inferat, meritò quaeritur, an in hujus affectus curatione a-  
qua chalybeata usui admitti possit.

Cum variz sint ferri differentiz, & unum aliis præstet, pro interno  
Medico usu semper præstantius eligendum, quale est vel Persicum, In-  
dicum, Chinesium aut Damascenum, idque recens, nec sæpius in offi-  
cina conflatoria ignibus exercitatum. Tale igitur sumitur ferrum, pro-  
bè candelatum, & in vino, aqua, cerevisia tenui, lactis sero, aliòve  
congruo liquore extinguitur, semel atque iterum duntaxat: & huc ex-  
tinctioni meliores Prædici, ut & Mercatus lib. 2. de affectibus mulierum  
cap. 18. vim tribuunt purgandi & repurgandi non leveni. Nec injuria  
sanè. Cum enim apertis vi ignis, & referatis ferri compaginibus, in exi-  
stens Halonitrum, & calchanti, seu atramenti quædam species cum  
sulphure quodam metallico, artis spagyricæ beneficio colligi poterit,  
quibus meritò laxandi, penetrandi, detergendi, & obstructions refe-  
randi facultas inest; fit ut fracta vi ignis ferri compage, vis illa prædictis  
liquoribus propter actuatum in iis Halonitrum & calchantum com-  
municetur. Facta enim vi ignis resolutione, liquores illi spiritibus ni-  
trosis ac atramentosis, quorum est penetrare, detergere, aperire, natu-  
ram ad excretionem stimulare, imprægnantur. Quod si ferrum veru-  
stius, pluriesque vim ignis expertum, & spiritibus illis nitrosis, atque  
atramentosis ferè exhaustum, sæpius candelatur & extinguitur, poterit  
tunc procul dubio lientericis, colicis, dysentericis, cæterisque mor-  
bis resolutis conferre, cum vim inde sortiantur illi liquores exsiccandi,  
roborandi atque adstringendi, eò quod ob frequentem, & sæpius re-  
peritam extinctionem, corpore duntaxat ferri substantia in liquorem  
transferatur, exhaustis pridem nitrosis, & atramentosis spiritibus. Ego  
cum in dysenteria animus fuerit aquam fluxionibus sistendis ex chaly-  
be præparare, meritò secundum Mercatum & alios prima extinctionis  
aqua, utpote spiritibus nitrosis & purgantibus imprægnata, abjicienda,  
reservata illa, in quibus sæpius ferrum nitrosis spiritibus pridem ex-  
haustum, fuit extinctum. Et hæc sunt, quæ pro quaestione tua, vir pe-  
nitissime Masonopoli mihi proposita, pro temporis brevitate, & occu-  
pationum frequentia paucis respondere volui. Vale &  
tuum Deodatum amare perge. Datæ Buntruti

6. Januarii 1616.

EPI-

## EPISTOLA XIX.

*Viro amplissimo, atque doctissimo Dn. CLAUDIO DEODATO, reverendissimi, & illustrissimi Episcopi Basileensis Doctori Medicoordinario atque celeberrimo GUILHELMUS FABRICIUS Hildanus S. P. D.*

**L**iteræ tuæ vir amplissime, ac æternum mihi observande, mirificam mihi attulerunt voluptatem: non solum quia insignem tuam erga me benevolentiam testantur; verum etiam quia integram ferè dysenteriam curandi methodum continent, & controversiam illam de usu aquæ chalybeatæ in dysenteria accuratè explicant. Quod autem addis ab initio, & antequam materia morbifica fuerit mitigata, cathartica minime esse exhibenda, nondum sententiæ tuæ (nisi scamoneata, & quæ vehementer purgant intelligere velis) subscribere possum; juxta illud divini Hippocratis dictum, *Morbicum inchoant, si quid movendum videtur, move, &c.* Citra initia enim morborum illorum in quibus speratur ægiotus convaliturus, inquit *Galenus*, tentanda sunt majora remedia, nimirum venæsectio, & purgatio: quorum neutrum addit idem *Galenus*, oportet morbo jam consistente adhibere: idque non immeritò. Ab initio enim morbi symptomata adhuc sunt levia, & virtus valida, progressu verò temporis omnia contra se habent. Deinde dolor qui in dysentericis acerbissimus est, nō potest sedari, nisi ablata ipsius causa: ac causa doloris materia est acris, in intestinis collecta, quæ nisi maturè evacuatâ fuerit, ingravescit morbus, & virtus proster-nitur. Id verò rhabarbaro fieri debere, tecum sentio: addo myrobalanos citrinas, quæ propter evacuandi facultatem partes quoque roborant, & ulcus exsiccant: addo & syrupum rosarum violarum, & de cortoniis, ad leniendos dolores, & materiam morbificam mitigandam. Ab acrioribus verò catharticis & scamoneatis, quia ulcus exasperant, & materiam ad locum affectum copiosè attrahunt, in dysentericis planè abstinendum esse arbitror, de quibus omnibus plura in tractatu meo de dysenteria.

Accuratam tuam distinctionem in præparatione & exhibitione aquæ chalybeatæ approbo quidem: quia tamen adstantes sæpissime, sive id propter negligentiam, sive ignorantiam illorum acciderit in ex-

*Responsum ad epistolam præcedentem de dysenteria.*

*Purgationes in dysenteria, quare ab initio adhibenda.*

*Lib. 2. aph. 29.*

*Cathartica acriora in dysenteria vitanda.*

*De aqua Chalybeatâ.*

Oo hibitio-



hibitione ordinem ac methodum Medici, non sine maximo periculo ægrotantis immutare solent, usum aquæ chalybeatæ in dysenteria, cum *Cratone* merito improbandam esse existimo, præcipue cum multa eaque egregia approbataque remedia, quæ ipsius loco substitui possunt, nobis non desint. Hæc ad amplissimum virum non contradicendi, sed discendi studio scribo.


Sententiam & opinionem tuam de aqua chalybeata libro meo de dysenteria inscripsisse: sed manuscriptum exemplar jam Basileâ, Francofurtum miseram, antequam tuas accepi: ut tamen posthac suum quoque locum in opusculis meis habeat epistola tua, operam dabo.

Pro carmine doctissimo, quo librum meum de dysenteria decorasti gratias immensas ago, & habeo, referrem libenter, si occasio aliqua sese offerret: Ne tamen in præsentiarum omnino ingratus videar, en ad te mitto opuscula mea omnia latina, præter tractatum de gangræna, & sphacelo, quæ non amplius reperitur. Habeo illum præ manibus, & si Deo ita visum fuerit aliquando iterum prodibit. Interim accipe tractatum illum Germanicè scriptum, observationibus & inventionibus novis auctum & illustratum. Multo quoque carmen Gallicum pium, ingeniosissimeque factum, quod nomine authoris hic excudendum curavi. Accipe quoque flores sulphuris nativos, quos præ omisi, quibus in morbis pectoralibus maximo cum fructu utor, quosque ego eis, qui ante fiunt, longè præferendos esse existimo.

Cæterum cum Ensesheimio Masonopolim reversus essem, iterum ad illustrem virum Dn. de Bolluvill, &c. accessus fui, ubi seræcum & communi inter nos consensu præscriptum paulò post applicui: quapropter per dies octo apud ipsum persistendum mihi fuit. Interim circa reverendam canonicissimam illam, quam potui diligentiam adhibui. Instrumentum cujus delineationem hic annexui fabricare jussi, cujus beneficio tam commodè bibit, ut vix guttula per ulcus: illud ex sinistra parte maxillæ effluat. Deus pro sua misericordia: statim benedicat remediis, quorum tandem pistinam sanitatem, si non integrè, ex parte tamen recuperare possi. Vale vir amplissime, humanissimeque & *Fabricium*, qui tuus est, quod facis amare perge. Raptim Bernæ 12. Januarii 1616.

CENTURIA I.  
*Delineatio prædicti instrumenti.*

291



*Ad eundem virum amplissimum Dn. D. Claudium Deodatum post scriptum.*

Dum nuncium commodum, qui præcedentes literas ad te, vir amplissime, perferret, expecto, iterum tuas 16. Jan. stylo novo datas accipio, in quib. ut negotiorum lib. Dn. D. *Penosi* de præparatione & usu medicamentorum chymicorum, urgerem, suades. Traçavi hac de re cum Dn. *Regio* Basiliensi, quæ quæ librum illum jam prælo suo commisit, ita ut brevi lucem, ut spero, videre possit. De pharmacopœa sua spagyrica nihil unquam ab ipso intellexi, etiamsi mihi à multis annis fuerit familiarissimus. Nunc quia ætatem decrepitam attigit (nonagesimum enim septimum annum ætatis ingressus est) & repuerascit, nec studiis amplius incumbere potest, nihil in posterum ab ipso expectandum esse arbitror. Hodie literas à Dn. D. *Craffio* accepi, quibus Necomum ad uobilem quandam accessor, cum ad ipsum pervenero, procurabo, ut radices, quas ab ipso expectas, accipere possis. Iterum vale, & milles. Raptim Bernæ 17. Januarii, stylo veteri. Anno 1616.

## EPISTOLA XX.

CLAUDIUS DEODATUS, reverendissimi & illustrissimi Episcopi Basileensis Medicus ordinarius, excellentissimo peritissimoq; Viro Dn. GUILHELMO FABRICIO Hildano Medico & Chirurgo Bernensi Dn. & amico singulari.

Excellentissime & charissime Dn. *Fabrici*, literas tuas & amoris & doctrinæ plenissimas, unâ cum observationibus Chirurgicis tam Latino, quam Germanico idiomate in Reipublicæ Medicæ utilitatem evulgatis accepi; gratias habeo maximas, æternum quæ habebō.

Lubenter admodum tuâ in propinandis in affectu dysenterico purgantibus opinionem, meâ, ut opinatis, sententiæ è diametro contrariam intellexi: Verum ut res ipsa paulò clarius elucescat, lubet exercendi ingenii gratia, hoc argumentum fusius explicare. Licet tam apud *Hippocratem*, quam *Galenum*, dysenterici nomen non solum ad intestini ulcus, sed etiâ ad quamvis cruentâ dejectionem per intestina factam, referri possit, uti paulò post ex causarum enumeratione demonstrabo: Scripseram tamen, nisi mea me fallit memoria in dysenteria propriè dictâ, primigenia, ab effero humoris moribifici affluxu, intestinorâ ulcus

excit-

*In dysenteria insensibilis ab initio non purganda.*

exdrante nata, graviter illos peccare, qui sine doloris levatione, ulcere prius non mansuescunt, nec mitigata prius materia morbigica, purgacia exhibet; tū quia ulcus medendo agrescat, sicq; afflicto addatur afflicto, tū quia nec mitigata materia & pharmaco tectata, ea liquefaciat, quæ sui natura morbo resistunt, sicq; morbum reddant crudeliorem; tum demum, quod attrahi pharmaco ad locum affectum humores, ulcus efficiant insanabile, &c. Tu contra ingeniose admodum pro tuæ sententiæ confirmatione Hippocratis aphorismum 29. sect. 2. adducis, & Galeni interpretationem; qui tum aphorismus intelligendus venit, de prima morbi incurfione seu principio universalis temporis morbi, cum adhuc cruda sunt omnia, & effusus humor ipsam intestinorum substantiam nondum exedendo invasit, quo tempore (modo non reclamet Hippocrates aphorif. 22.) possunt leniter evacuantia præmitti: Attrahenter morborum iniriis vocantur Medici, sed plerunq; humore morbigico sua feritate intestina depascente, quod effluente sanguine innotescit, jam aut anastomosin, aut diapedesin, aut diarrhesin subesse, ubi magis urgenti, ulceris scilicet mansuesactioni occurrendum. Nam licet ineunte morbo, naturæ vis sit firma, ut doctè & sapienter scribis, plus tamè sæpè valet materiæ morbigicæ vis effera, ad avocandū Medicum ab exhibitione purgantis medicamenti, quàm valeat, & invitet naturæ robur ad ejusdem exhibitionem: Ideo ex Hippocrate scribit Seneca; Nihil esse periculosum magis, quàm immatura medicina: & Livius Medicos plus quiete, quàm agendo & movendo proficere. Hinc præceptor noster Hippocrates libro *Εἰς πρῶτον* talem proponit curationem. Si quem dysentericiæ vis occuparit, huic toto ventre dolor est atque tormentum ac bilem, pituitam & sanguinem ipsis permixtam egerit: Huic pharmacum potui dato, quod pituitam sursum expurget: postea alvum lacte cocto (clysteribus scilicet malagticis) prolue, dolor si adsit, calidâ multâ partes foveo, &c. Ecce Hippocrates in dysentericiæ curatione vomitorium ad materiæ antecedentis per superiora evacuationem exhibet, quo minus exhibito pharmaco dejectorio, materiâ morbigicam per inferiora trahente, intestini ulcus, & inflammationem augeat. Idem & tu, tacitè quidem in literis fateri videris, dum purgationis loco lenientia, dolorem mitigantia, & ulcus mansuesfacientia præfers, syrupum scilicet rosatum, violatum, cotoneatum, myrobalanos, &c. quæ non tam purgationem, quàm mitigationem & mansuesfactionem, prout mea est sententia, respiciunt.



*Causa dysenteria.*

Sed & ex causarum dysentericarum recensione, quarum nec una est ratio, nec modus unus, res adhuc clarius evadet. Causas ego reperio varias, hepatis *anvria*, *anvria*; vacuationem periodicam, & expulsionem symptomaticam: horum egestio vel fit sine intestini ulcere, cum scilicet primum sit, vel fit cum ulcere, quando scilicet tam illuc confluentia, quam illac effluentia excrementa abraddendo, & exasperando molesta sunt, sive ea sunt febrium tabificarum colligamenta, aut febrium acutarum peripetmata, flava vel atra bilis, pituita falsa, & putris, sive dysenterica spleneticorum, &c. Jam vero in dysenteria ab hepatis *anvria* excitata, cum egerendi ratio, & facilis sit, & sine morbo, & intestini tormine fiat, nec lenientibus, nec clysteribus anodynis factam consolationem requirit, nisi forsan temporis progressu tandem intestinis esset molesta, sed ibi utendum remediis hepatis confortantibus, tam foris, quam intra adhibitis, non autem purgantibus. Sic in dysenteria ob hepatis *anvria* sanguis per intestina fortiter, liberaliterque prorumpat, cum ea sit salutaris & periodica, atque ipsius naturae, non morbi merito accidat, qualis est dysenteria vernalis epheborum, ob retentam narium hæmorrhagiam, aut eorum, qui altero crure sunt mutili &c. in ejusmodi, inquam, dysenteria nulla quoque tentanda evacuatio artificialis, cum naturae lege contingat. Quod si dysenteria ab intestini ulcere contingat, propter concitatum rheuma, ut febrium tabificarum colligamentum, aut criticam febrium acutarum excretionem, aut lienosorum expulsionem videm criticam, si simplex, & critica sit excretio, & bonis aegri rebus est, nulla quoque purgatione opus habebit. Sin vero putrilaginem connexam habeat exulceratio, non solum longa erit ejusmodi dysenteria, sed & post materiæ morbificæ mundificationem demum purgatione opus erit, ad materiæ antecedentis ablationem. Si demum dysenteria non alterius morbi succedanea, sed primigenia, ulceris scilicet, consecraria fuerit, haud dubie ea curari non poterit, nisi causa prius ablata, quæ est ulcus. At ulcus, ut ulcus non requirit purgationem (emora enim per purgationem humorum sentina & ad locum affectum viam inflectens, magis lædit) sed sui detersionem, mundificationem, impletionem, agglutinationemque indicat, non alvi subductionem. Addo, quod omnis fluor sanguinis, sive per anastomosin, diarrhesin, aut per diapedesin contingat, nec lenientia, nec purgantia, sed unientia, & condensantia medicamenta indicat.

Sed infer, syllogisticas ulceris indicationes Medicum nunquam  
allectu-

*Ulcus purgationem non requirit, quare non ulcus.*

affecuturum, nisi vacuatis prius humoribus acribus, salis, ulcus ipsum propter perennem affluxum & generantibus, & fermentibus, &c. Non inficior, in legitima, & regia omnium ferè morborum internorum curatione tum lenientibus, præparantibus, tum etiam purgantibus, & maxime morborum initiiis (febres si & excipias, quarum materia morbifica præviā semper requirit mitigationem) opus esse, sed de ulcerare dysenterico agimus, quod quatenus tale, proprie & per se non evacuationem, sed syneurosin, & esyscarosin requirit.

Coronidis loco addiderim, et si rhubarbarum in dysenteriz curatione primatum habere videatur, tum quod fluxiones sistat, tum quod partes affectas roboret, & ulcus sua adstrictione, & moderata siccitate sanet: attendere tamen debere medicum, num præsentē hepatis æstu, & exandelcentia, ejus usus non sit suspectus, præsertim si, ut moris est, torreatur? tostione enim acrymoniam, requirit, unde abradendo molestum esse potest. Unde cum in dysenteria purgare animus est, rhubarbarum in taleolos sectum, in aqua endiviz infundo, cum adstringere, in pulverem redactum cum aqua cichorii, aut agrimoniz propino omitta tostione. Hoc in affectu magnifacio clysteres primum mollientes, & epicerausticos, ut ulcus mansuescat, & humoris morbifici feritas infringatur: mox iis clysteribus utor, qui propriè ulceris syneurosin & esyscarosin respiciant.

*De rhubarbari usu in dysenteria.*

*De clysteribus.*

Aquæ chalybeatæ usus, cum tibi ob causas allatas sit suspectus, loco illius maxime convenit usus aquæ mastichinæ cum sit stomachica, vel pluvialis tinctura rosarum imprægnatæ; sic enim maxime adstringit, viscera confirmat & hepatis æstum demulcet &c. Hæc sunt vir præstantissime, quæ non disputandi, non contradicendi, sed ingenii exercendi gratia, doctissimis tuis literis amicè, & candidè respondere volui. Quid enim verat, nocève, cum amico amicè confabulari.

*Aqua mastichina n. sui in dysenteria.*

Vale & tuum Deodatum amare, & literis recreare

perge. Datum Bruntruti stylo novo

16. Martii 1616.

## EPISTOLA XXI.

*Viro amplissimo, atq; doctissimo, Dn. CLAUDIO DEODADO, re-  
verentissimi, & illustrissimi Episcopi Basileensis Doctori Medi-  
coordinario, atque celeberrimo. GUILHELMUS, FABRI-  
CIUS HILDANUS S. P. D.*

**D**Octissimas, quas de dysenteria ad me dedisti literas, vir amplissi-  
me, fautor & amice æternū honorande, accepi; nec sine voluptate  
& fructu legi. Nonnulla enim quæ ego in tractatu meo, veluti extre-  
mis digitis attingi, tu fusius explicas, nec ullam inter nos hac de te video  
esse controversiam. Dolorem ab initio potius leniendum, quam ulcus  
exasperandum esse, tecum sentio: ideo capite 7. & 9. pinguedinem  
castratorum, lumbricos terrestres, lac muliebre, vaccinum, amygdala-  
rum dulcium, aliaque anodyna præscribo. Interim materiam conjun-  
ctam & acrem in intestinis collectam rhabarbaro cum fructu evacuo.  
Rhabarbarum enim in substantia sumptum evacuat quidem quæ in  
intestinis sunt humores: propter facultatem tamen, quam habet ad-  
strictoriam, vias claudit, impeditque ne ex longinquis locis afflat ma-  
teria peccans. Allationem rhabarbari tecum post *Rondeletium* im-  
probo, præcipue ab initio morbi, propter causas quas tu quoque ad-  
fers. Vomitum approbo cap. 8. prius tamen clystere, aut leniali quo  
medicamento expurgato corpore: ne acris & maligna materia ad ven-  
triculum trahatur, fastidiumque cibi, aliaque gravissima symptoma-  
ta inducat, uti fusius in tractatu meo de dysenteria videbis. Illum non-  
dum Francofurto accepi, nec ipsum ante proximum mercatum exspe-  
cto, alioquin ipsum nunc ad te misissem. Impressus quidem est, cum  
verò præfatio aliquandiu in via retenta fuisset, & serò Francofurtum  
pervenisset, Typographus tractatum Cathalogoi inseruit, exemplaria  
quin etiam imperfecta vendidit. Vides quanta horum hominum sit  
avaritia, & jejuna ne dicam sordida lucri avidities. Nunc tractatum  
Dn. D. *Penosi* de vera præparatione, & usu medicamentorum Chymi-  
corum ad te mitto, accipe quæso illam hilari fronte. Dolores circa seta-  
ceum, quod illustri Baronissæ applicui, non absque igne adhibitum  
fuit, sed propter affluxum humorum acrium, accidunt. Idem & ego  
cum

*De Rha-  
barbaro.*

cum fonticulis, quos in brachiis, & crure dextro habeo, sæpissimè experior. Verùm in unctoloco dolenti oleo amygdalarum dulciũ, nonnunquam & rosaceo, dolor cessat, & materia copiosius effluit. Dn. D. *Craffium* radices, quas promiserat, jamdudum ad te misisse non dubito. Ante menses enim duos, cum Neocomum ad ægrum vocatus fuisset, iterum ipsum monui. Herba qua tu uteris in herniosis, est ne pulmonaria illa tertia, quæ hoc tempore in opacis locis florescit, quamq; habet *Baibinus* in postrema editione Matthioli lib. 4. cap. 48. mihi pag. 733. Hæc propter occupationes festinanti calamo, cui ut ignoscere, & Fabricium tuum, ut facis, amare velis, etiam atque etiam rogo. Vale vir amplissime, & cum tuis omnibus felicissime vive diu. Bernæ Helvetiorum 20. Aprilis 1616.

## EPISTOLA XXII.

*Idem* CLAUDIUS DEODATUS, &c. GUILHELMO FABRICIO *Hildano* S. P. D.

NON citra animi mei mœrorem intellexi, duo illa præclara Chymicæ lumina *Andream Libavium*, & Doctorem *Mosanum* extincta esse, non sine Hermeticæ familiæ dispendio, modo tamen citra eorum & famæ jacturam. Nam etsi *Libavius* multa egregia & laude digna in Rempublicam Medicam suis monumentis & indefessis laboribus rerulerit: cum tamen sibi circa Medicinam & Chymiam utrinque dijudicandam Dictaturam sumpsit, aliorumq; tum Philosophorum, tum Medicorum & Chymicorum labores & conatus non arroserit duntaxat, sed & quibusdam severus nimium Criticus, aliis nimium Logicus, non paucis Sophista quoque visus sit, ut constat ex iis, quæ nuper contra Manes tam *Guiberti Lottaringi*, quam *Crollii*, *Paracelsi*, contra item *Scheunemannum*, *Johannem Hartmannum*, & *Rosæ Crucii* occultos fratres, nescio quam maturo consilio & judicio scripsit, etiam atque etiam verendum, ne cum vivens multis fuerit terribilis, mortui scripta terribiles multos expertura sint.

*Mosanum* quidem nec scriptis, nec facietenus novi unquam, auditione tamen accepi, eum in pervestigandis additioris naturæ mysteriis, in referendis Hermetici Lycæi arcanis, tam versatum, tamque industrium fuisse, ut non rarenter Diānam nudam Vulcani solertiā viderit,



Hic si supervixisset, haud dubiè facili negotio intricatum illum Gordonii nodum, de vero aquæ chalybeatæ usu in dysentericis enodasset. Sienim Chymicorum monumenta evolvas, audies, legesque illos omnia posse, nil ignorare.

Me, quod concernit, pro singulari quo te prosequor amore, libenter ea in medium proferam, quæ partim sedula auctorum lectione, partim quotidiano usu hac de re comperta habeo.

*De aqua  
chalybeatæ,  
& an dys-  
entericus  
conveniat.*

De variis ferri chalybisve, & magisteriis, extinctionibusve, & solutionibus, atque liquoribus poculentis, (ut nunc hujus metalli arte paratos pulveres, calces, crocos extracta, essentias, tincturas, sales, crystallos, olea, &c. silentio involvam) non solum Dogmatici, sed & Hermetici Medici multa comperta, & cumprobata habent, in iisque elaborandis tam feliciter insudant, ut tam internis, quam externis usibus idonea nanciscantur medicamenta, quibus & hepaticis & hydropicis, cachecticis, lienosis, empyricis, cœliacis, lientericis, dysentericis, imò & melancholicis insignem suppeditant opem. Et mirum certè, quod Medici hodiè in omnium metallorum vilissimo Marte, in cujus solutionibus acria admodum mineralia continentur, tantas operas impendant, relicto sole & luna, è quorum solutionibus, quantumvis laboriosis, longè tamen nobiliora medicamenta elicere possent.

*Quale fer-  
rum adhi-  
bendum ad  
aquam  
chalybeatæ.*

Scripseram non ita pridem ad te, varias dari ferri differentias, & unum ceteris præstare, ideoque in interno usu semper præstantius esse sumendū, quale est id vel Persicū, vel Indicum, Chynesiū, aut Damascenum, aut horum defectu chalybem ipsum, vel nativum ex propria vena, vel arte constitutum, ferri scilicet nucleum, purissimam, & laboratissimamque ejus partem. Idem autem ad internos usus, recens sit oportet, non sæpius in officina conflatoria igne exercitatum (quod enim diu multumque ignem, aliaque injurias patitur, id sublato recondito succo radicali, seipso siccus, & ad opus medicum minus idoneum red-  

---

ditur). Ejusmodi ergo sumitur ferrum vel laminatum, vel in bacillos redactum, vel etiā secundum *Apicennam* acuum Hispanicarum limaturæ, & ex iis probè candentibus, paucis vel pluribus extinctionibus in aqua, vino, tenui cerevisia, lactis sero, emulsionibus, aliisve liquoribus, tam simplicibus, quam compositis, pro morbi exigentis necessitate, paratur magisterium Martis, vel etiam aqua, vinumque chalybeatum.

Si pluribus extinctionibus patetur (quæ enim lebetibus, ollisve fer-

rele

*Remed. 36  
Ex 23 Infus  
So. p. 100 est  
in hunc pulv.  
R. Ferr. gr.  
Hælis Comp.  
nisi gr. 36*

reis diuturna coctione parantur, cum perniciosæ ac virosæ ferè sint, nõ moror) prima & secunda extinctione prius abjecta, ceu vi laxandi prædita in variis morborum generibus, præsertim ventriculi atonia, intestinorum hepatis lienisq; imbecillitatibus, in omni demum & matricis, & ventris fluxuum genere, insigne habebis medicamentum, non tam adstrictione, quàm extersione, exsiccatione, & viscerum confirmatione juvans.

Hoc ipsum pulchre docent, qui harmonicam Microcosmi ad Megalocosmum analogiam pervestigant, & Martem Microcosmicum cum Marte metallico Megacosmi, ceu partium illarum custode conferunt, inter quos *Nicolaus Nanzelius* cæteris an sam præripere videtur.

Quod si ex recerenti chalybe nondum multos ignes experto, paucioribus extinctionibus paretur, vel serum lactis chalybeatum, vel aqua, cerevisia tenuis, vinum, aliüsve liquor appropriatus, tunc teste *Ludovico Mercato*, lib. 2. muliebr. 18. vim habet non levem alvum turbandi, repurgandi, obstruendaque referandi. Hinc veterum Medicorum non pauci, uti & *Nicolaus Myrepsus*, ex ferri chalybisq; structuris & squamulis, quædam consecerunt remedia, quibus alvum purgant, atque calculosis, nephriticis, hydropicis, lienosis, cæliacis, imò & asthmaticis eximium, extergendo obstructions expediendo, & exiccando emolumentum præstiterunt, cautè tamen, prudenter, & peritè exhibitis.

*Aqua chalybeata purgans.*

Nec mirum! Si enim vivam, & interiorem anatomiam Martis mentis oculis intueamur, apertis spagyrica clave ferri cõpagibus, ex fatiscentis Martis solutionibus, halonitrum, & calchanti seu attramenti quandam speciem, cum sulphure quodam metallico colligemus. Halonitrum autem purgare, extergere, obstructions referare, exsiccare & roborare, nullus in artis operibus vel mediocriter versatus, ignorat. Unde fracta vi ignis ferri compage, vel eo magna ignis violentia, candente, ætuantur illius reconditi succi nitrosi, ex profundo per ignitionem ad superficiem attrahi, qui immerso in aquam aliüsve liquores fervente ferro, fisdem communicantur, & lic spiritibus nitosis, & calchantosis imprægnantur, quorum est penetrare, detergere, attenuare, aperire, naturamque ad excernendum stimulare, consumere, exsiccare, & roborare tandem, idque eò felicius, quò magis spumosa substantia in liquorem transfertur. Dissipatis econtra multis ignitionibus hisce spiritibus, tollitur quoque vis illa purgatrix, tuncque lientericis, dysentericis, cæterisque morbis resolutis conveniet talis aqua chalybeata, vim

fortia exsiccandi, roborandi, & etiam adstringendi eò quod ex multis ignitionibus corporea duntaxat ferri substantia in liquorem transierit, ex haustis vi ignis nitrosis spiritibus.

*Acidularũ  
vires.*

Sed & eandem confirmant sententiam aquæ minerales ferratæ, nitrosæ vitriolata &c. quas acidulas vocamus, quasque solers natura variis in tractibus abundè profundit, ejusmodi mineralium spiritibus, essentis, tincturis, ne imprægnatas, quarum debito usu admirandos experimur effectus, modò per sudorem, modò per urinam, modò per alvum, non quia graves sint ejusmodi aquæ, aut quod magnâ copiâ hauriantur, alioquin & cæteræ aquæ tum ponderis, tum quantitatis ratione, idem præstarent, sed quia spiritibus reconditis nitrosis, calchantosis, ac vitriolatis abundè ditatæ sint.

*Rhabarbũ,  
scammonia,  
næa, helle-  
borus, non  
purgant  
forma pro-  
prietate.  
Natura  
mineralis  
in vegeta-  
bilem tran-  
sire potest.*

Idem quoque evenit in plantis quibusdam nitrosis, ut rhabarbaro, scammonæ, helleboro, peplio, &c. quæ non à tota substantia, aut formæ proprietate, vel substantiæ similitudine hunc vel illum humorem trahere & expurgare; sed quatenus mineralium spiritibus & tincturis, nitrosis, vitriolatis, antimoniatitis, vel etiâ Mercuriatis abundant, illas evacuationes expedire videntur. Admirabilis enim est in rerum natura omnium tam mineralium, quàm vegetabilium & animalium conspiratio & consensus; ita ut levi negotio natura mineralis in vegetabilem, & hæc in animalelem transire possit.

Quare, ut tandem finem faciam, si in dysenteria parare velis aquam chalybeatam fluxibus sistendis oportunam, ferri recentis bractæolæ, seu bacillos probè candentes, aquâ fontis extingue, primæ & secundæ extinctionis aquâ abjice, utpote spiritibus nitrosis purgantibus imprægnatâ, postmodum sumptâ novâ aquâ aliquoties in eâ candentes bacillos extingue, & paratum habebis tuo scopo liquorem.

Hæc sunt, Vir clarissime, quæ pro temporis angustia de hac re scribere potui. Vale & me amare perge. Dabantur Brun-  
truti Calendis Majis Anno 1617.

## EPISTOLA XXIII.

*Clarissimo Viro Dn. D. CLAUDIO DEODATO, &c. GUIL-  
HELMUS FABRICIUS Hildanus S. P. D.*

PLurimum profe&to tibi debeo, clarissime, amicissimeque mi Dn. D.  
*Deodate*, qui in mei gratiam quaestionem de usu aquæ chalybeatæ  
iterum ad manus suscepisti, eamque fusius enucleasti. Placet summo-  
pere scriptio atque discursus tuus, non solum quia tecum clarissimo  
Viro Dn. D. *Jacobo Mesano* pie memoriz, (qui opinionem suam hac de  
re ante annos aliquot verbotenus mihi communicavit) per quam bel-  
le consentire video, verum etiam quod tu rationibus firmissimis & ex  
narura & facultate ipsius ferri depromptis, approbas ea, quæ ego ex  
perientiâ vera esse in praxi observi. Quod si vixero, velitationes nostras  
literarias de dysenteria & aqua chalybeata publici juris libenter fa-  
ciam, dummodo hoc tibi molestum non fuerit. Scio enim studiosis ar-  
tis Medicæ illas non tantum gratas, verum etiam fore utilissimas:  
Quam periculosus enim sit aquæ chalybeatæ usus in dysenteria, non  
raro circa ægros observavi. Multum itaq; tibi pro ista tua liberali com-  
municatione debet familia medica, & ego quidem in primis non  
possum non exosculari satis candidissimam istam erga me liberalis ani-  
mi significationem, qua in perpetuum tibi obstringor, quam arctissi-  
mè. *Johannes Hartmannus* contra quem scripsit *Libavius*, nonne is est in-  
ignis ille Chymicus, & Professor in Academia Mai purgen si? nescio an  
ipsum infortunium ad aures tuas pervenerit. Ante menses enim ali-  
quot, cum medicamentum quoddam Chymicum præpararet, atque  
ex incuria & improvidentia famuli instrumentum dissuisset, famulus  
alterum oculum amisit, ipse verò Dn. D. *Hartmannus* etiam nunc de visu  
periclitatur. Vides, quam periculosum sit, improvidos & negligentes  
secum habere famulos: interim ipsorum vices vehementer  
doleo. Vale Vir amplissime, & *Fabricium* tuum  
amare perge. Dabam Bernæ.



## EPISTOLA XXIV.

Idem CLAUDIUS DEODATUS GUILHELMO FABRICIO  
Hidano S. P. D.

Clarissime, atque doctissime Dn. *Fabrici*, literas tuas omni doctrinarum genere plenissimas accepi, nec citra animi oblectamentum a vidè perlegi laudo indefessos tuos conatus, & ferventem in augmentanda & ~~exoneranda~~ *exoneranda* Medica laborem. Quattà observationum Chirurgico-Medicarum Centuriam videbo perlibenter, quam utinam meis studiis & laboribus quantumvis tenuibus pro debito exornare possèm: Verum vino vendibili suspensa hedera non opus.

*De leproso  
male exami-  
nato.*

Quod de leprosi examine mones, paucis, & cursim præstabo, etiam lege: ut in studiosorum gratiam, & ignavorum Chirurgorum, illotis manibus ad ejusmodi examina accedentium utilitatem remissam fuisse, nervoseque tractare, & omnia, quæ ad exactum leprosoforum examen facere videbuntur, in medium proferre velis.

*Quibus si-  
gnis Chi-  
rurgi quidã  
leproso di-  
judicant.*

Non ita pridem ad cujusdam viri, de lepra non suspecti duntaxat, sed tertium jam à Chirurgis læpræ adjudicari, examen, Magistratus jussu vocatus, cum viderem bonum virum nil minus quam læpra laborare; licet octo jam annorum curriculis leprosis cohabitare fuerit coactus; iussi, ut prædicti illi Chirurghi suam de hoc leproso prolatam sententiam signis Sylogisticis, & rationibus instructam, in medium proferrent. Hi vultu quodam supercilioso, & fastu, ut ferè sit, plusquàm ampullosi, illum læpra laborare instabāt, tum quod natus faciei color in lividum, & fuscum desineret, tum quod visus hebitudine & vocis raucedine laboraret, tum quod maximo anhelitus fætoze, & mephiti obvios quoque deterreret, tum quod in ciure scædum aliquod ulcus habuerit; tum demum quod ante aliquot annos ejusdem filiam læpræ adjudicant, quæ tandem etiam læprosa mortua fuerit. Hisce machinis & argutiis tantum apud Magistratum effecerant, ut bonus vir communi hominum societate exclusus, & leprosis adscriptus fuerit, quibus jam octo annis convixit, citra ullam tamen veræ læpræ signaturam.

Quæ cum audivissem, ipsi que Chirurghi nil ulterius de læpræ natura, essentia, causis, differentiis, signis Sylogisticis, seu Pathognomonicis in medium proferrent, statim intellexi, illos læpræ essentiam igno-

rare,

rare; nec inter lepram & non leprā distinguere, nec ullā differentiā inter leprā Græcorum, quā Pforam perverſam vocamus, & verā lepram Arabū seu Elephantiaſin facere poſſe, unde nec mirū, ſi incautiores, & imperitiores iſti Chirurghi in cæco hoc examine decepti, cæcā quoque tulerint ſententiā.

Paucis igitur, quæ ſit inter lepram Græcorum ſeu Pforam & lepram Arabum, ſeu morbum Elephanticum, quem & Elephantiaſin, Leonthiaſin, ſeu Satyriaſin, & Tyriaſin vocant, differentiā illis aperui, & bonum hunc virum nullis horum affectuum characteriſticis ſignis laborare demonſtravi.

Cum enim hoc ſubjectum nulla ſetæ, & ſiccæ ſcabiei ſpecies turpiter deſcēdet, nullis quæ nec tenuioribus, nec craſſioribus ſquammis obducatur, ſed univerſum corpus incolume, ſanum, & nitidum, piloſæ tum capitis, tum ſuperciliorum partes puræ, firmiter quæ fixæ hæreant, concluſi, bonum virum à Græcorum lepra immunem & ſalum eſſe.

Eundem quoque nec Arabum lepra, ſeu vera Elephantiaſi laborare, ex abſentia omnium ſignaturarum characteriſticarum aut ſignorum pathognomoniorum deſectu convici. Cum enim hic affectus ſit contagioſus, ſæpè hæreditarius, maligna & pernicioſa ſua qualitate, plurimumque vitiorum congerie corpus deſcēdans, atque membræna ſolum aliqua involucria, & cutem præſertim inſiciens, ſi tali affectu laboraret bonus vir, haud dubiè octo jam evolutis annis, ſeſe ali-  
quod vitium in apertum dediſſet, cum tamen ex ſex illis ſignis Syllotiſticis nullum hæcenus fuerit obſervatum: Nec enim unquam in cute vel faciei, vel frontis, vel genarum, cubiti, brachiorum, manuum, pedumve tubercula facile mobilia, indolentia, & ex livore ad rubedinem tendentia, horridum quæ aspectum præbentia, epullularunt.

Nunquam in eo viſa ſunt oris tubercula, quæ ore hianſe, lingua quæ depreſſa in palato, & faucibus circa linguæ radicem, nunc flavæſcentia, nunc ſublida vel viſa vel reperta ſurée. Nunquam item vel in pedum digitorum interſitiis, vel in plantis in craſſa præſertim & dura illic parte, vel in manibus juxta cubiti articulum, præſertim in acutiore il-  
lius ſede, aliæve artuum locis ulcera effluſerunt. Cum enim ejuſmodi ulcera, & fiſſuræ veram cutim penetrent, lata ſint, & rareſcant ulterius ſerpant, labiis callolis, ac prætumidis conſtent, atque lata facile cruentent, indolentia ſint licet, ſi talia vel adſeſſent, vel ad fuiſſent, facile quoque videri potuiſſent, & ex iis ſitum aliquod iudicium ferri.

Nun-

Signa lepræ  
græcorum.

Signa ele-  
phantiaſis  
vera.

1.

2.

3.

4. Nunquam insuper in eo visa sunt narium ulcera, earum septum, fungos, & ossa seu cartilaginem depascentia, naso turpiter delabente, palatum columellamque depopulanti. Nunquam præterea in eo observati tumores, non tumida in aurium ambitu pinna, non crassescerent auriculæ, non plus justo auctæ, aut dilatatæ narium alæ, non palpebræ, non labia, non pedes, manûsve inflatæ aut tumidæ. Nunquam demum in oculis juxta majorem canthum nata pellicula, sensim accrescens, quæ sanè si prædictis jam signaturis accederet, magno argumento haberetur.

Cum igitur Pathognomonica hæc sex signa nunquam in hoc subiecto apparuerint, quis illud leprâ correptum dixerit? Cætera autem signa ab illis Chirurgis allata, quemadmodum & alia, quæ addi possent, uti cutis scabrities in pilosa capitis parte, cum squammis & furfuribus, fissuræ item cutis pedum, manuumque & unguium; pilorum item defluxia, sanguinis quoque detracti livor, crassities cum arenosis seu granulosis quibusdam arenulis; cachectica corporis constitutio, frons cornu instar splendescens, fornicatio ac titillatio faciei, palati, linguæ, totiusque corporis sensuum stupor; hæc, inquam, & similia non moror, eo quod aliis etiam morbis consuetaria atque communia esse possint, quamvis nec & ipsa in hoc nostro subiecto reperiantur, vel si quædam adsint, tanti tamen momenti non sunt, quin durissimos labores noctuque dieque familiæ sustentandæ causa obire possit.

Filiam, quod concernit, quam leprâ mortuam putabant Chirurgi, falsâ morbi specie decepti fuerunt. Dum enim rem ipsam diligenter investigarem, cognovi tandem ipsam non leprâ, sed inveterato morbo Gallico correptam obisse. Et, quod notatu dignum est, dum cum leprosis octo annis versaretur bonus vir, prolem ex uxore sana sanissimam accepit; unde si infectus fuisset pater, haud dubiè jure contagii & hæreditario vel prolem vel matrem vel utrumque infecisset.

Ex hac historia apparet, Vir excellentissime, quantum intersit, veram habere veræ lepræ cognitionem; & cum res sit magni momenti, hominem sui natura sociabilem, à communi cæterorum hominum societate defalcare, te etiam atque etiam rogo, ut pro tuæ doctrinæ præstantia, & certâ in artis operibus experientia, in studiosæ juventutis, & impetitorum Chirurgorum gratiam, veram, certam, apodicticamque cognoscendæ & examinandæ veræ lepræ methodum apperire non graveris. Vale, & tuum Deodatum amare perge.

## EPISTOLA XXV.

*Idem ad eundem.*

Clarissime experientissimeque Dn. *Eabrici*, ad literas tuas nuper ad me datas, pro temporis angustia, & negotiorum vacatione respondi, quam potui brevissimè: placuit historia & observatio tua, cui aliam quoque subjuxi, addidi quinetiam observationem aliam de leproso malè examinato, meam insuper sententiam de aquæ chalybeatæ in dysentericis usu aperui, & quæ hæcenus de nostra Canonissæ observatione digna videbantur, adduxi. Quæ omnia, si ita tibi visum fuerit, & observationes tuas longè doctissimas aliqua ratione exornare queant, licet res sint parvi momenti, poteris illa tuis annexere vel omittere, prout tibi visum. Ego sanè omni studio & labore te, tuæque pro voto juvare, promovere, extollere, & (ut mereris) omnibus admirabilem reddere conor. Quæso D. nostrum *Kraffium* meo nomine milles salutabis, cui sæpius jam per occasionem scripsi, ac hæcenus respondi nihil.

Quæ de helleboro nigro mones, perplacent, nec enim ignoro Medicos incautiores hac in parte insigniter decipi, quibus quandoque etiam Aconiti radices (helleborinis non absimiles) obtruduntur. Ego hæcenus hellebori nigri quatuor species observavi, 1. floribus vire-scentibus & scærentibus, 2. floribus virescentibus quidem, ac benè o-lentibus, 3. floribus luteis, 4. floribus tum veris initio, tum septembri fine purpureis ad album vergentibus, & quandoq; sub nivibus erumpentibus. Et hûc helleborum ego magnifacio, è quo arte spagyrica insigne balsamum, spiritusque longè præstantissimus elicitur, qui debito tempore, loco & colore vitro inclusus, tandem crysallos ponit lucidissimos, ad fallendos nauseabundos purgandorum animos, longè excellentissimos. Vale amicissime Dn. *Fabrici*, & tuum *Deodorum*

*Hellebori  
nigri qua-  
tuor species*

*Crysalles ex  
helleboro  
purgantes.*

amare perge, eique sæpius scribe. Datum Bruntruti  
Calendis Majis 1617.



## EPISTOLA XXVI.

*Idem ad eundem.*

PRÆteritis diebus Mazopolim ad Dominas Canonissas, purgandorum corporum causâ profectus, inter cæteras inveni Dominam nostram Canonissam satis commodè habere, si universam corporis Oeconomiam consideres; at quoad antiquas illas faciei & colli plagas, non item. Præteritâ Quadragesimâ Chirurgus ordinarius utramque maxillam per vices, at frustratim extraxit: Interim dum hæc lento gressu fierent (nec enim natura festinationem permittebat) ulcerum illorum labia indurati, callo, cuteque obduci cœperunt; ita ut jam evulsis quantumvis omnibus ossibus seu maxillis (in quarum vicem succenturiatam quandam duram cartilaginem substituit natura) quantumvis etiam affixo pridem ad nucham ferone, humoribusque plerisque à parte affecta revulsis, plagæ tamen ipsæ nec conjungi nec carne repleri, nec cicatrice obduci sese permittunt. Quo fit, ut major esculentorum & poculentorum pars, non sine magno ægotantis fastidio, per illas plagas, potissimum per illam, quæ sub mento latet, effluat.

Multa hæcenus tentavit Chirurgus suis sarcoticis, glutinantibus, tum oleis tum balsamis, & pulveribus, cerotis, sticticis, emplastris, &c. sed omnia frustra. Ideo majora tentaturus, in procinctu eret duriorum labiorum, & cutis sectionem moliri, postea ad suturam devenire, ut scilicet acu per utrumque labium trajectâ, ad mutuum contactum filo mediante labia adduceret. Verùm dubia mihi & anceps visa hæc operatio, tum quod sectio citra doloris acerbitatem, & magnam hæmorrhagiam vix fieri possit, tum quod sutura illa citra novam inflammationem partium, novumque humorum affluxum non perficeretur, & facta ob carnis duritiem, & ineptitudinem, hæc sutura non esset. Ideoque absenti Chirurgo scripsi, ut sublata prius cute, levi aliquo caustico, non acri & nimis erodente, statim de forti aliquo glutine cogitaret, facto, verbigratia, ex sanguine draconis, sanguine humano, sarcocolla, thure, mastiche, coralliis, croco Martis cum ovorum albumine. Suasi etiam, ut uteretur unguento illo *Felici Wirtz*, cujus mentionem in sua Chirurgia facit, & mirabilem vim eidem tribuit ob ingredientium minerarum quorundam efficaciam: Suasi demum usum balsami sulphuris *Peperi*, addito croco Martis, cæterisque glutinantibus & sarcoticis.

Hæc

*Gluten.*

Hæc sunt, quæ hæcenus in difficilissimo hoc casu contingere: Te nunc rogo, ut data prima occasione mihi scribas, quid in hæc difficili re factum opus iudices, quibus remediis utendum: Vix enim Chirurgus jam dictis utetur, vel quod ad manus non sunt, vel quod suis uti malit, licet hæcenus nihil effecerint. Vale & me ama.

## EPISTOLA XXVII.

Clarissimo atque doctissimo viro Dn. M. CONRADO PFISTER-  
RO in inchoata Academia Basileensi Professore publico GUILHELMUS FABRICIUS Hildanus S. P. D.

EA qua promisi, præstantissime atque doctissime Dn. Pfister, nimis  
tuum centuriam 2. observationum, & Ulsneam cranii humani nunc  
ad te mitto. De lucubrationibus clarissimi, ac æterna laude dignissi-  
mi viri Dn. Jacobi Zwingeri, in Job. Fernelium, ad Dn. Gregorium Horstium,  
illustr. Landgravii Hassiæ Archiatrum, quemadmodum tibi promisi,  
prolixè scripsi, ut ex adjuncta scheda videre poteris. Si aliquo alio mo-  
do negotium hoc promoverè possim, operam meam non denegabo.  
Tu interim quæso vide, ne lucubrationes illæ diu supprimantur.

*Lucubra-  
tiones  
Zwingeri  
in Fernelium.*

Cæterum Ulsneam illam cranii humani, in illum finem ad te mitto,  
ut ex ipsa pulverem ad hæmorrhagiam narium sistendam tibi præpara-  
res. Quam noxia enim tibi sit immoderata illa hæmorrhagia, te non  
fatet. Ulsnea autem, quam mitto, vera est atque legitima. Cum enim  
ante menses quatuor in Belgio essem, ipsemet in angulo quodam cœ-  
meterii, in quo ossa humana conservabantur, copiosè illam inveni, &  
veluti margaritas collegi: rarissimè namque invenitur. Voluit autem  
nonnulli Ulsneam craniorum suspensoꝝ eligendam esse: nec parvi  
ponderis sunt argumenta, quæ hac de re insignis ille Philosophus si-  
mul & Medicus, Rudolphus Godenius in medium adducit. Ego libenter  
ipsi subscriberem, nisi an Ulsnea in cranii suspensoꝝ inveniat, ad-  
huc incertus essem: Quandoquidem ego intra annos triginta octo, à  
quibus praxi chirurgicæ incubui, nunquam illam reperire, nec videre  
potui. Ideo quæ cranii suspensoꝝ Ulsneam adnasci, vix mihi per-  
suadere possum. Generatur enim muscus, si humiditas quædam ex-  
terna, veluti pluviarum cum innata illa humiditate, atque calore ele-  
mentari ejus rei, cui adnasci debet, conjuncta fuerit. Porro cranii su-

*De Ulsnea  
cranii hu-  
mani.*

*Ulsnea qua-  
lis eligenda.*

*In cranii  
suspensoꝝ  
Ulsnea non  
generatur;*

spenforum Uſneam adnaſci non poſſe, hæc me movent argumenta; primò, quia humidum illud elementale, in ipsis contentum, jam ab ardore ſolis exſiccatur, jam à frigore æris condenſatur: Secundò deſcit cauſſa efficiens, nimirum humiditas illa externa pluviarum: etiam ſi enim æri ſint expoſita hujusmodi crania, imò & quotidie pluviis irrorantur: quia tamen humiditas illa ſtatim à ſole & ære exſiccatur, nihil generari poteſt. Non enim ſufficiens eſt humiditas elementalıs in cranio contenta: ſed ut terræ quoque adhæreat, & continuò lentorẽ aliquem ex ipſa attrahat, imò & in loco umbroſo expoſitum ſit, neceſſe eſt. Et ut verbo dicam, in patibulo jam ardor ſolis, jam rigidiffimum frigus, imò & grandines, nives, imbres, ventus impetuoſus, & ſimilia, generationem Uſneæ impediunt. Verum hac de re tuam quoque opinionem intelligere percuperem. Eſt autem Uſnea illa, in pulverem redacta (ut ego multoties expertus ſum) in hæmorrhagia narium præſtantiffima, per ſe, aut nonnullis aliis, veluti tetra ſigillata, pulvere ranarum præparatarum, & ſimilibus mixta applicata. Vale mi præſtantiffime Dn. *Pſſtere*. Raptim Lauſannæ 24. Decembris 1612.

*Uſnea in  
Hæmorrhagia  
narium  
præſtan-  
tiſſi-  
ma.*

## EPISTOLA XXVIII.

EMANUEL URSTISIUS *Medicus Biennensis*, GUILHELMO  
FABRICIO *Hildano S. P. D.*

**R**etulit mihi, Vir clariffime, D. *Erhardus Rulmannus* verbi divini mi-  
niſter Biennæ, ſe præterita hebdomade Bernam profeſſum, tuò  
que conſilio in ſuo affectu uſum fuiſſe, teque cupiſſe, ut proceſſum,  
quo ego in affectu illo curando uſus ſum, ad te perſcriberem. Quocir-  
ca omnibus aliis circumſtantiis omiſſis, de ejus affectu opinionem  
meam, ſimulque remedia illa, quæ ei adhibui, brevibus perſtringam.  
Exiſtimo ego affectum ejus à d. fluxione in interiores muſculos thora-  
cis procedere: Laborat enim ille dolore lateris, & difficultate respira-  
tionis, non tamen continuò, ſed ſaltem tum temporis, cum corpus ni-  
mium moveret, ſive id fiat peregrinẽundo, vel montem conſcendendo,  
vel alio exercitio genere violento: ex quibus ego colligo, humorem  
quendam excrementitium cum ſtatu intra dictos muſculos, & pleu-  
ram ſe inſinuafſe, qui dum vehementi corporis exercitio commotus,  
exaſpetatur, dolore ejusmodi cauſat, reſpirationemque lædit. Quo-  
ad

*Pleuritis  
notha.*

ad hujus affectus curationem, sequentibus remediis usus sum. Primò, quo humor pituitosus præparetur, præscripti apozema, humoremque sic præparatum pilulis capitalibus expurgavi, cerebrumque tabellis corroboravi, non interim neglecta scarificatione. Secundò, specialibus pro parte affecta usus fui, unguento dialtheà, cum oleo chamomil. lilior. amygdal. dulc. mixto, quo latus inungeret; quin etiam sacculo ex floribus chamomil. melilot. scabiosæ fol. malvæ, semine lini, fœnu-græci constante, quem continuò in latere affecto gestaret. Ultimò decocto pectorali, cui nonnullæ guttæ olei anisi commixtæ erant, ut aliquot matutinis uteretur, suasi. Hisce præscriptis remediis sic usus, affectus nihil omnino remisit, sed in eodem statu adhuc permanet. Tu igitur, Vir clarissime, quid de hujus affectus causâ sentias, quibusque remediis propellenda, ad nos, quæso, perscribas. Ad observationem tuam, quam de affectu futoris illius ad me perscripsisti, respondi, sed num illas, quas mihi literas acceperis, ignoro. Vale clarissime vir, meque amore & benevolentia tua, solita, ut prosequaris, rogo. Biennæ 21. Januar. 1615.

## EPISTOLA XXIX.

*Dn. EMANUELI URSTISIO Medico Biennensi celeberrimo amico singulari, GUILHELMUS FABRICIUS Hildanus*  
S. P. D.

**D**E causâ morbi Domini Erhardi Rulbmanni doctissime atque a-  
mantissime mi Domine Urstis, meo quidem judicio rectè  
sentis, & materiam illam, quæ ad musculos respiratori in servientes  
sinistri lateris decumbit, ex capite destuere non dubito. Methodum  
quoque curandi, quam instituisti non improbo; sed, quod infructuosa  
fuerit, non medicamentis adscribendum est, quemadmodum ægro  
coram fusiùs significavi. Cum enim causâ morbi sit humor lentus,  
crassus & viscidus, non faciliè hoc anni tempore medicamentis expel-  
litur; præsertim cum in partibus musculosis sit contentus, & non nihil  
bilis atque sibi quoque adjunctum habeat. Suadeo itaque, ut curatio in-  
mensum Martium usque differatur: tunc humores isti iterum præpa-  
randi, attenuandi, & cum per alvum, tum etiam per sudores expurgan-  
dierunt. Fonticulus quoque ad evacuandam & derivandam materiâ

*Responsio  
ad præce-  
dentem epi-  
stolam.*



ex capite defluentem, mirum in modum conveniet. Plura nunc adscribere non licet, præter occupationes enim in praxi jamjam mihi ad Dn. D. *Saraznum* Lugdunenſem Medicum, & Dn. D. *Paulum Offredum* ſcribendum eſt. Septima hujus menſis die hic juveni cuidam brachiũ dextrum gangræna, ex inepta venæſectione contracta, contaminatum ad humerum abſcidi. Operatio, laus ſit Deo, feliciter ſucceſſit. Cum primum exemplaria centuriæ tertiæ accepero, tum quoque à me expectabis. Reſponſum tuum ad obſervationem de morbo ſutotis accipi, & obſervationibus adjunxi. Vale clariffime mi Dn. *Uſiſi* amico- rum optime. Raptim Bernæ 23. Januar. 1615.

## EPISTOLA XXX.

*Ampliſſimo ac clariffimo viro Dn. D. FELICI PLATERO Ba- ſileenſium Archiatro feliciffimo, & Profefſore Primario*  
GUILHELMUS FABRICIUS *Hildanus, S. P. D.*

E A quæ miſiſti, vir ampliſſime, & toti orbi notiſſime, gratiſſima ſu-  
te: quandoquidem ego talibus, & ſimilibus valdè oblector. Mihi  
ſi rari quid ad manus pervenerit, viciffim communicabo libenter.  
Nunc ad te numiſſima *Alexandri Magni*, uti quoque ſcuktum pavimenti  
reſſerati, ex antiquiſſimo ruderato agro hic invicinia eſſoſum, mitto:  
quæ omnia, ut hilari fronte excipere velis, obnixè rogo. Maturius ſcri-  
piſſem, & gratias egiſſem, niſi tota ſerè familia mea graviſſimè ægro-  
taſſet. Uxor mea, & liberorum duo, ſervulus item, & ſamula dyſente-  
ria, minor verò natu puerorum meorum febre continua laboraverunt,  
nunc tamen omnes, Dei ſingulari beneficio, convaluerunt.

*Aqua chalybeata in  
dyſenteria  
improba-  
tur.*

Dum hæc ſcribo, venit mihi in mentem, quæ apud *Johannem Crato-  
nem* in conſilio C Cl. de dyſenteria, pro quodam Magnifico Domi-  
no de potu chalybeato legi. Illo enim in loco potum chalybeatum  
contra opinionem omnium, quos mihi de hac materia legere licuit,  
plane improbat, his verbis. In recta, inquit, victus ratione, nihil præter-  
mittatur, nec detur potus chalybeatus, ut fieri ſolet. Non enim is ad-  
ſtringit, ut falſò exiſtimant Medici, ſed turbat alvum. Serum autem la-  
ctis in quo chalybs extinguitur, per clyſterem injiciatur, quod alvum  
ſiſtit, hoc tamen ſecunda die morbi non faciendum.

Cæterum

Cæterum etsi rationes non addat: vix tamen crederem, virum istum tam eruditum, tam quæ magni nominis hæc divulgasse, nisi rem ita sese habere, usu atque experientia comprobasset. Quicquid tamen sit, postquam potum chalybeatum in controversiam & disceptationem à tanto viro vocatum animadverti; ægrotis meis illum præscribere ausus non fui. Fieri enim potest, ut aqua illa, in qua chalybis ignitus extinctus, acrimoniam aliquam ab igne, non minus, ac frigida omnia, si comburantur, sibi retineat. Quandoquidem, ut *Galenus* de simplic. Medic. facultatibus lib. 9. verbis utar, combustorum nullum planè est frigidum. Relinquitur enim, in illis velut *ἐμπύρευμα* sive ignitio quædam. Extinctio autem illa chalybis, aut ferri igniti videtur esse quædam combustio aquæ, eamque metallicam quandam acrimoniam retinere.

Loco itaque aquæ chalybeatæ ægris meis decoctum agrimonie, veronicæ, & radicum eryngii marini (de quibus radicibus singulare quid in dysenteria, & intestinorum morbis observavi) maximo cum fructu hæcenus præscripsi. In id non solum pro potu ordinatio exhibui; verum etiam cum ipso iuscula, emulsiones, & lac amygdalarum præparare operam dedi. Sed quis doctorum hominum huius seculi te, ut qui non solum in theoreticis, verum etiam in praxi, haud ulli secundus, hæc melius, aut certius docere, atque nodum hunc solvere poterit? Quæ igitur hæc de re tua sit sententia, & an *Cratonis* tibi probabilis videatur opinio: ut uno, aut altero verbo significare velis, etiam atque etiam rogo. Vale vir amplissime, & tum nomine, tum te ipsa Dei singularis beneficio felicissime, feliciter vive diu, idque ad Dei gloriam, & emolumentum *Æsculapideæ* familiæ. Paterniaci Aventicorum 26. Novembr. 1606.

*Decoctum loco aquæ chalybeatæ in dysenteria exhibitum.*

## EPISTOLA XXXI.

FELIX PLATERIUS Med. D. Archiatros Basileensis clarissimo atque expertissimo Domino GUILHELMO FABRICIO Hildano Medico & Chirurgi peritissimo, amico suo S. P. D.

Clarissime, atque amicissime Dn. Fabrici, denuo admonitus per *Ursinum* nostrum, ut ad certas quæstiones, quarum unam Anno

*Est responsio ad observationem 3. cent. 1.*

1604. alteram præcedenti anno, mihi scriptis proposuisti, meum quæ iudicium expectivisti, tibi responderem; quod hæcenus à me minimè factum fuisse, negociis meis, & ætati jam declinanti attribues: Quam tamen adeo adhuc in tertia parte praxeos meæ absolvenda, dies, non tæque laboro, ut pleraque alia seponam.

*Gangræna  
ex longo de-  
cubitu.*

Quod casum attinet cujusdam Jurgen von Bönsefeld/cujus nates ex decubitu longo, easque ob molem corporis premente, atque ex-  
coriante accedente urine, quæ eo continuo fluebat, acrimonia, lo-  
cum affectum accensum ulterius irritante, atque putredinem in eo ex-  
cirante, quemadmodum ob hanc causam sæpè gangrænam superve-  
nire, te sæpè observasse ipse fateris, sic & ego fateor, hoc quam frequen-  
tissimè contingere ex solo etiam decubitu diuturno, circa ossa dorsi,  
ad coccygem usque primum cutem excoriari, & nisi sedulo unctio-  
ne lintheaminum, vel loci affecti huic obviam eatur, mox carnem ipsam  
subjectam inflammari, & non solum suppurari, sed & putrescere, ni-  
gerrimamque quam citissimè fieri atque in gangrænam converti, nisi  
putredo illa subito auferatur. Quod cum citra aliam irritationem,  
quam eam, quæ ex compressione partis læsæ accidit, fieri possit, quanto  
citius hoc fiet, si urina defluens amplius hanc partem irretet. Quam  
non tantum, quod salsa, & biliosa sua, quam in se habet materia, par-  
tem vellicando inflammet, hoc molliri, sed maximè, quod mox cor-  
rumpatur, & putrescens malitiam, quæ putredinem similem in parti-  
bus inducat, acquirat, id efficere, hoc imprimis comprobare videtur,  
quod è pedibus hydropicorum exstillans serum, nisi omni studio alio  
divertatur, in fasciis hærens, & pedes madefaciens, ocyus inflamma-  
tionem, quæ subito in gangrænam abit, progignat: quod centies ac-  
cidisse, nullamque gangrænam frequentiore esse, quam hanc in pe-  
dibus hydropicorum, Asciticorum accidentem, mortemque ipsis ac-  
celerantem, meis oculis vidi; & proinde in opere meo Practico adeo  
exactè illius mentionem feci,

*Gangræna  
in pedibus  
hydropico-  
rum.*

*Causa  
gangræne.*

Causam autem omnis gangræne non simplicem putredinem, sed  
corruptionem omnimodam ex mortificatione partis, ob calorem il-  
lius nativum in spiritu vitali, singulis partibus in toto consistentem, ex-  
tinctum, natam statuimus. Extingui autem calorem nativum, pabulo  
illius substantifico, in ea parte insidente, radicitus absumpro; idque  
plerumque ab inflammatione præcedente, tantopere aucta vel in putredi-  
nè degenerante, vel summa extrinsecus illata refrigeratione, quod tamè  
rarius

rarius accidit. Ab interceptione nutrimenti hoc vix dum evenire potest; cum etiam extremâ atrophîâ laborantia membra, nondum tamen gangrænam patiantur: & cum plures venæ partem implicant, nisi aliquæ interceptæ sint, à quibusdam tamen, si vel <sup>minimam</sup> alimentum accedat, pars nihilominus ali possitque consistere.

*Ab interceptio-  
ne nutrimenti  
gangræna  
civiri non  
potest.*

Multo minus ob spiritus animalis privationem hoc poterit accidere; cum is non omnibus partibus conferatur, & præcipua viscera hoc destituta, sensum moruque proin carentia, tamen vivant. Verum intercepto penitus spiritu vitali influente, qui per arterias partibus indefinenter communicatur, spiritumque vitalem insitum fovet, illiq; materiam præberi, caloremque nativum excitat, cum ille tunc quoque extinguitur, nisi novo affluente continuo suscitetur, eos tunc mortificari, uti dictum, necesse est: Eoque citius, si ob ligaturas, aut præcisiones, aut abscissas arterias, unde hæc potissimum subsequuntur, venæ simul, quæ arterias undique comitantur, & cum illis copulantur, eodem modo affectæ nutrimentum quoque partibus illis distribuere nequeant. Quæ tamen causa gangrænae, cum arteriæ in profundo corporis lateant, rara est; vixque nisi à vulnere profundo, magnas arterias absecante, proficiscitur.

*Ob spiritus  
animalis  
privatio-  
nem gan-  
græna acci-  
dere non  
potest.*

Hæc subito, præterquam constitueram, exarare volui; ut animum meum deditissimum tibi cognosceres: quæ, ut boni consulas, rogo. Et si quid numismatum antiquorum occurrit, quæso, ut mei sis memor: persolvam ea, vel permutabo ad placitum. Vale vir expertissime cum tuis, quos Deus incolumes servet. Basileæ 26. Februar. 1607. *Ursisum* nostrum tibi commendatu n habeas deinceps quoque, uti hæc ænus te fecisse ipsemet narrat, obtestor.

Alterum dubium de aqua chalybeata, cujus mentio in exordio fit, de eo in tractatu nostro de dysenteria cap. 7. pag. 62. agit.

## EPISTOLA XXXII.

*Adeundem Virum celeberrimum Dn. D. FELICEM PLATERUM Archiatrum Basileensem, cui GUILHELMUS FABRICIUS Hildanus S. P. D.*

**P**RO doctissimis & eruditissimis tuis solutionibus, Vir amplissime & toti orbi notissime, quibus ad dubia mea proposita respondere placuit;

Rr

cui;



*Fragmenta  
quedam  
porphyritis  
in agro A-  
venticensi  
inventa.*

cuit; & quibus non solum oblector maximè, sed etiam multum proficio gratias ingentes habeo. Utinam aliquando pro tanta in me tua benevolentia gratum me exhibere possem. Rari, quod ad te mittam, in præsens nihil habeo; præterquam fragmenta nonnulla porphyritis, aliorumq; similium lapidum, quos ego non ita pridem in agro Aventicensi, præsentem Dn. Hans von Willading ibidem præfecto & antiquitatis studio, collegi. Non videntur esse magni momenti; denotant tamen aliquomodo magnificentiam antiquorum. Omnia enim fragmenta, quorum prædictus præfectus multa sibi reservavit, & utraque parte egregiè & æqualiter perpolita sunt; non aliter, ac si articularius hæc laminas ex ligno, aut alia quavis materia simili scidisset & perpolivisset. Mitto præterea frustum corii, quod qualeque sit, ornatissimum atque doctissimum Dn. Urbsius coram indicabit. Si quando catalogum numismatum tuorum, & quænam in duplo habeas, ad me mittere placuerit, permutabo libenter ea, quæ bis habeo: interim quoque si rari quid mihi occurrat, non invitus communicabo. Vale vir amplissime, & Esculapideæ familiæ lumen splendidissimum. Paterniaci Aventicorum 29. Junii 1607.

## EPISTOLA XXXIIL

*Reverendo, doctissimoq; viro Dn. FRIDERICO CÆLOCOMO  
verbi divini ministro GUILHELMUS FABRICIUS Hildanus  
S. P. D.*

SUMMO perè doleo vir clarissime, & amice integerrime de morbo uxoris tuæ, præcipuè autem quod scribis, ipsam à medicamentis adeò alienam esse, ut vix ea gustare possit: & in principio morbi non adhibita fuisse remedia: Audio enim ipsam jam tribus ab hinc septimanis cōfectam esse morbo. Res tamen, quia nondum planè desperata est, suadeo, ut in alimentorum præparatione summa adhibeatur diligentia, quo medicamentorum vice esse possint. Et quia scribis febrem esse ardentem, capitis, & renum dolorem magnum, necesse est, ut ab omnibus, quæ d'ficilis sunt coctionis, absteineat. Hæc autem sunt caro bovina, porcina ferina, sale condita, & fumo exsiccata, pisces, laeticinia omnia præter butyrum, aromata item intensè calida, veluti piper, zinziber, cayophyll, cardamomum, raphanus, sinapi, & similia. Cinnamomo

*In febre ar-  
dente consi-  
lium.  
Videtur ra-  
tio.*

## CENTURIA I.

315

momo tamen croco & macis aliquando uti poterit in iusculis: corro-  
borant enim partes nobiles, neque vehementer calefaciunt. vinum  
quoque Interim dum febris est magna, nisi aqua, aut (quod melius) de-  
cocto agrimoniz & veronicæ dilutum fuerit, non concederem. Uta-  
tur igitur iusculis carniū recentium, castratorum, gallinarum, aut  
carnis bovinæ, in quibus acetosa, borrago, buglossa, calendula, lactu-  
ca & radices petroselini coxerint. Hordeum quoque mundatum, &  
avena decorticata cum aqua, parumque butyri cocta, summoperè cō-  
veniunt, uti & emulsiones seminum frigidorum majorū, & lac amy-  
gdalatum. Donec febris est ardens, utatur loco vini decocto sequenti.

- ℞. hordei integri  
herb. agrimoniz  
veronicæ.  
rad. & foliorum acetosæ ana M.s.  
ramarindorum ʒj.

*Decoctum  
pro potu, lo-  
co vini.*

Coquantur in lb. x i. aquæ purissimæ, ad consumptionem ter-  
tiæ partis, colaturæ quotiescunque bibere voluerit, addatur parum sy-  
rupi de succo acetosæ, de agrestia, & citronum: aut ejus loco succi ci-  
tronum, aut arantiorum acetosorum, dulcoreturque aliquantum sac-  
charo, ne tormina ventris excitet. Tussis tamen si adest, ab hujusmodi  
& omnibus aliis acidis abstinendum est. Sequens quoque julapium  
summoperè convenit, bis, aut ter in die sumprum.

- ℞. aquarum acetosæ, fragariæ  
borraginis  
lactucæ ana ʒj.  
syropi de succo acetosæ, aut  
citronum ʒj.ß.

*Julapium.*

Misce.

Si inquietudines magnæ fuerint, ita ut dormire non possit, exhibea-  
tur ei sequens julapium.

*Ad somnū  
concilian-  
dum.*

- ℞. aquarum lactucæ.  
papaveris albi.  
borraginis ana ʒj.  
syropi de papavere ʒj.s.

Misce pro duabus dosibus, deturque tribus horis post cœnam.  
Emulsiones item seminum frigidorum majorum, & seminis papa-  
veris albi somnum conciliant. Tempora & frons inungantur unguen-

*Linimentū  
ad renū  
calorem rē-  
perandum.*

to populconis. Applicentur item scapulis cucurbitæ magnæ cum stā-  
ma, & scarificatione. Renes inungantur bis, aut ter in die unguento  
rosato, & refrigerante Galeni, aut præparetur ei sequens linimentum.

℞. Unguenti rosati.  
olei nymphaeana ℥j.  
caphuræ ℥s.  
albumen unius ovi.  
parumque aceti

Misce fiat unguentum in mortario.

*Epithema.*

Si deliquia animi advenierint, applicetur regioni cordis, sequens e-  
pithema.

℞. aquarum borraginis.  
buglossæ.  
melissæ.  
rosarum.  
vini malvaticiana ℥ij.  
aceti rosacei ℥j.  
croci.  
caphuræ ana ℥j.  
diamargariti frigidi.  
cinnamomi electiana ℥j.

Misce & applicetur tepidè.

Si alvus non satis lubrica fuerit, utatur clysteribus lenitivis, qualis  
est sequens.

*Clyster.*

℞. herb. malv.  
bismalvæ.  
violar.  
mercurial.  
flor. chamomillæ.  
meliloti ana Mj.  
sem. anisi &  
foenugræci ana ℥j.

Coquantur in aqua ad consumptionem tertiæ partis in lbj. co-  
laturæ dissolve.

electuarii lenitivi ℥j.  
vitellum unius ovi.  
salis p. j.

ol. chamom. &  
anethiana ʒj.

Misce, fiat clyster.

Si clysteribus uti noluerit, exhibeantur ad minimum suppositoria ex melle, & sale præparata, & utatur prunis Damascenis coctis in aqua, parumque saccharo. De medicamentis purgantibus nihil scribo, tum quia ipsam ab eis planè alienam esse scio: tum etiam, quod nimis debilem ipsam esse vereor. Hæc sunt vir clarissime, quæ in præsens necessaria mihi visa sunt, si aliquid aliud Intervenerit, rescribe, & vale cum honestissima tua conjugè, quam ut Deus Opt. Max. pristinae sanitati restituat, ex corde precor. Datum Coloniae 10. Novembris 1598.

# EPISTOLA XXXIV.

ZACHARIAS GEITZCOFLER à *Seilenbach* &c, Eques clarissimo, & doctissimo viro Dn. GUILHELMO FABRICQ Hildano inclita Reipub. Bernensis Medico, Paterniaci commoranti Domino & amico suo colendo, S. P. D.

**D**escriptionem affectus gravissimi, vir clarissime, atque doctissime hisce tibi transmittito: expende quæso diligenter casum hunc difficilimum, tuoque nobis maturè consilio succurre; quod diu desideratum per hunc ipsum expectabimus tabellarium: Tu vide ne frustra. Adjunctæ quoque literæ, obnixè roge des operam, ut ad Generosum Dn. de Gorgier quam primum perferantur, multum enim interest. In utroque officium mihi facies gratissimum, quod pro re nata vicissim promereri studebo. Raptim. 18. Martii 1609.

## *Morbi descriptio.*

Nobilissimus & generosus Dominus, qui ob adversam valetudinem consilium petit Medicum, annorum nunc est quadraginta septem, brevi corporis statura, & ejus habitu graciliori præditus. Quo ad vitalia, & animalia, (excepto motu crurum) optime valet, animosus est, & cordatus, ac ingenio singulari, judicio, si quis alius, acerrimo, & memoria firma pollens. Partium verò nutritioni dicatarum *dympariorum* inæquali, ventriculi scilicet frigiditate, & humiditate, hepatis con-

*Calculus  
vesicae.*

Rr 3 tra



tra, ac renum caliditate non nihil excedente, siccitate juncta laborat. Appetitu interim cum quo ad cibum, tum potum integerrimo manente. Inde accedentibus ab extra variis ac continuis infirmitatibus, reliquisque rebus non naturalibus appellatis, ob vitæ conditionem privatam primum, literisque deductam, aulicam deinde, ac militarem præter voluntatem erratis, magnâ cum pituitæ crudorumque humorum, tum bilis copiam aliquod ab annis coacervavit. Qui redundant, & contrarii humores à robustioribus partibus ad debiliores propulsi, renes, ac pedum primum, deinde etiam manuum articulos, multis laboribus, & frequentissimis, celerrimisque per equos dispositos dies noctesque equitationibus præ aliis, membris debilitatos, tandem obsedere, in eosque deinceps, quoties eorum copia, vel qualitate viscera gravabantur, aut proprio ad inferiora motu irritabantur, expulsi defluere soliti sunt. Hinc mirum non est suam magnificentiam ab eo tempore podagra & cheiragra, ut & nephritide sæpius, ac graviter fuisse afflicta. Ab arthritide post usum thermarum ferinarum in ducatu Wirtenbergico litarum, per sesquialtimum sætè liber fuit, & immunis, qui tamen dolores ante paucos menses pedes pariter, ac manus iterum invaserunt, & ex animi quodam subitaneo affectu, ob triste allatum nuncium subito quoque evanuerunt, impotentia ad incedendum in curibus ob eorum calidi nativiminationem relicta, ita ut vix incedere in loco etiam plano possit, nisi habeat, cui easdo innitatur. Nephritici vero dolores licet sæpius molestissimi & calculi, ac arenulæ plurimæ excretæ fuerint: per id tempus tamen gravius & deterius affligebant, & post diuturnam ponderis lumbis incumbentis molestiam, ac denique multos perpeffos dolores tandem mense Novembri, anni sexti sæculi inchoati. Calculum renalem, quam unquam alias, majorem excrevit. A quo tempore accedente in tempestivo alicujus diuretici usu, quoties surgit, stat, ambulat, vel alia quacunque ratione commovetur, ad urine excretionem, citra ipsius tamen remotam continuò irritatur, modò mitius, modò majori cum ardore. Urina tincta, & biliosa semper est, & asperum, pituitosum etiam sæpius, ac erudo: humores sabulo supernatantes, vel mixtos continet. Gravis quando hoc malum urget, tunc etiam mictio est frequentior, urina parciore, à citrino ad subviridem colorem tendens, ac sabulo sætè carens, cum ardore quodam ad sphincterem musculum, & in glande pruritu. Perinæum interdum tumet, qui tamen tumor digito prementi facillè cedit, & à compressione uri-

na,

*Arthritici  
dolores.*

*Nephritici  
dolores.*

na, ac fabulum copiosius excernitur. Hi posteriores, qui circa vasa urinaria consistunt, affectus, ut generoso Domino molestissimi sunt, eorumque potissimum gratiâ consilium, & auxilium petitur, ita de eorû essentia non sine ratione dubitatum hæc ænus est. Omnia in vesicæ re-  
centricis imbecillitatem, ac humiditatis viscosæ in glandulis ad collum vesicæ naturaliter, pro illis partibus adversus urinæ morsum munien-  
dis, contentæ privationem, urinæ denique ob bilis permissionem, fa-  
bulique asperitatem, acrimoniam referenda videbantur.

Curru etiam pensili cum Generosus Dominus vehitur, tum uri-  
nam, quam primò, absq; tamē impedimento, reddit, interdum cruen-  
ta est, aut subrutida, crassa & rubēs, veluti si cervicis feces permixtæ es-  
sent; ob venas fortè quæ renes perreptant imbeciliores, & ob violenti-  
orem corporis concussionem hiantes, sanguinemque cum urina, abs-  
que manifesto tamen circa renes dolore, fundentes.

Nulla hic signa sunt quæ anguem latere in herba, & *λιδασιν* seu ve- *Signa cal-  
culi vesicæ.*  
sicæ subesse calculum certò indicare possunt. Nullum percipitur pon-  
dus pubem & perinæum aggravans: nullus motus rei alicujus de uno  
latere in alterum, non illapsus in collum vesicæ, non vagus & oberrans  
dolor, non intercipitur inter mingendum urina, nec stillatim effluit.  
Quia verò in opere Medico compertum sit, *λιδασιν* signa incerta es-  
se, ac sæpissimè fallere, pruritus etiam in glande post mixtionem à G.  
D. percipiatur, & ad perinæum titillatio, alvi item excrementa inter-  
dum exeant, dum cum conatu quodam ob ardorem loci tum reddit: Id-  
eo ad explorationem quæ fit cum cathetere in vesicâ immisso, deven-  
tum est: vocari duo, sed diversis temporibus Lithotomi, uterque lapi-  
dem magnitudine ovi columbini in vesica adesse, liberum, ac mobi-  
lem primus, alter vesicæ nonnihil tunicis adhærentem affirmat. Medi-  
cus præsens allisionem Catheteris in lapidem propria manu percepit,  
& quandam quasi attritum ipsemet Generosus Dominus animadvertit.

Calculo itaque deprehenso, quem in renibus rudimentum acce-  
pisse, & deum in vesicam per ureterem delapsum, nec tempestivè ex-  
pulsam, ob adhæsum arenulatum, & lenti phlegmatis increvisse, con-  
jectura non parva oborta est: atque de curatione ejus iura cogitari co-  
epum, dubitari verò, medicamentū ne, an sectione sit auferendum?

Medicamenta tutiora, & magis optanda videbantur: Ideo nonnul-  
la priusquam ad incisionem veniretur, experiri placuit. Præmissâ id-  
circo

*Medicamē-  
ta calculū  
frangentia.*

circo universali corporis, & legitima evacuatione (in qua ventriculū debiliorem etiam leviora pharmaca difficulter ferre, & à cassia ob vim diureticam ardorem augeri, observatum est) pulvis asellorum præparatorum frequenti experimento ab *Augenio* inprimis, commendatus, cum liquoribus diureticis à drachma una ad quatuor scrupulos exhibitus fuit: sed majori damno, quam commodo. Urinæ enim destitutas partes ne quidem attigit, ventriculum verò summopere debilitavit, nauseam, dolorem, & alia symptomata excitando, neque capiti omnino pepercit. Quo factum, ut ab ejus usu Medici destiterint, de curatione hujus mali per pharmaciam ferme desperantes. Etsi enim sint, qui varia jactant experimenta, ut leporis, cicadarum, & scorpionū cineres, sanguinem hirci, ibicis, cervi, capreolorum, menstruum, liquorem crystalli lapidis, arte chymica solerter præparatum, troglodytem passerem, *Λιβονδροπικῆς Rhasis*, oleum scorpionum, lixivium Zoroastri Tinelli de stipulis fabarum, succos acidos, & sexcenta alia: nonnulli etiam (inter recentiores *Augenium* & *Tullianum* in Buliatria) gloriantur, se lapides vesicæ tali remedium genere, absque incisione ademisse. Sunt tamen altera ex parte historię curatorum admodum incertæ, & rationes satis probabiles, quæ hujusmodi præsidia dubia reddunt: quas apud *Erasmum*, *Montanum*, & alios videre licet. *Galenum* etiam scribit, nullam suo tempore fuisse inventam materiam præsidii calculum vesicæ frangentis, sed solâ Chæirurgiâ, seu incisione curari posse. Idem alii recentiores, & præstantissimi Medici liberè fatentur.

*Calculus  
vesicæ solâ  
Chirurgia  
curatur.*

Vident enim omnes, nullum esse morbum, in quo majora, ac copiosiora decantentur auxilia, & magis extollantur, in quo tamen minus effectum opaturum, & quem tituli promittunt, præstent, quam in *Λιθίασι*. Quapropter rebus sic stantibus, generosus, & magnificus Dominus de valetudine sua admodum sollicitus, & sanitatis pristinæ ob ardua, gravissimaque, quæ ipsi incumbunt negotia, cupidus, rem totam diligentissimè ponderari ac deliberari, & ad subsequentes quæstiones sibi quamprimum responderi summopere cupit.

*Quæstiones.*

I. Quid de symptomatibus, quæ supra sunt posita; statuendum: num in sufficientia sint ad *Λιθίασιν* demonstrandam: & utrum lithotomorū, quos sapius deceptos fuisse, quotidiana experientia testatur, explorationi fidendum.

II. Posito lapidem vesicæ urinariæ certiò adesse, quæritur: Utrum is tuto in hoc corpore medicamentis *Λιβονδροπικῆς* auferri possit: & si sic

fic, certa, & experta sibi fideliter communicari, eorumque legitimum usum describi petit.

III. Ad sectionem, si fuerit deveniendum, cum certum sit, incisionem calculo vesicæ tunicis adhærente factam, periculosam, & plerumque lethalem esse: quibus remediis lapis à vesicâ ante incisionem separari debeat, generosus dominus primum scire desiderat. 2. Num peracta sectione vetriculis opus sit, quæ vesicam ab arenis, sanguine grumoso, & aliis, quæ subesse solent corpusculis, expurgare possint. 3. Num per plagam fistula, seu tubulus more alias solito in vesicam demittendus ad aliquot dies, donec vulneris sanies omnis, universæque in vesicâ collectæ, & concretæ sordes expurgentur? an verò ut labra vulneris statim concidant, permittendum: exemplo cujusdam nostratis lithotomi, eo in tempore alias satis exercitati, qui affirmat, illas reliquias omnes per urethram seu penem sua sponte facillime evacuari? 4. Utrum arenulæ subinde per plagam à renibus transeuntes, inibi que forte hærentes, consolidationem non impedire possint?

IV. Incisione feliciter peractâ, & vulnere consolidato, quæ ratione à calculo deinceps præservari possit?

V. Denique quibus modis imbecillitas crurum tolli ac podagra præcaveri possit: & quid de vinaceis in tali casu sperandum?

Dolor quiescendo vel pulvinari molli insidendo, adeo magnus vel intolerabilis non est; nisi cibo vel potu nimium frigefaciente sumpto, vel pedibus, qui semper ferè frigidi, frigore affectis. Nunc pruritus continuus, & frequentissima existit mixtio: urina alba, vel virescens magis, quam tincta: Omnis motus dolorem auget, & tum urina aliquomodo cruenta pro qualitate morus, & plerumque instar

lixivii. In capite glandis verò urinâ redditâ,

semper pruritus & ardor.



## EPISTOLA XXXV.

*Generoso ac strenuo Viro Dn. ZACHARIAE GEITZCOFLER  
à Seilenbach Domino in Haunshelm/ Stauffen/ Mos &  
Weserburen/ Equiti aurato, Sac. Caesar. Majestatis & Regis  
Hungariae, nec non Ducū Austria Consiliario prudentissimo, Dn.  
suo benignissimo, GUILHELMUS FABRICIUS Hildanus  
S. P. D.*

**D**O & ssumum, quod de aſſe & tuo miſiſti ſcriptum, illuſtriſſime at-  
que genereſe Domine, ante paucos dies accepi: utinam in artis  
Medicæ operibus iſtam haberem notitiam, dexteritatem quæ, ut Tuæ  
G. ad valetudinem ſuam recuperandam multum prodeſſe poſſem. Sum  
huic Reipublicæ propter ſalarium obſtriſtus, itaque an veniam impe-  
trare, & T. G. pro ſua expectatione plenius ſatiſfacere, & præſens ad-  
eſſe queam, certò promittere, non omnino eſt in mea poteſtate. Inter-  
rim ad quæſtiones, quas proponit, pro ingenii mei tenuitate libenter  
aliquid reſpondebo.

*Ad primam  
quæſtionem  
reſponſio.*

Quæritur primò, quid de enarratis in ſcripto tranſmiſſo ſymptoma-  
tis ſit ſtatueudum, an quæ calculum veſicæ ad eſſe, demonſtrare ſi  
ficiencia eſſe poſſint? Ego planè ſentio lithotomos minimè hac in re de-  
ceptos fuiſſe. Ut enim de reliquis, quæ ex ſcripto tuo elici poſſunt ſig-  
nis, calculum ad eſſe, taceam, quodnam, quæſo, certius dari poterit,  
quam ipſa aliſſio catheteris in calculum, cum à Tua ipſamet G. tum et-  
iam à præſente Medico percepta? cujus verò magnitudinis, non uſque  
adeo rectè cathetere explorari licet, indice autem immiſſo ano facilius.

*Magnitudo calculi  
veſicæ, quo  
modo de-  
prehenda-  
tur*

*Ad 2. quæ-  
ſtionem re-  
ſponſio.*

*Veſicæ cal-  
culi ma-  
gnus ſolà  
chirurgiâ  
curatur.*

Quæritur ſecundò, an lapis veſicæ urinariæ in T. G. medicamentis  
tutò auferri poſſit? Hac in re *Galenus* & alii tam antiqui, quam etiam  
neoterici Medici multum nobis promittunt: ego tamen, ut ingenuè  
farear, perquam paucos, imò neminem calculo veſicæ præcipuè ma-  
gno laborantem abſque Chirurgia curatos fuiſſe vidi. Quod & idem  
*Galenus* in lib. 6. Epidem. Hippocr. comment. f. & *Aretæus* de lignis, & cu-  
ratione diuturnorum morborum lib. 2. cap. 4. teſtantur. Loquor autem  
de his, qui ætatem conſiſtentem habent. In pueris enim, quibus calor  
nativus eſt validus, viæ quæ laxæ exiſtunt, aliquando calculum veſicæ  
(intellige incipientem) medicamentorum beneficio curari. Occurrit  
præ-

præterea in Tua G. alia difficultas, nimirum ventriculi imbecillitas, quam ob causam medicamenta, quantumvis leviora, difficulter susfert. At si quis calculum in vesica medicamentis conterere & expellere tentare velit, primò ut multa variaque cum interna, tum etiam externa medicamenta adhibeat, necesse est. Secundò, indiget lapis vesicæ (*Avicenna* lib. 3. fen. 19. tract. 1. cap. 6. verbis utor) medicinis fortibus, quoniam ipsa est frigidior, & quia est longinquior, & quoniam lapis ejus est vehementius confirmatus, ex vehementia coagulationis. Hæc verò quomodo in Tua G. quam, ut dixi, debilioris ventriculi, & calidioris hepatis atque renum esse intelligo, tuto & absque periculo fieri possit, nondum video. Quum enim ex usu cassiæ (quam in ardore urinæ exhibent Medici) ardor urinæ hætenus in te auctus fuerit, quid de reliquis medicamentis ad conterendum calculum, quæ pleraque omnia sunt calida, ut *Galenus* de compositione medicam. secund. localib. 10. docet, sperandum est? profectò nihil aliud præter summam hepatis & renum excalesfactionem aliisque incommoda. Amittunt deinde medicamenta maximam partem suarum facultatum ac virium, antequam ad vesicam perveniant.

*Ex usu cassiæ auctus fuit ardor urinæ.*

Tertiò, lapides nonnunquam vesicæ adhærere, neque absque maximo periculo separari posse, certum est, non nisi manu & instrumentis separentur; atque in ista operatione, & separatione calculi vesica graviter lædatur. In Tua autem G. calculum adhærere vix crederem: adhæret enim mediante membrana, qua obductus est, atque tunc immisso cathetere, nulla percipitur allisio. Sin verò ex una tantummodo parte vesicæ annatus fuerit, quod tamen perquam rarò accidit (ut plurimum enim aut omnino adhæret, aut planè liber est) non usque adeò difficilis, nec periculosa erit ipsius separatio, præcipue si parvus est, quemadmodum lithotomis perant: & cum totum corpus, tum etiam pars affecta, ante operationem probè præparata fuerit. Hoc tempore tamen propter frigus, quod partibus nervosis, ac proinde etiam vesicæ obest, operatio, nisi maxima urgente necessitate, non erit tentanda: sed in primum verusque differenda. Ver enim, ut *Celsus* lib. 7. cap. 26. & experientia testatur, ad hanc operationem tum fluctu faciendam aptissimum est. Neque etiam tunc temerè, & empiricorum more operatio est tentanda: sed prius universalia à prudenti aliquo Medico præscribenda, exhibendaque: pars affecta præparanda: magnitudo quinetiam calculi exploranda, & an absque mortis discrimi-

*Atque quæstionem responsio. Calculus quomodo vesicæ adhæreat.*

mine extrahi possit, investigandum. Præstaret enim curationem palliativam adhibere, & aliquomodo miserè vivere, interim tamen Deo & patriæ inservire, quam in evidentissimo mortis periculo T. G. periclitari.

Post extractionem calculi verriculis omnino opus est, magis tamen ad explorandum, an alius aliquis adsit lapis insignis, quam ad arenulas & sanguinem grumulosum expurgandum. Hujusmodi enim facilius post operationem naturæ beneficio expelluntur, præcipuè si vulnus apertum fuerit conservatum; quemadmodum mox dicam. Perquisitio itaque ista, quæ sit verriculo, clementer fieri debet, & si secundus lapis aut fragmenta aliqua magna inveniuntur, extrahantur, sin minus de arenulis, & sanguine grumoso extrahendo non usque adeo est laborandum. Ego non raro per aliquot dies ab operatione fragmenta, & lapillos, qui etiam magnitudinem phaseoli ferè adæquabant, naturæ beneficio extrusos, atque reiectos fuisse meis vidi oculis.

*Nota.*

*Quid post  
extractionem  
calculi fa-  
ciendum.*

Porro ut arenulæ, sordes, sanguis que grumulosus, post extractionem lapidis, eò melius effluere possit, tubulus aliquantulum incurvatus in vulnus intromittendus, vulnusque ad tempus summo studio apertum est & conservandum. Non enim intentio Medici est, solummodo morbum curare, verum etiam recidivam præcavere. Ne itaque de novo materia aliqua colligatur, parens sit vulnus, donec renes, & vesica ab omnibus excrementis probè sese expurgaverint. Idque per vulnus facilius per ductum verò urinarium sive penem propter ipsius longitudinem, angustiam & anfractuositatem, vix fieri potest. Hæc Tuæ G. aliquomodo erunt molesta, multum tamen ad integram sanitatem recuperandam, conservandamque conducent, & efficiunt ne recidiva facile sit verenda: quæ multò magis est timenda, quam fistula. Hæc enim suo tempore cum partes internæ satis expurgatæ fuerint, non usque adeo difficulter consolidari poterit, illa verò novos cruciatus, & forsân majores adferret. Ante annos quindecim cum cuidam viro virtute & pietate præstantissimo Dn. Gualtero del Prato, Coloniz fistula in perinæo propter similem ferè causam curata esset: post menses sex ego cum aliis Medicis in consilium adhibitus, propter gravissima, quæ superveiebant symptomata, illam iterum aperire coactus fui. Convaleuit & per annos quatuordecim supervixit, septuagesimumque septimum annum ætatis prætergressus est.

*Ad 4. quæst.  
responsio.*

Quartò, extracto calculo, ne novus renascatur, prospicere convenit.

nit. Idque Tua G. præstabit, evitando in victus ratione omnia, quæ generationem calculi promovere possunt: sive suppeditando materiam, humores nimirum crassos & viscidos; sive suscitando causam efficientem, intemperiem scilicet calidam hepatis & renum: purgando item per intervalla corpus. Quæ omnia hic particulatim recensere supervacaneum duxi, cum quia Tua G. hac in re, proh dolor, ipsa facta est Medicus passivus, tum etiam quia ex præsentī Medico, si opus esset, fusi⁹ edoceri poterit. Saltem id reperi, quod & antea monui, vulnus non ilico consolidandum esse propter causas, quas jam supra commemoravi. Vomitus si per intervalla provocetur, singulare est præservativum tam in calculosis, quam podagricis affectibus, præcipue si Tua G. *Vomitus præservat à podagra & calculo* ad vomendum facilis fuerit. *De acidulis.*

Ad præsertionem quoque calculi non exiguam vim habent acidulæ Griesbachenses & Langenschwalbacheses. Ventriculo enim gratum est medicamentum, ipsumque simul, ac omnes partes internas roborat, obstructions viscerum reserat, renes item & vesicam abluit, mirumque in modum expurgat; & si quæ in istis partibus sunt arenulæ, expellit. Usus earundem quoque acidularum in primis Langenschwalbachensium Tuæ G. in podagra multum prodesse poterit. Sed hoc tempore ferè inutiles sunt acidulæ.

Postremò querit Tua G. quomodo imbecillitas crurum sit tollenda, quidve de vinaceis sperandum? Ad imbecillitatem membrorum post podagram tollendam, cum aliàs multoties, tum superiori ætate in Generoso quodam maximo cum fructu hoc unguentum expertus sum, purgato tamen prius corpore. *De vinaceis.*

℞. Salis marini diligenter in furno exsiccati & tenuissimè pulverisati ℥ ij.

ol. lumbricorum, &  
vulpiniana ℥ iij.

Misceantur diligenter in mortario marmoreo, fiatque unguentum, quo partes affectæ inungi debent tribus horis ante prandium, & antequam æger lecto egrediatur. Eidem unguento aliquando maximo cum successu addo aliquantum olei salviæ, aut rosmarini arte chymica extracti. Ante inunctionem poterit applicari fomentum aliquod ex *Fomentum.* salvia, betonica, absinthio, lva arthetica, baccis & ligno juniperino, rosis, floribus primulæ veris, rosmarino, majorana, alumine, & hujusmodi vino rubro incoctis. Cataplasmata item ex iisdem herbis & floribus

℞ 3 pulveri-



pulverifatis, & cum farina fabarum, vino rubro, atque sapa coctis, & post fomentationem, atque inunctionem applicata summopere conveniunt.

Uſus vina-  
ceorum in  
podagra.

Uſus vinaceorum mihi hac in re summopere probatur; inter optima enim remedia & tutiſſima, quæ partes etiam affectas roborant, & calorem innatum ſovent, à *Cratone* in hoc affectu ponuntur. Tempore vindemiarum pedes nonnunquam & totum corpus, ſi morbo univerſalis eſt, eis calidè immergatur. Extra tempus verò vindemiarum ſolitus ſum ea vino rubro ac aqua incoquere, & juncturis applicare: Inter coquendum verò betonicam, ſalviam, ivam artheticam, flores primulæ veris, & hujusmodi flores & herbas, quas antea recenſuimus, addo. Si dolor adeſt, adjicio quoque manipulum unum aut alterum ſumbri-  
corū, terreſtriū aquā ſolūmodo loto ſū. Hujusmodi medicamentis ſi jun-  
cturæ & nervi roborati fuerint, minus de fluxiones excipient. Interim tamen ne materia peccans in corpore colligatur, & ad articulos expel-  
latur, summopere proſpicere convenit. Optima itaque victus ratio ob-  
ſervanda eſt, corpusque per intervalla expurgandum: quæ omnia pruden-  
tiæ præſentis Medici committo.

Hæc ſunt, Vir Generoſe, quæ pro temporis anguſtia ad propoſitas quæſtiones reſpondere licuit: quæ omnia, ut Tua G. æqui bonique conſulat, rogo. Dum hæc abſolvo à Generoſo Domino Barone de *Gorſer*, ſimul & à nobili Viro Dn. *Ludovico à Wattenville* accipio literas, quos omnes de Tua adverſa valetudine ſummopere ſolicitos eſſe per-  
cipio. Ego, quia Tua G. in præſens proprius adeſſe, & coram officiis mea minimè præſtare poſſum, ſimul cum illis illum, qui ſons eſt omnium bonorum per unigenitum filium ſuum *Jeſum Chriſtum* Salvatorem no-  
ſtrum ſuppliciter oro, ut Tuam G. ex hoc gravi morbo liberare, in pri-  
ſtinam optimamque valetudinem reducere, in eaque diu conſervare  
dignetur. Vale Generoſe Domine. Paterniaci

Aventicorum 24. Novemb. 1603.

## EPISTOLA XXXVI.

*Adeundem Virum generosum Dn. ZACHARIAM GEITZ-  
COFLER, &c. cui GUILHELMUS FABRICIUS Hilda-  
nus S. P. D.*

Quod ad quæstiones propositas: misi responsum, Illustris, atque generose Domine, Tuam G. jamdudum accepisse, atque ex contententiam meam percepisse, spero: itaq; de his hic nihil reperam. Cæterum generosus Dn. Baro à *Wattenville* hisce diebus ad se me vocare jussit: sed quia *Freiburgi* apud nobilem quandam occupatus fui, adventum meum per aliquot dies in *Burgūdia* expectavit, ubi ipsum hodie conveni. De morbo *Tuz* G. fusius inter nos collocuti sumus, ut ex ipso intelliget. Ne operatio ante mensem *Aprilē* tentetur, iterum suadeo. Operationi etiam si difficulter ininteresse queam (tam procul enim abesse familiæ meæ, valde mihi erit incommodum) quia tamen Tuam G. præsentiam meam valde desiderare exoptare video, libenter parebo, dummodò licentiam à Magistratu meo impetrare poterō. Quod si G. Tuam convenire mihi concedatur, ut corpus ante operationem à præsentī Medico diligenter præparetur, neque vulnus illico cicatrice obducatur, iterum moneo, propter causas, quas in præcedentibus meis literis recensui, quasque generoso Domino Baroni à *Wattenville* coram fusius exposui. Vale illustris ac generose Dn. & me tuum cense. Raptim *Uffers Burgund. 8. Februarii* stylo novo Anno 1609.

## EPISTOLA XXXVII.

*Idem adeundem.*

Paulo tardius, quam sperabam. Illustris, atque Generose Domine ea, quæ promiseram mitto, idq; negligentie meæ causa minimè factum est. Radices enim *Eryngii Marini* ad lacum *Lemmanum* eruentæ, postea in umbra exsiccandæ erant, ubi tempus requirebatur: Quapropter ne tua G. moram ægre ferat, demissè rogo. Nunc illas mitto, faxit clementissimus Pater cælestis, ut G. tua maximum fructum inde capessere

*Ingens ab-  
scessus in  
anguine.*

capessere possit. Mitto & instrumenta pro enematibus exhibēdis: item l. b. de inedia *Appolonia Schreiera*: illa etiā nūc vivit, uti Dn. D. *Lentulus* ante paucos dies ad me scripsit. Hæc ut G. tua eo animo, quo à me profici-  
scuntur accipere velit, obsecro. Successum curationis post meum ab-  
itum avidè intelligere cupio penitus tamen Tuam G. nunc convaluisse spero. Circa serenissimum principem Dn. *Janutium Radzivilium* ad-  
huc, una cum clarissimis viris Dn. D. *Platero* & *Chimelstio* Medicinæ  
Doctōribus, occupatissimus sum. Me absente Empiricus ad ipsum ad-  
ductus fuit, qui Mercurialia nonnulla, aliaque quæ parum convenie-  
bant, adhibuit. Corpus mirum in modum extenuatū est, & indies ma-  
gis magisque extrahescit. Nutrimenta pauca, & non nisi invitis sumit.  
In inguine dextro ruptus est abscessus ingens, ex quo ultra libras de-  
cem puris effluxit, & adhuc continuo effluit, Est & alius abscessus in-  
gens profectò in clune dextra aperiendus. Omnipotens Deus, sum-  
musque Medicus, ut divina sua gratia per unigenitum filium suum  
ipsi adesse, omniaque ad ipsius salutem cum corporis, tum etiam ani-  
mæ necessaria benignè elargiri velit, ex corde precor. Vale Illustris, at-  
que generose Domine, una cum genere, & virtute verè nobilissima  
tua *Relingera*, Uxore charissima, filioque dilectissima totaque familia  
longè nobilissima, quam ut Deus Opt. Max. tecum in multa secula  
conservare, spiritualibus, temporalibusque quin etiam donis ditare di-  
gnetur, etiam atque etiam ex corde precor. Raptim Basileæ Raurac. 2.  
Julii 1610.

## EPISTOLA XXXVIII.

ZACHARIAS GEITZKOFER à *Geilenbach* &c. Eques  
GUILHELMO FABRICIO *Hildano*, S. P. D.

**H**æret adhuc alta mente repostum, vir clarissime, atque doctissime  
Hamice charissime, tum illud fideli quondam promptitudine, &  
prompta fidelitate mihi præstitum auxilium, tum, cum in extremis  
constitutus angustiis, periculosissimam corporis mei sectionem in arce  
mea *Haunshelm* tuæ dexteritati administrandam commisi: quam ob-  
rem & immensas tibi gratias semper agam, referamque. Cum autem  
præter alia tum temporis etiam intellexerim, Te raras quasdam in affe-  
ctibus mulierum, & secretas habere medicinas: & verò una ex constan-  
guineis

guineis meis difficilimo ejusmodi, nescio quo, vehementissimè hæc-  
 nus confictetur morbo: accuratiorem hujus affectus descriptionem  
 Tibi hisce communicare volui: officiosè rogans, ut casum hunc non  
 solum diligentissimè, de quo dubium mihi nullum, examines, atque  
 perpendas: sed etiam prudentissimum tuum consilium hac de re no-  
 bis exponas, illudq; prima data occasione Augustam vindelicorū Dn.  
 Martino Zobelio transmittas. Facies hac in parte gratum mihi, & acce-  
 ptum, utque vicissim honesto laboris tui præmio gaudeas, operam  
 dabimus sedulo. Uxor mea charissima filiusque salutem tuæ Exc. plu-  
 rimam per me d. & tam volunt. Hisce vale vir clarissime, & feliciter vi-  
 ve diu. Datum Pragæ 16. Februarii 1617.

*Descriptio morbi illustris cujusdam Matrone,  
 literis præcedentibus conjuncta.*

Illustris Domina quædam ætatis annorum triginta unius, habitus  
 totius humidioris, pinguis multum maximè circa ventrem inferiorem,  
 hepatis calidioris, bonum generans sanguinem, coloris optimi, ven-  
 triculi verò frigidioris & cum lienis aliqua notabili durtiæ. Huic ela-  
 psis annis, & etiam ante conjugium menses fluxerunt inordinati, ut  
 plurimum pauci, nec sine doloris sensu. Cum anno 1614. Thermis qui-  
 busdam Sulphureis per dies quadraginta balneâdo, mense Julio & Au-  
 gusto usâ fuisset, per menses tres vel quatuor ordinatum singulis qua-  
 tuor septimanis mensium cursum & in quantitate mediocrem acqui-  
 sivit. Mense demum Decembri signa quædam ingravidationis appa-  
 rere cœperunt, vomitus quidam materiæ pituitosæ, inappetentia ad  
 cibum, decolorati menses, qui tamen nunquam substituerunt, quin ni-  
 si ob gravidationis dubium medicamentis retenti fuissent, fortè co-  
 piofiores consueto fluxissent; mammæ tumidiore solito, sine lacte  
 tamen: accessit & mulierem hac in re peritarum confirmatio, quæ  
 prægnantem persuadebant: auctus est venter paulatim: verum nullus  
 unquam fœtus motus animadversus est, (licet ipsa motum quendam  
 interdum persentiscere asseveraret) quod assistentibus Medicis falsæ  
 ingravidationis suspicionem præbuit, ut revera evenit. Elapso per  
 menses aliquot partus tempore, colic dolores vehementissimi eâ & appre-  
 henderunt, cum febre continua & animi deliquiis, à quibus aliquot  
 dierum spacio nonnullis evacuationibus, sed porissimè enematis

*Affectus un-  
 serinus.*

*Falsa in  
 gravidatio-  
 nis suspicio.*

T t libe-



*Libræ 10.  
vitrea pi-  
uita de-  
sta.*

liberata est. In quorum administratione hoc notabile fuit; clysterum usu spacio dierum viginti ad libras triginta vitreae pituitæ subtrahæ fuisse; ventrisque moles in circuitu spirithamæ longitudine minor effecta est, agiliorque in motu reddita est, cum prius difficulter moveretur. Sequenti tempore sæpius purgata est, tum medicamentis per os assumptis, tum per alvum i-jectis, & semper ingens vitreae pituitæ copia educta est. Sanguis sæpius vena secta notabili emolumento missus est: verum alvi tumor incrementum visus est, corporisque gravitas augeri, usque adeo, ut ferè semper sedentaria degeret, & ob ventris molem in lecto etiam minime commodè jacere posset. Menses paulatim pauciores visi sunt, nec benè colorati, sed potius mucro similes: à duodecim septimanis ex toto substitère, quo tempore omnia graviora reddita: quin & interdum uteri præfocationes, cordisq; palpitationes molestare cœperunt. Quorum accidentium occasione advocati Medici dum ventrem contingunt, invenerunt in regione uteri rem quandam ad tactum duram, à dextra in sinistram transversim se extendentem, longitudinis spirithamæ unius cum dimidia, in crassitie verò in sinistra quidem parte limonium pomum, vel aliquid majus referente, in dextra autem multò majorem, sed mobilem; quæ si ab una parte manum prematur, in opposita parte dolor sentitur.

De cætero venter licet pinguis, mollis tamen est, in flatibus (quod aliquando evenit) distendatur. In reliquis nec lumbi, nec inguina, nec partes circa umbilicum dolent: dum in lecto vertitur, nullum sentit gravis materiæ ab una parte in alteram notabilem prolapsum: stans autem circa pubem pondus grave incumbit. Motus interdum quidam circa uterum ab ea persentitur, sed non qualem fortis edere solent. Lac in mammis nullum, nec tumidiore solito: corpus non emaciatur, color optimus perseverat, in cibo & potu se benè habet.

His sic stantibus, cum à principio hujus affectus aliquot elapsi sint menses, petitur ab excellentissimis ac experientissimis viris.

1. An hæc mola censenda sit, an affectus alius?
2. Si mola judicetur, cum una, & grandis videatur, an provocanda sit? Hippocrate dicente, si mola una caro fiat, mulier perit, neque enim fieri potest, ut superflua maneat.
3. Quibus remediis tutò & cum minori molestia ea abigenda sit.
4. Et ultimo stante mola, an aquis thermalibus sulphureis & nitrosis, quæ & potu & balneo adhiberi consueverunt, tutò uti liceat?

Ad hæc rogamus excellentissimos viros nobis quanto citius fieri possit, communicare sua consilia velint.

## EPISTOLA XXXIX.

*Generoso ac strenuo viro Dn. ZACHARIAE Gelskoster à Gellensbach/ Domino in Haunshelm/ Stauffen/ Wos vñ Wesenbus ren/ &c. Equiti aurato. Sacra Casarea Majestatis, nec non Dneum Austria Consiliario prudentissimo, Domino suo benignissimo, GUILHELMUS FABRICIUS Hildannus S. P. D.*

**L**iteræ, quas ad me dedisti, generose ac strenue Domine, quia domesticis meis interim dum ego Lausannæ circa infantem generosi cujusdam occupatus fui, traditæ fuerunt, celerius ad eas respondere mihi non alicuit, ne igitur Tua Generos. moram ægrè ferat, demissè rogo. Sola autem profeqd literarum G. V. inspectio vehementer me exhilaravit, idque eam solam ob causam, quod G. T. vivere, & rectè valere ex eis intellexim. Idem à generoso quodam, qui ante menses aliquot Haunshelmio veniens, transiens hac, & in Galliam properans me invisit, nunciatum mihi fuit. Faxit clementissimus Deus Pater celestis, ut G. T. optima ista valetudine in multos annos ad Deigloriam, utilitatemque Patriæ frui possit.

Illustri autem Domine, de qua T. G. scribit, vices doleo, Deumque ter Opt. Max. suppliciter oro, ut Medicorum laboribus, & remediis benedicat, eamque & patiētia & constātia Christiana adornet, tandēque benignè restituat. Tandē, inquam: Sunt enim profeqd morbi uterini, ut omnes testantur Medici, & ipsa experientia docet, longi & difficiles.

Porro cum ipsam minimè gravidam esse extra controversiam sit, quærit G. T. primò si ne mola in utero, nec ne? Ego ex signis & indicis, quæ proponuntur, nihil aliud concludere possum, quam illustrem ægram molam gestare, etiamsi signa nonnulla, quæ contrarium suadent, adsint: in primis mensium fluor. Quibus enim menses fluunt, in iis molam generari minimè posse, statuunt Medici. Ambrosius Paracelsus lib. 2. cap. 41. Mulierem molam gerentem menstruis laborasse observavit, quod & ego in nobili quadam ac pia Matrona Bernensi, robusta, & plethorica ante annos aliquot advenisse vidi. Illa etiam molā

*Morbi uterini longi & difficiles. Responsio ad primam questionē.*

*An menstruis fluentibus mola in utero adesse possit? Observatio.*

ejus magnitudinis gestaret, ut adstantes tractâdo ventrem facillè ipsam perferire possent, quam molam etiam erigendo se & ambulando, ponderis alicujus, & globi magni instar ad os uteri delabi sentiebat: (hæc non ex relatione aliorum habeo) singulis tamen mensibus suas habuit purgationes menstruales, sed in minori quantitate, id quæ ad finem usque vitæ suæ, etiam si à mola liberata non fuerit. Potest itaque mulier molâ laborare, imò & fœtum gestare, interim tamen suas habere purgationes menstruales: sed in minori quantitate. Non omnibus tamen mola laborantibus id accidere, sat scio, sed paucissimis, & iis tantummodò, quibus habitus totius corporis humidus, & hepatis temperatum est, quæque sanguine abundant, quemadmodum illustrem illam Dominam illo abundare intelligo.

Id præterea observavi, molam non nisi sensim accrescere, si mēstrua simul fluxerint: fluentibus enim mēstruis nutrimentum molæ distrahitur. Eis autem, quæ fœtum, aut molam gerunt, ut insignis vir Dn. Ambrosius Paracelsi lib. 24. cap. 65. refert, non ex ipso utero profluunt, menses, sed per ramos venæ & arteriæ hypogastricæ, quæ rejiciuntur, & sparguntur in uteri cervicem.

Non omnes molam gerentes extabescunt. Molam præterea gerentem tabescere, ac membra mollescere, observarunt practici: ac in illustri domina contrarium observatur. Corpus enim, ut ex narratione morbi ejus intelligo non emaciatur, sed color optimus perseverat, in cibo quinetiam, & potu bene se habet. Non omnes igitur molam gestantes extabescunt: quod & ego in Marrona illa Bernensi, cujus antea memini, observavi, quæ per multos annos molam gestavit, interim tamen menses suos habuit, & corpore robusta fuit. Anno 1612 Hildenâ Coloniam ad quadragenarium vocatus fui: gestaverat illa molam per multos annos: interim tamen corpore valida, & facie benè colorata semper fuerat: tandem febre continua corrupta, & exorto dolore circa pudenda, cum muliebria, ac ventrem tractarem, molam ad struthiovi magnitudinem inveni, quæ & versus os uteri ita propendebat, ut manu facillè apprehendi posset: Cystodonibus nihilominus, quemadmodum & illa, de qua obs. 52. centuriæ 2. mentionem habui, ita adhærebat, ut absque ingenti dolore vix commoveri posset. Interim tamen cum ipsam præsentem excellentissimo, ac pio viro Dn. Jodoco Juliano pharmacopœo Colonienſi, aliquoties & manu, & instrumentis tractâsem, medicamenta quinetiam nonnulla, ut postea dicam, applicaſsem, tandem feliciter ipsam enixa est, & pri-

stinæ

*In molâ  
linia menses  
sunt fluxus  
pessimi:*

*Observatio.*

Atque sanitati restituta fuit. Hæc propterea adscribo, si forsân illustri Dominæ in curatione molæ suæ usui esse possint. Potest itaque mulier molam gestare, interim tamen menses suos habere, corpore quinetiam validè robusta, ac facie benè colorata esse.

Secundò quærit T. G. si mola judicetur, cum una & grandis videatur, an provocanda sit? cum juxta Hippocratem libro de sterilibus, mulier, quæ unicam gerit molam, si expellatur, perit. Diligenter hic perpendendus est locus Hippocratis, & cum eis, quæ quotidie in praxi occurrunt, conferendus. Hippocrates enim & alii in locis ita loqui consuevit; quemadmodum lib. 6. aphorif. 18. ubi vulnera vesicæ, cerebri, cordis, intestinorum, & ventriculi lethalia esse pronuntiavit. At hujusmodi vulnera sæpissimè sanari, experientia docet. Verùm Galenus in commentario hujus aphorismi mentem Hippocratis penitus explicat his verbis: Hoc verbum, inquit, *lethale*, sæpius dixit in aliis, & in hoc ipso libro de iis, qui ex necessitate morituri: sæpius autem & de iis, qui magna ex parte. Hæc Galenus. Ita etiam de verbis Hippocratis hoc loco censendum esse arbitror: non enim mulier, cui unica expellitur mola, ex necessitate perit, etiam si id aliquando contingat. Observatum enim sæpissimè fuit, molas prægrandes & unicas sine mortis discrimine medicamentis expulsas, imò & manu extractas fuisse. Extraxerunt singulare in 2. centur. observationum mearum observat. 52. de mola, quæ magnitudinem capitis infantis ferè adæquabat: quam tamen ea dexteritate extraxi, ut non solù non convalescit ægra, & per aliquot annos supervixerit; verum etiam infantes tres procreaverit, cujus rei testis maritus ipse, & alii quamplurimi, etiam nunc Lausannæ esse possunt. Alia præterea extant exempla observat. 54. ejusdem centuriæ. Et quadragenaria illa Colonienfis, cujus antea mentionem feci, à mola unica & etiam satis magna, quam felicissimè liberata fuit. Non perit itaque mulier, quæ unicam edit molam ex necessitate, sicuti illi necessitate moriuntur (ut Galenus lib. 6. aphorif. comment. 18. & experientia docet) quibus cor aut cerebrum ad ventriculos usque vulneratum: sed tunc in primis cum nimis violenter expulsa fuerit, & hæmorrhagia magna supervenerit.

His omnibus benè consideratis, nihil video, quod obstare possit, quo minus curationi non sit tentanda: præcipuè cum illustris ægra adhuc sic juvenis & optimo corporis habitu prædita.

Quærit G. T. tertio, quibus remediis tutò, & minori cum molestia

T. 3 mola

*Responsio  
ad 2. quæ-  
sitionem.  
An mulier  
unicam ha-  
bens molam,  
si expellatur  
ea perant?*

*Responsio  
ad 1. quæ-  
sitionem.*



mola illa sit abigenda: proponam remedia tuta, quibus & ego in quadragenaria illa Colonienſi, & in aliis cum fructu uſus ſum. Interim tamen illuſtris Domina monenda eſt, morbum huncce, uti quoque ab initio dixi, & longum & difficileſimum eſſe, imò curationem non ſemper ad optatum finem perducì poſſe, etianiſi Medicus ſummam adhibuerit diligentiam. Sæpiſſimè enim tam tenaciter utero adhæret, ut non niſi poſt longum tempus excerni poſſit: imò & cum ægra conſeſcat, hoc eſt, ad finem uſque vitæ perduret: id quæ in primis accidit, quotieſcunque (uti ego in aliquibus obſervavi) uterus ipſe unâ cum mola unicum inter ſe conſtituunt corpus. Huiuſmodi molâ matrona illa Bernenſis, cujuſ ab initio memini, ad finem uſque vitæ ſuæ laboravit, abſque magna tamen moleſtia.

*Curatio  
mola.*

Curatio autem tribus ſubſequentibus intentionibus perficitur. Primò, ut victus ratio, quæ calida & humida eſſe debet, inſtituatur, ac quam diligentiffimè obſervetur: Secundò, ut corpus à pravi humoribus expurgetur, & vena, ſi plethora adfuerit, incidatur. Tertiò, ut medicamenta molam expellentia intus exhibeantur: ventri quin etiam provocantia exterius admoveantur. Purgato itaque corpore, primò emollientia, veluti ſequens enema per aliquot dies adhibere convenit.

*Enema e-  
molliens.*

℞. radicū althææ

lilior. albor. ana ꝯj.

fol. althææ

malvæ

paſietariæ

violarum

brancæ uſinæ

flor. chamomill.

meliloti

violarum ana M. j.

ſem. ſenugræci

lini ana ꝯj.

aniſi

ſcniculi ana ꝯj. ſſ.

Coquantur in decocto capitis & pedum vituli, ad conſumptionem tertię partis. In lbj. colaturæ diſſolve.

butyri recentis,

olei amygdalarum dulcium &

*lilio-*

liliorum alborum ana ʒj.

Misce, fiatque enema, quod iteretur quotidie semel aut bis, idque per dies aliquot. Necesse enim est, ut mola, imò & ipse uterus, partesque omnes, quæ in excretionem molæ extenduntur, emolliantur ac lubricæ reddantur.

Ex præscriptis herbis, radicibus, floribus & seminibus præparetur quoque sacculus triangularis, ejus magnitudinis, ut anum ventris & pudenda cooperire possit: is aqua aut brodio capitis, & pedum vituli coctus, calidè applicetur, per horam unam aut alteram, idque bis aut ter in die. Post solum venter, pudenda, os sacrum & coxæ sequenti linimento inungere convenit.

℞. olei liliorum alborum  
lumbicorum  
amygdalarum dulcium  
de vitellis ovorum ana ʒʒ  
pinguedinis caponis  
utris  
anseris ana ʒj. Misce

Quæ partes ad molam excludendam necessarias relaxant ac lubricas efficiunt, per os quoque exhiberi poterunt. Detur itaque oleum amygdalarum dulcium, & butyrum recens, cum decocto foliorum althææ, malvæ, & violarum, seminis althææ, malvæ & melilori, ac pauco sale, ne nauseam excitet: poterit addi pullus, aut frustum carnis castrati, ut eo magis nutriat, corroboretque. Prædictum jusculum poterit quoque syrupo de althæa Fernelii dulcorari & exhiberi. Hisce in sextum, septimum aut octavum diem, prout præsentī Medico consultum esse videbitur, adhibitis, ac iterum expurgato corpore, & saphenâ incisâ, ad ea, quæ facultatem expultricem excitant, transeundum est. Ubi enemata iterum conveniunt; quapropter

*Enema.*

℞. radic. Aristoloch. rotundæ &  
longæ  
gentianæ ana ʒʒ.  
radic. bryoniæ  
asari  
ellebori albiana ʒj.  
herbar. diſtamni  
rutæ

sabinæ

sabinæ  
centauri minoris  
artemisiæ  
melissæ  
matricariæ  
pulegii  
origani  
malvæ  
althææ ana M. ℥.

flor. chamomill.  
meliloti  
sambuci ana M. j.

sem. carvi  
fesel.  
petroselini ana ℥ j.  
fœnugræci  
lini ana ℥ ℥.

Coquantur in aqua, ut colatura redeat ad ℔b. ij.

In ℔b. j. colaturæ dissolvæ Hieræ Picræ ℥ j.  
trochiscorum de myrrha ℥ ℥.  
olei rutacei ℥ ij. Misce.

*Sacculus.*

Ex supradictis radicibus, herbis, &c. præparetur quoque sacculus triangularis, qui aquâ incoctus, ventri calidè applicetur. Interim autem dum enemate & sacculo utitur, sequens quoque pessarium adhibere convenit.

*Pessarium.*

℞. galbani  
bdellii  
opoponacis dissolut. in vino generos. an. ℥ ij.  
rad. cyclaminis &  
hellebori albi ana ℥ j.  
trochiscorum de myrrha ℥ iij.

Misceantur, & cum succo rutæ quantum satis fiat pessarium.

Per os detur sequens potiuncula.

℞. confectiōis alkermes ℥ ij.  
trochiscorum de myrrha ℥ ℥.  
salis artemisiæ  
olei sabinæ ana ℥ ℥.

Cum

Cum decocto artemisiz, melissæ, radicum aristolochiz longæ & rotundæ, fiat potiuncula: dulcoretur syrupo de artemisia.

His dum illustris ægra utitur medicamentis, motus naturæ diligenter observandus est: quamprimum enim virtus expultricis commota fuerit, necesse est, ut ægra in modum parturientis decumbat, in lecto tamen (ut vires conserventur) & eo planè modo, quemadmodum monstravi in secunda centuria pag. 186. Deinde obstetrix manum in unctam superiori linimento clementer in collum uteri immitter, parturientiumque dolores, & conatus quantum fieri potest, excitet. Illustris quoque ægra ipsamet operam dabit, ut expultricem facultatem, & conatus parturientium stimulet; quo tandem obstetrix manum suam in ipsum uterum immittere, molamque apprehendere possit. Sin mola rotunda, & lubrica fuerit, ita ut obstetrix ipsam digitis apprehendere non queat, habeat forcipem & hamulum, cujus ego dedi delineationem in secunda centuria observat. 52.

*Quomodo  
mola extra-  
henda.*

Dum autem hoc aliaque administrantur, imò per totum tempus curationis, virium diligenter habenda est ratio, & quæ ipsas conservant, atque instaurant, exhibenda, & regioni cordis, & carpis applicanda sunt. Interim tamen quæ corpus clementer excalefaciant, sanguinemque attenuant, parè sunt exhibenda, ne extractâ molâ vehemens & periculosa subsequatur hæmorrhagia: & quia mola semper utero adhæret, diligenter prospiciat obstetrix, ne ipsam impetuosè ac festinâter, sed pedetentim ac lente separet, extrahatque. Ego in separatione molæ, cujus fit mētio observ. 52. cent. 2. postquam ad ipsius radicem A) notatam manu pervenissem, dimidiam ferè horam impendi, abique ullo tamen dolore, aut molestia ægotantis.

*Mola ele-  
mencer ex-  
trahenda.*

Extracta mola, ut hæmorrhagia larga evitari possit, in prout sunt electuaria, syrapi aquæ destillatæ, decoctiones, & ex eis paratæ potiuncule, reliquaque omnia, quæ ex calefactû corpus refrigerare, & attenuatû sanguinem inspissare, viresque instaurare queant. De quibus omnibus præsens Medicus pro sua prudentia providebit.

Extracta mola ventri sequens Cataplasma protinus applicare convenit.

*Cataplas-  
ma.*

℞. Rad. & fol. plantaginis  
burse pastoris  
fol. prunorum sylvestrium  
rosarum rubearum ana M. j

Y a

Co:



Coquantur in aqua ad consumptionem tertiarum partium.

Postea ℞. farinæ hordei & volatilis ana ℥iij

pulv. rosar. rubear.

n. y. tillo: um

nucum cupressi

balaustror.

corticem granatorum

ranarum combustarum ana ℥j.

terraz sigillatæ

sanguinis draconis ana ℥ss.

Cum prædicto decocto, parumque aceti fiat Cateplasma, quod immo ventri pudendisque tepidè applicetur.

Hæmorrhagæ si impetuosa fuerit, arctè ligentur brachia, & cucurbitulæ sub mammis affigantur. Vena item in cubito, si vires permiserint, incidatur.

*Pessarium  
ad sangui-  
nem sisten-  
dum.*

Imponatur quoque sequens pessarium: Fiat turunda est stupis suavis justæ magnitudinis, quæ superiori decocto madefacta, sequenti pulvere involvenda est.

℞. farinæ volatilis ℥ij.

terraz sigillatæ

sanguinis Draconis

gypsi.

cinerum ranarum aquatiliū ana ℥iij

musci cranii humani ℥j

Misce fiat pulvis subtilissimus.

Hiscæ & similibus remediis hæmorrhagiam cum in Lausanensi motrona, & Coloniensi, tum etiam in aliis feliciter per Dei misericordiam compescui.

Non volo autem illustrem ægram, adstantesque Medicos non morere, in prima curatione rem non semper ex voto succedere, sed post dies aliquot aut mensem iterum omnia reiteranda esse, idque ego in quadragenaria illa Coloniensi, cujus jam antea facta fuit mentio, edidici. Huic enim cum omnia, quæ recensui, adhibuissem, collumque uteri adeo (sine violentia tamen & dolore magno) dilataissem, ut molam manu mea tractare, forcipe quin etiam faciliè apprehendere possem, ipsam tamen extrahere, minimè ausus fui; quotiescunque enim illam apprehendebam, & instrumentis (manu enim non faciliè extrahitur mola

mola) extrahere conabar, tanti circa lumbos superveniebant dolores, ut ab opere desistere coactus fuero: quapropter totum negotium ad dies quindecim protraxi. Interim ut vires instaurarem, dolores lenire. Intemperiem calidam internarum partium temperarem, omnes nervos intendi. Tandem cum præcedentem curationem secundò iterassem, ex voto, successit, convaluitque ægra.

Quartò & ultimo querit T. G. an aquis thermalibus sulphureis, & nitrosis tuto uti possit illustris ægra? Sulphur cum teste Galeno de Simpl. Medic. facult. lib. 9. calidum, tenueque sit, & nitrum insignem exsiccandi facultatem obtineat, non video (salvo tamen aliorum virorum, quibus facultas thermalium, quas illustris ægra forsitan invisere constituit, nota est) quomodo in hoc casu convenire possint. Therma verò piperinæ in Rhetia, etiamsi quoque nonnihil sulphuris, ut Fuchsius, Rulandus, & alii scribunt, in se contineant, multum tamen in hoc casu conducere posse existimo. Sunt enim temperatissimæ, nullamque intemperiem calidam visceribus inferre aqua hæc: etiamsi aliquis in ipsa scaturigine infederit: quin potius internas partes ad eò humectat, ut (quod observatione dignum) si sitibundus aliquis hanc ingressus fuerit thermas, sitis in ipso mox exstinguatur. Obstructiones viscerum, hepatis, venarum mesaraicarum, & lienis ad miraculum se: è usque tollunt: idque non tantum in serenissimo Principe Janutio à Rastebvil, &c. verum etiam in nobilissimo viro Dn. Jacobo Wallier observavi. Hic enim cum in diuturno morbo suo splen in scirrhum indurasset, beneficio harum thermalium restitutus fuit: uti ex observatione de vulnere quodam gravissimo, & periculoso, idæu scopeti inflato, Oppenheimii separatim edita (quæ totam historiam continet) videre licet. Cum ergo illustris Domina quoque de obstructione, & duritia lienis conqueratur, non saltem eo nomine hæc thermas piperinas ei prodesse posse existimo: sed vel maximè propter principalem illum uterinum morbum, idque duplici ratione. Primò quia thermæ istæ ad omnes uterinos affectus, varios, & inveteratos à Fuchsio, Rulando, Thurnisero & aliis singulariter cõmendantur; unde & in hoc casu emolumentum ex iisdem nobis promittere possumus. Deinde quia mulieribus uterum gerentibus valde noxiæ esse dicuntur ab iisdem Authoribus, idque sine dubio propter merum abortum, quæ faciliè propter insignem & internarum & externarum partium humectationem, & relaxationem supervenire posset. Ergo cum nihil magis in Illustri Domina

*Responsio  
ad 4. qua-  
stionem.*

*Therma pi-  
perina in  
Rhetia, quæ  
vires ha-  
beant.*

*Therma pi-  
perina com-  
mendantur  
ad uterinos  
affectus.*

mina præter abortum, ut ita loquar, hoc est, molæ exclusionem, desideretur, omninò ad hanc provocandam erunt accommodatissimæ.

Atque hæc sunt Generosæ Domine, quæ ad quæsitæ respondere potui: Faxit *Deus Opt. Max.* ut G. Tuz grata, illustri verò ægræ salutaria esse possint. Si qua alia in re G. Tuz inservire possum, meo, uti par est, nunquam deero officio. Uxorem lectissimam, uti & filium dilectum, unâ cum conjugæ, genere, virtute & pietate verè nobiles ea, qua par est reverentia mecum salutat uxor mea. Raptim Bernæ Helvetiorum x. Maji 1617:

## EPISTOLA XL.

*Amplissimis atque doctissimis Viris Dn. Dn. Doctoribus & Chirurgis GENEVENSIBUS Dominis & Patronis suis perpetuò colendis, GUILHELMUS FABRICIUS Hildanus S. P. D.*

*De cancro  
exulcerato.*

**Q**ui has offert literas, Viri amplissimi ac undiquaque doctissimi, Civis Lausannensis & mihi familiaris, non ita dudum petiit, ut ipsius uxorem graviter laborantem inviserem, atque remediis ei subvenirem: sed quia morbum difficilem atque vix curabilem esse animadverti, nolui quicquam tentare, nisi morbus prius communicatus fuisset collegio vestro. Ita quæ cum maritus statuisset ad vos migrare, ut judicium vestrum expiscaretur, & auxilium collegii vestri imploraret, petiit denuò, ut hæc pauca ad humanitatem vestram scriberem, atque vobis morbum ante oculos depingerem; id quæ ipsi propter communem nostram amicitiam denegare nec potui, nec debui.

Morbus autem, de quo conqueritur, tumor est durissimus & inæqualis, è regione papillæ mammæ sinistræ, non omnino rotundus, sed triangularis figuræ: Cuspis axillam versus tendit. Tumor non multum elevatus est, videtur quæ peristio costarum aliquo modo coherere, quâdoquidè ferè immobilis est, præcipuè ea parte, quæ axillam respicit. Multæ præterea lividæ & atro sanguine turgentes venulæ circa tumorem conspiciuntur: item glandulæ nonnullæ, tum incircumferentia tumoris, tum etiam sub axilla. Tumor lividus & nonnihil inflammatus: cutis verò in circumferentia plumbei aut cineritii coloris est. In medio tumoris circumcirca papillam scilicet ulcuscula nonnulla apparent, ex quibus manat ichor flavi coloris. Dolor continuus adest

don



non tamen adeò acerbus : Et, ut verbo dicam, omnia ferè signa cancer in hoc tumore conspiciuntur ; quem ego non occultum amplius, sed exulceratum appellandum fore existimo : ad extremam tamen malitiam nondum pervenisse certum est. Idque ex eo apparet, quod dolor non adeò acerbus sit, nec labia ulceris prætumida & horrenda sint, quemadmodum solent esse in canceris exulceratis, cum ad summam malitiam pervenerint. Ulcera præterea nondum serpunt ad vicinas partes, neque tetrum reddunt odorem : Faxit Deus, ut etiam ad illam malitiam nunquam perveniat morbus. Vereor tamen vix rectè curari posse : quandoquidem veram & legitimam curam (quæ integram extirpationem tumoris requirit, sive id igne, ferro aut medicamentis erodentibus fiat) vix suaderem adhibere, ratione nobilitatis partis affectæ. Palliativam verò, quam vocant, curam, dolores lenire, & incremento morbi ad tempus saltem obistere, tandem verò non sufficere, vobis omnibus Viri amplissimi notum est.

Quibus verò medicamentis usa sit hætenus, planè ignoro : Maritus particularia indicabit vobis. Ego nihil præscripsi, sed ab Empiricis & consoribus tractata fuit. Et quia petiit, ut opinionem meam, de mediis curandi hunc affectum, vobis non celarem, dicam quoque paucis, hæc de re quid sentiam.

Scitis Viri amplissimi *Galenum* lib. 2. ad *Glaucnem* cap. 10. canceri curandi rationem duplicem statuissè : quarum prima perficitur medicamentis, humores atrabiles expurgantibus ; altera consistit in extirpatione tumoris. Quantum attinet ad primam curandi rationem, nisi statim ab initio administrata fuerit, parum aut nihil ad integram sanitatem posse, certum est, quandoquidem jam materia ita compacta atque indurata est, ut medicamentis purgantibus non cedat. Ad materiam tamen antecedentem imminuendam, non solum utilia, verum etiam necessaria esse medicamenta humores atrabiles expurgantia, ideoque in cura palliativa necessariò administranda, nullus est Medicorum, qui dubitet.

Alterà vià à *Galeno* præscripta, est extirpatio tumoris : hanc autem extirpationem nonnulli ferro candente, alii medicamentis erodentibus, reliqui verò cultro incisório perficiunt. Quantum ad cauterium ætiale, illud cum *Albucasi* in scirrhis, & cancriosis tumoribus, atque ulceribus suspectum habeo, quandoquidem vi ignis, qui in summo gradu caloris & siccitatis agit, magis indurefcit materia atrabilaris, fit-



que malignior. Præterea usu cauterii facilè posset oriri incendium vicinarum partium, pleuræ, cordis, & pulmonis scilicet, ut ipse *Galenus* testatur.

Porro extirpatio, quæ sit medicamentis escharoticis aut septicis, siue quovis simili medicamento erodente, mihi quoque propter nobilitatem partis affectæ, suspecta est. Adde experientiam docuisse, cancræ ulcera hujusmodi medicamentis exacerbari, atque pejora fieri.

Superest ex i:patio, quæ manu & instrumentis incidentibus fit, quâ ego præ aliis eligerem, nisi animadverterem difficultates non paucas, quæ eam quoque incertam faciunt: hæc autem præcipuè sunt: primò cacochymia corporis: secundò labefactatio, & summa imbecillitas partis laborantis: Eam autem non solum ex hoc morbo contraxit, verum etiam à teneris æonnis sæpissimè ex hac parte laboravit, quandoquidem ei, adhuc puellæ combusta fuit papilla. Postmodum in matronio ter vel quater lac in mamma concrevit. Ratione enim combustionis papilla contracta, & ipsius pori indurati fuerunt. Concretio lactis nonnunquam & apostemata excitavit, quæ an methodicè curata fuerint, nescio: ex relatione autem mariti id fusius intelligeris. Tertiū argumentum, quod extirpationem incertam esse mihi persuadet, est, tum tumorem adedò adhærere costis, ut vix moveri possit, tum etiā sub axilla glandulas multas esse, quæ veluti radices hujus mali sunt, extirpari tamen minimè posse. Ex his duobus malis, iisque evidentissimis periculis, quæ tum palliativam, tum veram curam comitari recensuimus, quodnam eligendum sit amplissimo collegio vestro remitto. Ego cum ætatem jam provectam, cacochymiam corporis & imbecillitatem partis affectæ, atque glandulas sub axilla (quæ veluti radices hujus mali sunt) animadverro, malleo potius eligere curam palliativam, quam ægrotum evidentissimo, & inevitabili mortis periculo exponere. Vos pro vestra summa prudentia atque eruditione, singula examinabit, & si quid à me imprudenter in medium adductum fuerit, id ut pro vestra summa humanitate atque clementia, quâ huc usque mihi largiti estis, in bonam partem interpretemini, etiam atque etiam rogo vos omnes viri amplissimi. Benè & feliciter  
valet in Domino. Lausannæ 15. die  
Septembris 1596.

Ex lactis  
concretionibus  
apostemata.

## EPISTOLA XLI.

*Viro Clarissimo Doctissimoq. Dn. GEORGIO FABRO Castri Imperialis Fridbergensis doctori Medico celeberrimo. GUILHELMUS FABRICIUS Hildanus S. P. D.*

**D**Ecima quinta die mensis præteriti feliciter Bernam reversus sum, clarissime, atque amantissime mi Dn. Doctor, meosque quinetiam benè valentes, laus sit Deo Opt. Max. inveni. Intetum dum ego apud vos, & in Hassia absui, febris quædam maligna, & contagiola hic grassata est, multosque egregios viros è medio abstulit. Invalit autem cum maximis doloribus capitis, linguæ ariditate, & faucium inflammatione. Nonnulli sopore, alii deliciis maximis correpti fuere, & furibundi animam reddidere. Hic tamen nunc, laus sit Deo, morbus iste cessat: sed Lausannæ, aliisque in oppidis ibi in vicinia adhuc grassatur. Deus misereatur nostrum, suamque iram, justissimam à nobis avertat. Verendum enim est, ne proxima æstate febris ista maligna in pestem definat. Observationes tuas raras, de usu & abusu fumi Tabaci avidè à te expecto. Ego quod ad te scribam nunc nihil singulare habeo; præterquam quod matrona quædam honesta, & vidua. Dn. *Adami Stöz* civis hujus urbis, cum superiori anno medicamentum à Carnifice nostro summisset, eadem die visum planè amiserit, neque hucusque recuperavit. Ante annos tres à Morfe ad lacum Lemannum matrona sumpto medicamento ab Agytta præparato & exhibito intra triduum nò solum visum, verum etiam vitam, maximis, ne dicam impatibilibus doloribus amisisset, alias, si rectè memini, ad te scripsi. Nudius tertius civis quidam Burgdorsensis uxorem suam viginti ceter annorum ætatis ad me adduxit: illa ante annum dolore capitis laborans, cum medicamentum per superiora simul, & inferiora purgans ab imperito barbitonore summisset, paulò post ipsius facies torumque caput supra modum intumuit: hinc oculi ita debilitati sūt, ut etiamnum de visupericlitetur.

Superiori æstate Solodurensis Matrona, cum medicamentum per superiora cum violentia purgans, Antimobium fuisse existimo, sumpsisset, ad insipientiam redacta fuit. In hac scæmina multa annotatione digna occurrerunt, uti forsan in quarta Centuria videbis. V. des mi

Dn.

*Febris maligna.*

*Matrona sumpto medicamento visum amisit.*

*Matrona sumpto medicamento purgante ad insipientiam rediit.*

Dn. Doctor, quanto in honore apud nos sit ars Medica, ars, inquam, quæ etiam apud ipsos Ethnicos sacra habebatur, quandoque Reges, & Principes olim tractabant: illa nunc à Christianis Principibus sordidissimis, atque nequissimis illis nebulonibus aliisque imperitissimis hominibus, qui pro arbitrio de corio humano ludunt, committitur. Pro arbitrio, inquam, Magistratus enim, quibus Deus salutem non tantum animarum, verum etiam corporum subditorum commisit, hic aliisque in locis silet, mussitatque, nec huiusmodi impostoribus, ne dicam latronibus interdicit: cujus negligentie rationem coram sublimi tribunali Filii Dei daturus est. Interim infiniti homines ubique ab huiusmodi impostoribus trucidantur. Clarissimum virum Dn. Dn. *Horsium* meis verbis saluta quæso plurimum, ipsique significa, me nihil suarum literarum apud Dn. D. *Saltzmannum*, uti promiserat, invenisse, suasque observationes me avidissime expectare, Statum familie tue per hunc Mercatum Francofurtensem, si me amas, significa: sollicitus enim sum vehementer de adversa valetudine tuorum. Radices cyclaminis, uti promiseram, misissem, sed tanta apud nos fuit copia nivium, ut etiam nunc non solum montes, verum etiam urbs ipsa nive cooperiatur. Vale, & *Fabricium*, qui tuus est, ama. Uxor mea charissima mecum te tuamque uxorem, filiasque ex corde salutat, & pro aureo dono misso uxori tue gratias agit immortales. Saluto *Christinolam* tuam lepidissimam & optimam, quæ ut tibi chara sit, jubeo, pollet enim ingenio, tibi que & uxori solatio futura est. Iterum vale. Raptim Bernæ 28. Februarii 1618.

Nobilissimum virum Dn. *Rideseium*, totamque istam illustrem familiam meo nomine demissè, & ea, qua par est reverentia, saluta, & quomodo ipsius nobilitas valeat, quamprimum rescribe.

## EPISTOLA XLII.

*Clarissimo atque doctissimo Viro Dn. GEORGIO JENISCHIO  
Medicina Doctori, GUILHELMUS FABRICIUS Hildanus  
S. P. D.*

Quemadmodum qui in naufragio sunt, Vir clarissime & amice perpetuò honorande, sic de gravissimo morbo tuo anxius fui ha-  
ænus

*Genus.* Jam gaudio magno afficior, & *Deo Opt. Max.* gr̃atias ago, quod te mihi, & toti Reipublice servaverit, & in pristinam sanitatem remis-  
serit. Ego quia molestissimum negotium meum tibi satis notum, tan-  
dem absolvi, & de tua sanitate jam certior factus sum, ex naufragio me  
ad litus pervenisse arbitror: quas propter posthac Deo dante jucun-  
dioram vivam vitam, & in studio meo Chirurgico progrediar: faxit  
Deus *Opt. Max.* ut omnia sint ad sui gloriam & utilitatem proximi.

Theses tuas doctissimas de dolore colico, quas misisti accepi & per-  
legi: multum placent. Utinam tandem petitionibus meis aliorumque  
amicorum obtemperare, & hanc materiam fusius tractandam suscipe-  
re velis: Est materia maximi momenti: & neminem scio, qui ad eam  
tractandam aptior sit: quandoquidem cum tu ipsemet ante annos ali-  
quot eo morbo gravissimè laborares, multa notatu digna de essentia  
& curatione hujus morbi te observasse & annotasse scio. *Johannes Fienius*  
Medicus clarissimus commentarium de flatibus edidit, in quo flatuum  
natura, causae & symptomata, uti & eorum remedia describit, vellem, ut  
ipsum videres: Si ipsum non habes, mittam tibi exemplar meum, cum  
primum indicaveris: Sed de paralyfi ex dolore colico ne verbo qui-  
dem mentionem fecit. Ego nonnulla de colico dolore observavi, quas  
si ad illustrandum opus tuum tibi utilia esse possint, libenter commu-  
nicabo. Cæterum gratias ago maximas (immortales vellem, si possem)  
pro tua in me benevolentia, quam cum aliis, tum jam præcipuè cum  
apud *Proceres Polonienses* honorificè mei mentionem habuisti, satis su-  
perque palam fecisti. Magno sanè honore me afficiunt, cum te suaden-  
te, me à Magnatibus in Poloniam vocari, & stipendio ordinario hono-  
rari student. Sed mi charissime *Jenischii*, scis me à familia & valetudine  
non satis valida, impediri ad hoc longissimum iter suscipiendum, alio-  
quin esset mihi gratissima & optata conditio, & libenter parerem No-  
lissimis illis Proceribus, & D. D. *Johanni Amplia*, quem scribis in hoc ne-  
gotio laborare: Demisid eum, quæso, meo nomine saluta, & me brevi,  
Deo dante, ad ipsum hac de re scripturum indica. Vale mi *Jenischii*, &  
animæ dimidium meæ, & cum nobilissimo Viro *Johanne Amplia*  
reliquisque amicis diu vive felix. *Lausannæ*  
6. April. Anno 1597.



## EPISTOLA XLIII.

*Amplissimo atque clarissimo Viro Dn. GREGORIO HORSTIO  
Illustrissimi ac Celsissimi Principis ac Domini Dn. LUDOVICI  
Landgravii Hassia, &c. Archiatro, & in Academia Giesfensi Me-  
dicinae Professori primario ac longè celeberrimo, GUILHELMUS FABRICIUS Hildanus S. P. D.*

**P**ROblemata tua doctissima, amplissime atque charissime Dn. Horstii, gratissima mihi fuere, multumq; eorum lectio me oblectavit. Perge, quaeso, sic familiam medicam scriptis ornare, & facies rem multis gratissimam atque utilissimam. Quod in iis honorificam mei mentionem fecisti, immortales ago gratias; inde humanitatem & in me benevolentiam tuam agnosco. Ad nonnulla horum problematum libenter exempla tibi communicarem, sed occupationes nunc longas scribere epistolas non concedunt: dabitur forsitan posthac ocium atque occasio, addam tamen unum aut alterum.

Quaestione 5. decad. primæ rectè quidem distinguis, quibus in febre ardente potio frigida sit utilis, & quibus minimè; item quo tempore morbi efferenda. Ad hanc quaestionem non extra propositum erit sequens exemplum. Quidam hic in vicinia, ardentissima febre laborans, cum maximum hauustum, & quantum anhelitus sufferre potuit, aquæ frigida bibisset, eadem die extinctus est, ut ex observationibus meis, quæ prodibunt, videbis. Benivenius idem advenisse observavit. Quaestione 1. decad. quintæ non absque gravissimis causis in syncope acetum cum distinctione admovendum, rectè scribis: & tecum consentio: sed mirum forsitan tibi videbitur, quod nunc subnectam. Matronam piam atque honestam cognosco Lausannæ, viduam Dn. Joachimi Robaut, olim pharmacopæi, quæ acutum adeo averfatur, ut ex solo odore in lipothymiam & syncopen incidat; ideoque ex ipsius culina acetum planè proscriptum est. In lipothymia cum ex resolutione spirituum, tum eorundem oppressione, sal præstantissimum esse remedium, si labia co friceatur, aut æger id malticaverit, a solis sum affirmare: nullies enim id in his, quibus vena incidenda, aut incisa fuerat, cum fructu observavi, neque ullum hæcenus remedium inveni, quod citius effectus suos edat. Cæterùm admiratione non vacat, quod sæpissimè

*Observatio.  
Ex maximo haustu  
frigida in  
ardente febre, mors.*

*Observatio  
ex odore a  
ceri lipothymia.*

*Observatio  
de sale in  
lipothymia*

mè hi, qui adstant, cum alicui vena inciditur, lipothymia & syncope corripiantur. Imò & nonnullos vidi homines, qui ex sola imaginatione atque cogitatione alicujus horrendi facinoris lipothymia correpti sunt. Exemplum unum non vulgare annexam. Anno 1588. Genèva in Sabaudiam ad nobilem quendam vocatus, cum in via famulus ipsius nobilis, qui me conducebat eques ad latus mihi esset, ac ego de miserrimo, ac deplorando statu ~~militum~~ Germanorum, quorum mentio fit in tractatu de gangræna & sphacelo, narrarem, & eorum vulnera & ulcera describerem, ex sola narratione historię lipothymia correptus fuit: ita ut parum abfuerit quin ex equo in terram prosterneretur. Ego apprehenso freno conductoris mei semimortui, equos ambos retinui, & anxius animo cum nullum mihi ad manus esset medicamentum, urinam propriam manu excepi, eamque in faciem ipsius projeci, quin etiam labia ea fricavi: hinc paulatim recollegit vires, & mecum ad nobilem suum pervenit, ubi, cum quid in via acciderat, narraſsem, mirum in modum ipsum deriserunt domestici. Plura non licet. Clarissimum Dn. D. *Lentulum* tuo nomine salutavi, qui te vicissim ex animo salutat, & omnia humanitatis officia tibi offert. *Apollonia Schreiera* adhuc in eodem statu, ut tu illam vidisti, vivit, nec ulla intervenit mutatio. Responsum ad observationem quam superiori anno ad te misi, expecto, inseram illud secundę centurię. De ancyoglossa quodam, si detur otium, posthac observationem ad te scribam, & tertię centurię inseram, secunda enim nunc completa est. Vale vir amplissime, & feliciter vive diu, meque ut facis ama. Paterniaci Avenicorum 20. Julii Anno 1608.

Observatio

Amplissime

Lipothymia urinę aspersione curatur.

## EPISTOLA XLIV.

*Idem ad eundem.*

**H**Ac ipsa hora suavissimas tuas, vir amplissime, ac æternùm mihi summā observantiā colēde; accepi literas, quas exosculatus sum. Outinam scriptorem earum, simul & parvulum tuum *Horstium* (cui felicissima omnia ex corde opto) ante abitum meum ambab ulnis amplecti possem. Sed festinare, iterumque ad meos me conferre cogor. Sperabam te Lauterbachium ad nuptias venturum, & heri, ut de adventu tuo certior fierem, certum nuncium misi, sed fellit opinio. O

quàm libenter dissectioni anatomicæ, quam brevi te administraturū scribis, interesset: sed detineor hic propter setaceum, quod nobilissimo viro Dn. *Riedeselio* præsentē Dn. D. *Georgio Fabro* applicui: Certē enim incidit constat multum humoris peccantis ex capite ad locum affectum, tibi notum, defluere. Ad Dn. *Fabrum* hodiē scribam, ipsique quæ expetis, significabo. Dn. D. *Beyerus* non adest, cum Francofurtum pervenero, salutabo ipsum tuo nomine. De impressione centuriæ meæ quartæ quæris, & nonnulla rara, & observatione digna te mihi communicaturum scribis: erunt mihi profectò longè gratissima, mihiq̃ue veluti stimulus ad perficienda nonnulla, quæ præ manibus habeo. Alioquin mea mihi magis magisque displicent, & nisi à te, aliisque viris piis ac eruditis, pro vestra humanitate summa tollerentur, jam dudum nihil prodidissim, nec in publicum amplius proderem quicquam. Vis ut causas tibi exponam? facerem quidem, si id tibi mihiq̃ue hoc exulceratissimo seculo aliquid prodesse posset. In quarta centuria progredior, finemq̃ue appropinquo, eamq̃ue hac hyeme ad prælum præparassem, nisi diversis occupationibus in praxi & peregrinationibus impeditus fuissim hætenus.

*Observatio  
de imaginatione  
pregnantis  
eiusdem  
ira percita.*

Superiori ætate jussu quorundam ex magistratu nostro amplissimo thermas invivendi causa in Valesiam profectus sum, ubi inaccessibilem montem Gemium pedes ascendere, descendereq̃ue coactus fui: hinc ita defatigatus domum redii, ut per mensem vix lectum egredi potuerim. Accesserunt & alia, quæ centuriam illam retardarunt, in primis liber Germanicus de miseria hominis, qui & aliquando forsitan prodibit. Singulare nunc quod ad te scribam, nihil habeo, nisi casum quendam de admirabili prægnantis in sætum effectibus. Vivit apud nos Bernæ matrona quædam honesta, quæ ante annos decem, cum utero gestaret, et quodam die cum alia quadam muliere in arenam descendisset, strenueq̃ue inter se linguis concertassent, ac prægnans ira supra modum commota esset, puellam postea peperit, quæ etiam nunc vivit. Animum quidem habet heroicum, sed pedes, manusq̃ue contractæ sunt, totumq̃ue corpus veluti in continuo motu est, ita ut quasi saltando, toroq̃ue corpore tremendo, ut solent irati incedat, & domestica negotia perficiat. Hæc festinanter ad te scribo. De maculis infantium ex imaginatione matrum, à me sanatis, in quarta centuria exemplum unum, aut alterum quoque videbis. Ignosce, quod tractatum meum de gangræna & lphacelo nondum ad te miserim, fiet id quum?

quamprimum Oppenheimium pervenero. Dominus *Penotus* amicus meus singularis circa finem Augusti pie naturæ satisfecit, cum annum nonagesimum octavum ingressus esset. Obiit in Nosocomio, & quidem in paupertate. Illustrissimus & celsissimus Princeps ac Dominus Dn. *Mauritius* Landgravius Hassiæ ipsi stipendium annuale superiori ætate (cum de ipsius miseria certior factus esset) benignè donavit: ex quo si vixisset, in posterum lautius agere potuisset: sed Deo aliter visum fuit, ipsumque æterno non stipendio, sed hæreditate beavit. Dn. *Philippum Stammium* ex gravissimo affectu suo convaluisse, ipsique consilium meum profuisse, ex corde gaudeo, & ut ipsum meo nomine salutes, vehementer rogo. Cogor adhuc per dies quindecim ad minimum hinc moram trahere: Interim si rara illa, quæ promittis pro quarta centuria, ad Dn. D. *Georgium Fabrum* (ut illa in transitu invenire possem) mittere tibi placuerit, gratum: Si verò aliquo in loco commodè convenire possemus, gratissimum mihi foret. His vale vir amplissime, & cum uxore le&issima, *Horsfiolus*, tuo in omne ævum felicissime vive. Raptim Eisenbachii 28. Octobris 1617.

## EPISTOLA XLV.

HENNINGUS ARNISÆUS Med. D. clarissimo & celeberrimo  
Viro Dn. GUILHELMO FABRICIO Hildano Chirurgo ac  
Medico Paterniacensi S. P. D.

*Cum videretur  
bonum fore,  
quod hanc:*

NON ita pridem est, clarissime Dn. *Fabrici*, quod ab Utilio civitatis hujus Chirurgo, qui tum iter Bernam, & ad vos meditabatur, invitatus, literas quasdam ad te dederam, quas tamen, nescio an acceperis, cum ipse iter hoc ingredi, & ut promiserat, præsens tibi meas offerre prohibitus fuerit. Tum etiam dubitavi, an mei adhuc tibi memoria superstes esset, quippe, qui cum præterito autumnoad te hac una de causa, uti te cognoscerem, Genève venissem, meum tibi nomen non declaraverim, quam suspicionem auxit amicus meus *Slexerus*, qui mihi nullam tibi mei memoriam superesse retulit. Ejus tamen literæ effecerunt, ut de integro ad te scribere auderem, quippe quod sollicitè mihi injunxerit, ut has suas ad te procurarem literas, responsumque tuum sibi remitterem Lugdunum, ubi commorabitur, responsum tuam



expectaturus. Jam si tibi rescribere quicquam placet, maturè id fiat oportet, quoniam & ipse abitum meditor propediem, ideoque meas conjungere volui, & te de hoc admonere. Tres tamen adhuc septimanas hic, credo, subsistam, & si quid rescriptum ad *Slezerum* volueris, interim ad me mittes, ego diligenter procurabo. De cætero nihil scio, quod ad te perscriptum velim; nisi ut te rogè, me, priusquam hinc abeam, doceas, qua methodo Parenchyma hepatis à venis separare soleas. Dn. *Fajus* consilium dedit, ut cum aqua saponis tentem, & jam hepatis foeminae in ea putrescit: experiar, quantum sit effectura. In hac foemina, quam octiduo, postquam pepererat, secuiimus, invenimus ossa pubis non tantum ab invicem, sed & ossa illi ab osse sacro distracta, quod hucusque non credideram fieri posse. Nam quanquam multas secut in Germania meretrices, tamen moris illic est, ut ante sex septimanas post partum supplicio non tradantur: unde fit, ut Medici & Anatomici Germani, excepto *Bauhino*, hoc non observarint. Quia tamen non dubito, quin & hujus rei observationem quandam habeas, rogo mihi eam communicari. Peculiare nihil in hac foemina fuit, præter vermium copiam, ad extremum sinistram cornu matricis innatorum. Quatuor etiam in manu musculos notavi, ab aliis non descriptos, qui ad excavandum metacarpium serviunt; sed hos in omnibus observavi, ita ut peculiare nihil habeant. Unum tamen à posteriore costa scapulae musculum in primam & secundam costam, satis validum, quanquam brevem observavi, cujus nemo Anatomicorum mentionem fecit. Quia verò ex uno singulari inductio fieri nequit, & ego tam diligenter in reliquis non inquisivi, nihil temerè affirmo. Unum adhuc operæ pretium erit, ut ad te scribam, quod in juvenculo quodam fure reperiimus, Anastomoses scilicet venarum cavae, & arteriarum venosae; item canalem ex arteria magna ad venam arteriosam, quæ omnia magis fuerunt conspicua, quam in infante recens edito, quem etiam nuper secui. In hoc infante & de uracho periculum fecimus, quem ego semper putavi cum *Pareo* ad diducendam urinam non servire, tum quia non hiat in Amnion, in quam urinam effundere debebat, tum quia perforatus non est, quod vel ex inflatione vesicæ patere potest. Hoc ego jam quinque in fœtu humano expertus sum, & propè est, ut inductionem facere audeam, modò tuum iudicium consentiat, quod ego in hac re habeo instar multorum argumentorum, quippe cum tibi id genus multa experiri quotidie detur. Scriberem de rebus multis aliis Anatomicis, nisi te occu-

*Parenchy-  
ma hepatis  
quomodo à  
venis sepa-  
randum.  
Ossa illei ab  
osse sacro di-  
stracta in  
puerpera.*

*Anastomo-  
ses venæ ca-  
væ, & arte-  
riæ venosæ  
in cadavere  
adulti ad  
modum cõ-  
spicuæ.  
Urachiu-  
sum.*

occupatissimum ulterius occupare erubescerem; & nisi vererer, ne minus bonam apud te inirem gratiam. Dn. *Offredus* ad proximas etiam suas tuam expectat responſionem, & ego una cum ipſo ſcire deſidero, num puella illa, quæ tam diu ſomno & cibo abſtiner, adhuc vitam trahat? Vale Vir clariffime, meæque ignoſce temeritati, qui quamvis penè incognitus tam aude æter ad te ſcribo. Sed ita juſe eſſe inter homines doctos ab initio didici, ut quibus cum coram amicitiam conſtare non poſſint, eos tamen per literas ſibi conciliare non prohibeantur; imò hoc literatorum privilegium quam maximum eſſe puto; niſi fortaſſe in eo erro, quod alios ex meo æſtimem ingenio; quippe qui nihil mihi prius unquam duxi, quam doctiſſimorum virorum, quibus te merito tuo annuero familiaritatem & amicitiam per literas alere. Vale iterum. Scriptum Genevæ die 5. Aprilis Anno 1607.

## EPISTOLA XLVI.

Clariffimo & præſtantiſſimo Viro Dn. HENNINGO ARNISÆO  
Med. Doct. GUILHELMUS FABRICIUS Hildanus S. P. D

N<sup>U</sup>llas à te accepi literas, Vir clariffime, præter eas, quas quinta A-  
prilis Genevæ dedifti, quæque decima nona hujus menſis ad me *Reſponde-  
tur epiftola  
præcedenti.*  
per venerunt. Ad Dn. *Slezeri* literas, quas ſimul ad me miſiſti, hodie  
per amicum quendam, qui Lugdunum iter ſuum inſtituit, reſpondi:  
quocirca hac de re ne ſis ſolicitus velim. Quæ communicavi Anato-  
mica, mirum in modum arrident, multumque diligentiam tuam lau-  
do. Quod autem ex me ſcire appetis, quomodo Parenchima hepatis, *Quomodo  
Parenchy-  
ma hepatis  
à vena ſe-  
parandum*  
aliorumque viſcerum, quæ in muſco meo vidifti, ſeparaverim, ut tan-  
dem vaſa omnia nuda conſpiciantur, ſcias me multis variisque modis  
ſeparationem hanc hæcenus tentafſe: atque nunc aquam ſaponis, nunc  
aquam, in qua calx viya extincta fuerat, adhibuiſſe, ſed parvo cum fru-  
ctu. Tandem alium inveni modum. Macerato enim viſcere ali-  
quo per horam in aqua calida, baculo ipſum aliquantum concutio,  
parenchimaque contero: poſtea ſcalpello, aliisque inſtrumentis ad  
hoc negotium aptis, parenchyma undique à vaſis blandè abrado; quæ  
poſtea, ut in umbra exſiccantur paulatim, repono.

Disjunctionem offis pubis mihi hucusque obſervare non licuit, et-  
iam ſi

*De diſjun-  
ctione offis  
pubis.*

iamli sæpissimè in laboriosissimis difficilissimis que partibus adhibeor;  
 & eâ, quâ possum diligentia omnia explorare, annotareve studeo. Ossa  
 verò llei ab osse sacro in difficili partu aliquantum distrahi, facillè con-  
 cedo: quia verò Autopsia omnium rerum certissimus iudex existit, ne-  
 que clarissimi Dn. D. *Baubini*, neque tuas hac de re observationes in du-  
 bium voco: rarissimè tamen hancce disjunctionem accidere, ausus sum  
 affirmare.

*De Uracho  
 an pervius  
 in fœtu hu-  
 mano.*

Quod ad Urachum attinet, planè cum *Arantio* & *Baubino* sentio, il-  
 lum in fœtu humano non esse pervium; sed ligamentum tantum, cujus  
 beneficio vesica peritonæo alligatur, atque suspenditur. Ego hæcenus  
 in multis & diversarum ætatum embryonum cadaveribus summâ di-  
 ligentiâ urachum perlustravi, sed nunquam perforatum reperi. *Parvus*  
 lib. 3. cap. 35. hujus quoque est sententiæ: libro tamen de generatione  
 hominis videtur sibi ipse contradicere. Sic enim scribit cap. 12. In-  
 fans materno alvo conclusus, urinam cum primum partium integram  
 conformationem adeptus est, reddere incipit per umbilici ductum, seu  
 urachum. At instante partus tempore, occluditur urachus, cum, ne  
 masculus per penem, fœmella verò per uteri cervicem urinam deponit.  
 Hæc *Parvus*. Ego tamen in cadaveribus embryonum, & duorum  
 & trium quatuorve mensium veritatem hujus opiniois observare nō  
 potui. Scio equidem Dn. *Bartholomæum Cabrollium* Chirurgum celeberrimū  
 maxima cum dexteritate puellam, cui collum vesicæ clausum erat,  
 quæque urinam per umbilicum (qui instat cristæ galli Indiani propen-  
 debar) quotidie excrevit, sanitati restituisse, atque inde forsan occasio-  
 nem urachum pervium constituendi, sumptisse: sed ex uno particulari  
 exemplo nihil concluditur. Ludit enim aliquando natura, ordinem  
 que invertit. Sed de his aliâs plura. Vale vir clarissime, & feliciter

vive diu. Raptim Paterniaci Avent. 24.

Aprilis 1607.

## EPISTOLA XLVII.

HERMANNUS LIGNARIDUS SS. *Theologia in Gymnasio  
Beruensi Professor ordinarius viro pietate, doctrina, & rerum  
usu ornatissimo Dn. GUILHELMO FABRICIO Hildano  
populari, & amico dignissimo. S. P. D.*

**H**istoria admirandæ sanationis, quam perscribi ad te sapius petiisti,  
amicissime, præstantissimeque D. Fabrici ita se habet: Decumbe- *Mira poda-  
græ curatio.*  
bat fortè in urbe Electorali, tetricus, ac maledicus quidam podagrâ  
laborans; qui una cum corporis morbo, animi vitia retinens, quan-  
tumvis lecto affixus, maledicentia tamen incurrebat in omnes.

Sensit id quidam homo festivus, qui & ipse podagrici petulante  
lingua læsus fuerat: proinde sub crepusculum vespertinum, cum fortè  
ægtorus à familia solus esset relictus, clam ædes ipsius larvatus Æthio-  
pis instat ingreditur: gradus conscendit, cubiculum aperit; graduque  
suspenso ad decumbentis lectulum accedit. Hinc ægtorus forma in-  
solita, solitudo, crepusculo ipso perterritus, voce contentiori, quis  
sit, cur, & unde veniat, quærît. Alter nihil respondens, pede silenti,  
tardoque lectulum propius accedit: tum brachiis, quæ & ipsa morbo  
nodoso laborabant arreptum, dorso injicit, atque ita pendentem, vo-  
ciferantemque extra cubiculum effert, pedes illius gradibus, per quos  
descensus erat, identidem illidens. Ubi in areæ pavementum ventum  
esset, ibi onore deposito, hominem sistit in pedes, nihil locutus, tan-  
tum intuens. Mox accurrit, quasi correpturus denuo; atque extra do-  
mum elaturus. Ibi, qui prius pedibus insistere præ morbo non poterat,  
nec in plano quidem ambulare, nedum per gradus ascendere, gradus  
cursu repetit, superat, ad cubile contendit, & per fenestras clamore  
totam viciniam excitat. Accurritur ille anhelus, & metu pene exani-  
matus commemorat, à spectro se lectulo extractum, extra cubile ela-  
tum, tractatum miserimè: nisi nomen Jesu ingeminasset, de se actum  
omnino fuisse. Factum mirantur omnes; maximè quomodo, qui prius  
usu pedum privatus fuerat, iisdem insistere, ac per gradus evadere po-  
tuerit? Quid sit qui prius Podagricus, inde convalescit, nec unquam  
postea Podagra fuit tentatus. Res certa, atque explorata, ac non perin-  
de certum quænam sanationis hujus proxima & per se causa sit: nisi for-



tassis dicere libeat illud vestrorum, *contraria contrariis*, ideoque sic doloribus metuque Arthritidem propelli, quemadmodum gaudio in temperato, voluptatibusque vocatur. Dolores dico, qui non sunt ipse morbus. Sed quid ego talia, quæ spartæ meæ non sunt, & quidem ad *Fabricium*, qui & in hac & in aliis similibus causis scrutandis iudicio accurato, & pene singulari est. Vale mi popularis, & amice, nosque quod facis ama. Bernæ 4. Decem. 1670.

## EPISTOLA XLVIII.

Reverendo atque clarissimo viro Dn. HERMANNO LIGNARIDO SS. Theologia D. atque Professori in Gymnasio Bernensi  
GUILHELMUS FABRICIUS Hildanus S. P. D.

Respondetur  
epistola  
precedenti.

Observatio.

Quæ misisti vir reverende domine & amice perpetuo colende, rectè accepi omnia. Historia quam communicare libuit, mirum in modum placet: est enim rara, nec admiratione vacat: neque facile quæ Arthritidis hujus fuerit sanationis causa, investigare licet. Dicam tamen postea, quid sentiam. *Ancello* Commissario Lausannensi idem ferè accidisse memini. Ante annos enim aliquot, cum noctu, nescio qua de causa Campana ad arma vocatum esset, omnesque cõcurrerent, ille Ancellus, qui prius propter dolores Arthriticos vix pedes movere poterat, protinus è grabato surgit, & pedes arcem veluti refugium petit. Postea tamen morbus rediit, qui & ad finem vitæ suæ ipsum comiratus est.

Lib 2 a-  
phor. 46.  
Com 46.  
lib 2 aphor.  
Hippocr.

Timor atque formidatio mortis hic in causa esse potuit: sæpè enim mihi observare licuit, ut hi quibus membrum aliquot amputandum erat: dēs extrahendus erat, ante & in ipsa operatione dolorē vix perciperent: Quandoquidem mens hominis à timore adedò afficitur, ut dolorem minimè discernat. Duobus inquit *Hippocrates* doloribus simul, nec eundem locum occupantibus, vehementior alterum obfuscat. Vis enim sensibilis tota, teste *Galeno*, ad vehementiorem abducitur, distrahiturque. Nam (addit idem *Galenus*) & hoc nobis in mœtoribus solet accidere, qui sunt & ipsi veluti dolores quidam, solus animi sine corpore. Mens itaque sive interna facultas in iis, qui maximo aliquo timore, ac metu corripuntur, aliquomodo laborat; mirum itaque nemini videri debet, si dolor non externus partibus hinc obscuratur, & ferè non sen-

sentiatur: quod idem Hippocrates affirmat lib. 2. aphor. 6. *Quicumque inquit, parte aliqua corporis dolentes, dolorem se se non sentiunt, illi mens agrotat.* In meticulous tamen, cum timor transit, doloris sensus paulatim redit.

In historia verò, quam communicasti, præter timorem, violentia quoque intervenit articulorum extensio, agitatio, atque dilatio. Cæterum quia propter timorem spiritus, & sanguis, ut Galenus de symptomatum causis lib. 2. docet, intus sese recipiunt, facile fieri potuit, ut postea copiose ad articulorū acetabula, jam antea propter concussionem, agitationem dilatata, confluxe: int, ibique materiam n orbificam, quia nondum in tophos compacta fuerat, evacuaerint: Eodem modo, ut eos, quorum observatione 79. Cent. 1. fit mentio, tortura violenta, ab Arthritide curatos fuisse, arbitror.

Potro pro reticulo sive calantica transmissi gratias ingentes ago, oblata occasione, ut gratum me præbeam, operam dabo. Est profecto res apud nos rara. Filum enim ex quo contexta, non sericum, multominus Carbasus est; sed ex corticibus cujusdam arboris apud India nos, præcipue in Insula Zebut crescentis, & eorum idiomate cocos appellatur, confectum esse planè sentio. Filum hoc si prunis injiciatur, odorem aromaticum ex se reddit, quod neque sericum, neque carbasus, minus lana faciunt. Varia, atque inter se contraria (ut Salustius Gomara, item Johann. Hugonis in itinerario suo cap. 56. referunt) omnia tamen incolis summè necessaria & saluberrima ex arbore ista præparantur. Ex uno enim eodemque fructu, uno eodemque tempore nunc oleum nunc saccharum, aut acetum, prout incolis libet, atque diversas præparationes adhibeant, provenit. *Quin etiam arbor ista, si sed radicem perforata fuerit, liquor inde effluit pretiosissimus & saluberrimus, quo incolæ loco vini utuntur.* Ex corticibus præterea combustis, & in pollinem redactis, medicamenta ad profligandos motus saluberrima, iisdem autem corticibus contusis filum inde, cannabino fortiozem conficiunt. Quid plura? videtur arbor ista naturæ esse miraculum, & Creatoris tale opificium, ut illa sola ad sustentationem vitæ humanæ sufficeret. Vale vir reverende, & perpetuò mihi honorande, cum le-

ctissima tua conjuge, totaque familia, quam tecum ego, & uxor mea saluamus petamanter. Paterni aci

Avent. 14 Januarii 1608.

De arbore  
in India co-  
cos dicta.

*Johann. Hugonis*  
*in itinere*

## EPISTOLA XLIX.

*Viro reverendo ac doctissimo Dn. HERMANNO PHRYGIO-  
NI verbi divini ministro fidelissimo, GUILHELMUS FA-  
BRICIUS Hildanus S. P. D.*

**E**PIstola tua, reverende mi Dn. frater mœrore maximo me affecit, non tantum illam ob causam, quod de adversa tua valetudine me certiores fecerit, verum etiam, quod loca nos adeo sejungant, ut debilius officium meum tibi præstare non possim. Utinam huc venire, & ad tempus apud nos morari velles: nec dubito, quin mutatio illa æris multum ad sanitatem recuperandam tibi conducere: quandoquidem te in salubriori aëre Germanico educatum, maritimis illis locis, vix sine noxa uti posse, sat scio. Habes hic amicos quamplurimos, in primis optimum, & charissimum parentem tuum: quid ei gratius & optatius accidere posset, quam si huc venires? Veni igitur mi frater, gratificare amicis, & consule sanitati tuæ. Interim autem dum te expectamus, quid de morbo tuo sentiam, & qua methodo in ipso procedendum erit (quia id à me expectis) paucis aperiam. Primò autem, quia morbus, quemadmodum ex literis tuis percipio, defluxus est humorum acrim, qui continuò à capite ad pectus defluunt, illi ut ad alia loca divertantur in primis necesse erit. Secundò cerebrum, quod debile, & humidum habes, corroborandum. Tertiò ventriculo prospiciendū quandoquidē humiditas illa cerebri ex parte propter consensū stomachi cū cerebro tibi accidit. Quia n. in coquēdis cibis nō satis validus, cibum diutius, quàm deberet, retinet: hinc multæ procreantur cruditates, quæ propter hepatis tui intemperiem calidam faciliè ad caput elewantur. In primis itaque ne ventriculus cibo ac potu gravetur, danda est opera. Sumantur ergo cibi, qui faciliè concoquantur, multumque nutrant, & pauca exciementa procreent, qualis est caro recens castratorum, boum, & avium in arboribus degentium. Caro verò ferina, porcina, boum sale condita, & fumo exsiccata, pisces item & avium aquatiliū caro, summopere tibi nocent. In jussculis carnium recentium coquantur hordeum mundatum, avena decorticata, flores, & folia rosmarini, salvia, majoranæ, thymi, & similia. Conveniunt &

ova

*Defillatio-  
nis ad pe-  
ctus cura-  
tio.*

*Vitæ ra-  
tio.*

ova recentia & forbilia. Aromata veluti piper, zingiber, cardamomū, cariophylli, sinapi, omniaque, quæ insigniter calefaciunt, propter hepatis cui intemperiem calidam nocent. Cinnamomo tamen, nec muscata, mace, quia partes nobiles roborant, neque nimis calefaciunt, aliquando uti poteris. Omnia cruda legumina, caseus & lacticia omnia præter butyrum, nocent. Vinum sit album purum antiquum, neque nimis generosum, quale est Rhenale: reliqua, quale est vinum Hispanicum & Gallicum, non usque adeo conveniunt, sunt enim nimis vaporosa. Cerevisia quoque nimis generosa nocet: mediocris itaque bene cocta, quæ tamen neque nimis antiqua, neque acida, est eligenda. Acida enim omnia pectus coarctant, expuitionemque impediunt. Mulsam quoque, in quo prassium, hyssopus, scabiosa, agrimonia, veronica, & botrys coxerint, mirum in modum tibi convenit. A cibo ea, quæ stomachum corroborant, & os ventriculi constringunt, sumantur: hujusmodi autem sunt mixta cydoniorum sine speciebus, conserva rosarum antiqua, coriandri præparati, & pulvis pepticus, cuius hanc meam descriptionem hic adscribere placuit.

*Ventriculū  
roborantia.  
Pulvis pe-  
pticus.*

℞. panis albi tosti ℥ij  
pulpæ cydoniorum exsiccatorum  
cinnamomi optimi  
ventricul. gallinarum  
seminis anisi &  
coriandri præparati ana ℥ij  
sacchari ad pondus omnium

Misce & fiat pulvis crassiusculus.

Sumatur cochlear statim à pastu.

Intemperiem hepatis temperandi gratia poteris aliquando uti tabellis Diarrhodonis Abbatis, & inungere regionem hepatis unguento Sandalino. U. autem humores, qui in pectus labuntur possint concoqui & expui, necesse est, ut continuo aliquid, quod humores acres incrassat, sputumque faciliat in ore teneas: hujusmodi autem sunt lyriopus de liquiritia, de hyssopo, de polytrichu, Loch sanum & experum, Loch de pulmone vulpis, & similia, quæ à Medico vestro præscribi poterunt. Loch botrys in pectoris affectibus præstantissimum est, ideoque ejus descriptionem tibi communicare non gravabor.

*Intemperies  
hepatis,  
quomodo  
temperanda.  
Ex pectore  
rantia.*

*Loch bo-  
trys.*

℞. succi botrys  
scabiosæ



veronica  
tussilaginis ana lb. β  
cremoris hordei ꝑ ij  
sacchari miscellane lb β

Coquantur ad consistentiam syrupi: adde deinde.

specierum daireos simpl. ꝑ β  
pulveris seminis Anisi tenuissimè cribrati ꝑ ij  
sulphutis bene præparati, aut florum sulph. ꝑ j

Misce fiat eclegma.

Medicamē-  
ta pectora-  
lia, quo-  
modo usur-  
panda.  
Unguētū  
pectorale.

In usu autem horum medicamentorum hæc observare oportet:  
nimirum ut supino jacente corpore, paulatim lambendo deglutiantur.  
Corpore enim supino jacente, gula clauditur, aspera verò arteria rete-  
gitur, & medicamentum facilius ad pulmonem pervenit.

Pectus quoque singulis diebus ad minimum bis sequenti unguento  
inungendum est.

℞. unguenti Dialthææ ꝑ j  
ol. amygdalar. dulc.  
lilior. alborum  
pinguedinis caponis &  
humanæ ana ꝑ β  
croci ꝑ j

Misce fiat Unguentum

De purgantibus medicamentis nihil addo, sed præsentis Medici  
Dn. D. *Hermanni Hagii* iudicio relinquo. Interim tamen seriò te admo-  
neo, medicamenta purgantia tibi non usque adeò convenire. Corpus  
enim tuum jam à morbo extenuatum debilitatumque, ab usu purgan-  
tium medicamentorum magis debilitaretur.

Quod si alvus aliquando nimis constrieta fuerit, exhibeatur ene-  
ma, aut suppositorum, vel ad uncias duas mannæ in decocto pectora-  
li, aut jasculo carnis dissolutæ: convenit & ꝑ j syrupi rosati solutivi  
compositi cum rhabbaro, agarico, & sena, in decocto pectorali  
dissoluti.

Potè quia cerebrum tuum propter multas vigilias, labores, studia  
& frequentem aëris mutationem debile redditum, vapores, qui ex sto-  
macho elewantur, faciliè excipit, corroborandum est. Corroboratio au-  
tem illa tum ex victus ratione, tum ex admotis medicamentis, sed præ-  
cipuè ex diviſione quadam catarihi petenda est. De victus ratione an-  
tea

Corroborā-  
tio cerebri  
ex quibus  
petenda.

tea dictum est. Corroborant quoque cerebrum conserva florum betonica, salvia, majorana, rosmarini, pœonia & similia. Cucupham quoque pro capitis corroboratione ex herbis capitalibus, mastyce, styrace, calamita, benzoïn, & similibus præparari suadeo.

Diversiorem catarrhi in te præcipuè fonticulis fieri convenit, quos & in tuo affectu non satis laudare possum: quandoquidem eorum beneficio semi-phthificos, qui sanguinem simul & pus exspuebant, sanatos fuisse, his meis vidi oculis. Humor enim acris, qui ex capite ad pectus defluit commodè per eos evacuatut. Suadeo igitur, ut duo cauteria potentialia tibi applicari cures. Primum apponatur brachio sinistro, ad finem musculi brachium attollentis, quem alii Deltoidem appellant, & à Vesalio prima musculorum tabula K notatur. Hic fonticulus ex cerebro præcipuè, simul & nonnihil ex pectore evacuat. Eo enim in loco musculus ille prædictus deltoides, & musculus brachium pectori adducens, ideoque pectoralis dictus, & in prima musculorum tabula L, in tertia verò Δ à Vesalio notatus, concurrunt. Ramus præterea venæ cavæ, quem vocant cephalicam venam, eo in loco non procul abest. Est & alia ratio, cur locus ille ad fonticulos sit aptissimus, nimirum quia musculus anterior cubitum flexentium, qui à quibusdam biceps appellatur, & à Vesalio prima musculorum tabula Q notatur, cum subter pectoralem musculum ad latus deltoidis ascendit, depressionem, aut veluti foveam quandam in brachio efficit, cujus beneficio ea, quæ fonticulo apponuntur fasciæ, parvo cum negotio retinentur.

*Diversa  
catarrhi  
per fonticulos.*

*Fonticulus  
semi-phthi-  
sificanti.  
Fonticulus  
in brachio,  
ubi appli-  
candus.*

Cæterum etiam si locus prædictus sit aptissimus, habitus tamen corpusculi tui perpendendus est: Si enim, uti olim te cognovi, extenuatus fueris, causticum non eo, quo dixi, loco apponendum est. Deltoides enim musculus, uti quoque pectoralis ibi desinunt, partemque valde sensilem efficiunt: Paulò intaque infra foveam, aut depressionem prædictam, quæ est in superiori parte brachii, nimirum in anteriorem cubitum flexentium, musculum, quem antea cum aliis bicipitem vocavi, quæque apud Vesalium musculorum tabula prima Q notatur, apponendum est causticum; ita tamen, ut è regione depressionis prædictæ fiat, ne fasciæ faciliè decendant.

Alterum cauterium sub genu dextro, & sexto quidem tibiae moventium musculo, à Vesalio tabula prima musculorum Z notato, apponatur, trium digitorum in latitudine positorum spatium infra genu:

*Fonticulus  
in crure ubi  
applicandus.*

ubi

ubi cavendam, ne coarticulatio fibulæ, cum tibiæ osse tangatur: enascuntur enim illo in loco musculus ille sextus, simul & quartus, qui & circa eorum exortum commune habent ligamentum validum, & nervosum, quod caustico minimè tangendum: propter varia, quæ inde possint oriri symptomata. Fonticulus ille humores noxios evacuando, hepar rectificabit, intemperiemque ipsius calidam corrigeret. Ea enim in parte insignis ramus venæ cavæ ad tibiā descendit. Olim cum Genævæ tua familiaritate utebar, sæpissimè de scabie & ulceribus tibiarum conquererbaris. Jam audio crura tua jamdudum fuisse curata: putasne excrementa, quæ olim ad crura descendebant, jam ad alia loca verti? Fonticulus igitur hic in tibia excrementa ex hepate evacuabit: hinc hepar aliquomodo refrigeratum, minus mittet vapores ad cerebrum. Ne autem quicquam in hoc negotio tibi desit: en ad te mitto nonnihil de caustico meo indolorifico & specifico, cujus ad magnitudinem pisi brachio, totidemque cruri jejuno stomacho instrumento argenteo, quod simul mitto, incluso applicari, & emplastro aliquo tegi, fasciæque ligari curabis. Operationem quatuor horarum spacio sine periculo, imò & sine dolore atque molestia perficient, escharamque inurent, quæ postea applicatione butyri recentis, aut unguenti basiliconis per se excidet. Aut

*Fonticulus  
in tibia  
dextra ex  
hepate eva-  
cuat.*

*Unguentum  
ad casum  
escharæ.*

℞. butyri recentis ʒij.  
ol. amygdalar. dulcium ʒj.  
de vitellis ovorum ʒij.  
mucilaginis seminis cydoniorum  
aqua rosacea extra & ʒß.  
croci ʒj.  
vitellum unius ovi  
Misce, fiat linimentum.

Quod si centrum escharæ secundo aut tertio die scalpello excideretur, maximè esset consultum: solent enim nonnunquam humores affluentes, nisi eschara excisa fuerit, dolorem excitare.

*Fonticuli  
quomodo a-  
parti se-  
pendi.*

Post casum escharæ singulis matutinis fonticulis imponi debet pisum, & applicato folio hederæ arboreæ, linteamine, aut chartæ bibulæ involuto, fasciâ amplectendum est membrum: sic apertos tenebis fonticulus, quam diu volueris. Eja igitur, mi frater dilectissime, sis animo forti, & hanc viam & curandi methodum suscipe; si id feceris, sanitatem, Deo dante, recuperabis. Ego Deum Opt. Max. oro, ut remediis bene-

benedicat, quò breviamissam sanitatem recuperare possis. Vale & ad nos propera. Coloniz 4. Novemb. 1598.

## EPISTOLA L.

HERMANNUS PHRYGIO *clarissimo Chirurgo & Medico fidelissimo Dn. GUTHELMO FABRICIO Hildano, amico veteri S. P. D.*

Clarissime mibi què amicissime Vir, ago tibi gratias maximas pro officii, donis, consiliis & benevolentia in me tua singulari & summa, quam literè tuè humanissime testantur admodum luculenter, imò res ipsa. Meum porro est, ubi ubi occasio dederit, & voluntati facultas non defuerit, etiam cum scœnore, quam debeo referre gratiam. Annuat modò vocis summus ille Pater. Cæterum de morbo meo re & à divina si, & rem, ut dicitur, acu mihi terigisse videris. Planè persuasus sum Deum Opt. Max. qui post longam bonitatis suæ tolerantiam tandem in peccata mea clementer voluit animadvertere, immisisse mihi nuncios iræ suæ ineunte hyeme, vel sub finem autumnii, flatus noxios, qui cerebrum meum naturâ humidum supra consuetudinem ferirent, atque inde molestissimum hunc & periculosissimum de fluxum in pulmones extare. Jam tu suades defluxionem catarrhi in partes corporis minus periculo obnoxias. Utinam id jam pridem factum esset. Sed serò, ut vulgò ajunt, sapiunt Phryges. Sed sunt alia, quæ me premunt mala, corpusculi agnati imbecillitas aucta perataxian, & intemperantiam vitæ à teneris unguiculis; Unde quia mores abeunt in naturam, ne nunc quidem servare possum præcisè illam, quam tu & Medicus noster præscribitis dietam & victus rationem. Taceo alia incommoda, quæ mihi proveniunt ex solitario hoc meo celibatus statu, ex anni tempore adverso, ex habitatione minus propicia præter ea, quæ me lateant. Literas ego tuas, ut & libros scientiæ ac quæ καλοῦσι τὴν tuorum monumenta cum Doctore nostro Medico communicavi, quem in singulas horas expecto. Est is Dn. *Carolo Utenhoyio* notus, ex familia *Wierorum* vir bonus & pius suam quæ artem feliciter exercens, mihi quæ; haud parum additus *Hermanno Hagio* nomen est. Sed mea hæcenus potius factum est desidentia, quàm impii desidia, & incuria, quod non



sum curatus, spero Deum pro sua misericordia me respecturū, & quomodo vel per in via reperturum, ad causas morbi mei tollendas, ut effectus cessent. Interea ut recte admones, serviunt hæc castigationes, mortificando veteri nostro Adam, qui, mirum cogitatu, quam late & profundè serpit, per omnem hominis vitam. Discamus mori, & humiliter sapere in Domino, mundoque renunciare, & nobis ipsis. Hæc verò certissima nostra erit vita, victoria, & gloria triumphalis in æternam, victute spiritus Domini nostri Jesu Christi, cui ego te, mi frater charissime, cum tuis omnibus unice commendo. Salutem etiam adscribo Dn. Urenbovis, Duncio, Quando, aliisque bonis viris, & communi-  
nibus amicis. Festinanti calamo 4. Januarii 1799.

## EPISTOLA LI.

*Ornatissimo viro Dn. JACOBO GUY, Pharmacopæo apud Neocomenses experientissimo amico singulari* GUILHELMUS FABRIUS Hildanus S. P. D.

*Responsio  
ad observ.  
46. cent. 1.*

*Historia  
admiranda.*

*Observatio.*

*Turunda  
hæc in ul-  
cere inven-  
iuntur.*

**L**iteræ tuæ præstantissime Dn. Guy amicorum optime, gratissimæ fuere. Casus quem communicasti, revera admiratione non vacat, cum maximè pulmonis istius facultatis attracticis indicium existat. Incidi nuperrimè in Chirurgiam cujusdam Parisiensis Chirurgi celesterrimi *Pierre Pigray* nomine, qui non absimilem recitat casum, quem quia forsan non vidisti, brevibus recensebo. Miles quidam, inquit, ictu sclopeti in thoracem vulneratus, post tres, aut quatuor menses à curatione, fragmentum costæ crassum satis, & tres digitos longum per asperam arteriam rejecit. Convaluit, neque ullo deinde symptomate conflictatus fuit. Hactenus *Pigray*.

Ego superiori anno Genevensi *Estiene Juvenon* nomine, ulcere sinuoso, & putrido, circa scapulam, humerumque dextrum laborantem, curandum habui, cui in sinu quodam ulceris turundas duas ex spongii præparatis factas (procul dubio propter motum musculorum pectoris eò attractas) inveni. Sed de casu isto brevi fusius ad te scribam nunc non vacat. Raptim Paterniaci

Aventicorum 10. Febr. 1605.

EPI-

## EPISTOLA LII.

*Idem ad eundem,*

**G**RATUM mihi fuerunt literæ tuæ, vitæ ornatissime, propter subjectum, quod tractant. Rarus enim est, & gravis casus ille, quem describis: Pulmonem namque vulneratum fuisse, non est, quod dubites: id enim symptomata, quæ commemoras, satis denotant: hinc turundæ, quia capitata non erant, nec filo annexæ, facile ad pulmonem pervenire potuerunt. Tanta enim est pulmonis attrahendi vis, ut injectam in pectus mulsam propter abscessum, & cariem ossium ad se attrahere, & per sputum excernere posse, *Galenus* observavit. Refert *Ambrosius Paravi*, cum in quodam in thorace vulnerato, iniectione ex aqua hordei, in qua centaurium Absinthium, & Aloë incoxerat, usus fuisset, inde maximam amaritudinem oris, & faucium ortam esse. Memini, me præsentem clarissimo viro Dn. D. *Esaia Colladone*, apud Geneveses Medico celeberrimo, in privata dissectione ossicula quamplurima vertebrarum cariosarum in media substantia pulmonis invenisse. Res profecto miranda: Quamvis enim pulmo membrum sit molle, laxum ac spongiosum, ossicula verò undique aspera, propterea facile adherere possint, eo usque tamen propter continuam attractionem pulmonis, in Diastole pervenerunt. Sic etiam pulmo vulneratus turundas ad se per ipsum vulnus paulatim ad ductum aliquem asperæ arteriæ attrahere, & per tussim ejicere potuit. Musculos quoque ad respirationem servientes illa facilitate attrahendi non omnino carere, superstitianino in quodam Genevensi, *Stephano Juvemonio* nomine observavi. Is deploratis, sinuosis, & cuniculosis, (ut vocant) ad dextram claviculam, & homoplatam, ex ictu sclopeti oris ulceribus, laborans, ad me venit Paterniscum. Immisso stylo exploratorio turundas duas ex spongiis præparatis confectas in profundo ulceri (ubi ultra menses duos delituerant) inveni, & præsentem reverendo D. *Merullo* hujus Ecclesiæ Pastore fidelissimo extraxi: Chirurgus enim quia filum eis non annexerat, ut solemus in magnis, & cavis ulceribus, facile propter motum musculorum pectoris, in sinum ulcerum delabi potuerunt. Postea ossibus nonnullis cariosis exemptis, & mundificatis ulceribus, Dei beneficio, optime convaluit. Id præterea in hac curatione notatu dignum occurrebat

*Vulnus pectoris.*

*Mus. Med. lib 5 lib. 10. cap 32. Observatio. Ossicula vertebrarum in pulmone reperia.*

*Observatio*

*Non proficis  
vulnus, turunda  
filiis alliganda  
fuit:*

primo quod ichor ille sœtidissimus, qui ante perfectam mundificationem ulcerum effluebat adeo acris, & malignus esset, ut ubicunq; instrumenta mea argentœa attingeret, ea nigra efficeret. Deinde quotiescunque æger sibi dendi scalpium dentes purgare & expolire vellet, dentis scalpium non aliter, ac si atramento intinctum fuisset, inficiebatur. Idq; ego hinc evenisse arbitror, quod pulmo continuo ex ulceribus & spongiis iis inclusis aliquid virus illius acris, & maligni attraxerat, quod postea per asperam arteriam & os expirando, gingivis, & dentibus inhæserat. Fœtor enim ingens oris similis erat fœtori ulcerum, Mundificatis ulceribus, purgatoq; corpore, fœtor oris, & ulcerum simul cessarunt. Præterea retulit nobis Chirurgum, qui cum antequam ad me veniret, per menses novem curandum habuerat, aliquoties aequam acerrimam & causticam, maximo cum dolore & cruciatu ulceribus infudisse: illa quia procul dubio ex vitriolo, alumine, viridi æris, acetæ & similibus confecta fuerat, haud difficulter à musculis thoracis absorberi, & à pulmone attrahi, posteaque per arteriam asperam ad gingivas, dentesque pervenire, & dentis scalpium inficere potuit. Ex his facillimè videre est, quomodo turundæ ad pulmonem, & deinde ad os pervenerint. His vale vir ornatissime, & amicorum optime, & me tuum cense, Paterniaci Aventicorum 22. Februarii 1605.

## EPISTOLA LIII.

*Amplissimo atque doctissimo Viro Dn. D. JACOBO MOCKIO  
in Academia Freiburgensi Medicina Professori longè celeberrimo  
& Primario, GUILHELMUS FABRICIUS Hildanus  
S. P. D.*

**A**Nte dies quindecim tuas, Vir amplissime, accepi literas: sed quia eadem die Solodurum ad illustrem ac generosum Dominum Eustachium de Refuge Legatum Regium vocatus eram, & quem à me expectas librum Domini Penoti ad manus minimè habebam, ad tuas respondere maturius non potui. Nunc verò oblata occasione tractatum istum Domini Penoti viri pii, & inter Chymistas magni nominis, mihi que amici, dono ad te mitto. Si qua alia in re tibi inservire possum, aut potero posthac, aucter, ut imperes, velim atque obsecro. Clarissimus

mus Dn. D. Janus Antonius Sarazenus Medicus Regius, qui mihi familiarissimus fuit, quemque adhuc superstitem esse putas, proh dolor, ante annos sex pie in Christo obdormivit, maximo cum familiaris Medicæ totiusque rei literariæ dispendio. Quantum præstitit in *Dioscoridis* castigatione, vidisti procul dubio. Perierunt cum ipso, ut ego quidem ve-reor præclara nonnulla scripta. Liberos reliquit plurimos, ex quibus secundo natus, *Philibertus* nomine Medicinam Lugduni maxima cum laude exercet: ille, si vellet, ex scriptis paternis multa utilia atque bona in lucem dare posset: idque, ut faciat, ego quantum potero, ipsum monebo. Eundem *Sarazenum* de chorea S. Viti lib. de peste cap. 1. scripsisse rectè annotasti; sed de hoc affectu Dn. D. *Felix Platerus* libro suo praxeos capite (si rectè recordor) quatto de mentis alienatione multò prolixius agit. Dn. *Grissonius* similiter ante annos tres Lutetiæ obiit: fuit is Chirurgus longè excellentissimus. Ante annos viginti familiariter cum ipso vixi quatuor circiter annorum spacio, fuitque mihi in re Chirurgica præceptor fidelissimus. Descriptionem unguenti cujus mentionem facis, non vidi. *Sinovia* unde deducta sit vox, ignoro. *Josquius* <sup>*Sinovia quid?*</sup> *Dalbemius Ostrofrancus*, qui *Paracelsus* latinè reddidit primæ partis Chirurgiæ magnæ tra& 2. cap. 11. & *Felix Wirtz* olim Chirurgus Basiliensis sub ea voce das *Blutwasser* intelligunt. Idem *Paracelsus* Chirurgiæ suæ magnæ lib. 6. & *Felix Wirtz* in Germanico quodam libro Basileæ impresso, vocabulo *Oppodeltsch* utuntur, & sub ea voce emplastrum, cujus apud ipsos quoque extat descriptio, intelligunt. De spagirico, ut monuisti apud seniores nostros inquisivi. Fuit is Medicus Paterniacensis *Vignerius* nomine, qui postea in Galliam revocatus, & Historiographus Regius factus, rem historicam scriptis nonnullis ornavit. Ipse hic in officio successit Dn. *Sterpinus*, insignis quoque Chirurgus, qui tandem Lausannæ à vita discessit. Plura nunc non licet propter occupationes circa illustrem ac generosum Dn. legatum. Vale itaque vir amplissime, & feliciter vive diu. Soloduri  
 rapitissimè 24. Aprilis 1608.



## EPISTOLA LIV.

*Præstantissimo viro Dn. JACOBO PROBO Pharmacopola apud Viacenses, vigilantissimo atque exercitatissimo. GUILHELMUS FABRICIUS Hildannus S. P. D.*

**G**RATÆ mihi fuerunt literæ tuæ. Vir ornatissime, sed pergratus fuit Gallator clarissimus Dn. D. *Aubertus* Medicus vester celeberrimus. Hactenus eum de nomine tantum cognoveram, & ipsius familiaritatem mihi optaveram: jam tuo beneficio eum de facie agnosco. De morte, & mortis genere honestissimæ matronæ N. N. vicinæ vestræ summopere doleo. Audivi enim ex Dn. D. *Auberto* ipsam toto sex dies parturientem, ac tandem fœtum in ipso utero mortuum, imo semiputridum fuisse. Profecto genus mortis miserrimum, & dolorificum: sed Deo ita visum est. Mirarer, quod maritus me non accersiverit, cum sciam me in extractione fœtus mortui aliquam habere experientiam & cum *Lausannæ*, tum in vicinia cum honore, & fructu ægrotantium hanc operationem fecisse, mirarer, inquam, nisi eum hominem rusticum avarum, & scientiarum contemptorem cognoscerem. Ego expertus loquor, quomodo enim ante biennium, cum eandem ipsius uxorem ex periculossimo vulnere capitis, cum cerebri concussionem laborantem, & gemellis prægnantē divino favore sanitati restituissem, sese mecum gesserit & quantas mihi fecerit molestias, tibi satis cognitum est. Est præterea homo arrogans, & tumidus, qui maluit uxorem periclitari, quam votum suum revocare: quandoquidem cum *Bernæ* mercedis inæx causa contenderem cum ipso, præsentem Tribuno nostro *Johann. Bondu*, & aliis honestis viris, junctis manibus Deum precatus est, ne sineret illum denuò incidere in meas manus: Exprobratio, quam à viro honesto in virum honestum proferre, non licet: Ita enim ego de ipso sum bene meritus, ut jurè ipsi semper commendatus, non autem suis convitiis affectus esse deberem: quandoquidem vitam (Dei beneficio, & arte mea, multisq; laboribus) matris & gemellorū servavi: sed omnino percusum ingratus homuncio vas est:

*Quicquid in hoc fundi, perfluit, inde perit.*

Ego tamen, si me accersivisset, officium meum in tanta calamitate ipsi non denegassem. Plura non licet, propter nunciū festinationem.

Vale

Vale cum nobilissima, & honestissima tua conjuge, & liberis, quos ego meaque uxor salutamus peramanter. Raptim Paterniaci 3. Septembris 1603.

## EPISTOLA LV.

*Clarissimo & excellentissimo Viro Dn. D. JACOBO ZWINGERO Basilea patriæ Medico, ejusdemque Academia Professori celeberrimo, GUILHELMUS FABRICIUS Hildanus S. P. D.*

**L**iteras tuas, Vir amplissime, accepi: in quibus ultra meritum me afficis honore, & veluti stimulo quodam ad perficiendas observationes impellis. Utinam facultates, & eruditio voluntati, & propenso animo meo, cum ad gratificandum tibi, tum ad illustrandam aliquomodo artem Chirurgicam, respondere possint. Quicquid tamen sit, tibi inprimis vinculo adamantino (ut sic dicam) me obstrictum profiteor. In observationibus, Deo Opt. Max. duce, progredior. Delineationes instrumentorum ante menses duos ad typographum misi; antinciduntur, nescio: ab eo enim tempore nihil literarum ab ipso accepi. Cæterum si affectum illum, de quo scribis, videre (summo opere enim in hujusmodi affectibus requiritur ocularis inspectio) & manu mihi tractare liceret, sedem ipsius invenire, non usq; adeo esset laboriosum, ut arbitror. Quicquid tamen ex illa, quam ad me misisti descriptione, conjicio, libenter dicam. Tumorem hunc ex causa primitiva originem traxisse, rationi consentaneum est: quandoquidem e quo dejecta, facile potuit inde sequi contusio, confluxus humorum, tandemque tumor: qui quia tactu durus est, & doloris expertus, forsan aliquid de natura scirrhii contraxit. Ad scirrhii tamen generationem longum requiritur tempus: ideoque si recens est morbus (de tempore enim, quo hoc morbi genere laborat, nullam fecisti mentionem) vix scirrhosis tumoribus eise annuerandus. Sæpius mihi occurrunt tumores rotundi, tactu duri, & doloris expertes, in quibus nihil reperitur, præter aquam, quæ durissima membrana continetur. Horum tumorum 8. hujus mensis unum ex abdomine puellæ 9. annorum hic Paterniaci exscidi; quæ, laus Deo, convaleuit. Oriuntur item tumores ex piritosis humoribus, qui nihilominus tactu sunt duri. Superiori ætate in matrona

*Tumor  
scirrhosus.*

*AD*

*Observatio.  
Tumor du-  
rus ex con-  
sensione.*

Matrona Bernensi tumorem ex contusione ortum ad carpum dextrum curavi, qui adeò durus erat, ut ab omnibus scirrhus exquisitus judicaretur. Aperto tumore humorem larido non absimilem ex eo extraximus, qui aëri expositus intra 24. horas in lapillos concretus est. Membranam quoque postea extraximus densissimam. In hujusmodi autem tumoribus membrana extenditur humore, non secus ac inflata vesica, quæ & tactu dura percipitur, quamvis nihil præter statum contineat.

*Tumores in  
utero sæpius  
percipi vix  
possunt.*

De sede autem tumoris, de quo scribis, nihil certi ausus statuere, cum ad id (ut antea dixi) ocularis inspectio sit necessaria. Quia tamen in externa parte abdominis tactu percipitur, & ipsius magnitudo facili, ut audio, circumscribi potest, utero vix inherere existimo. Uterus enim dorso incumbit, osse item sacro, & lumbis annexitur; adeoque intestinis obtegatur, ut in ipso tumores & scirrhī, nisi in maximam magnitudinem excreverint, exterius percipi non possint. Ego in dissectionibus aliquoties scirrhos satis grandes in utero inveni, qui tamen cum in vivis essent, exterius non percipiebantur. De mesenterio idem statuendum. Neque si in vesica lateret tumor ille, faciliè perciperetur tactu. Vesica enim mole viscerum intestinorumque sub osse pubis deprimatur; adeò, ut in ipsa tumores & calculi, quantumvis magni fuerint in externa parte ventris non appareant, nec manu apprehendi possint. Idque ego in illa matrona, de qua in observatione ad te scripta, mentionem habui, præsentē Dn. D. Roscio Medico celeberrimo, diligenter annotavi. Sed & excernendo urinam, maximam parient difficultatem tumores in vesica: At in illa virgine nulla, aut saltem exigua est difficultas; ergo nec in vesica statuendus est tumor. In omento scirrhos nunquam, phlegmones aliquoties mihi videre contigit. In ipso tamen omnium generum tumores posse oriri, non dubito, sed exterius vix percipientur. Ante annos quatuor venit Lausannam mulier 30. annos nata, tumore, & magnitudine capitis infantis in sinistro latere sub umbilico laborans, rotundus erat ille, & faciliè ex una in alteram partem ducebatur. De hoc tumore multæ variæque fuerunt opinionēs. Tandem mortua, per dissectionem à me adhibitam, veritas innotuit. Invenimus enim lienem adeò magnum, ut inferior pars ipsius

*Observatio.  
Tumor ma-  
ximus in si-  
nistro la-  
tere.*

*Observatio.  
Abscessus  
inter abdo-  
minis mu-  
sculos.*

(quæ in tumorem rotundum indurata erat) ad os pubis ferè propenderet. Vidi quoque tumores, & abscessus inter abdominis musculos, quorum exemplum unum aut alterum tibi communicare non pigebit. Ante annos aliquot cum clarissimo Dn. D. Jacobo Auberto Vindone Medico

dico celeberrimo, ad matronam, quæ de dolore magno è regione ventriculi aliquantum ad latus dextrum conquerebatur, vocatus fuit. Ego ta&tu tumorem ad latus lineæ albæ sub musculo recto apprehendi, quamvis exterius nihil appareret. Suadebat mecum Medicus, ut cutis & musculus usque ad abscessum incideretur. Agra verò, & adstantibus, spernentibus consilium nostrum, propterea, quod nullum indicium abscessus ipsius conspicuum esset, non diu post ad interiora ruptus est abscessus. In vacuum ventris defluxo humore, de novo exorta est febris, lipothymia, & dolor magnus sub umbilico, ita ut paucis post diebus è vita discesserit. Anno 1597. venit Lausannam Sabaudus quidam quadragenarius & robustus, qui ex contusione tumorem sub regione hepatis contraxerat. Ego & clarissimus Dn. D. Roscius Medicus celeberrimus in consiliū vocati, invenimus ipsum febre, ardore magno, nausea, aliisque gravissimis symptomatibus laborantem. Summam quidem, sed frustra adhibuimus diligentiam, ut in halitum resolveretur materia. Tandem inter peritonæum, & musculos abdominis materia confluxit, & abscessum excitavit, qui exterius vix percipi poterat. Ego præsentente Dn. D. Roscio, abscessum incidimus: pus fætidum effluxit: Ulcus per menses aliquot apertum servavi, donec tandem sanitatem recuperaverit. Ex huiusmodi autem tumoribus abdominis difficultatem aliquam in excernendo urinam consequi posse, rationi consentaneum est. Quantum enim ad expulsionem urinæ faciant musculi abdominis, omnes sciunt anatomici. Vale vir amplissime, ac ignosce, si tuis plenius satisfacere non potui. Si amicos, in primis autem reverendum Dn. D. Polanum, Dn. Dd. item Platerum & Baubinum meo nomine salutare placuerit, gratissimum mihi feceris. Iterum vale, & millies.

*Observatio.**Ex tumore  
abdominis  
difficultas  
urina.*

Paterniæci Avenricorum 23. Decembris

1604.

AAA

EPI.



## EPISTOLA LVI.

*Clarissimo summaq; doctrina, & pietate præstantissimo viro Dn. JOHANNI BRANTIO, Scholæ Wesaliensis Rectori dignissimo, amico plurimum honorando, GUILHELMUS FABRICIUS Hildanus S. P. D.*

*De catarrho ad oculos.*

SUMMO perè doleo, vir pietate, & doctrina præstantissime, de adversa tua valetudine: non solum propter illam, quæ inter Christianos debet esse sympathia: verum etiam quod olim tu mihi de facie fu-  
 ris cognitus. Memini enim te ante annos viginti aliquoties, duce Cosma Scotano, viro pio, & in arte Chirurgica celebri, invisisse: sed & multa de tua pietate, & virtute relata mihi fuerunt à Balthasaro Glaus-  
 chrisiano, qui jam in Rhetia vivit. Nescio quo nam infortunio literæ tuæ, 1. Septembris datæ, tandem heri 26. Februarii à nepote tuo mihi reddi-  
 tæ fuerunt. At quia instant nundinæ Francofurtenses, quo tem-  
 pore multa mihi scribenda occurrunt, prolixius ad tuas respondere non potui. Ut tamen petitionibus tuis aliquo modo satisfaciam, scri-  
 bam summatim, quidnam de cura (palliativa potius, quam vera) se-  
 ntio: morbum enim tuum ad eò inveteratum esse, ut ex toto eradicari non possit, arbitror. Diligentia tamen perfici potest, ne malum in va-  
 le-  
 scat, & cæcitas inducatur. Quia autem in defluxionib. ad oculos cere-  
 brum humores mittit, oculi verò recipiunt, necessariò prohibeatur, non tantum ne humores pravi in corpore, & cerebro generentur, ve-  
 rum etiam, ut qui jam generati sunt, & ad oculos defluunt, exsiccentur  
 atque ad partes minus nobiles trahantur. Interim quoque oculi & vi-  
 sus jam multis ab hinc annis à catarrho debilitati, corroborandi sunt,  
 ne fluxionem excipiant. Hæc autem omnia diætâ, purgationibus, ce-  
 rebrum item, & stomachum roborantibus medicamentis, ac tandem  
 topicis perficiantur.

*Curatio ca-  
 tarrhi ad  
 oculos.*

*Visus va-  
 tio.*

In diætâ aër eligendus est temperatus; calidus enim humores in-  
 capite liquefacit, subtiles & acres efficit: frigidus verò poros claudit, ex-  
 halationemque impedit: sed imprimis cerebrum comprimit: hinc ve-  
 hementes fiunt fluxiones. Quemadmodum enim spongia manibus  
 compressa vi quadam aquam expuit: sic excrementi humores è ce-  
 rebro

rebro, frigore compresso erumpunt. In cibo & potu excessus vitandus: qualitas secundum humorum prædominantium naturam, & usus legitimus observandus: quæ omnia nisi diuturnitas morbi, & variorum doctorum consilia in his te satis edocuerint, præsentī Medico clarissimo, Dn. D. *Keuchlenio* (qui de nomine mihi optimè cognitus) pro sua prudentia instituenda relinquo. Alvus semper sit lubrica, id si naturaliter nequit, fiat suppositoriis, clysteribus, vel prunis præparatis, cum infusione senæ, thabarbari, agarici: ex decocto agrimonie, veronice, betonice, euphrasie. Quamquam autem frequentes purgationes violentæ, ratione ætatis tuæ, mihi non usque adeo probantur; sub initio tamen veris, & autumnī, ac quotiescunque insignis aliqua intervenierit occasio, purgatione aliqua utendum est, veluti pilulis lucis majoris, cochliis, aureis, aut infusione senæ, thabarbari, & agarici.

Stomacho etiam propter ipsius cum cerebro consensum prospiciendum est. Debilis enim stomachus ad cerebrum multos mittit vapores, qui in humorem conversi, ad oculos descendunt; ideoque ab omnibus quibus gravatur stomachus, & vaporosis abstinendum est. Interim quoque electuariis, aut pulvere aliquo peprico corroboreretur, & elevatio vaporum ad caput miva, cydoniorum sine speciebus, aut conservæ stofarum antiqua, &c. statim à pastu sumptis, prohibeatur. Adhuc autem perficienda, sequens pulvis mihi valdè probatur.

*Pulvis pep-  
pici.*

℞. panis albi tosti ꝑ ij  
pulpæ cydoniorum exsiccatorum  
pellicularum interiorum ventriculi  
gallinarum ana ꝑ j  
coriandri præparati  
cinnamomi optimi  
sem. fœniculi ana ꝑ ij.  
florum betonice  
rosmarini  
salviæ  
summitatum majoranæ &  
euphrasie ana ꝑ ij.  
sacchari ad pondus omnium.

Misce, fiat pulvis: de quo sumatur cochlear ab omni pastu & horâ matutinâ, si liber: aut cum sufficiente quantitate mellis despumati præparetur ex eo electuarium, de quo sumatur castanæ magnitudine.

*Nimis frigida oculis non applicanda.*

*Cataplasma doloris leniens.*

Solet nonnunquam in huiusmodi catarrhis intemperies hepatis adesse; quemadmodum enim ex subiecto calore alembici vapores in altum eleuantur, sic ex calido hepate vapores è ventriculo ad caput. Illa autem, si in te fuerit intemperies, tum victus ratione, tum diarrhodonè Abbat. & unguento sandalino, temperanda est. In topicis summo studio prospiciendum, ne inflammationem oculorum temperandi gratia, nimis frigida (ut solet aliquoties fieri) applicentur: horum enim frequēs usus spiritum visivum, humores item oculorum, tum & ipsam membranam corneam, condensat; inde visus hebetatio. Ideo quæ quotiescunque dolor, & inflammatio oculorum adsunt, tepidè instilletur oculis lac muliebre recens emulsum, in quo aliquid croci integri maceratum, & tutiæ paratæ, & cornu cervi ulti & præparati dissolutum fuerit. Lintheamen quoque reduplicatum in eo lacte intinctum applicetur calidè oculis: singulis tamen diebus reiterandum est lac, ne accescat, & acre efficiatur, ac proinde dolorem adaugeat. Sequens quoque cataplasma dolores lenit, & inflammationem arcer.

*℞. medullæ panis albi ℥b.*

*℞. heris apido, seminis sænugræci & cydoniorum ana ℥b.*

Coquantur in lacte vaccino ad consistentiam cataplasmatiss; postea admisce vitellos ovorum num. iij.

*croci ʒj. Misce & applica calidè.*

Aut foveantur oculi hoc decocto anodyno:

*℞. radicum & foliorum malvatum*

*flor. meliori ana M. j.*

*sem. sænugræci &*

*liniana ʒb.*

Coquantur in aqua pro fotu.

*Vehemens defluxus ad oculos quomodo aversendus.*

Si vehemens adveniat defluxus ad oculos, purgetur ilico corpus; fronti item, & venis jugularibus applicetur defensivum aliquod, ad fluxum interceptiendum, interim quoque cucurbitulæ magnæ cum flamma scapulis scarificatione applicentur, & vesicatorium post aures admoveatur, purgato tamen prius corpore uti dictum. Sequenti quoque masticatorio poteris aliquando uti jeuno stomacho, ut paulatim materiam ad oculos defluentem, per fauces extrahat.

*Masticatorium.*

*℞. masticis*

*radicum pyrethri*

sum-

summitatum majoranæ  
nucis muscatæ ana ʒj.  
ol. scæniculi ʒß.

Cum mucilagine gummi tragacanti fiant trocisci magnitudi-  
ne lupini.

Sternutatoria in morbis oculorum mihi non probantur: trahendo enim humores ad nasum, nervos opticos adimplent, visumque debilitant, quemadmodum in observationibus meis Chirurgicis exemplo declaravi.

*Sternutatoria in morbu oculorum non probantur.*

Porro quia sæpenumero in literatis cerebrum propter vigilias, labores & studia debile redditum, vapores, qui ad ipsum elewantur, facile excipit, corroborandum est. Corroboratio autem illa tum ex optima victus ratione, tum, quæ caput leviter purgant, & foris admoventur, & diversione aliqua catarrhi petenda est. De victus ratione & purgationibus antea. Inter ea, quæ exterius admoventur, sequens pulvis inspersus capiti, aut ex eo, præparata cucupha & pileolus optimus est.

*Corroboratio cerebri.*

℞. flor. rosmarini  
salviæ  
betonicæ  
stæchados  
rosarum rubearum  
summitatum majoranæ ana M.ß.  
sem. coriandri ʒj.  
ligni sloës  
masticis  
thuris  
diamoschi dulcis  
styracis calamitæ  
nucis muscat.  
granorum alkermes ana ʒß.

Incidentur, & contundantur secundum artem.

Intrinsicè sumpta corroborant cerebrum & visum conserva florum betonicæ, euphrasiz, rosmarini, salviæ, præniz, summitatum majoranæ, & seminis scæniculi nondum penitus maturi. Euphrasiam quocunque modo sumptam oculis prodesse, experientia docet. Visum verò corroborant, & acuunt aquæ scæniculi, rutæ, euy hrasiz, chelidoniz majoris, & anagallidis ore purpureo. His cerebrum & oculi cor-



*Setacei  
laui.*

roborantur. Sed quia catarrhus ad oculos destillat continuò, continuò ut inveniatur diversio aliqua, necesse est, alioquin reliqua omnia frustra adhiberentur. Nulla autem diversio præstantior, nulla utilior, imò & securior inveniri potest setaceo, & fontanellis, ut ego sæpissimè & in multis expertus sum, & indies experior. Quantum enim effici setaceo in morbis deploratis oculorum & capitis, fidem mihi facient honestissimi viri, *Simon Engelgraff & Andreas Polster*, Colonienfes (quos ego honoris gratia nomino) & quamplurimi alii ibi cives. Humorem enim, qui ad oculos destillat, commodissimè per setaceum evacuat. Sed requirit Chirurgum in eo operatione expertum, aut alioquin ingeniosum, qualem ego Dn. *Johannem Tac* esse non dubito. De loco autem & applicandi modo in observationibus meis Chirurgicis differtur, quem locum poteris consulere. Nolle enim applicare ferro candente, ut solent Chirurghi, propter rationes, quas loco jam citato adduximus.

*Hepatis in-  
temperies  
quomodo  
corrigenda.*

Si hepatis intemperies adest, suaderem applicari causticum sub genu dextro, inter quartum, & quintum tibiæ moventium musculum, trium digitorum in latitudine positorum ab anteriori sede coarticulationis fibulæ, cum tibiæ osse, ut inde fiat fontanella. Illa enim humores noxios ex hepate evacuabit: descendit namque per eam partem insignis ramus venæ cavæ. Hæc si ritè adhibita, & setaceum, atque fontanella ad tempus aperta retenta fuerint, magnum inde fructum Deo dante percipies, quandoquidem non tantum catarrhus, qui continuò ad oculos destillat, per partes minus nobiles evacuabitur, atque hinc inde dolor, & rubedo oculorum remittent, verum etiam visus paulatim acutior fiet. Plura non licet, propter temporis angustiam. Deus pro sua misericordia benedicat remediis, ac tibi adsit suo sancto Spiritu, quo possis amissam sanitatem aliquo modo (ex roto enim non sperandum) recuperare, & constanter in omnibus rebus adversis cursum tuum absolvere, & ad scopum, ad quem omnes Christiani aspirant, pervenire. Quod ego toto pectore precor. Vale vir clarissime, & meo nomine plurimum saluta clarissimum Dn. D. *Johannem Tac*, olim mihi cognitum, quod si ad me scribere ipsi libuerit, gratissimum mihi fecerit. Paterniaci Aventicorum 27. Februarii 1604.

Nepos tuus ante dies aliquot Bernæ ad me venit: propter injuriam temporis ipsum apud me retineo: sed operam dabo, ut brevi conditio-  
nem Genevæ inveniatur. Scribe, quisnam clarissimo Dn. D. *Junio* successerit. Academia Lausannensis superiori autumnò clarissimum D.

D.

D. *Guilhelmum Bucanum* Theologæ præclarum lumen, non sine magna jactura amisit. Clarissimus D. *Beza* vivit & valet pro ætate sua, jam enim agit 85. annum, ut ex ipsius literis non ita dudum ad me datis colligo. Deus pro sua misericordia hoc suæ Ecclesiæ summum lumen diu nobis conservet.

## EPISTOLA LVII.

JOHANNES BRANTIUS *Clarissimo, expertissimoq; Medico Domino* GUILHELMO FABRICIO *Hildano Reipublicæ Paterniacensis Archiatro dignissimo. S. P. D.*

Nunc verè video vir clarissime, & toto orbe notissime, rectè sensisse Stoicos, virum bonum commune bonum esse. Ita enim rebus meis afflicto afficeris, quam si privatæ essent, & in medium consulis ea, quæ profutura judicas, quam si curæ tuæ viverem commendatus. Habeo tibi pro Christiana ista sympathia, & paterna provida quæ cura, & pio, & salutari consilio, immortalē gratiam habeo quæ semper, quādiu spiritus hos reget artus. Sed quis ego sum, cum nulla necessitudinis usu tibi neque junctus, neque ullo benefici genere id promeritus, quem tam propenso complectere? Vis me in æternum tibi obstrictum vivere, & quoad in hominum contubernio agis animam tibi debere. Ecce ergo totum me tibi do, dico, & condico, Deum quæ eadem opera rogo, ut te quā diutissimè florentem conservatum, cælesti æterna benedictione locupletet. Sed non fuit mihi datum ab eo tempore, quo doctissima tua consilia mihi reddita, de afflictissima mea valetudine cum clarissimo Medico nostro Doctore *Keuchenio* propter diutinam ipsius a nobis absentiam, & publicæ negotia, quibus in his rudibus patriæ nostræ irretitus tenerur, in medium consulere. Dedi verò illi obtulique ante paucos dies legendas doctissimas tuas literas, ad quas ejus responsum in horas expecto. Est ille vir acri judicio, liberalissima eruditione, & insigni pietate præditus, scholarcha scholæ nostræ, & mihi peramicus: sed qui pro sagacitate suâ & singulari judicio tecum facit, sentitque, perantiquum & inveteratum malum minime movendum, sed retundendum potius, & coercendum, ne latius seipat. Uor ergo ex ejus consilio singulis septimanis, cum nescio qua  
anti-

*Responsio  
ad epistolam  
præcedentem.*

antipathia à justis purgationibus abhorream, pilulis sine cura: atque his vacillantem, & nutantem valetudinem, quamdiu Deo visum est, sustento. Interim verò Deus in hunc usque diem, cujus nutu & arbitratu in hanc laboriosissimam stationem descendi, sufficit illud robur, & vites, quæ in tam carenata, & assidua provincia requiruntur, nisi quod ante septimanas tres gravius malum ex improvviso me inundarit, calculus scilicet renum, sed qui me tantum ad horas aliquot gravissimè infestavit, nunc pro more meo, & corporis conditione divina gratia, mediocriter habeo, & ipsi sileo, dum ipsi visum sit, exemptum me his vitæ ærumnis, quietiore sede collocare, & absteris peccati reliquiis, eorumque effectis, cœlestibus gaudiis donare. Eam cum horam metamque attingero, Deo mihiq̃ue vivam, qui dum superstes fui, commune vixi bonum omnibus.

Sed non video, quomodo tam longo intervallo à te seclusus, benevolentissimum animi tui studium, ulla grata significatione remunerer. Sed ignoscet mihi, spero, tua pietas, & propensissimus in omnes literatos amor: ne tamen nihil reponam, mitto brevem delineationem eorum, quæ in Flandria gesta sunt, à reverendo *Wilschcio* nostro auspiciatam, quam velim æqui bonique consulas, & festinationi meæ ignoscas. Vale ac salve clarissime expertissimeq̃ue vir, Domine reverenter colende, à me, clarissimo Medico nostro Doct. *Keuchenio*, & consule *Budriænsi Johanne Tackio*, nec gravatim meis *Cyprianæ* clarissimum *Bezæ*am, verbis peramicè saluta, & *Wilbelmum* nostrum, ut salutare fiat Reipublicæ organum, re, consilio, & opera adjuva, & ab eo mercedem expecta, qui se haustum frigidæ suis impensum, remuneraturum condixit. Dabam admodum subito 21. Junii Anno postremi seculi 1604. Vefalia, Clivorum.

## EPISTOLA LVIII.

JOHANNES GREGORIUS GOBELIUS *Medicina Doct. & serenissimi principis ALBERTI Ducis Bavaria Medicus ordinarius*, GUILHELMO FABRICIO *Hildano S. P. D.*

*De thermis  
Piperinis.*

Quæ Oppenheimii de balneis Piperinis in reficiendis tabidorum corporibus inter nos contulimus, clarissime & expertissime mihi  
Dn.

Dn. *Fabrizi* nondum excederunt animo meo: sed quod rationes, quibus aërem thermarum phthisicis salutarem adstruere posse putavi, ad te non perscripserim, discessus tuus celeror, atque illo tempore assidue meæ profectiones obstiterunt. Interea temporis non dubito te, pro singulari tua industria locum *Galenii*, qui tabidos mittebat ad Tabias, ubi aër ab incendio Vesuvii montis temperabatur, legisse, atque ideo cum magis serium negotium tibi expediendum à Domino quodam summæ Nobilitatis acceperim hac vice id singulari modo aliis curis posthabitis, tibi commendare, operæ precium duxi. Est autem affectus oculorum, qui ad longum in his conjunctis literis expositus tibi perpendendus transmittitur. Da operam Clarissime vir, quatenus quæ adhuc affectum perfectè cognoscendum faciunt, quid sperandum, & quibus auxiliis præsens defectus corrigi, & deinceps oculis, qui magnam intemperiem contraxerunt, à gravioribus præservari possint, fideliter, & diligentissime perscribes. Et si fortè tuam desiderabunt præsentiam, significata, ubi offendi possis. Magna me spes habet, te pro illa, quam circa oculorum affectus habes experientiam, non difficulter ex narratione transmissa prognosticum facturum, & quid rectè adhiberi vel omitti posse putes, declaraturum. Circa oculi pupillam hætenus ne minimum apparet vestigium alicujus mutationis ad obscuritatem vel nebulam; sed pura & lucida cum perfecta imaguncula apparet pupilla integra. Hoc observat Nobilissimus Dominus, si ad latus oculum extrorsum obliquet, quod tunc introrsum paululū melius videat. Præcesserunt non diu ante hanc celeritæ visionis imminutionem capitis quædam vertiginositas, quæ cathartico accepto cessavit: aliorum tamen noctibus solito profundiores observavit somnos. Cætera in addita narratione habes omnia. Laborum tuorum compensationem, si per tabellarium, qui has tibi reddet, nō acceperis, citra dubium ex Mercatu Francofurtensi per Genevenses, vel Lugdunenses Typographos, qui Lausannam transeunt, representabitur. Bonam in partem accipi liberum hoc per literas alloquium, quia ex brevi illa inter nos habita communicatione animi tui candorem, ut cui noviter introductæ blandiendi formulæ non acceptæ, cognovi, cujus me item ingenii esse, ut tibi persuadeas, velim, atque si occasio ferat, ut tibi vel tuis operam meam commodare possim, re ipsa, quod verbis promitto, præstabo. Vale cum tuis feliciter, & de ætate tua nisi grave sit, certior me facere velis, quia in effigie operibus tuis Oppenheim præfixa, po-

*De affectu  
quodam  
gravissimo  
oculorum.*



fuerunt 52. ego verò te 62. excedere suspicior, ut ut sis; optima est ætas quæ honestis laboribus & satis accrevit. Monachii in Bavaria 28. Novembris Anno 1615.

*Descriptio morbi.*

*Affectus o-  
culorum.*

Consilium petitur à viris in arte medica longo usu & doctrina præstantibus, pro nobilissimo viro, ætatis 43. annorum, cætera sic satis sano, neque morbis alicujus momenti alias obnoxio, si destillationes addentes & vertiginem ab aliquo tempore (si præsertim stomachus cruditate, & mesenterium biliosa impuritate laborans, vapores capiti submittant, & eisdem cerebrum calidi alioqui temperamentis, curis, assidua lectione, & similibus amplius calefactum, ad se trahat) molestum excipias, alias in diæta satis frugalis, & parvus, is, quod à puero assueverit in visus & oculorum functione solumferè dextrum oculum adhibere, & ad procul distita unico conspicillo concavo uti, cum in propinquis distinctissime conspiciendis visu esset perspicacissimo, ita ut sinister oculus quasi in orio esset, videret autem dextro oculo non rectâ linea, sed semper pupillâ obliq; ad interiorem angulum contorquendo, ubi & conspicillum admovebat, accidit, ut jam ante decennium spectra quædam seu phantasmata instar linearum globulis quibusdam nigricantibus appensarum, & hinc inde ad oculi motum obvolitantium, nata, & oborta fuerint, in dextro oculo in multa luce & aëre aperto clariora, in obscuro aëre minora, quæ tamen ante pupillam vel externis objectis affixa, nisi in sublime, magno appposito labore, intueretur minimè hærebant, ac proinde visum & obtutum neque hebetabant neque caligine obfuscabant. Et licet metu gravioris mali, in quod spectra seu idola hæc commigrare solent, varia tunc consilia Medicorum famâ celebrium conquesta fuerint, spesque non vana esset, cum visa hæc longa assuetudine neque Nobilissimo viro molesta essent, neque pupilla tanto temporis spacio conturbaretur, fore ut paulatim nimia visus acie ætatis decursu hebescente, planè abolerentur, accidit tamen præter spem, ut nuper 17. nempe Novembris die subito visio obtenebrati, & pleraque per nebulam, ac fenestram cerni, quædam etiam penitus obscurari cœperint è regione dextri oculi, magis in luce majori, oculis ad fenestram obversis, melius enim & distinctius omnia in luce obscuriori videt, obrepunt etiam, vesperi præsertim

tim scintillantes oculo fulgores, & alieni colores veris coloribus mixti in diversis objectorum partibus, literas quasdam in scriptura legit, reliquis planè obtutum fugientibus. Et quod valde molestum accidit nobilissimo viro, ita sinistro oculo, in quo jam olim spectra quoque licet minora observavit, difficulter, ob desuetudinem videt, ut ob consensum dextri malè affecti, ad omnem illius motum, præsertim in majori luce, perturbari, ac malè affici videatur.

Et licet pupilla dextri oculi nihil hucusque (quod notari à plurimis inspicientibus, tam Medicis, quam Chirurgis queat) à sua naturali constitutione & luciditate, seu colore & nigredine, dimota aut conturbata appareat, cum imago inspicientis æquè ac in altero oculo clarè conspiciatur, non immeritò tamen suspicio Medicos tenet futuræ suffusionis, paulatim & sensim aspectabilis, & manifestè cognoscibilis, ni Deus & remedia tempestitiva malum avertant, eventuræ, cum hætenus materialis illius causæ, seu corpus opacum, lumini externo speciebus visibilibus instructo, impedimentum objiciens, magis retro in albugineo humore latitare, nec dum pupillæ marginibus & corneæ, qui verus suffusionis seu cataractæ est locus, affixum esse videatur.

*Suffusionis  
suspicio.*

Interim dum virorum doctissimorum judicia & consilia super hoc casu, cum particulari remediorum tam intus, quàm extra exhibendorum descriptione, nobis adveniant, quod unice in tanta, & loci ætati, & morbi sic causæ generationis obscuritate optamus, Medici nobilissimi viri totius provisioni, purgatione corporis repetita, interjectis præparantibus, ac phlebotomiâ dextri brachii, ratò aliàs fieri solitâ, nec non aliis revulsoriis & roborantibus auxiliis operam hoc tempore dederunt; cupiuntque intelligere à viris præcellentissimis, an in hoc dubio statu, & metu suffusionis futuræ, topica extra inflammationem, aut vim siccandi magnam, attenuantia & dissolventia locum habere possint, & tutò adhiberi? An potius certior factæ, suffusionis cognitio & maturatio expectanda, quæ suo tempore manuali operâ curetur & extirpetur. Etsi magna opinionum de hoc affectu sit diversitas, aliis *maior* ex nervi optici aliquali obstructione hic conjicientibus, nec futurum hypochyma timentibus, quam rectè, aliorum esto judicium.

## EPISTOLA LIX.

*Viro amplissimo atque doctissimo Dn. JOHANNI-GREGORIO  
GOBELIO Serenissimi Principis ALBERTI Ducis BAVARIAE,  
&c. Doctori Medico ordinario atque celeberrimo, GUILHELMUS FABRICIUS Hildanus S. P. D.*

*Responsum  
ad præceden-  
tes litteras.*

**S**Alve multum à Christo Jesu salutis nostræ auctore. Te vivere, & rectè  
svalere, Vir amplissime, imò & novis honoribus ornatum, & à tanto  
Principe vocatum fuisse, maximo cum gaudio ex tuis, quasi heri sub  
vesperam accepi, intellexi, tibi quæ gratulor, & ut sempiternæ laudi tibi  
sit vocatio illa, Deum Opt. Max. suppliciter oro. Me quod attinet, ab  
eo tempore, quo Oppenheim apud nobilissimum Virum Dominum  
de Kronberg convenimus, tot, tantisque molestiis & curis veluti sub-  
mersus jacui, ut quæ de thermis Pipetinis præ manibus habueram, mi-  
nimè absolvere, imò ab eo tempore ne quidem adversaria inspicere  
potuerim. Oppenheimio enim domum rediens, uxorem meam leetissi-  
mam, & partem domesticorum meorum, peste gravissimè laborantes  
reperi. Convaluit quidem uxor mea, sed duæ ex filiabus meis, ancilla  
item & famulus debitum naturæ persolverunt: ita ut ædes meæ ultra  
mensēs quatuor, more Gallico, maximo meo incommodo occlusæ  
fuerint. Quæ præterea ab eo tempore adversa, tristia vè mihi evenie-  
runt, ut recenscam, vulnera quæ nondum coalita reficem, supervaca-  
neum esse censeo. Superiori ætate Senatus P. Q. hujus urbis me vo-  
cavit, & in Medico Chirurgum recepit. Faxit Deus Opt. Max. ut mi-  
gratio illa feliciter, imprimis ad Dei gloriam & emolumentum proxi-  
mi succedere possit. Ego verò ut quod reliquum mihi temporis à Deo  
constitutum est (quinquagesimum enim quintum annum ætatis supe-  
riori mense Julio ingressus sum) piè absolvam.

*Imbecilli-  
tas spirituum  
visuorum.*

Affectus oculorum, de quo sententiam meam expetis, ut video in-  
veteratus, ac proinde gravis est: Quod enim à juventute non nisi sini-  
stro clauso oculo, & dextro unico admoto perspicillo procul res obje-  
ctas discernere potuerit, summam imbecillitatem spirituum arguit. Il-  
lam an ex parentibus contraxerit, literæ tuæ non indicant: ut ut autem  
sit, humorem aliquem præternaturalem continuò quoque ad oculos de-  
flu-



defluxisse, certissimum est: quod & destillationes ad dentes, & vertigo ipsa, quæ ab aliquo tempore ægrum molestant, satis superque indicant. Adest itaque summa imbecillitas, imò & paucitas spirituum: quæ quidem imbecillitas partim, ut arbitror, naturalis apud illum est, partim quoque, ut dixi, propter affluentes humores accidit. At quia à diuturno splendore pars spirituum visivorum dissipatur, accidit, ut in luce obscuriori, collectis scilicet spiritibus melius, ac distinctius videat res oblatas. Imagines seu phantasmata & spectra, quæ ante oculos apparent, vapores crassos hinc inde per humorem albugineum atque ante pupillam vagari, indicant. Illæ quid portendant, suffusiones nimirum, *Avicenna*, omnesque qui in medicina claruerunt, testantur, & experientia, uti tibi viro, doctrina rerumque usu in arte medica versatissimo, satis superque notum, fidem facit. Illæ autem, nimirum suffusiones, ut præcaveri possint, primò conveniens victus ratio observanda est: Et quia malum meo quidem iudicio præcipuè à stomacho originem trahit (quandoquidem si tribus quatuorve mensibus, *Galenus* verbi tutor, suffusionis accidentia apparuerint, pupilla autem pura splendidaque cernatur, ab ore ventriculi nasci affectum ne dubita) illius diligenter habenda est ratio, & ut membro mandanti prospiciatur, recipiens verò corroboretur, danda est opera. Stomacho optimè prospicietur, si convenientem victus rationem observaverit æger, & eis, quæ stomachum corroborant, aliquando utatur: quæ omnia Tuæ Excell. uti Medico ordinario & ægro familiari pro sua prudentia præscribenda, relinquo: Unum tamen reticere non possum, nimirum ut euphrasii usus ægro sit familiarissimus. Tanta enim euphrasii in imbecillitate visus vis est, atque efficacia, ut ejus usu septuagenarios quosdam (propter vigilias, & studia plurima) amissum visum, in decrepita ista ætate recuperasse observaverim. Varia autem ex herba ista præparare, & potui, ac cibis, ut medicamentosi efficiantur, admiscere solitus sum. Quapropter in umbra exsiccatam, & in subtilissimum pollinem, redactam, pastæ aliquando, unà cum fermento permiscere jubeo, hoc modo panis fit medicamentosus, & ex ipso procreatus chylus, cum ad omnes corporis partes alendas distribuitur, etiam ad cerebrum pervenit, spiritus quinetiam visivos reëtificat, corroborat & adauget. Panem præterea biscoctum, quo æger in fine pastus utatur, ex euphrasii, floribus betonicæ, saccharo, & semine scniculi præparo. Poterit & cum carne, aliisque eduliis incoqui. Quod si æger pro potu suo ordinario

*Phantasmata ante oculos, quid portendant.*

*Suffusiones quomodo præcavida.*

*De locis affectis lib. 4. pag. 749.*

*Euphrasii usus in effectibus oculorum.*



nihil aliud quam vino, aut cerevisia, in qua euphrasia macerata fuerit, uteretur, multum conducere. Post pastum uti quoque poterit sequenti Tragea, quæ mirum in modum visum corroborat.

*Tragea ad  
visum cor-  
roborandū.*

*℞.* euphrasie subtilissimè tritæ  $\mathfrak{z}$  ss.  
seminis fœniculi  
cinnamomi optimi ana  $\mathfrak{z}$  j.  
pellicularum interiorum ventriculorum gallina-  
rum  $\mathfrak{z}$  ss.  
sacchari  $\mathfrak{z}$  vj. M. scē fiat pulvis:

De quo sumat cochlear statim ab omni pastu.

Ceterum membra recipientia, sive locum affectum corroborabis, si humores, vaporesve ad ipsum affluentes ad alia loca traxeris. Fiet id primò reiteratis purgationibus, veluti pilulis lucis, aureis scetidis, & sine quibus, aut in infusione thabarbari, agarici foliorum senæ, cum aqua betonicæ & euphrasie, addito syrupo rosato solutivo quantum satis. Secundò venesectione in cubito, & cucurbitulis scapulis & nuchæ applicatis. Tertiò humores & vapores ad oculos affluentes fonticulis ad partes minus nobiles perbellè revocabis: sed quia malum utrumq; oculum occupat, ac proinde utroque brachio causticum applicare necesse esset: suaderem potius setaceum, cum quia minus erit molestum, quam duo fonticuli, tum etiam quia major per illud fiet à capite & præcipuè ab oculis evacuatio humoris peccantis: vapores quinetiam, qui ad oculos elewantur, beneficio setacei à nervis opticis ad nucham revocabis. In applicatione autem setacei prospiciendum, tum ut locus diligenter eligatur, tum etiam ut multum cutis contineat. Punctio enim si nimis superficialis fuerit, paucissima per eam fiet, evacuatio humoris peccantis, & maturè nimis erumpet funiculus. Ante annos decem nobilis quidam Freiburgensis Dn. *Antonius Meister*, Dominus in Mesieres nomine, cum propter diuturnum catarrhum ad oculos defluentem, visum serè amisisset, & ego tandem in consilium adhibitus fuisset, purgato corpore, adhibitis quinetiam cucurbitulis, setaceum nuchæ applicui, quo etiam nunc absque magna molestia utitur, visus quoque ita restitutus fuit, ut nunc sexagesimum annum ætatis prætergressus, absque perspicillis, & legere, & scribere possit.

Solet quoque in huiusmodi affectibus hepar plus iusto calidus esse, quod & in nobili ægro vestro adesse non dubito. Hinc vapores multi à centro corporis ad cerebrum elewantur, malumq; adaugent, quapropter

*Setacei pra-  
stantia.*

*Observatio.*

per prospiciendum est, ut quantum quidem fieri possit, ad temperiem, reducarur hepar; fiet id optima victus ratione, reiteratis quin etiam purgationibus, ex thabarbaro, syrupo rosato solutivo, de cichoreo cum thabarbaro, & similibus. In affectibus quoque hepatis non exiguum fructum adferre fonticulum ad dextrum poplitem factum, non raro observavi. Est enim via satis apta, per quam hepar se exonerare facile potest.

Cæterum quæris an in hoc dubio statu, & metu suffusionis futuræ topica citra inflammationem, aut vim siccandi magnam, attenuantia & dissolventia locum habere possint, & tuto adhiberi? an potius certior factæ suffusionis cognitio, & maturatio expectanda, quæ suo tempore manuali operatione curetur & extirpetur? Respondeo ex Hippocrate: Morbi cum inchoant, si quid movendum videtur, move, &c. neque donec suffusio, quæ etiam nuncin fieri est, omnino sit facta expectandum esse. Futuram enim malum retardare, & quantum fieri potest præcavere, Medici officium est. Deinde major obstructio nervorum opticorum ex cunctatione illa verenda, atque expectanda esset. Quapropter præter victus rationem, purgantiam medicamento- rum utrum, & applicationem fonticulorum, etiam topica non improbarem; inprimis si nulla intemperies calida circa oculos observetur. Cum enim causâ mali sit vapor lentus ac crassus, vim attenuandi, incidendi, & nonnihil excalefaciendi, ut medicamenta habeant, necesse est. Non rejicerem itaque purgato prius corpore usum aquæ Euphrasæ, scæniculi, rutæ, chelidoniz, imò etiam aquæ vitæ, sed parci- sime, & non nisi per intervalla, reliquis admixtæ. Extractum cheli- doniz non solum in externis nubeculis, verum etiam in incipiente suf- fusione præstantissimum esse, & ipsius generationem retardare exper- tus sum, incidit enim attenuatque crassos istos humores, qui visum obfuscare solebant: sed quia utcumque acre est, non ultra magnitudi- nem capitis aciculæ pro vice, oculo imponendum est, idque fiet hora matutina, antequam æger lecto egrediatur. Hoc tempore hyemali, si collyrio ex præscriptis, aut similibus aquis uti noluerit æger, præstat et id, cum quieti se tradit, quam quovis alio tempore, applicare. Frigus enim cum in hujusmodi affectibus sit inimicissimum, verendum esset, ne humectatio illa interdiu facta propter sfigiditatem aëris, noxia esset, nisi per intervalla guttulam unam aut alteram collyrii calidè o- culis instillare videris. Nocturno vero aquas præscriptas non tantum oculis

Quæstio.

Extractum  
chelidonia  
in quibus  
affectibus o-  
culorum  
præstantissi-  
mum.

Extr. chelidoniae  
Tonica quomodo oculis  
adhibenda. Resp. 1.  
L. L. cap. 1. 1. 1.

lis instillarem, verum etiam lineum reduplicatum & aquis istis madefactum, oculis simul calidè applicarem: Deinde frontem, oculosque linteis suavis involverem. Atque hæc sunt, vir amplissime, quæ hoc tempore, cum negotiis obruor, & Masnopolim ad reverendam quædam, ac nobilem Canonissam, gravissimo affectu oris, post extractionem dentis, laborantem, proficisci cogor, ad tuas respondere potui. Tu ut omnia amicè interpretari velis, multum rogo. Si quid ad me rescribere volueris, literas Basileam ad amplissimum virum Dn. Doctorem *Baubinum*, qui intimus meus est, mitte. Scribis ægrum forsitan post hac præsentiam meam desiderare, id si advenit, quia huic Reipublicæ adstrictus sum, consultū esset, ut ad Senatum hujus urbis scriberet, quo eo facilius licentiam impetrare possem. Hisce vale vir amplissime, & cum tuis omnibus feliciter vive diu. Raptim Bernæ Helvetiorum 30. Novembris 1615.

## EPISTOLA LX.

JOHANNES-GREGORIUS GOBELIUS *Med. Doctor, &c.*  
 GUILHELMO FABRICIO *Hildano S. P. D.*

*Respondetur  
 epistolæ  
 præcedenti.*

Clarissime & expertissime Dn. amice colende, propter accuratè scriptum consilium accipe 8. florenos Ungaricos, quos mercator Augustanus curabit Bernæ tibi in auro numerari: eo nomine cupio, mihi per te recognitionem, ut vocat acceptæ pecuniæ perscribi. Optassem munus amplius, sed fortè dabitur occasio aliàs ampliore honorario te onerandi, quod faciam libenter, ubi res exiger. Consilium tuum omnibus valdè probatum est, in hoc solum movebant aliquid diffidit, cum vicio ventriculi oritur hebetudo & obscuritas visionis, quare in nostro subiecto solum dexter oculus a te datus sit; cum nulla sit potior ratio, ventriculi vapores exhalantes magis dextrum, quàm sinistrum latus occupare.

Habeo hic tres tuam opinionem desiderantes, unus præclarus sanè vir laborat tumore in dextra tibia à sex mēsis, judicāt esse steoma, ego hæsitō: morbi Gallici nulla est omnino suspicio: Interim indies tumor altius surgit, nisi lassa in plumbea reprimatur. Accedunt Sciatici & Gonagrici dolores: adolescentulus laboravit destillationibus ad oculos, maximè dextrum. Aliæ sunt mulieres, una polypo incipiente, altera

*106 Tumor in  
 dextrati-  
 bia.*

altera confirmato affecta est cum fœtore. De modo, quomodo huc vocari possis, laboro, merces te digna certè præstabitur. Præsenti sub manu crescet opus & opes: quæ tua sit sententia, expecto. Interim cum uxore & liberis vale feliciter. Salutem dico & ascribo Domino Weis Reipublicæ vestræ Syndico. Cursim Monachi postridie Kalend. Julii 1616.

## EPISTOLA LXI.

*Ad Virum amplissimum Dn. JOHANNEM - GREGORIUM GOBELIUM, &c. cui GUILHELMUS FABRICIUS Hil-  
danus S. P. D.*

**A**Nte paucos dies, Vir amplissime fauor & amice æternum obser- *Responsio ad  
epistolam  
præcedentē.*  
vande, Lausannâ, ubi ad egros quosdam vocatus fueram, domum  
rediens, tuas unâ cum honorario transmissis, domi meæ inveni, cujus  
nomine, sed inprimis pro præclara tua in me benevolentia, gratias,  
quas possum, ago habeoque maximas. Literas, quas conjunx mea, me  
absente ad te dedit, te jam dudum accepisse non dubito. Causam,  
quam ex me intelligere cupis, cur dexter oculus potius sinistro affici-  
tur, hanc esse existimo: nimirum quod nobilissimus æger à juventute,  
ut ex præcedentibus tuis colligo, ad sue factus fuerit, in visu & oculo-  
rum functione solum ferè dextrum oculum adhibere, clauso sinistro,  
dextro juxta adhibito perspicillo. Sinister itaque oculus, cum continuo,  
ut ita dicam, in otio esset, dexter verò in motu, nullum est dubium, o-  
culum paulatim debilem & fluxionibus obnoxium redditum fuisse.  
Sunt & nonnunquam causæ internæ, cur una pars alterâ potius læda-  
tur, quæ Medicum latent. Quis enim, quæso, causam, cur paralysis in  
uno dextrum, in altero verò sinisterum latus occupet; aut quod calculus  
nunc in dextro potius, quàm in sinistro rene concreascit, excogitabit?  
In empty eis aliquando alteram partem pulmonis veluti sanam, alteram  
putredine penè exesam reperi.

Affectus in dextra tibia, de quo scribis, an sit steotoma, ex tuis nō sa-  
ris colligere possum. Steotoma autem, ut *Galenus* meth. medendi lib. 14. *Steotoma  
quid?*  
& *Paulus Aegineta* lib. 6. cap. 36. testantur, tumor est, in quo materia se-  
vo similis, continetur; ut plurimum nullus adest dolor, neque adeò  
durus est tumor ille. Quicquid sit, verisimile est, materiam illam, quæ



*Curatio.*

olim ex capite ad oculum dextrum decumbebat, nunc ad coxam & tibiam defluere. Re & igitur faceres, meo quidem iudicio, si prius purgato corpore, revulsionis gratia cauterium potentiale brachio dextro applicares, & fonticulum fabricares. Laminam plumbeam non improbo: solitus sum eam Mercurio vivo inungere, sic enim magis digerit, concoquit, incidit ac resolvit materiam illam viscosam. Convenit quoque emplastrum de ranis cum Mercurio. His si materia contenta in halitum revocari non potest, ad majora remedia transeundum est, de quibus vide *Galenum, Paulum Aeginetam, Celsum, & alios*. In apertione tamen, aut excisione diligenter prospiciendum est, ne aliquid maligni subfit: hoc enim aliquando evenisse, atque huiusmodi tumores in maligna ulcera transisse memini. Quod si vas aliquod magnum, veluti venam aut arteriam in se continuerit, hæmorrhagiæ in operatione diligenter habenda est ratio.

*De Polypo.**Curatio  
Polypi.*

De duob. Polypis, inveterato nimirum, & incipiente scribis. Polypus, si inveteratus fuerit, & in sordidum ulcus degeneraverit, difficile curatur, & nonnunquam cartilagine ipsas erodit: habes hac de re observationem singularem in 2. centuria observat. 22. In huiusmodi ulceribus aquis, & cineribus ranarum & gammarum, Saturno item, calcinato aut dulcificato, croco Martis, & similibus, maximo cum fructu utor. Sed derivatio per setaceum in huiusmodi effectibus imprimis necessaria est. Incipienti polypo aliquando ad radicem illius, beneficio instrumenti vinculum injeci, feliciterque ipsum filo abscidi: postea per dies aliquot exsiccantibus adhibitis medicamentis æger convaleuit. Sed de topicis tantum scribo, & quidem Laconicè, propter temporis angustiam, jamjam enim Basileam ad ægrum mihi descendendum; de reliquis, cur ego non & quas Athenas ferrem? Libenter tractatum meum de dysenteria ad te misissem; sed ignosce, non licet nunc: fiet alius. Vale

Viramplissime, & æternum quam felicissime vive cum tuis omnibus. Ocyus Bernæ Helveticorum die

8. Augusti 1616.

## EPISTOLA LXII.

*Ornatissimo ac celeberrimo Viro Dn. JOHANNI GRIFFONIO  
apud Bruxellenses Medico-Chirurgo excellentissimo, Domino &  
amico suo colendo GUILHELMUS FABRICIUS Hildanus  
S. P. D.*

**L**iteras tuas, vir clarissime, 15. Novembris Bruxellæ datas, proximè elapsi Januarii die 12. accepi, quæ mihi multis de causis fuerunt gratissimæ, præcipuè verò, quod te vivere & valere, imò semimortuum resuscitatum, deinde etiam nostri memorè esse, nos certiores fecerint. Anxius enim fui vehementer, & graviter ferebam tam diuturnum silentium tuum. Scripsi ad te sæpius, inquisivi de te per amicos: sed agitur jam sextus annus, ex quo nihil literarum à te accepi, præter illas, quas jam recensui. Jam gaudeo (& Deo Opt. Max. gratias ago) te vivere, te valere, tuumque in me amorem continuare. Ego curabo, si Deus vitam dederit, ut quanti te faciam, & amem, posthac intelligas, ubicunque enim sese obtulerit occasio, honorificè nominis tui mentionem sum facturus, ut etiam videbis in tractatu meo Germanico de gangræna, qui his nundinis in lucem prodit, in quo ad minimum te quinque citavi, & admirandam tuam dexteritatem, & experientiam extuli, modestè tamen, ne videar nimis affectare. Vellem tibi aliis in rebus gratificari, sed nullæ mihi sunt facultates, quibus animum meum benevolulum, & observantiam erga te possim testatam facere: tu omnia æqui bonique consule. Cæterum quàm ægrè, & graviter casum tuum tulerim, & quousque contristatus fuerim, verbis nō satis explicare possum, & tibi ex animo condoleo. Interim tamen ad patientiam, & constantiam te adhortor, quandoquidem nobis necessariæ, & utiles sunt in hac vita afflictiones, ut à Lethargo peccatorum nostrorum expergiscamur, nosmet agnoscamus, atque voluptates, & animi passiones calcare discamus, tandemque ad Deum confugiamus. Ille enim fidelis est, nec  
1. Cor. 10.  
sinit nos tentari supra id, quod possimus, sed præstabit unā cum tentatione etiam evasione, ut possimus sufferre. Precor itaque Patrem cælestem, ut nos in rebus omnibus adversis muniat suo spiritu, & per fluctuosum hujus mundi oceanum, tandem nos ad vitam æternam

perducatur. Mihi quoque non pauca advenērunt incommoda, & indies adveniunt, ut alias ad te scripsi. Et ut verbo dicam, vita nostra ærumnosa, & miseriarum plena est, quibus Deus tandem cum ipsi placuerit, finem dabit. Sed calamitates & afflictiones corporis, atque rerum caducarum parvi sunt momenti, videamus, & Deum invocemus, ut salvam nobis conservet conscientiam, nosque suo spiritu corroboret, ne sub cruce succumbamus, aut à veritate declinemus.

Horror te, imò & obsecro, ut animum tuum ad studium Chirurgicum vertas, ex hoc enim studii genere multas percipies utilitates, quarum præcipua est Dei gloria, & propagatio ipsius omnipotentia: ad quam admirandæ illæ operationes & curationes, quas fecisti, ut meis his oculis me vidisse testor, sunt referendæ. Ne sinas igitur talentum, quod à Domino accepisti, in terram sepeliri teque inter servos inutiles numerari. Promovebis item bonum publicum, tibi que decus & famam immortalem parabis. Interim quoque dum animus intentus est ad studia, quæ occurrunt adversa in rebus externis, facilius obliviscaris, & sic vitam hilariorem vives. Ego si hac in re tibi aliquid officii præstare possum, meo, uti par est, nunquam deero officio. Scribis te specimen observationum tuarum Chirurgicarum ad me missurum: nescio, quid hac de re ad te rescribere debeam. Recusare mihi non licet: tam bene enim de me meritis es, ut quomodo tibi testimonium aliquod gratitudinis meæ erga te exhibere possim, nondum videam. Persuadere præterea vix audeo, quandoquidem me hebetis & tardioris ingenii, ac in bonis literis parum versatum tanti viri scripta revolvere, magna esset temeritas. Veruntamen si qua huc ad me mittere tibi placuerit, non minorem adhibebo diligentiam, ac si essent meæ propria, atque sub tuo nomine in lucem dabo: neque me gravabit labor iste. Eorum scriptorum, quæ mitis, apographum tibi reservare suadeo: sæpe enim scripta in itinere intercipiuntur atque deperduntur. Poteris ea Colonia ad Dn. Gotschalcum Monhemium Pharmacopolam in campagna aurea in platea Baven Marren dicta, mittere: is mihi amicitia junctus est, & diligentiam adhibebit, ut ea accipiam. Si qua occurrunt instrumenta nova, & à te inventa, vellem, ut curares, illa diligenter delineari: nihil enim, ut scis, magis ferè desideratur in operationibus Chirurgicis, quàm inventiones optimorum instrumentorum, quibus non raro operationes, quantumvis difficilissimæ, facillimæ efficiuntur. Te hac in parte, ut in reliquis Chirurgicis ex æstimum & ingeniosissimum esse scio

scio: idque inter plura alia testatur egregia illa operatio & restauratio nasi deperditi, quam ante annos aliquot Lausannæ in puella magna cum laude & admiratione omnium perfecisti, ubi jam vix licet cicatricem conspiciere: Illa ante annum nupsit viro. Quæso igitur, ut cures delineari instrumenta à te inventa, ne tecum moriantur. Ego nonnulla rara & summè ut lia excogitavi, quæ publicæ utilitatis gratia, si Deus vitam extenderit, in lucem dabo. Si delineationes eorum, quæ inventisti cum instructione, quomodo eis utendum, ad me miseris, curabo, ut sub tuo nomine meis addantur. Superiori autumno habuimus hic dy-senteriam popularem, ideo de hoc morbo tractatum edidi Gallicum: libenter ad te misissem exemplar: sed mercatores hoc transeunt, non facile se onerant magnis fasciculis literarum. Succinctus est, sed quantum fieri potuit methodicus, tu poteris à vestris Bibliopolis tibi comparare, examinare atque censuram & iudicium tuum rescribere. Si hujus argumenti rara aliqua observaveris, rogo, ut ea Reipublicæ utilitatis gratiâ communicare non graveris, ut in secunda editione tuo nomine quoque illustratum sit opusculum. His vale Vir præstantissime, & Chirurgorum decus, & vive in Domino. Paterniaci Martii die 20. Anno 1603.

*Nasi de-  
perditæ re-  
stauratus.*

## EPISTOLA LXIII.

*Reverendo ac doctissimo viro Dn. JOHANN. JACOBO GRAS-  
SER O verbi divini ministro* GUILHELMUS FABRICIUS  
*Hildanus S. P. D.*

QUæ Genève misisti clarissime, atque doctissime Dn. Grassero ami-  
corum optime, mirum in modum grata mihi fuere omnia, præser-  
tim doctissima Disertatio tua de *Antiquitatibus Nemausensibus*, quam non  
sine maximâ oblectatione perlegi. Cæterum post, tuum à nobis abi-  
tum singularia nonnulla in re antiquaria mihi observare licuit, quæ tibi  
harum rerum inprimis studiosissimo, communicare non gravabor.

Ebrodunum enim ad nobilissimi Dn. Bartholmæi My ibidem pro  
tempore præfecti prudentissimi uxorem, morbo gravi laborantem  
vocatus, cum ibi per dies aliquot subsistere coactus essem, succisissimis  
horis de antiquitatibus inquirendis aliquândo sollicitus eram: Oppi-

*Antiquita-  
tes Ebrodu-  
nenses.*



dum enim hoc olim fuisse locum celebrem, & amœnissimū, historici, & numismata, quæ ibi reperiuntur, fidem faciunt. Porro cum nobilissimus Dn. Præfectus circa antiquitates me studiosum, esse observasset, in pagum quendam *Ursin* nomine, per filium suum & Dn. *Nicolaum à Grassenried* patricium Bernensē me conducere curavit. Distat autem pagus iste Ebroduno Lausannam versus, iter duarum horarum, & in colle, atque amœnissimo loco situs est.

Primo ductum ibi subterraneum, testudineatum, & eleganter extructū vidimus: latus est quatuor circiter pedes: profundus verò: ut homo aliquomodo incurvatus commodè per eam perambulare possit. Tendit ductus ille Sacellum (quod in altiore loco pagi situm) versus. In sacello præterea, & cœmiterio murus antiquus, & spissus, fragmenta item marmorea (quæ splendidum ibi & egregium aliquod olim fuisse ædificium, fidem faciunt) conspiciuntur. Inde nos *Jonas Orsonin*, unus ex primariis ejus loci, extra pagum centum circiter passus in agrum suum conduxit, ibique per rusticos sepulturas ad minimum septem, aut octo detegi curavit. Locus iste petrosus est, sterilis, & ante paucos annos dumetum fuit. Sepulturæ autem in ipsam petram, quæ non admodum dura, sed arenosa *Sandstein* appellant, excavatæ, & insculptæ sunt, nec admodum profundæ, neque nisi terra arenosa cooperatæ. Et si enim olim iisdem lapidibus tectas fuisse, verisimile est, propter temporis ramen diuturnitatem, & lapidis mollietiem omnia faciliè à pluviis potuisse collabi existimo. Quatuor autem ex his sepulturis vacuæ erant, forsàn quia puerorum, aut juvenum cadavera ibi deposita fuerant. In reliquis præcipua ossa cadaverum, cranium nimirum, ossa brachiorum, coxarum, tibiarum quæ, & eo quidem modo, ac ordine, quo olim cadavera imposita fuerant, invenimus. Ossa verò parva adtœnæ, veluti costæ, ossa digitorum, & hujusmodi non inveniebantur. Cadavera omnia Orientem versus respiciebant, nec brachia, nec manus Christianorum more pectori imposita erant, sed ad latera, & coxas decumbebant. In duobus horum monumentorum arma, eaque ad sinistram latus cadaveris posita invenimus: in uno scilicet gladium, qui latitudine pollices duos cum dimidio, longitudine verò viginti continet, ex una tantum parte scindentem, planè eo modo fabricatū, ut olim apud Romanos militibus in usu fuisse, numismata, & marmorea monumenta antiqua fidem faciunt. In altero porrò monumento sicam invenimus: omnia tamen rubigine penè exesa sunt, ut vide-

*Sepultura  
quædam in  
agro Ebro-  
dunensi re-  
perta.*

bis, quando ad nos reversus fueris. Laminam præterea ferream, & chrysographatam nacti sumus, videtur fuisse pars scuti. Hinc conjicio modum illum adornandi ferrum, quem nostri Damasquiner nominant, nostro seculo, ut nonnulli volunt minimè inventam fuisse. De scutis enim chrysographatis apud *Trebellium Pollionem* in vita *Claudii Gotici* me legisse memini. Collegimus & inter rusticos numismata nonnulla cuprea, inter quæ *Augusti, Faustine, Claudii Gotici, Galieni, Constantini M. & Juliani Apostata* tantum agnoscere potuimus, reliqua rubigine exesa erant. Ex his Magnates ibi inhumatos, & eo tempore, quo Romanum Imperium floruit, Ebrodunum celebrem fuisse locum, perspicuū sit: Quinetiam Gothos ibi habuisse sedem, testantur eorum numismata, quæ in agro Ebrodunensi reperiuntur. quorum mihi nonnulla argentea ab amicis communicata fuerunt. In quodam autem prædicto monumentorum Sceleton magnæ stature & ferè integrum præter ossa digitorum & pedum, invenimus. Hujus cranium præter modum magnum erat, & quod mirandum, dentes omnes & inferioris & superioris maxillæ integri, tamque sani & illæsi erant, ut nihil supra. Cranium tamen hoc, cum ego id integrum è terra evellere, & mecum auferre, sollicitus essem, frustratim concidit, præter verticem & bregmata, quæ in musæolo meo conservo: in ista autem parte cranii hæc notatu digna conspiciuntur. Primum spissitudo, quæ duplo quovis alio cranio humano crassior est: Deinde nulla apparet sutura, ut mirum sit, quomodo homo iste ad illam ætatem pervenerit, dentesque tam sanos habuerit: quandoquidem qui futuris carent, fluxionibus obnoxii, & dentes exesos habere solent, ut ego hæcenus in multis observavi.

*Sceleton ingenti magnitudinis in agro Ebrodunensi repertum.*

In alio præterea quodam pago in agro Ebrodunensi Yuorne, & Mordagne nomine, ad lacum sito, pavimentum tessellatum conspicitur, cujus antea quidem frustula nonnulla ad me pervenerant: nunc verò ejus quoque ocularem inspectionem habui. Est id in horto cujusdam rustici, terrâ tectum, circiter tres pedes, & artificiosè extructū, ut ex frustulo, quod mitto, videre poteris. Plura non licet. Vale vir doctissime & humanissime, & me, ut facis ama. Raptim

Paterniaci Aventicorum 29. Augusti

1608.

## EPISTOLA LXIV.

*Clarissimo atque doctissimo viro Dn. JOHANNI KÜFFERO  
Doctori Medico Argentinenſi celeberrimo, amico ſingulari.  
GUILHELMUS FABRICIUS Hildanus S.P. D.*

*Cauterium  
pro fonticu-  
lis quomo-  
do applica-  
dum.*

**R**Elponſum tuum ad obſervationem meam, vir clariffime juxta ac doctiffime, quod te miſiſſe ſcribis, non accepi: quapropter ut id iterare velis, rogo. Illuſtriſſimus princeps, tibi notus me abſente Lauſannam tranſiit: alioquin quæ ſcribis, libenter præſtiſſem. Mitto, quod petis cauterium meum potentiale, pro fonticulis faciendis. Magnitudo parvi piſci, Inſtrumento illo argenteo, quod mitto, incluſa, ſufficit. Emplaſtro autem aliquo tenaciter adhærente, cooperite convenit inſtrumentum hoc, ne loco ſuo amoveatur: Pulvillus quoque ex linteo reduplicato ſuperimponendus, & ſcizia arcè ligandus eſt, ne cauterium cum liqueſcit, circum jacentes partes contaminet. Ita procedendo, & cauterium per horas ſex, aut octo, vel etiam decem in durioribus corporibus relinquendo, eſcharam habebis non latam ſatis, tamen profundam: quæ duobus de cauſis mihi ſummopere probatur. Primò quia abſque dolore ſerè perficies totum negotium, præcipue ſi ſcalpello, aut acie novaculæ ſecundo, aut tertio die (ne materia cum affluit, retineatur) centrum eſcharæ penitus emortuum exſtiteris. Secundò quia venas capillares in ambitu fonticuli, per quas affluentes humores exſtillare debent, conſervabis: eſchara enim ſi lata, & nimis profunda fuerit, coaleſcente ulcere, oſcula harum venarum callo obducuntur, minusque commodus & aptus erit fonticulus.

Cauterium autem ut cito liqueſcat, locus cui imponendum ſaliva humectanda eſt. Hæc tibi reſervabis.

Cæterum uxor tua leſtiſſima, quomodo valet? quomodo ipſi ſucceſſit ante annos duos ſuſcepta curatio? Reſcribe, ſi me amas, & nobilem noſtrum ægrum; uti quoque clariffimum virum Dn. D. Saltzmanum, meis verbis quam officioſè ſaluta. Salutat te Dn. Johannes Durenheimus, Notarius Czſareus, qui te iterum rogat, ut bulbos aliquot tuliparum, & coronæ imperialis, & ſi aliqui d ſeminis rarioris pro excolendis hortis habueris, mittas, & precium pro eis à noſtris pharmacopolis præ-

p̄sereſſet à Dn. Johann. Melchior Schurmeiſtero ipſius nomine repetas:  
i p̄ſemet tibi ſcripſiſſet, niſi negotiorum mole diſtraſtus fuiſſet. Vale &  
ſeliciter vive diu cum leſſima tua conſuge. Raptim Bernæ 15. Junii  
1615.

## EPISTOLA LXV.

*Idem ad eundem.*

Sillbertinâ Bernam reverſus, clariffime amiciffimeq; mi Dn. Doctor,  
ſtot occupationibus diſtraſtus fui, ut maturius ad te ſcribere non po-  
tuerim. Haſtenus enim morbus iſte Epidemicus ex Italia à militibus  
noſtris allatus, hîc graſſatus eſt: ceſſat tamen nunc, laus ſit Deo Opti-  
mo Maximo. Contagioſus fuit, & multos viros egregios è medio  
abſtulit, quorum major pars phreneſi obietunt: alii ſopore correpti  
placidè animam reddidère: alii poſt dies aliquot veluti ex ſomno pro-  
fundiffimo expergeſcunt, paulatim convaluerunt. Hi de dolore capitis  
non uſque adeo conquieſti ſunt, uti multi, qui propter maximos capi-  
tis cruciatus ita delirant, ut ſibi metipſis vitam exhaustiſſent, niſi ad-  
ſtantium diligentia obſuiſſet. Etiam nunc nobiliſſimum juvenem ex  
familia Erlachiorum curandum habeo: is ante meum adventum ex mor-  
bo quidem iſto convaluit: loquela tamen & auditus, imò etiam inge-  
nium ipſum ex parte depravatum eſt. Cæterum, quæ promiſi, nunc ad  
te mitto, primò Oſteocollam, ſive lapidem ſabuloſum, quem ego ipſe  
met cum anno 1613. in Germaniam vocatus eſſem, collegi: præpara-  
tionem & uſum ex centuriis meis colligere poteris. Mitto quoque oſſa  
aliquot triangulâria, quæ ad epilepſiam debellandam ſingularem vim  
habere expertus ſum. Ante ſexennium ultra centum horum oſſium  
habui, inter quæ, quod notandum, vix duo reperiebantur, quæ ſibi in-  
vicem magnitudine & figura reſpondebant. Dn. Jacobus Probus Phar-  
macopæus ille Viviacenſis, cui ego in primis præparationem unguenti  
de Arthanita, quod à me exigiſ, ſidere ſtatueram, ante meſes aliquot  
epidemicæ quoque iſta lue ex hac luce ſubtraſtus fuit. Doleo proſecto:  
fuit enim vir pius, & in ſua arte excellens ac fidelis: qui & propter vi-  
cinos montes unguentum hoc præparandi commoditates omnes  
habebat. Quantum mihi huius unguenti ſuper eſt, tibi communico,  
mediamq; partem mitto: miſiſſem libenter plus: ſed crede mihi, ne

*De morbo  
Epidemico  
Anno 1617.  
Bernæ, & in  
vicinia  
graſſante.*

*Oſſa trian-  
gularia ad  
epilepſiam.*



umbram quidem hujus unguenti apud seplasiarios nostros invenire potui. Vides, quomodo floreat apud nos ars med. ca. Quamprimum montes nostri propter nives aditum permiserint, & hujus unguenti simplicia in vigore fuerint, nec sumptibus, nec laboribus parcam, donec ego ipsemet ingredientia recuperare, ac compositionem meam specialem præparare possim: cujus tunc te quoque, si Deus Optimus vitam concesserit, participem faciam. Ad observationem meam 38. centuriæ 3. tibi inscriptam, nullam à te accepi responsum: quapropter ipsum aut in via deperditum, aut à te neglectum fuisse, certum est: quicquid tamen sit, ut defectum facile refarcire potes. Superiori ætate aliam tibi inscripsi observationem, de inepta & periculosa applicatione; ne caustici: sed propter peregrinationes varias, & occupationes continuas, missa non fuit: Illam nunc benignè excipe, amicè interpretare, & si occupationes permiserint, ad ipsam ocyus responde: præ manibus enim habeo nunc Centuriam quartam observationum, cui etiam illam inseram. Ad excellentissimum virum Dn. *Johannem Bregenferum* prolixè scripsi, & quidem Germanicè, quo conjunx etiam ipsius sciat, quæ circa maritum agenda, aut omittenda erunt. Supervacaneum quidem esse scio, cum tu quotidie ipsi sis præsens: sed quia ita voluisti, & mihi injunxisti, libenter parui. Utinā tibi & agro satisfecissem. De aliis quoque duabus matronis quid sentiam, Germanicè ad te scribo, quo possis, si ita tibi visum fuerit, ipsis literas meas prælegere. His vir clarissimè, quaterque vale, imò cum tuis omnibus, quos tecum ego & uxor mea peramanter salutamus, æternū quā felicissimè vive. Clarissimum atque doctissimum virum Dn. D. *Rixingerum* uti quoque clarissimum virum Dn. D. *Saltzmannum* meo nomine, quæso, saluta plurimum. Dabam Bernæ 16. Febr. 1618.

## EPISTOLA LXVI.

JOHANNES LEPORINUS *Med. D.* GUILHELMO FABRICIO *Hildano S. P. D.*

**L**iteræ tuæ clarissimè excellentissimèque Dn. *Fabrici* amice & fautor colendissime, ad Dn. D. *Klufferum* exaratæ 20. Januarii me quidem præsentè ipsi exhibitæ sunt: ex quibus tum valetudinis tuæ, (de qua tamen valdè dubitavimus hætenus, eobrem quod dum superiori

vi Vere Basileæ viverem D.D.D.D. *Plattero & Baubino* sinistri quid relatum de ea cognoverim) tum omnium rerum statum prosperrimum intelleximus, de quibus omnibus ex animo tibi gratulamur, nobis vehementer gaudemus: præter enim spem omnem Deus nobis ipse reddidit *Fabricium* nostrum, quem fata nobis acerba eripuisse, dudum satis conquesti sumus hæctenus: ò faxit Deus, ut & nobis & multis aliis vigeat, & vivat in longos annos. Si quid de nostris scire desideras, breviter sic habe. Setaceum, quod imposuisti Dn. *Antistiti, Johanni Bregenzer*, haud sine effectu abiit, is liquidem pristinae valetudini ita restitutus est, ut dum materia catarrhosa per factum emundatorium derivata, pulmones non amplius infestaret, illi convaluerint, & ea, quæ fere consumpta erat musculorum caro jam iterum florida appareat, corpus vegetum sit, & vigeant artus, ex quæ bona illa crasi & temperatura, cerebrum etiam novum acquisivit robur, ita ut cuncta, Deo Opt. Max. sit laus in perpetuum ex voto successerint, unico saltem adhuc relicto symptomate, eo nimirum, quod clara voce ea, quæ vult, proferre non possit prædictus Dominus, ad quam molestiam tollendam, si modum aliquem excogitatum haberes, eo quæ nobis succurreres, magnum profecto quid præstares, ille quæ satis abunde compensaret. Ossa quidem, fateor, tenuia, lara, ex palato exempta ipsi sunt ante duos (si rectè memini) annos, verum foramen nares versus nullum apparet: ita ut existimare prorsus non possim, inde illud malum, sed potius ex excelsa laryngis particula inferiori, arteriæ quæ parte superiore ortum traxisse.

Me quod attinet, superiori ego ætate, postquam Basileæ Doctoris gradu ornatus essem, Galliam adii, in quo itinere perquam libenter te visitasse, verum tristi tumore, qui tamen non nisi vanus, Deo gratia, fuit, deterritus, per Burgundiam Lutetiam versus me contuli: postmodum Aureliæ aliquandiu, ut & Blæsiis commoratus, familiaritate doctissimi Medici Dn. D. *Pauli Renealmi*, & aliorum usus sum. Adventante verò hyeme Argentinam iterum me contuli, quam feliciter ante paucas septimanas de novo ingressus, ibidem usque ad tempus vernū, Deo volente, subsistere constitui. Unicum est, quod sollicitis à te rogo precibus, hoc namque, ut consilio mihi in subsequenti casu adhis. *A-*

*Ex catarrho ad pulmones tabes setacei benefici curatum.*

*Suffusio oculorum.*

& senſum viſus ejuſdem omnimodè perierit: idem poſtmodum cum

Anistro accidit, ut jam nihil, præterquam exiguum lucem, ac eam vix quidem mane cum surgit, sentiat. Cum verò is sit temperamento melancholico, & corpore valdè sicco, nihilque in eo animadverti possit, quod ad defluxionem capitis faciat, inutilem putavi setacei impositionem, licet sciam Tuam Excell. in oculorum affectionibus eodem feliciter aliquoties usum fuisse. Rogo igitur Excell. Tuam summopere, ut mihi quid in hoc casu faciendum esse censeat, haud gravatim significare velit, an commodum fore putet, humorem talem vel per interna medicamenta digerendum & evacuandum, ut nicotiana & similibus, vel per externa aliquid absque periculo erosionis tunicarum oculi, telandum: Sic quidem *Aquapendens* in lectionibus Chirurgicis proposuit. Hac in re si benevolum ego sentiam experientissimum Dn. *Fabricium*, & summè penè mihi gratulabor, & ipsi omni officiorum genere devinctum me agnoscam. Bene valeat Excell. Tua cum omnibus suis, & officiosam salutem accipiat à Dn. D. *Saltzmanno*, & me etiam, ut & Dn. D. *Küsser* uxore, ipsum ad manus habere non potui, nec expectandi tempus ulterius datum est tabellioni: Ipsa Tuæ Excell. uxorem honorificentissimè salutare jussit. Argentinz 27. Januarii 1613.

## EPISTOLA LXVII.

*Doctissimo atque præstantissimo viro Domino JOHANNI LE-  
PORINO Med. Doctori GUILHELMUS FABRICIUS Hil-  
danus S. P. D.*

Litteras tuas suavissimas, & theses doctissimas charissime, atque doctissime Dn. *Leporino*, accepi, ex quibus te Doctoris utulo ornatum esse animadverti, atque didici. Ex animo tibi congratulor, Deumque suppliciter oro, ut Spiritu suo sancto tibi adesse, studia quinetiam tua ita dirigere velit, ut cum tibi, tuisque, tum etiam infinitis aliis prodesse possint: in primis verò, ut per eam gloria Dei amplificetur, utilitas proximi procuretur, & familia *Æsculapidea* illustretur.

Nobilem nostrum ægrum Dn. *Johannem Breynerum* ex morbo suo gravissimo per Dei misericordiam convalescere, maximo cum gaudio extus intellexi literis. Vocem tamen etiam nunc aliquomodo depravatam esse, mirum non est. Ex diuturno enim ad asperam arteriam de-

fluente

fluente catarrho, organa vocis mirum in modum labefactata, & nonnulla forsitan erosa fuisse, nullum est dubium. Verum quia absque oculari inspectione difficulter hac in re aliquid certi definire possum, summopere doleo, quod in reditu meo ex Belgio Argentinam pertransire, & optimum istum virum invisere mihi non licuerit.

Ad casum illum de suffusione, quem proponis, propter occupationes, & tabellarii festinationem paucis respondere cogor. *De suffusione.* Quæritur, an setaceum in suffusione prodesse possit? Respondeo, nunquam illud in hoc casu obfuisse, non semper tamen profuisse, hætenus me observasse. In principio enim morbi, cum materia adhuc in motu est, & ad oculos fluir, hoc genus remedium maximi est momenti, materiamque ne ad oculos fluat, impedit. *Setaceum an in suffusione conveniat.* In confirmata vero suffusione semper veluti inutile fuisse setaceum, in multis observavi. Quandoquidem materia illa crassa, viscidaque oculo inclusa, quomodo setacei, imò & medicamentorum beneficio evacuari possit, non video. Confirmata enim suffusionem nonnisi manuali operatione acui scilicet auferri posse, experientia me edocuit. Hujus sententiæ quoque *Galenum* de symptomatum causis lib. 1. *Avicennam* lib. 3. ser. 3. tractat. 4. cap. 20. *Celsum* lib. 6. cap. 6. *Guidonem* tractat. 6. doct. 1. cap. 2. *Petrum Francum* libro de herniis cap. 52. & 53. *Petrum Pygrium* lib. 2. cap. 2. & alios fuisse, eorum scripta fidem faciunt. Setaceum itaque, quia tuo ægro parum prodesse posse existimo, illud, ut applies, non suadeo. Præsidium enim hoc, quod in quamplurimis capitis & oculorum morbis multis profuit, in desperatis morbis apud vulgus odiosum & suspectum reddere non licet. Clatissimus vir *Dn. D. Felix Platerus* setaceum in suffusione omnino improbat: suffusionem enim contra opinionem omnium ex affluxu humorum fieri negat. *Plateri de suffusione opinio.*

Usum Nicotianæ in hoc affectu non omnino improbo; quandoquidem, teste *Manardo*, calefacit, resolvit, mundificat, & aliquantulum adstringit: corpus tamen ut prius evacuatum sit, necesse est. Fumus enim Nicotianæ materiam non solum ad fauces, verum & ad ossa cribrosa & nares trahit: hinc in impuro corpore magis magisque obstruuntur nervi optici. Deinde quia æger tuus temperamento, ut intelligo, est melancholico, & corpore valde sicco, raro, ut utatur fumo isto Nicotianæ, suadeo. Conveniunt & masticatoria ex pyrethro, raphisagria, majorana, mastice & similibus, uti & cucurbitulæ scapulis adhibita. Oculis collyrium ex aqua sceniculi, chelidonie, rutæ & euphrasie in-

*Nicotiana an in suffusione conveniat.*  
*Cautio in aqua sceniculi pro collyrio.*



stillarem. A quam autem fœniculi (quod notandum) non ex semine, nimis enim acris est, sed ex herba destillatam esse convenit. Poteris & parum mucilaginis seminis cydoniorum admiscere, ut aliquo modo inspissetur colligitū, neq; cum lachrymis tam citò effluat. Nonnulli saccharū, fel pisciū, & perdicū aliaque acria addunt: quæ quidē in incipiente suffusione non semper spernenda: in confirmata verò absque fructu ægrum macerant; non enim ad locum affectum usque propter crassitiam corneæ membranæ, & quod lachrymis protinus abluantur penetrare possunt. Restat igitur manualis operatio, quæ exercitatum requirit Cheirurgum. Vale vir clarissime atque doctissime, & saluta meo & uxoris meæ nomine celeberrimum virum Dn. D. Küsserum & lectissimam ipsius conjugem. Raptim Lausannæ 8. Febr. 1613.

## EPISTOLA LXVIII.

*Clarissimo variarumque scientiarum & linguarum peritissimo Vi-  
ro Dn. JOHANNI RHETERIO, Lingua sanctæ in Aca-  
demia Lausannensi Professori dignissimo, Domino & Compatri  
summè honorando, GUILHELMUS FABRICIUS Hildanus  
S. P. D.*

*De puero  
cum dente  
nato.  
Dentes in  
utero for-  
mantur.*

**D**ENTES in utero materno formari, Vir undique doctissime, Hip-  
pocrates & experientia testantur, quod & ego sæpius in dissectioni-  
bus abortuum, qui nondum quartum mensem attigerunt, observavi.  
sed latent obduci gingivis in alveolis maxillarum, usque ad quantum  
aut sextum mensem ætatis vel ultra, prout calor natus vividus aut im-  
becillus fuerit. Idque Deus ita injunxit naturæ, ne papilla matris & lin-  
gua infantulorum dilacerarentur. Quinto verò hujus mensis Martii  
uxor Dn. Jona Merula Pastoris in Resudens puellam peperit, cum dente  
extra gingivas apparente. Ego heri cum reverendo Dn. Johanne Merula  
Pastore nostro, socero tuo, hujus rei lustrandæ gratia, in pagum Resu-  
dens profectus sum, ac dentem non solum vidi; imò (quia papillam ma-  
tris, & linguam infantis offendeat) extraxi. Fuit autem incisivus ille  
inferioris maxillæ, qui medius est ordine. Nō minus extra gingivā pro-  
minebat, ac si infans secundum annū ætatis jam attigisset, & alveolo  
firmiter satis inhærebat. Durus & acutus est, radicem latam, & aliquo  
modo

modo excavatum habet. Ex ipso dente ligamentum prominebat robustissimum, quo alveolo ad eum alligatus fuit, ut filo (quemadmodum solemus in pueris) ipsum extrahere mihi non licuerit. Mater tam bono temperamento cerebri prædita est, ut nunquam ex dentibus laboraverit: id quoque satis rarum est: Utinam tu & ego possimus de hoc optimo temperamento gloriari. Relatum enim est mihi, non ita pridem à Ludimagistro nostro, de fluxiones tuas ad dentes continuare, maximèq; te lacerari tormentis. Olim quinque aut sex annorum spatio de fluxiones & dolor dentium me ita excruciarunt, ut coactus fuero partem molariam curare extrahendam, nonnulli quoque carie exesi, sponte exciderunt. Jam verò, quia primis de fluxionibus dilatatae sunt, viz, dolor (laus Deo) ab aliquot annis cessavit. Quæso, ut generationis hujus dentis inquiras causas naturales, est enim Philosopho digna questio. Porro nudius tertius D. Tribunus me iussit totius Senatui, & suo quoque nomine tibi gratias agere pro honorifico epigrammate, quod in honorem hujus civitatis armorum conscripisti, & tractatum meo de dysenteria adjunxisti: oblata occasione, se non ingratum erga te futurum aiebat. His vale Vir doctissime cum tua conjugè & liberis, quos ego & uxor mea salutamus peramanter. Paterni aci die 12. Mart. 1703.

## EPISTOLA LXIX.

*Idem ad eundem.*

TAndem 24. hujus mensis, vir undique doctissime, & compater plurimum honorande, tractatum meum germanicum de Gægræna & Sphacelo principibus nostris obtuli: qui iis omnibus (ut reipsa expertus sum) fuit gratissimus. Clarissimum Dn. D. D. Lignaridum, Lentulum, reliquosque viros doctos tuo nomine salutavi: illi te vicissim salutant plurimum. Discedens Bernam cum clarissimo viro Dn. D. Paulo Lentulo D. Antonio à Grassenried & nonnullis aliis ad Apolloniam Schreiers puellam in Galtz, quæ jam ultra annos duos vitam sine ullo cibo, & potu transegit, profectus sum. Illa adhuc in eodem statu permanet, & videtur mihi aliquantum carnosior, quam fuit superiori anno, cum ipsam cum Præfecto hujus civitatis in visi, præcipue circa partes peætoris. Mammi' las naticis instar habet: Costæ vix conspici possunt: Vultus item brachia, & crura carnosiora sunt, uti & reliquæ corporis partes

*De Apollonia Schreiers  
qua sine cibo & potu  
vivit.*

tes omnes, excepto ventre, qui dorso planè adhæret, Ingenium habet firmum, visum, olfactum & auditum acutissimum. Sensus in partibus externis videtur aliquomodo depravatus, quando quidem pulices, & muscas non sentit. Ego tamen cum in tibiis vellem acie scalpelli explorare, an sanguis adesset, statim alta voce exclamabat, expavescerebatque ita ut ulterius tentare nihil auderem. Injecta tamen ligatura ad carpum dextrum, venæ in manibus sanguine satis turgidæ nobis apparuerunt. Vidimus quoque sudorem circa nasum, & in fronte erumpentem, & lachrymas (postquam ipsam phlebotomo tetigi) effluentes. Animadverti item pustulas nonnullas in manibus, quas præsentè Dn. D. *Lentulo & Graffenedio* acu apperui, ex quibus cruor emanabat: inde satis apparet, ipsam nuttiri, sed unde? Deus scit: nos cæci sumus omnes hoc in casu; dolus tamen nullus subest. Piæ totum nobiscum duximus, qui illam ad vivum adumbrabit. Clarissimus Dn. D. *Lentulus* nobis quoque promissit, se in lucem daturum, quæcunque hæc ænus hac in re annoravit: illisque effigiem puellæ forsan addet, habent enim jam Bernæ sculptorem non ineruditum. *Thomas* noster (proh dolor) nondum repertus est: scripsimus ad clarissimum Dn. D. *Herculem Saxoniam* Medicum & Professorum Patavinum, ut ibi de ipso apud illustrem nationem Germanicam inquirat: responsum avidè expecto. Patrem ipsius mœrore præterito mense Februarii obiisse, lachrymantibus literis Matris ipsius *Thoma* certior factus sum. Cæterum quantum ad res meas domesticas attinet, omnia, Laus Deo, bene se habent: Uxor mea 26. hujus mensis sub hora undecima noctis, filium mihi dedit, qui una cum matre, divino favore, optime valet. Faxit Deus ut ipsum in pietate ad Dei gloriam, & proximi utilitatem educare queam. His vale vir clarissime. & Professionis tuæ decus. Paterniaci 29. Junii 1603.

## EPISTOLA LXX.

*Idem ad eundem.*

Tuas vir clarissime, & compater perpetuò honorande, una cum re-  
studine accepi, cujus nomine gratias ago maximas, oblata occasione tuam in me liberalitatem & benevolentiam Deo dante compensabo. Typographus Genevensis, quem tuo & clarissimi Dn. *Goulartii* nomine mihi commendasti, incipit meliusculè se habere: ego nihil eo-

rum





*Tumores  
glandulosi  
in collo.*

*Exstirpa-  
tio.*

*Cerebrum  
exsiccatum  
& corrobo-  
ratur.*

tumens. De morbo filioli tui summopere doleo: uisnam & tibi, & illi hac in re officium aliquod prestare possem, sed impedit nos infelix distantia locorum. Interim tamen prospiciendum, ne negligatur morbus: Solent enim huiusmodi tumores glandulosi circumcirca collum frequenter indurescere, & malignitatem acquirere, ita quidem, ut postea (præcipue si erumpunt) curatu difficilissimi efficiantur. Inprimis vero pueris, qui naturâ tenelli, & medicamenta acria minimè sufferre possunt. Utatur itaque optima victus ratione, caveat sibi tum ab aëre frigido & humido, tum à cibis frigidis & humidis. Panis sit optimus, bene fermentatus & surfufosus, id est, non omnino à sui furibus depuratus. Caro non sit nimis humida, uti nec sicca, inprimis verò porcina, ferina & avium, quæ in aquis degunt, illi aduersantur, omnis quoque caro qualiscunque fuerit salita, & fumo exsiccata. Sit igitur sicca velut avium nemoralium, ovium, taurorum, & similium, potius assata, quàm elixa. Ferculis parum utatur, nisi fuerint juscula carniū, quibus salvia, rosamarinum, majorana, & satureia incocta fuerint. Legumina omnia olera, fructus etiam horarii, id est, qui faciliè corrumpuntur, quemadmodum pruna, cerasa & huiusmodi, pisces quoque & lacticia omnia, excepto butyro, non conveniunt. Vinum bibat albū, sed minimè generosum, quod decocto agrimonie, parum quæ veronica utiliter dilui poterit. Corpus ut per intervalla expurgetur, summopere necesse est. Id quia pilulis capitalibus in pueris fieri nequit, rebellæ diacarthami, vel per se, aut in jusculo carnis dissolutæ exhibendæ sunt, ad drachmas usque duas. Aut detur specierum electuarii indiminoris ꝑ℞. cum jusculo. Mechoacæ quoque radicum pulvis aliquando exhibitus, non abste fuerit. Deinde utatur cerebrum corroborantibus & exsiccantibus, tum sumtis, tum admotis. Sumat itaque singulis horis matutinis parum conservæ florum betonicae, salviae, vel majoranae, aut

ꝑ. conservæ florum betonicae

salviae

summitat. majoranae ana ꝑj.

specier. aromatici rosati

diarii hod. Abbat. an. ꝑj.

Cum sufficiente quantitate syrupi de betonica fiat electuarium.

Post pæstum ut turmiva cydoniorum simplici, aut semine anisi & coriand.

coriandri præparati. Mirum quoque in modum convenit in hujusmodi affectibus decoctum ligni sassafras, hoc modo præparatum & exhibitum: Corroborat enim & exsiccatur cerebrum.

*Decoctum  
ligni sassa-  
fras.*

℞. ligni sassafras optimi, minutim dissecti ℥j.

florum betonicæ p. j.

herbar. agrimoniz

veronicæ ana M.ß.

Macerentur per horas 20. in aqua fontis tepidæ lib. iij. Deinde coquantur lento igne, & vase bene clauso, usque ad contumationem tertiæ partis. De colatura moderatè calida, & saccharo parum dulcorata capiat ℥iij. hora sexta matutina; superdormiat, si possit, aut quiescat per duas horas, nec cogatur, meo quidem iudicio, ad sudorem. Causa enim horum humorum, quam vocant conjunctam, cum materia sit crassa, frigida & viscida, usu sudoris faciliè in scirrhus conerescit. Sat igitur erit, causam antecedentem, sive fomitem morbi, id est, humorem phlegmaticum in corpore decocto præscripto absumente: interim verò tumores medicamentis exterius adhibitis emollire, discutere & in halitum convertete. Contineatur igitur puer in loco mediocriter calido, cum optima victus ratione, utcunque exsiccante, vitando iuscula & fructus humidos: quorum loco utatur uvis, passulis, & amygdalis, & pane biscocto. Bebat hoc decoctum per dies viginti, aut per mensem integrum; & purgetur decimo quoque die. Ex residuo decocti prædi- & i, adjectâ aquâ, parumque passularum, & liquiritiæ, præparetur decoctum secundum, ut vocant: quo utatur in cibis, loco vini: atomat- zetur pauco coriandro præparato & cinnamomo. Capitii inspergendus est sequens pulvis, ex quo cucupha quoque præparari poterit.

*Secundum  
decoctum.*

*Pulvis ca-  
pitii insper-  
gendus.*

℞. flor. betonicæ

stæchados

rosarum rubearum

rosmarini

summitat. majoranæ ana M. j.

coriandri præparati ℥ij.

ligni aloës ℥j.

masticis

thuris ana ℥j. ß.

storacis calamitæ

benzoin

caryophyllana ꝑj.  
moschi grana vj.

Misce, & contundantur secundum artem, serventurque in vase vitro bene clauso.

Satis purgato corpore, ad topica perveniendum: illi omnia debent esse emollientia, incidentia, discutientia, parumque exsiccantia. Applicetur itaque sequens fons.

℞. rad. althææ  
bionie  
scrophulariæ majoris &  
ebuli ana ꝑj.  
flor. chamomil.  
melilot.  
sambuci, ebuli ana M. j.  
sem. anisi, & sænugræci ana ꝑß.

*Fons ad  
tumores  
glandulosos  
collis*

Coquantur in aqua ad consumptionem tertiæ partis: postea made-  
factâ spongiâ, aut filtro in decocto præscripto calidè applicetur, fovea-  
turque locus per mediam horam, idque bis in die. Post folum inunga-  
tur collum sequenti unguento:

℞. unguenti dialthææ ꝑj.  
ol. lilior. albor.  
pinguedinis gallinæ, anseris, ursi & humanæ a-  
na ꝑß.

aquæ vitæ ꝑj. Misce, fiat linimentum.

*Cap de  
glandulis.*

Deinde scrophulæ ex consilio *Avicenna* fortiter digitis compri-  
mæ sunt. Tandem applicetur emplastrum diachylon cum gummis,  
cui admixtum sit parum emplastri desanis. Hac methodo per dies 14.  
procedendum est: postea decocto pro fomento, linimento item jam-  
jam præscripto parum aceti syllicitici addatur, & loco emplastri di-  
achylonis, gummi ammoniacum aceto scyllitico dissolutum, aut em-  
plastrum nostrum de cicuta, quod in hujusmodi tumoribus præstan-  
tissimum esse reperies, applicetur.

Hæc sunt, mi Compater, charissime, quæ pro temporis angustia ad te  
scribere potui. Deus, qui solus auctor est Medicinæ, benedicat medica-  
mentis, teque pro utilitate Ecclesiæ quam diutissime inco-  
lumem conservet. Vale Paterniaci Aventicorum 6.

die Augusti Anno 1606.

## EPISTOLA LXXII.

DN. JOHANNI RUDOLPHO HUBERO *Reipublica Bernen-*  
*sis Helvetiorum consiliario prudentissimo* GUILHELMUS  
 FABRICIUS *Hildanus S. P. D.*

TU is, vir præstantissime, atque doctissime primo Januarii Bernæ  
 datæ ante triduum accepi, & affectum tuum gravissimum pedû ex  
 eis intellexi, idque non sine mœrore. Utinam ante annum, cum  
 dolores isti, ut scribis, vehementissimi, pedes infestabant tibi adfui-  
 sem, & dolorem istum aliquomodo lenire potuissem, idque divino  
 adspirante Numine, facile fieri potuisse, persuasum mihi habeo; quan-  
 doquidem morbus nondum inveteratus, & natura satis valida est. Id  
 verò quia hætenus omissum fuit, admoneo te, simul & adhortor, ne  
 Idioris, aut potius summorum Dei in hominem beneficiorum contem-  
 ptoribus (*qui in Podagra nullum adhibendum esse remedium suadent*) fidem  
 adhibeas.

Dolorem si articulos, partesque nervosæ diu infestaverit, debili-  
 tantur nō solum membra illa externa propter concursum humorum,  
 qui ratione doloris affluunt, uti in temetipso expertus es: verum etiam  
 interiora omnia inde labefactantur. Propter continuos enim dolo-  
 res, vigilias, inquietudinesque intemperies calida circa viscera exter-  
 na oboritur, sanguis in venis ac visceribus incenditur, appetitus pro-  
 stratur, nec proba sit concoctio stomachi, multominus sanguificatio  
 in hepate. Inde surgit humor pituitosus, simul & causa morbi, mul-  
 tique vapores sursum ad caput ascendunt, & obstructions hinc & in-  
 de in visceribus procreantur, quibus tandem varia symptomata, inprimis  
 labefactatio virium, & caloris nativi, qui omnia digerit, conco-  
 quit, & vitæ nostræ veluti fomes est, diminutio, humidæ radicalis ab-  
 sumptio, aliæque gravissima symptomata insequuntur. Dolor autem,  
 si propius sedatus fuerit, non usque adeo pertimescenda erunt hujus-  
 modi symptomata. Ego expertus loquor, quandoquidem multos,  
 qui etiam nunc in vivis sunt ex doloribus podagricis ita restitui, ut  
 deinceps ad longum tempus, in d aliquando ad annos aliquot à do-  
 loribus istis vehementissimis immunes vixerint. Verum quis patrum

*Dolores po-  
 dagrici ab  
 initio non  
 sunt ne li-  
 gendi.*



*Qua in curatione podagrae patissimum observanda.*

- 1.
- 2.
- 3.
- 4.
- 5.

prodest reficere vulnus, subsistam, & quæ in posterum agenda, tribus verbis significabo: Ubi hæc observanda: Primò ut generatio causæ morbi impediatur: impeditur autem optima & exquisitissima victus ratione. Secundò, ut partes nobiles corroborentur, calidum innatum refocilletur, & humidum radicale adaugeatur: id similiter fit partim optima victus ratione, partim quoque medicamentis. Tertiò, ut humores, qui ad juncturas defluunt, per appropriata medicamēta per intervalla evacuentur, & beneficio fonticulorum revellantur. Quartò, juncturas, partes quæ nervosæ, ne afflicte humores faciliè excipiant, corroborare convenit. Quintò, diligentia adhibenda est, ut dolor, si supervenerit, protinus sedatur. Sed de his omnibus sigillatim differe-re, tempus, & occasiones, quibus me intricatum video, nunc non se-runt, sufficit mihi in præsens ad quæ sita tua respondisse, & de reliquis summam monuisse. De cæteris post hæc, aut per literas, aut si datur occasio coràm prolixè inter nos, Deo volente, conferemus, & quomo-do pedibus succurrendum sit, videbimus. Vale vir præstantissime, & felicissime vive. Raptum Laufannæ 9. Junii 1673.

## EPISTOLA LXXIII.

*Clarissimo atque excellentissimo Viro Dn. D. JOSEPHO BLAU-  
NERO Medico Bernensi, GUILHELMUS FABRICIUS Hil-  
danus S. P. D.*

**M**irum in modum, vir clarissime atque amice plurimum honoran-de, de morbo tuo tecum condoleo; id quæ eo magis, quia gravis est & difficilis, præsertim cum te usum medicamentorum valdè adver-sari, & nauseam inde maximam contrahi sciam. Quoniam tamen non-dum desperatus est morbus, tempus quoque instat optimum, a primum; ve, suadeo, imò obsecro, ut tu, qui tot aliis manum salutiferam ingra-vissimis, desperatis quæ morbis tam feliciter, maxima quæ cum laude hæcenus adhibuisti, nunc tibi ipsi succurrere non cesser: ego, si hæc in re consilio, aut quovis alio modo tibi inservire possim, non dero of-ficio meo. Quod à me petiisti extractum cardui benedicti mitto, uti-nam inde maximum fructum capere possis. Mitto quoque parum ex-tracti juniperi, quod tum in pectoralibus morbis, tum obstructioni-bus

*Extra&ij  
juniperi  
utres,*

bus viscerum præstantissimum est remedium, neque ingratum, ita ut facile eo uti poteris. Fac, ut maturè usum vini aperitivi, & laxativi incipias, quo materia visceribus infarcta educi possit. Huic vino, ut aliquantulum extracti veronicæ (quod similiter mitto) addas, suadeo: summopere enim convenit obstructionibus hepatis, & si quid visceri illo infarctum est materiæ, per urinam expellit. In pectoralibus quinetiam morbis maximo cum fructu non rarò eo usus sum. Ego Deum Opt. Max. suppliciter oro, ut maximum quoque fructum inde habere possis. Et si qua alia in re tibi inservire possum, non invitus faciam. Vale & me tuum cense. Paterniaci Aventicorum 11. April. 1608.

*Extracti  
veronicæ  
vires.*

## EPISTOLA LXXIV.

*Clarissimo atque celeberrimo viro Dn. D. JOSEPHO QUERCETANO Medico Regio GUILHELMUS FABRICIUS Hildanus S. P. D.*

Statui aliquando ad te scribere, vir clarissime, & undiquaque doctissime, & amicitiam olim Genevæ inchoatam tecum fovere, sed tuæ, quas scio, seriè occupationes, & studia non minus gravia, quam Reipub. utilia, me ab instituto avocarunt. Nunc tamen humanitas tua me audacem reddidit, ad te scribere. Audio communem nostrum amicum Johannem Grissonium, Chirurgum præstantissimum, atque ingeniosissimum apud vos Parisiis diem suum obiisse. Doleo non tantum ob ipsius in me benevolentiam, atque amorem, sed inprimis ob Reipub. jacturam: vereor enim ne præclara quædam scripta Chirurgica cum ipso intereant: Quandoquidem ante annos aliquot incæperat colligere, & concinnare observationes suas Chirurgicas, quas ego Bisanthiis apud ipsam vidi: in lucem verò nondum prodire. Superiori anno ad me scripsit Bruxellâ & nonnullas ex suis observationibus ad me missurum promisit: sed hæcenus ad me nondum pervenerunt. Cum itaque mecum de medio, & homine apto aliquo, qui hoc damnum publicum resarcire posset, cogitarem, tu in mentem venisti. Obsecro, ut Reipublicæ utilitatis gratiâ hunc laborem suscipere, & apud hæredes, an ipsius manuscripta haberi possint, tentare non grave sis. Id si facis, & rariora atque digniora in lucem uti spero, mittis, mul-

*Grissonii  
observationes.*

tum

rum tibi devincies posteritatem & honorem tibi apud omnes literatos parabis. Præterea quia homo fuit ingeniosissimus, instrumenta Chirurgica excogitavit multa, eaque utilissima, utinam delineationes in ipsius adversariis invenirentur, spero tamen ipsum in eorum delineationibus, & descriptionibus laborasse hæcenus: Quandoquidem adhortatus sum ipsum, ne sineret pulcherrimas, & utilissimas suas inventiones instrumentorum, secum sepeliri. Hæ delineationes, si suis observationibus inferrentur, Chirurgis utilissimæ forent, & opus mirum in modum illustrarent. Multum enim ad operationes dextrè, & securè exercendas faciunt instrumenta apta, quod ego etiam indies experior. Pluribus non utor, vereor enim ne te offendam. Vale itaque vir maxime, & in bonum publicum vive diu. Paterniaci Aventicorum 10. Junii 1604.

## EPISTOLA LXXV.

*Clarissimo, & excellentissimo viro Dn. D. MARTINO RULANDO Casarea Majestatis Consiliario, & Medico ordinario atque celeberrimo. GUILHELMUS FABRICIUS Hildanus S. P. D.*

**M**Et si vir clarissime importunitatem meam mihi tanquam ignota tibi exprobrabis. Sed ignosce quæso: humanitas enim, quæ hæc à viro clarissimo Dn. D. Valentino Rulando Medico Palatino, Lavingæ mihi exhibitæ fuit, in causâ est. Accedit & tua erga me benevolentia, quam inde cognovi, quod tuo jussu problemata Medica Physica (quæ mihi tam grata, quam quæ gratissima, in primis quia in iis Chirurgica plurima eaque pulchra continentur, acciderunt) mihi obtulerit. Utinam aliquid ad manus haberem, quo tibi vicissim gratificari, teque pro dignitate remunerare possim. Post hæc tamen & quidem cum secunda Centuria observationum mearum prodibit, ne ingratus sim, operam dabo. Intetrim tibi operam meam, atque amicitiam offero. Ante dies quatuordecim in *Hattinghelm* perveni, ubi extra & iam calculi vesicæ generosi, ac strenui viti Dn. *Zacharia Geitzkofferi* (qui nunc ferè, laus sit Creatori restitutus est) interfui. Operatio ad votum successit. Calculi inventi fuerunt duo durissimi, & rubri coloris: quorum unus drach-

in as tredecim, alter unam cum semisse pender. Vale vir clarissime, & me ut albo amicorum tuorum inscribere digneris, etiam atque etiam rogo. Ex arce *Hauensheimiana* 24. Maij 1610.

## EPISTOLA LXXVI.

MARTINUS RULANDUS D. & *Cæsarea Majestatis persone S. S. Medicus, Clarissimo, & ornatissimo Dn. GUILHELMO FABRICIO Hildano Medicina-Chirurgica Doctori prestantissimo Dn. & amico suo amando.*

**G**RATÆ mihi vir clarissime, fuere literæ tuæ, mense Majo Lavingæ *Responditur epistola præcedenti.*  
 Exaratæ, sed hoc die demum mihi redditæ. Significatio animi tui erga me, ignotum licet, amicè affecti, gratissima. Nimirum solidæ eruditionis symbolum. Nescio enim, quid de Stoicis illis consem nimis sibi placentibus, qui literatorum amicitiam fastidiunt omnem, detra-  
 ctum multum de doctrina, cujus inani duntaxat persuasione ducuntur sua putantes, ubi in consortium bonos, & eruditiores recipere rogan-  
 tur. Jam olim tuo de Gangræna oblato libello, conatus fui in tuam ire familiaritatem; sed partim loci intercapedine longiori, partim nego-  
 ciorum multitudine, impeditus: voti compos fieri haud potui. Nunc auspiciis hoc esto felix nostræ inter nos amicitia; & jacta ejus prima fundamenta. Lithotomiam bene successisse illustrissimi Dn. *Geitzko-*  
*fieri*, vobiscum lætor: & non tam patienti, quam vobis, & arti gratulor. Vulnus mihi videbatur semper immedicabile fore; quod æger, si non  
 cachecticus, attamen cacochymicus, & corpus effractum, nihil laudabi-  
 lis susci, ad illius coalitum suppeditare, pote sit, quemadmodum nos-  
 ter *Hippocrates* hydropicorum ulcera curatu difficilima pronunciat. Si  
 coalescit, ut Deo, ita & tuæ industriz, jam omnibus doctis Medicis  
 probatæ acceptum ferendum. Sed vale, & deinceps si nunciaris, per  
 quos meas curem, ponderosiores ex me expectato. Vale iterum  
 meque ama. Ex museo Præg 13. Julij  
 Anno 1610.



## EPISTOLA LXXVII.

*Eidem Viro clarissimo Dn. D. MARTINO RULANDO, &c.  
GUILHELMUS FABRICIUS Hildanus S. P. D.*

*Responsio  
ad præcedē-  
tem episto-  
lam.*

SUMMA tua humanitas vir undiquaque doctissime, quam ex literis tuis 13. Julii Prægæ datis percepi, ita mihi auxit animum, ut te in gravissimis tuis occupationibus scriptis lacessere veritus minimè fuerim. Habebis, si placet, gratam, acceptamque meam in te propensitatem, quæ non aliunde, quam ex ipsis virtutis tuæ fontibus derivatur. Literæ autem, quas 13. Julii ad me scripsisti, tandem 14. Februarii ad me pervenerunt. Vides quanta tabellariorum sit negligentia. Pro tua in eis oblata humanitate, gratias habeo immortales. & vicissim sacratissimæ amicitie nostræ jura tam citè colam, ut nihil officiorum, nullaque grati animi erga te testimonio in me desiderare possis, & literis deinceps aliquando tibi adero. De usu aquæ chalybeatæ in dysenteria quid sentias, intelligere percuperem. Celeberrimus enim, & æterna laude dignissimus vir Dn. D. Crato consil. 201. illam dysentericis non concedit, alvumque turbare scribit. Causam etsi non addat, opinionem tamen hanc non omnino rejiciendam esse, superioribus annis in meis ægris observavi. Puella hic in vicinia *Apollonia Schreiera*, quæ per decem sepe integros annos vitam sine cibo, & potu transegit (uti procul dubio ex tractatu à clarissimo viro Dn. D. Paulo *Lentulo* hac de re in lucem edito, vidisti) nunc iterum comedit, & bibit, excrementa excernit, ambulat, dormit, & insomnia habet suavia. Vale vir clarissime, & utere eo, qui tuus est. Raptim Laufannæ 24. Februarii 1611.


*De insedia  
Apollonia  
Schreiera.*

## EPISTOLA LXXVIII.

*Præstantissimo atque doctissimo viro Dn. MATTHÆO QUADO  
GUILHELMUS FABRICIUS Hildanus S. P. D.*

PRæterito 10. Januarii binas à te accepi literas clarissime, amantissimeque mi Dn. compater, unas 18 Junii, alteras 11. Octobris Coloniæ datas, quibus adjuncta erat tabula urbis Hierusalem, ænigmata item, & canticum encomiasticum, cujus nomine gratias ago maximas,  
pre:

pretium tabulæ, & reliquorū, si indicasses, misisse jam pecuniam: fiet id brevi, Deo dante. Præteritis nundinis Argentoratensibus ad te scripsi, & munusculum pro filiola mea à baptismo misi: scribe, an id ad manus tuas pervenerit. Nono Septembris, hora nona noctis, conspectus est ubique in hac regione cometa horrendus, cujus delineationem ad te mitto.



*Cometa  
Anno 1603.  
9. Septem-  
bris in Hel-  
vetia con-  
spectus.*

Theologus quidam, & insignis Mathematicus, mihi amicicia junctus Dn. *Elias Mollerus*, de hoc Meteoro scriptum non spernendum in lucem dedit. Scribe quæso, an apud vos conspectus sit, & quo tempore. D. *Casparus Ens*, quid agit? audio ipsum adhuc apud vos vivere. Saluta eum quæso meis verbis, ipsumque admonito, ut ad ea, de quibus in postremis meis ad ipsum scripsi, maturè respondeat. Mitto carmina Gallica, à quodam amico, viro docto in tabula, quam in arce Victradiana (suis probè qualem intelligo) sculpsisti, conscripta, quibus & mea Germanica addidi, si liber poteris illa typographo tradere, ut excudantur, & tabulæ adjungantur: Id si fieri, mitte quæso singulis exemplar unū aut alterum. Vale amicorum optimè, & feliciter vive diu cum tota tua familia, quàm ego & uxor mea salutamus peramanter.

Paterniaci Aventicorum 1. Martii

1604.

Eff 2

EPI.

## EPISTOLA LXXIX.

MICHAEL DÖRINGIUS *Med. D. Clarissimo & præstantissimo viro Dn. GUILHELMO FABRICIO Hildano Medico & Chirurgo excellenti S. P. D.*

*Est respon-  
sio ad epi-  
stolam cent.  
3. obs. 46.*

**R**esponsum tuum die 24. Aprilis anni præcedentis Bernâ ad meas illas, quas præcedentis anni 1610. die 20. Augusti ad te perscripseram, missum, sub Augusti initium anni 1611 accepi: è quo non solum tuum de transmissio casu iudicium, sed & de eruris inde problematibus quatuor, sententiam abundè intellexi; in quarum explicatione talem te gessisti, ut inde iudicii Tui acumen nulli non patere possit, neque ego quod amplius desiderare queam ferè quidquam inveniam; nisi fortassis in humoris defluxi naturæ explicatione. Quamquam enim humorem illum tenuem è capite ad calcem defluxum pituitosum fuisse tibi concedere possem: quero tamen adhuc, cuius speciei fuerit? Ego ad falsum referendum existimo: & quidem nitrosam pituitam fuisse suspicor: hæc enim & tenuis esse, & frigoris sensum imprimere potest. Posterius docebit Nitrum præparatum, id enim contactu linguam frigoris specie imbuere solet: quam ob causam in ardentissimis febribus, de gravissimorum Medicorum consilio, & experientiæ testimonio ad restringendum calorem utilissimè usurpatur: quippe exhalationes sulphureas comprimit, ac compescit. Interim non negem, tumorem illum etiam occultæ nonnullius qualitatis fuisse participem.

*Nitri præ-  
parati usus  
in febribus.*

De fotibus & inunctionibus non male sentis. Queritur tamen, an non præmissis universalibus, ex eorundem usu aliquid utilitati sperandum fuerit? Nam quod nihil iuvisse visa sunt, id universalium neglectui adscribendum puto. Quomodo autem materia illa è parte affecta aliter quam per foros, & inunctiones evacuari potuerit, nō video. Si igitur his remediis è parte evacuanda fuerit, quero porro, quas remedium materias eligendas fuisse sentias? Etsi verò olea per infusionem parata, propter unctuositatem cuti illicita poros ipsius obstruere videatur: tamen huic rei foros mederi possunt, qui ante inunctiones usurpandi, uti & illa, quæ penetrationem ipsorum adjuvare possunt: qualia pro affectus diversitate diversa esse convenit.

*Olea per in-  
fusionem  
parata po-  
ros ob-  
struunt.*

Ventilationem plenissimè incommodam, & nullo tempore usurpandam

vandam fuisse, non solum propter rationem à te adductam censeo: sed etiam quod materia morbifica non per venas, sed alias vias defluerit, ad profundiores pedis partes. Vias si scire desideras, Hippocrati illud tibi perpendendum produco, *σπέρματα μία καὶ σπέρματα μία*, scilicet omnia in corpore nostro perspirabilia esse, & permeabilia, ipsa quoque natura per vias nostro sensui occultas materiam quampiam ejicere novit: cujus rei testimonia quotidie suggerit experientia.

De coalitu & apertione vulnusculem re à te differuisti: Atque hæc sunt, quæ ad priora illa problemata addere placuit: Tuum jam erit, de iis judicare, & judicium prima occasione communicare.

Casus uterque cujus meministi notatu dignissimus: prioris tamen origo ex subita contrariorum ignei veluti caloris, & aqueæ frigiditatis pugna pependit. Ab hac enim corporis calor mirè prostratus fuit, & miror hominem ex ista pugna non subito extinctum fuisse. Posterioris verò originem pituitæ acri adscribis. Quod si de malo Venereo quippiam subfuisset? id enim tales affectus, si cerebrum summamque corporis arcem obsideat excitare Fernel. lib. 2. de abditis rerum causis cap. 14. circa medium prodidit.

Caterum cum de gangræna, & sphacelo nobis sermo fuerit, placet aliū casum ad te perscribere, qui consonat illis, qui à te centuria prima observat. 84. propositi sunt. Dum enim superioris anni 1611. mense Junio Merlavium vocarer, vir ille, qui mihi tunc comes erat itineris, ante annos plus minus quinque in pago quodam circa Alfeldiam sito, rusticos duos meretriculam (si re à te etiam nunc memini) eandem ambientes mutua dissidia fovisse, cumque aliquando in cauponâ eandem convenissent, atque alter cum meretrice choreas duceret, alter indignabundus ipsum secuti, vel sic manuarum (quales rustici ut plurimum gestare solent) in se outus est, atque sicam illam in hypochondrium dextrum, quoad fieri potuit infixit. Quem ictum, ut primum sauciatus animadvertit, ignarus adhuc vulneris tam profundi, lædentem adoriatur, pugnis malè tractat, ac morsum in unū digitorum infligit: sed animi deliquio correptus, à conspectu abstinere cogitur. Reliqui sic à latere postea extrahunt. Quid sit? Sauciatus pro moribundo habetur: Vocatur Chiturgus, alter se subducit. Ubi verò post aliquot dies æg: ū in salutis portu quodammodo versari inaudivisset, revertitur: reversus de mercede cum Chirurgo paciscenda admonetur: at ipse omnia tenuit, & nescio quas tergiversationes præterdit. Interim morsum ne-

*vulnus in  
hypochon-  
drio dextro;*



*Ex morfu  
humano  
neglecto gā-  
grana &  
sphacelus.*

glexit, digitus inflammatur, inflammatio iterum negligitur, neglecta in gangrænam abit: Gangræna præsens, quin in sphacelum abiret, Chirurgus prohibere non potuit. Unde evenit, ut gangræna, & sphacelo latius subinde serpente, brachium ad cubitum usque abscindi ipsi necessarium fuerit. Hic postea adversarium suum de sumptuum, & damni recompensatione accusavit: Verum alter rectè negavit, partim quod hic ipse propriâ culpâ hoc malum iaculerit, partim quod sumptuum refusionem sibi itidem antea denegaverit. Alter Chirurgi ope plenè restitutus, tunc temporis rectè vivere dicebatur. Quærebam è viro illo itineris comite, nunquid non audivisset, viscerum vel intestinorum aliquod periclitum illum læsum fuisse: sed ipse de hac re nihil referre potuit.

Observationum tuarum Chirurgicarum Centuriam 2. tandem lucem aspexisse gaudeo: pro exemplari dono dato, gratias officiosas ago.

Ipsæ etiam libros duos de Medicina & Medicis, adversus Jatromastigas, & Pseudiatros ante annum edidi, in quibus non solum generatim de Medicinæ origine, progressu, dignitate, & Medici officio; sed etiam particulatim, tam Hippocraticæ & Galenicæ præstantia, quam Empiricæ, Magicæ, Methodicæ, & Paracelsicæ usu, atque abusu, dissero. Misisses quoque exemplar, si qua ratione id commodè ad deferri posset, scivissem: ita enim ut plurimùm fieri solet, ut vix nudæ literæ rectè tradantur; quod si per occasionem ad manus tuas pervenerint, in mei quæso gratiam lectioni ipsorum paucillum temporis tribue; & non ipse tantum tuum de ipsis iudicium mihi aperta fronte exponere: sed & in aliorum censuram commodè inquire. Quod si præstiteris, magno certè beneficio me tibi obstrinxeris, Vale & per occasionem primam responde. Saluta à nobis tuos omnes, uti & Dn. D. Lentulum, ac

*Saracenum*, & ut meis illis literis respondere dignentur, meo nomine officiosè roga. Dabantur Bræslæ calendis

Octobris 1612.

## EPISTOLA LXXX.

*Vi ro clarissimo, atque doctissimo Dn. MICHAELI DÖRINGIO apud Brislavienses Doctori medico longè celeberrimo Domino & amico meo plurimum honorando. GUILHELMUS FABICIUS HILDANUS S. P. D.*

**A**Nte dies octo vir amplissime ex patria ad meos in Helvetiam properans, Gießenam perveni; ubi Magnificus Dn. D. *Horstius* Rector Universitatis, simul & alii viri docti humanissime me exceperunt. *Respondit  
in epistola  
precedenti.* Quod te ibi non repererim, summopere doleo: nihil enim jucundius mihi accidere potuisset, quam si tua præsentia per horam unam, aut alteram frui licuisset. Diutius, quam animus erat, in Patria moram traxi: impedimenta enim varia intervenerunt: inprimis verò morbi, & quidem gravissimi, quibus bis cōfectus, nunc tamen, laus sit Creatori, planissime convalesco. Detineor hic in arce Haseleck apud nobilissimum virum Dn. *Wolfgangum Adamum Schwalbachium* propter affectum tibi satis notum. Magnificus Dn. D. *Horstius*, simul & clarissimus vir Dn. D. *Faber* in consilium vocati fuere. Adhibuimus setaceum, reliquaque, quæ ad curationem palliativam spectant, præscripsimus.

Cæterum binas hic à te accepi epistolas: quarum prima, quæ impressa est à Dn. D. *Fabro*, altera calendis Octobris Bressæ data, à Dn. D. *Horstio* mihi tradita fuit. Ex utraque quantum erga me animatus sis, satis superque apparet: Utinam æternum illud benevolentie in me tuæ symbolum, æterno aliquo munere compensare possem. Ne tamen omnino ingratus sim, operam dabo, & quoad vixero, amicitiam nostram scriptis fovere non desinam.

Ad primam epistolam respondere non possum, donec ad Musas meas pervenero: de affectibus enim uterinis, varias habeo observationes, quas Deo dante, tibi communicabo: & aut seorsim publici juris faciam; aut terræ Centuriæ observationum, (quam præ manibus habeo) inseram: addam forsan & nonnulla de Mercurio vitæ. In altera epistola proponis nonnulla, ad quæ respondere deberem: sed ignosce quæso: non enim omnia, quæ in postremis meis ad te literis scripsi, nunc occurrunt. Historia, quam communicasti, opinionem meam, nimirum morsum hominis aliquid malignitatis in se continere confirmat.

confirmat. Hinc cum neglectum esset malum, in gangrænam transiisse, mirum non est.

*Observatio  
de gangræ-  
na ex levissi-  
ma causa  
orta.*

De gangræna autem ex levissima causa progenita (ne planè nudam ad te mitterem epistolam) exemplum unum aut alterum hic adscribere visum est. Ante annos aliquot generosus quidam in Burgundia, ex familia *Wattenvillorum* senex, sed tamen optimo corporis habitu præditus, cum quadam die in digito pedis (si rectè memini) minimo, dolore arthritico graviter laboraret, ipsemet scalpello tuberculum in ipso digito existens perforavit. Cum verò altè nimis infixisset scalpellum, & fortassis partes nervosas attigisset, auctus est dolor. Mox in inflammatione, gangræna sphacelusque cum supervenissent, præter Medicum ac Chirurghum suum ordinarium, etiam ex proximis provinciis viros eruditos advocare iussit æger. Conveniunt, extremumque remedium adhibent: abscissa quidem ad poplitem fuit tibia, non diu tamen post operationem vitam cum morte commutavit. Ego operationi non interfui, sed totam historiam ante annos duos generosa domina in Gorfier filia ægri, mihi communicavit.

*Alia bistoria.  
Ex punctura  
spina  
mors.*

Rusticus quidam in pago propè Laufannam, cum in agris occupatus esset, spinâ talû aliquomodo sibi punxit. Ab initio malû neglexit: tandem exorta inflammatione, naturæ satisfecit. Ante annos 20. matronæ cuidâ Hildenzæ idem accidit: cum enim spinâ indicem dextrum sibi punxisset, supervenit dolor ingens, inflammatio tandemque gangræna atque sphacelus. Ego cum in consilium adhibitus essem, & digitum in ipso metacarpo amputassem, brevi convaleuit. Verùm huiusmodi non usque adeò rara sunt, & ut plurimum propter errorem aut ab ipso ægro aut Chirurgo commissum, accidere solent. Sed & aliquando ex sola frictione acri inflammationem & mortem supervenisse, exempla habes in prima centur. observat. 96.

Ad observationē de uvulæ relaxatione te respōdisse, ex Dn. D. *Horstio* intellexi, sed literæ non ad me pervenerunt. Libros tuos de Medicina & Medicis, primò Fridburgi vidi: placent summopere; & ut tertium quoque librum maturè in lucem mittere velis, te etiam atque etiam adhortor. Vale mi Da. *Döringi* cum tuis omnibus, quos tecum peramanter saluto, inprimis lectissimam tuam conjugem.

Raptim ex arce Haseleck 24.

Octob. 1612.

EPI-

## EPISTOLA LXXXI.

*Clarissimo atque doctissimo Viro Dn. D. PAULO LENTULO illustriſſima Reipublica Bernenſis Archiatro, GUILHELMUS FABRICIUS Hildanus S. P. D.*

**L**itteras tuas, Vir clarissime, per civem quendam hujus civitatis accepti, qui mihi quoque conjugem suam confecto morbo monstrabit. Ac quia tuum quoque antea auxilium imploravit, morbum verò non satis declaravit, petiit, ut illum tibi describerem, tum etiam de curatione intentionem meam declararem, quod ipsi denegare non potui. Morbus itaque (ut tu rectè opinatus es) Chronicus est: sex enim ab hinc annis, dum in matrimonio vixit, non integra valetudine fruitur. Hujus autem indispositionis causa præcipua (aut saltem una ex præcipuis) meo judicio est, eam immaturam nupsisse: statim enim incunte anno decimoquarto ætatis nupsit. At illa, quia à teneris annis valdè tenella, & corporis statura mediocri fuit, existimo tum ex concubitu (qui in hac ætate sine violentia fieri non potuit) tum ex bino partu, partes nobiles labefactas ac offensas fuisse. Ut enim à cerebro incipiam, illud valdè esse debile, defluxiones continuè ad pectus, & saliva acris denotant: hinc tussis continua, sed præcipuè noctu vexatur. Caput quoque ut plurimum grave est & doloribus obnoxium. Hepatis & splenis durities, & oppilationes, denotant tum dolor gravis hypochondriorum, tum durities ipsa, quæ tactu percipitur. Stomachi porro imbecillitatè arguuntur tum dolor è regione stomachi, tum ructus & appetitus depravatio, inde multæ generantur cruditates; quæ tamen à natura nō satis expurgantur, quandoquidem ut plurimum alvus constipata est, & urina cruda.

Habes itaque vir clarissime succinctam descriptionem morbi. De curatione quid sentiam, nunc paucis aperiam. Existimo ego obstructions viscerum naturalium, hepatis scilicet, splenis, venarum mesentericarum, & renum præcipuam esse causam reliquarum accidentium. Itaque vellem apozematibus aperientibus, & leniter purgantibus, obstructions quantum fieri possit, tollere, & humores noxios educere. Interim quoque partes laborantes cum internis, tum etiam externis

*Cerebri debilitatis signa. Obstructionis viscerum curatio.*



medicamentis corroborare: & emplastris atque oleis, vel unguentis ~~ad~~  
~~id~~ ad id aptis duritiem hepatis & splenis emolliere. Reliqua tuo  
 judicio atque summæ prudentiæ relinquo, ac ea quæ præscribes, ut se-  
 dulo exhibeantur, operam dabo. Interim dum responsum à te expe-  
 ctamus, victus ratione, prout moribus requirit, ac eclegma, simul & un-  
 guentum peccora præscripsi. Quamprimum Scordium eruperit, ad  
 te mittam plantas, prout promisi. Post festum Pâli hatos spero me te  
 in visurum: interim si cista Castellbergii aperiatur, queso ut libros meos  
 retinere velis. His vale vir clarissime cum genere, & virtute nobilissi-  
 ma tua cor jure, & liberis, quos ego & uxor mea salutamus demissè. Sa-  
 lutamus & clarissimum Dn. D. Lignaridum, & Hibenerum. Iterum vale  
 Paterniaci 2. Aprilis 1603.

## EPISTOLA LXXXII.

*Idem ad eundem.*

*Dolor Ne-  
 phriticus.*

**N**Udius tertius vir clarissime, & amicorum optime, reverendus D  
 Merula Pastor noster fidelissimus vehementissimo dolore colico  
 simul & nephritico (ex flatuum, & excrementorum in intestinis, & a-  
 renularum, atque viscosorum humorum in renibus, & ureteribus re-  
 tentione) correctus fuit. Ego summo mane vocatus, ilico clysterem  
 anodynum, & flatum discutientem exhibui: ex quo non parum levati  
 fuere dolores. Eodem die sub vesperam, quia dolores ingravescabant,  
 denuo coactus fui reiterare clysterem, & applicare loco dolenti so-  
 mentationem anodynam. Heri infusione rhabbari, & syrupo rosa-  
 to solutivo elementer ipsum purgavi. Multum pituitæ vitæ eiecit,  
 sed tanta adhuc restat colluvies humorum viscosorum, adeoque status  
 renaciter intestinis inhaerent, ut etiam nunc dolor acerbior sit, & vehe-  
 mentior, præcipue in sinistro latere. Quapropter te etiam, atque et-  
 iam rogamus, ut consilium tuum communicare, aut si commodum e-  
 rit, tibi ve liceat, huc te conferre non graveris. Interim dum te expe-  
 ctamus, studiosissime omnem meam curam, operam atque industriam  
 ad sanitatem ipsi restituendam adhibebo: jam jam enim clysteres rei-  
 terabo, & balneum ipsi præparabo. Faxit Deus Opt. Max. ut his, & quæ  
 à te expectamus remediis, & consilio, hunc reverendum, & pium vi-  
 rum pristinae sanitati restituere possimus. Vale vir clarissime cum no-  
 bilissima

bilissima tua conjuge, quam ego & uxor mea salutamus peramanter.  
 Raptim Paterniaci Aventicorum 17. Junii 1604.

## EPISTOLA LXXXIII.

PAULUS LENTULUS *Med.D. Ornatissimo viro D. GUIL-  
 HELMO FABRICIO Hildano, Chirurgo rationali, Domino &  
 amico S. P. D.*

**H**Æc pauca nunc ad te vir ornatissime, atque amice plurimum co-  
 lende per Oeconomum vestrum. Ego & uxor mea in magno su-  
 mus mœnore, propter filiolar nostræ obitum, & propter infirmam va-  
 lerudinem filii, & nuper natæ filiolar: aded, ut uxori meæ infelicius  
 puerperium accidere non potuerit. Interea & onus totum rei dome-  
 sticæ administrandæ mihi incumbit, & operi meo de prodigiis ine-  
 diis vacandum etiam fuit. Ipse considera, quàm commodè. Tandem  
 tamen priorem partem absolvi, alteram proximis nundinis, Deo fa-  
 vente, emissurus. Exemplar primæ hujus partis ad te mitto, quod ut  
 boni consulas, rogo. Cæterum est, quod te moneam, *Danielem Episcopum*  
 electum fuisse in Oeconomum Insulæ. Eligendus est alter, qui in ejus  
 locum succedat. Competitores sunt plurimi: ex Magistratu pars huic,  
 pars illi favet. Concurrationes plurimæ. Mihi sanè ad hanc usque  
 diem neminem compellare licuit, propter causam, quam supra dixi.  
 Hæc septimana dabitur occasio aliquos alloquendi. Sed interim tu ip-  
 se dispicie, quid tibi animi sit, & quid nos facere velis. Ex Oeconomo  
 mo, quali in loco sit hujus rei negotium, facillè intelliges. Tua præsen-  
 tia non esset inutilis. Pharmacopæus *Johann Meibier* mecum hac de re  
 loquutus est: & tibi aliquid esse indicandum consuimus. Fortasse  
 & ipse ad te literas dabit. Vale vir ornatissime & amice  
 singularis. Bernâ raptim 16. Augusti

1604.

## EPISTOLA LXXXIV.

PETRUS KIRSTENIUS *Philosophia, & Medicina Doctor Viro clarissimo, ac celeberrimo Dn. GUILHELMO FABRICIO Medico, & Chirurgo Paterniacensi primario S. P. D.*

**N**Unciarunt mihi salutem tuā doctissimi & amicissimi mihi duo viri Juvenes, Medici, *Johannes Creutzman, & Andreas Weickius*, quorum hic nomini nostro theses suas inaugurales Medicas inscribere voluit, quo facto mutuam nostram animorum conjunctionem adumbrare voluisse videtur; ille verbis tuis epistola sua, benevolentiam nostram mutuam, & amicitiam primus plantavit. Merito itaque mihi hoc nobile par juvenum, quoad vixero commendatum erit, idem ut abs te fiat, unice peto.

Quia, verò intellexi, te librum primū Grammaticę meę Arabicę Bibliothecę tuę inseruisse, volui adjectum hoc levidense, primi mei in restituendo *Avicenna* laboris exemplar transmittere, etiam atque etiam rogans, ut hoc æqui bonique consulere, & Germanum, ac sincerum de hoc meo instituto, ac conatibus judicium liberè proxima occasione communicare velis. Hoc facto, eò confidentius tecum de quibusdam casibus Chirurgicis scripto agam. Statui enim suo tempore non pauca in arte nostra hac divina, ad Principem hunc nostrum annotare, quę certè in praxi quotidiana minus hætenus rectè observata sunt. Vale dabam 17. Februarii Anno 1610. Bressæ,

## EPISTOLA LXXXV.

*Clarissimo ac aterna laude dignissimo Viro Dn. D. PETRO KIRSTENIO Philosopho & Medico summo atque doctissimo, nec non Arabica lingua lumini celeberrimo, GUILHELMUS FABRICIUS Hildanus S. P. D.*

*Respondetur  
epistolæ  
precedenti.*

**Q**UUM nunquam mihi magis in votis fuerit, Vir amplissime, quam ut ubique inter literatos ac pios viros amicos mihi adjungerem, merito sanè literæ tuæ (quas ante paucos dies hic Basileæ, ubi nunc p  
men-

mensum in te integrum apud illustrem quendam ægrum detineor) non me-  
diocriter me exhalare debuerunt. Et quomodo non exhilarassent?  
quandoquidem in iis non solum amicitiam tuam ultro mihi offers, ve-  
rum etiam eandem non fictam aut larvata, sed veram atque candi-  
dam esse splendido, mihiq; gratissimo dono transmissio *Avicenna* (scilicet  
tuo (quomodo enim tuum non appellem, cui pristinum suum splen-  
dorem restituis?) confirmas. Ex his omnibus veritatem eorum, quæ  
clarissimi ac doctissimi viri Dn. Dn. *Andreas Weickius & Johannes Creutz-  
mannus* toties prædicarunt, summam scilicet doctrinam, eruditionem,  
diligentiam, ingentemque humanitatem tuam, facile mihi cognoscere  
licuit. Nunc quidem officii mei esset, vicissim gratitudinem animi mei  
munere aliquo erga te declarare: quid autem, quod tibi condignum  
sit offerre possim, non video. Ignosce itaque, quæso, si Antidorum in  
aliud tempus diserte coactus sum. Interim tamen inchoatam  
amicitiam nostram, quoad vixero, sanctè & religiosè conservare, ac flo-  
vere conabor, mihiq; inter tot amicos, quos Deus mihi in Silesia ve-  
stra suscitavit, non postremum locum obtinebis. Cæterum quantum  
ad institutum tuum circa restaurationem *Avicenna*, meum non est, de  
his, quæ caput ingenii mei cultum excedunt, iudicare. Quia tamen  
me provocas, & quid de conatibus tuis censeam ex me intelligere cupis,  
sincerè dico, Deumque testor, non satis admirari me posse labores,  
quos circa collarionem variorum exemplorum suscipis, nec non multas  
alias molestias, quas circa huiusmodi labores quotidie occurrere scio,  
sustines; quin etià expensa maxima, quæ hac de re facis. Utinam Prin-  
cipi aut Regi alicui regius hicce labor cordi esset; qui tot labores, tot-  
que expensa benignitate aliqua remunerare, atque hoc medio, ac erga  
rem literariam liberalitate, perpetuam gloriam sibi comparare vellet.  
Sed hoc exulceratissimo seculo viget Mars, jacetque contemptus A-  
pollo. Ab instituto tamen ne desistas, quæso: est enim labor non tan-  
tum utilissimus; verum etiam maximè necessarius; ex quo ad *Æscula-  
piadeam* familiam maximus fructus proveniet: tibi verò nomen fa-  
mamq; perennè parabis. Hoc tamè vereor, quia opus, ut video in mul-  
ta volumina excreset, & non nisi multis numeratis pecuniis cõparari  
poterit, ne mox aliquis ex ipso medullâ, ut dici solet, exugat, laboresq;  
ac vigilias tuas in suum commodum, tuumque detrimentum conver-  
tat: Uti Dn. *Henrico Stephano* pie memorat, cum suo thesauro linguæ  
Græcæ olim accidisse meminî. Sed fortassis privilegia Imperatorum



aliorumque Regum & Principum hæc impedire poterunt. Et quia vitæ tam unius hominis ad præstanda omnia ea, quæ in hoc authore, tam ad correctionem textus Arabici, quam etiam versionem Latinam, & quidem elegantiores, & correctiores desiderantur, vix sufficere video, præstaret forsitan ante omnia Authorem huncce in elegantiores linguam Latinam vertere, & à tot mendis, tantisque gravissimis erroribus repurgare. Poteris & hinc inde, ubi controversiæ occurrunt, ex collatione diversarum lectionum textus Arabici pro tua prudentia, summaque eruditione genuinam mentem authoris proferre. Hoc profecto esset, meo quidem iudicio opus utilissimum, & ab omnibus acceptissimum. Sed quia ego, ut cæcus de coloribus loquor, obnixè rogo, ut lance audaciam meam amice intelligere, atque interpretari velis. Præpotens Deus Pater cælestis, propter filium suum te superstitem in multa provehat secula, & Spiritu suo sancto corroboret, faciatque ut labores tui infessis Rebus publicis, tibi que actuis utiles sint, ac salutares. Vale vir amplissime, meque amare perge. Basileæ 2. Maji 1610.

---

EPISTOLA LXXXVI.

*Viro amplissimo atque doctissimo Dn D. PETRO PAVIO anatomica, & botanica Professori longè celeberrimo, in inclita Academia Lugdunensi Batavorum amico meo plurimum honorando. GUILHELMUS FABRICIUS Hildanus S. P. D.*

Similitudine studiorum, vir amplissime, non raro procreari amicitia, in te expertus sum: Quandoquidem ego anatomicae scientiæ studiosus, jam à multis annis animum, ad te, anatomicum longè celeberrimum adjeci, & ut aliquando amicitiam atque benevolentiam tuam colligere possem, sæpius exoptavi, eamque præcipuè ob causam superiori autumnio iter meum Colonia Lugdunum institui. Porro te vicissim optime erga me animatum esse humanitas illa, qua me exceperisti, testis est. Itaque ut inceptam inter nos amicitiam conservare, atque fovere possim, omnes nervos meos, quoad vixero meritò intendam, teque nisi id ægre feras aliquando Deo volente, literis invisam. Ante paucos dies ad Dn. D. Baubinum scripsi, eumque tuo nomine salutavi: ante mensem enim Martium Basileam & ad meos vix me recipere poterō

téro. Interim si quid ad me rescribere placuerit, literas Amstelrodamum ad Dn. *Wilhelmum Gessenbach* transmittere poteris: ille enim mihi amicitia junctus est, & literæ, ut ad me perveniant, libenter operam dabit. Mitto munusculum primam scilicet centuriam observationum mearum: utinam tale esset scriptum, ut voluptatem aliquam ex ipsius lectione capere posses. Interim tamen, ut gratum acceptumque tibi sit: inprimis autem, ut omnia amicè interpretari velis, etiam atque etiam rogo. Vale vir amplissime, & Anatomicæ scientiæ lumen longè celeberrimum. Raptim Colonia: 16. Januarii 1612.

## EPISTOLA LXXXVII.

PETRUS PAULUS *Med. Doct. In illustri Academia Lugdunensi Batavorum Medicina professor. Clarissimo, doctissimoq. viro Dn. GUILHELMO FABRICIO Hildano Medico, Anatomico, & Chirurgo celeberrimo, amico honorando S. P. D.*

Verissimè veteres, *Hildane* clarissime, *Magnes amoris amor*. Ab eo tempore, quo tu singulari humanitate, me convenisti, nescis, quam me cœperit tui desiderium; quanti te fecerim, quam exoptarim te salutare; cum ecce ultro tu pulsas amicitie fores, quod cum ita tibi visum, cede mihi, habebis nos sæpius hospites. Mitto hæc Colonia: si grave non sit, occasione data, & ubi per occupationes licuerit significare, quæ ratione commodè ad vos literas mittere poterò, ostendam quanti faciam singularem tuam eruditionem, cum insigni illa modestia, ac humanitate conjunctam.

Tu interim rogo in benignioræ partè interpretare (quod pro innata tua humanitate ac prudentia te facturum confido) neg'edam à me hic cum estes officiositatem: tribue id quæso domesticis meis curis. Animus æger erat, afflictus, imò prostratus consortis charissimæ tam diuturno, fatalique decubitu: illam summus Deus ex hac lacrymarum valle in meliores sedes evocavit. Si aliquando res vestræ ita ferunt, ut hæc loca invisere, aut è tuis aliquem huc mittere placuerit, volo (imò pro inita nostra amicitia jubeo) sedes meæ hospitii loco vobis sint: experiemini, nos hisce locis, si non re ipsa, conatu tamen animoque quoad amicitia culturam, nemini cedere. Conatu dico: quis namque vobis

bis hac in parte par esse possit? accedis non solum ultro, amicè com-  
pellas, offerens amicitiam, sed & insuper primus scribis, jungis munus  
non contemnendum. Fateor non illubenter, despero de redhosti-  
mento: id tamen mihi animum addit, quod te sperem virium nostra-  
rum defectum, humanitate & in nos benevolentia tua suppleturum.  
Hic confidentia amicè, & officiosè te saluto, offeroque me meique.  
Utere, fructu vir optime, nihil peres, aut imperabis, cujus non sedulam  
experturus es exsequitorem: *Magnum Baubinum* à me saluta: quam  
pos hic laboramus in intestinali illa valvula, diligentissime licet, ac ac-  
currare locum illū non semel examinaverim, omnia excusserim: tamen  
præter circulum sive anulum limbo conspicuo prominentem, in  
venire potui nihil. Vult *Piccolhomineus* tres ibi esset valvulas, similes val-  
vulis cordis: *Varolus, Laurentius*, & ex quo sua hi habent, *Baubinus* unam.  
Næ ego me felicem judicarem, si modum rationemque hanc rem in-  
veniendi doceri possem. Tu non parum in hoc negotio poteris, vir a-  
micè (ut autem velis, rogo) ut pote præterquam, quod clarissimo *Bau-  
bino* familiaris sis, ipse in re Anatomica (quod excellentissima tua scri-  
pta testantur) versatissimus. Fac quæso, ut aliquando per te certior hac  
de re factus, non solum Academiæ nostræ, verum universæ Europæ in-  
notescat, quantum in studio Anatomico per vos profecerimus: non il-  
lubeter namque, verum publico scripto meum, quo hæc tunc labora-  
vi defectum, vestramque benevolentiam celebrabo Vale vir Doctis-  
sime: summus Deus te tuis, nobis, Reipublicæ, quæ literarum diu servet  
incolumem, quod veris votis opto. Lugduni Batavorum 8 Martii  
1612.

## EPISTOLA LXXXVIII.

PETRO PAVIO *Philosophiæ ac Medicinæ Doctori excellentissi-  
mo, & in Inchoa Academia Lugdunensi Anatomico & Botanico  
ordinario & longè celeberrimo.* GUILHELMUS FABRICIUS  
*Hildanus S. P. D.*

Responde-  
sur epistola  
præcedenti.

L iteras tuas humanissimas, & tuæ erga me benevolentia plenæ, Vir  
amplissime, accepi: ex quibus quantum clarissimo viro, qui tam  
promptè, imò & in ipsoluæ, & inter lachrymas, ad meas rescripsit, &  
ultro

ultrò omnia humanitatis officia obtulit, obstrictus sum, facillè agnosco: Utinam clarissimo viro officiis respondere possem: Interim tanto oblata occasione, ne omnino ingratus videar, operam dabo. Mitto tractatum meum de Combustionibus, aliud quod mitterem, nunc nihil habeo. Structuram oculi (in qua omnes ferè partes oculi ad vivum adumbrantur) quam promisi, mittere non possum, priusquam ad musæolum meum reversus fuero. Sed & ad finem mensis Maji usque forsàn hic, & in vicinia mihi persistendum erit. Varia enim occurrunt, quæ retardant: inprimis verò morbus gravissimus charissimæ matris meæ, quæ nunc 79. annum ætatis ferè absolvit, & hydropè laborat.

De obitu conjugis præesse, tibi quæ solatio esse potuisset. Verum quia Deo Optimo Maximo aliter visum fuit, patienter visitatio illa divina ferenda est. Et meritò quidem. E turbis enim, atque miseriis hujus vitæ ipsam ad meliorem, ad quam nos quoque adspiramus, advocavit. Olim in hac lachrymarum valle, veluti in Oceano, à fluctibus, hoc est, miseriis, quibus vita nostra obnoxia est, hinc & inde agitabatur: Nunc verò quiescit, & æternis gaudiis cum omnibus fidelibus fruitur. Quapropter rectè & p. è cecinit Poëta:

*Munde vale, nulla hic est constans patria; cælum*

*Per te Christe datur patria firma pio.*

Quamprimum Basileam pervenero, de valvula, Deo dante, cum Dn. D. Baubino loquar, illam quæ inveniendi rationem, & modum, quo ille uritur, ex ipso inquiram, & clarissimo viro significabo. Ego cum aliàs, tum præ ipuè Anno 1595. Genève, & anno 1601. Lausannæ in publica dissectione illam parvo cum negotio inveni. Per intestinum enim rectum infusâ aquâ, ne guttula quidem permeabat valvulam: imò & folle inflato intestino, flatus ipse ante valvulam retinebat, etiam si vi comprikerem intestinum. Contrario autem modo infusâ aquâ, aut inflato intestino, nihil quod obstarèt, observare potui. Sed de his aliàs plura. Literæ tuæ, ut tuto ad me perveniant, in postremis meis ad clarissimum virum literis commodissimam ostendi viam. Vale vir amplis-

*Ratio inveniendi valvulam illam in intestinale.*

sime & Anatomicæ scientiæ ornamentum æterna laude dignissimum. Raptim Coloniz 29.

Martij 1612.

Hhh

EPI-



## EPISTOLA LXXXIX.

PETRUS PAULUS Med. Doctor, GUILHELMO FABRICIO Hildano Medico anatomico celeberrimo S. P. D.

*Respondetur  
epistola  
precedenti.*

GRatum fuit, vir clarissime, intelligere, meas tibi redditas, gratissimum quod id ipsum intelligebam, tibi non ingratum: ita namque testantur tuæ 29. Martii Colonia missæ, quibus junctum de combustionibus tractatum amplexus non solum sum, verum sine mora avidè legi & perlegi. Dico, sine assentatione, nihil me unquam in illa materia legisse, quod cum tuo doctissimo scripto comparari possit, sive methodum spectes, accuratum judicium, sive (quod maximè me affecit) singularia, quæ traduntur remedia: Vulgare ibi nihil est. In precio mihi futurus est is libellus, quemque Chirurgis nostris ita commendabo, ut certus sim, non paucis id maximo futurum emolumento. Fateor itaque ego me tibi vir clarissime multis nominibus debere, futurumque apud me nomen tuum sanctum, dum superest lachesis quod torqueat, non solum etenim verbis amicitiam offers, verum insuper muneribus (quibus refertendis par esse nequeo) me afficis: & quod omnium maximum, solaris in hac familiæ meæ ærumna. Amplector, iterum dico, hunc tuum probitatis humanitatisque plenum in me affectum, ac animum, polliceorque me nullam prætermisurum occasionem, de re tuisque bene merendi, quoties occasio se obtulerit. Gratum fuerit, si occasione data, nostro nomine officiosè salutaveris celeberrimum Baubinum: à quo si doceri possemus aliquando exactè modum rationemque inveniendi intestinalem valvulam, næ nos beaveris. Pudet me stupiditatis nostræ in adsequenda tam singulari observatione, quamque adedè dilucidè & describit, & pictura exprimit vir clarissimus: eoque magis me tenet desiderium intelligendi, quia in re hallucinatio nostra consistat. Post tuum à nobis abitum in duobus subjectis magnà adhibita curâ, ne dicam molestiâ (nam inquisivi in hanc rē in intestino fecibus adhuc repleto, ne locus violaretur) in negotium hoc incubui, descriptionem picturamque Bauhinianam adhibui: verum membranosæ valvulæ ne vestigium quidem deprehendere potuimus, licet jam aliquot annis observatum, à me, annulum, sive circum prominente limbo exstantem spectatoribus conspicuè exhibue-

*De valvula  
intestini.*

rim.

Sim. Si intestina à mesenterio non separentur, infundaturque per se  
 etum aqua aut flatus subsistent, nec transibunt, ubi ad circulum perve-  
 nerint, verum illud facit brevis intestini dicto loco gyratio, & in se con-  
 tractio potius, quam impedimentum aliquod, aut repagulum mem-  
 branosum. Etenim ita cum mesenterio aperto intestino, si hic locus  
 examinetur, nihil se unquam operculi vagulosi nobis exhibuit. Tanto  
 teneor desiderio semel cognoscendi hanc rem, ut ne quidem precio,  
 ac sumptibus parcere velim: eo magis, quod non deesse videam, qui  
 plures hoc loco statuunt valvas: quod videatur clarissimi *Bauhini* di-  
 ctura inversum habere situm, si illa exprimi debeat valvula, talis nam-  
 que si existeret, chyli descensum impeditura videretur potius, quam  
 fecum refluxum. Quæso ex hoc labyrintho nos educito, & cum tuis  
 diu viro, salutaturs officiosè à tui nominis cultore observantissimo.  
 Lugduni Batavorum 18. Aprilis 1612.

*Concl. Bauh.  
 in Nubem  
 in hyp. a. l. m.*

## EPISTOLA XC.

Viro clarissimo, atque doctissimo Dn. D. PETRO UFFENBA-  
 CHIO Illustrissimi Principis, ac Dn. D. LUDOVICI Landgra-  
 vis Hassie, &c. & inclita, Reipub. Francofurtensis Medico or-  
 dinario, amico singulari, GUILHELMUS FABICIUS HIL-  
 DANUS S. P. D.

M Iraberis procul dubio clarissime, & charissime mi Dn. D. Uffen-  
 bachi amicorum optime, qui fiat, quod præteritis nundinis Fran-  
 cofurtensibus nullas ad te dederim literas, sed pro summa humanita-  
 te, atque in me benevolentia tua ignosce, quæso, mihi. Non enim li-  
 cuit fidem meam liberare: quandoquidem superiori mense Decem-  
 bri. 12. die Francofurto à vobis discedens, & nonnihil à via recta, ut  
 nobilissimum quendam virum in Ducatu Wirtembergico inviserem,  
 dessectens, in via catharrus satis vehemens ad pulmones mihi dela-  
 lapsus est; is iter meum aliquantum retardavit: Argentinæ enim &  
 Basileæ ad dies aliquot mihi persistendum. Tandem cum 15. Januarii  
 per Dei gratiam feliciter ad meos (uti forsitan ex clarissimo viro Dn. D.  
*Johan Hartmanno Bejero* communi nostro amico, ad quem antemen-  
 sem scripsi, intelligere potuisti) reversus essem, multis, continuisque

negociis à studiis distractus fui. Deinde in quarta Centuria observationum, quam nunc ad præludum adorno, laborandum mihi fuit. Hinc fit, ut quæ in *Albucasi* promisi, nondum præstare potuerim: sed & àn omnia præstare potero, multum dubito: negotiorum enim multitudine inapeditor, multa præterea in hoc Authore aded obscura occurrunt, ut nisi aliquis in Arabica lingua versatus sit, aut *Avicennam*, aliofque Arabes diligenter legerit, vix sese extricare poterit. Sequenti tamen hyeme, si Deus Opt. Max. viam concesserit, periculum facere conabor, & si quid hac in re præstare potero, in bonum publicum, pro virili faciam quàm libentissimè.

Cæterum dum hæc scribo, & generosos tuos conatus ac indefessos labores, quos circa scripta majorum, ac parentum nostrorum in re Medica suscipis, perpendo. Aurea illa *Isocrati* occurrit sententia, qua olim hi, qui sepulchra parentum, ac eorum, à quibus beneficia acceperant, non ornaverunt, veluti ingrati, ac impii reprobabantur, & ad munia publica veluti indigni non admittebantur. Superiori seculo perpendentes hæc *Carolus* hujus nominis V. Roman. Imperator, & *Franciscus* I. Rex Christianissimus, non laboribus, non sumptibus pepercuerunt, quo antiquorum scripta, penè deperdita, & mucore, ac tinea ferè exesa ad pristinum splendorem revocare possent. Qua in re non minorem gloriam, ac sempiternam memoriam, magnæ quæ ac memorabile nomen, quàm heroicis ab ipsis rebus gestis sibi comparaverunt. Tibi quoque, ne quis vitium ingratitude exprobrare possit, antiquorum, & quidem præclarissimorum præceptorum nostrorum, qui nobis, ut divinus monet *Hippocrates*, loco parentum esse debent, scripta è tenebris ad lucem revocare studeas. Vidi id superiori anno, non tantum cum *Gordonii* opus à te prodiret, verum etiam cum in Museo tuo opus illud Chirurgicum ex *Bruno*, *Janfranco*, *Rogero*, *Bertapalia*, *Guilhelmo de Saliceto*, *Guidone*, aliisque divinæ artis nostræ antistitibus constatum mihi monstrares, & quibusdam floribus fragrantibus horum vltorum, de Chirurgia optimè meritorum, monumenta adornare studeas, simul quoque indicares. Rectè profectò facis, charissime mi Dn. Doctor, & ut in ea, quâ ingressus es, via str: nuè progrediaris, authores quæ illos ex cymba *Charontis* revoces, sedulo te adhortor: non amplius enim illos venales extare pro certo scio: Quandoquidem Venetiis, & Parisiis per amicos, Lugduni verò, Coloniz, Augustæ, Basileæ, Francofurti, aliisq; in locis frustra illos ipsemet perquisivi aliquoties: quapropter per mul-

tos annos opus hocce non, nisi ab amicis mutuo habui: donec tandem excellentissimus ac doctissimus vir Dn. M. *Conradus Pfisterus Basileensis*, ejusdemque inclytæ Academiæ Professor celeberrimus, amicus meus singularis, propter mutuam nostram amicitiam, in meum commo dū, suumque incommodum, suam spoliavit bibliothecam, meamque hoc opere ditavit.

Authores potrò istos quod attinet, etiam si eorum stylus atque elocutio impolita sit; (nonnulli enim eorum ante trecentos sexaginta annos, cum artes liberales propter bella ad maximam barbariem redactæ, floruerunt) doctrina tamen eorum adeò est perspicua, ut quid amplius ad studium Chirurgicum rectè instituendum, ac praxin cum laude & ægrorum commodo exercendam desiderari possit, nondum videam. Ex ipsissimis enim & limpidissimis fontibus *Hippocrati*, *Galen*i, *Pauli Aeginetæ*, *Avicennæ* & *Dioscoridæ* scriptis, doctrinam, quam proponunt, hauserunt, collegeruntque. Deinde quæ apud prædictos authores confusè traduntur, magno cum labore in ordinem certasque classes redegerunt; ac proinde Chirurgiam (quæ ipsorum temporibus, sub & post *Fridericum II.* propter bella, quibus universa ferè Europa arsit, præcipuè Italia, propter factiones Gibellinorum & Guelphorum, floruit, magnoque in honore habita fuit) mirum in modum illustrarunt, ac famam laudemque immortalem meruerunt. Ab eorum præterea temporibus, etsi Deus Opt. Max. sæpissimè ingenia divina suscita verit, quæ artem mirum in modum illustrarunt; inter quæ lumen illud Italicum *Johannes Andreæ à Cruce*, ac maximus *Ambrosius Paracelsus* non infima: nullus tamen sanæ mentis propter barbarum stylum eos contemnet; nullò magis veluti præceptores fidelissimos, honoribus afficiet: quandoquidem, ut *Celsus* refert, *Morbi non eloquentiâ, sed remediis curantur*. Scio equidem superiori seculo quendam exstitisse; qui nescio quonam spiritu ductus, non tantum in *Hippocratem* Medicinæ verè parentem, *Galenum*, item & *Avicennam*; verumetiam *Lanfrancum*, *Brunum*, *Rulandum*, *Guidonem*, *Vogonem* cæteraque prælatissima lumina, ubique latrare conatus est, eorumque scripta leoninis dentibus dila cerare totum suum studium convertit. Interim tamen ipsum nihil nobis, unde quis Chirurgicam artem ex fundamentis edifice, & in perfectum præticum evadere possit, reliquisse video: etiam si & ipse & ipsius discipuli sua ad cælum usque extollant, reliquaque improbent omnia. Sed dum ipsi aurea *Hippocrati*, *Galen*i, *Avicennæ*, cæterorumque rationalium scri-

*De Bruno. Lanfranco, Guidone cæterorum antiquorum Chirurgorum opinio.*

*Antiqui authores propter stylum non contemnendi.*



pta explodere, & ad Orcum derrudere student: optandum esset, ut id potius solidis rationibus, quàm stolidis convitiis, injuriosissimis quæ ac iniquissimis calumniis facerent; nec non præstantiora in commodum studiosorum Chirurgicæ artis, simul & commoditatem ægrotum in medium producerent: non autem ingenia tenella, judicio experientis quæ nondum satis confirmata, ambiguis suis scriptis in studiis retardarent, imò & intricarent. Intricarent, inquam; qualisnam, quæso, est modus ille scribendi & docendi, passim à Dn. *Felice Wirtzio* usurpatus; quo non solum antiquorum scripta, nunc tacitè, nunc expressissimis verbis mordere studet: verumetiam nonnunquam unum eundemque processum chirurgicum nunc improbat; mox iterum approbat? Exemplum unum aut alterum, ex quibus veluti ex ungue leonem cognoscas, proferam. Parte prima cap. 4. de cauterio à quali loquens, eò usque devenit, ut illud à carnificibus inventum fuisse, (nota, hic tacitè antiquissimos atque præclarissimos Medicos atque Chirurgos morder) & latronibus tantum adhibendum scripserit; Sordida profectò, & honesto viro indigna oratio. Sed vide, quæso, inconstantiam hominis, cum mox addit; Quæ admodum restrictionem sanguinis in genere, uti dictum est, non improbo: ita quoque restrictionem sanguinis, quæ fit ferro candenti non omnino improbo: sed dico ipsum singularem utilitatem, usumque habere in Chirurgia, veluti in abscissione membrorum, & excisione excrescentiarum. Vides, quomodo id, quod veluti crudele & inhumanum ad inferos usque, ut ita dicam, detrussit, è momento iterum approbat, & ut singulare auxilium extollit. Parte 2. cap. 1. vult, ut Chirurgus Anatomie optimam habeat cognitionem, & rectè quidem. At paulò post sibi ipsi contradicit, ipsiusque plenissimam cognitionem Chirurgus minimè necessariam esse scribit. Quibus verbis juniores Chirurgo à studio Anatomico, cui alias multi, præcipuè inter Germanos, non usque adeò sunt dediti, maximo ipsorum, simul & ægrotum damno, avocat: cum tamen Chirurgus scientia Anatomie magis, quàm Medico sit necessaria. Medicus enim ingeniosus & doctus, qui tantum circa internos morbos versatur, facili exlectione optimorum authorum, etiam si ipsemet in dissectionibus manum non adhibuerit, quæ sibi necessaria sunt ad praxin, ediscet. At Chirurgus, qui circa fracturas & dislocationes operatur, excrescentias quoque nonnunquam excindit, vix aliquid boni præstabit, nisi Anatomie notitiam habuerit. Sed & plerumque in cadaveribus Magnatum & aliorum

*Wirtzii  
de cauterio  
actuali sordida ac  
impudentissima opinio.*

*Felix  
Wirtz  
Chirurgo  
à studio  
anatomico  
avocat.  
Anatomia  
scientia  
Chirurgo  
magis, quàm  
Medico  
necessaria.*

liorum accidit, ut abditorum morborum causas investigare necesse sit. At quomodo, quæso, Anatomix imperitus barbitonfor ex arte cadaver dissecabit, causasque morbi latentes investigabit? Quid plura? quemadmodum nullus in artium liberalium Magistrum evadere potest; nisi in primis scientiarum elementis eruditus fuerit, & ipsum Alphabetum, ut vocant, didicerit: sic nullus perfectus potest esse Chirurgus, nisi in Anatomicis fuerit versatus. At, bone Deus, quorsum devenit nobilissima hæc ars? interim enim dum juniores Chirurghi studio Anatomico incumbere deberent, instrumentis Musicis, lectione Eulenspiegelli, Amadilii, Baccho, Venereque; & aliis futilibus exercitiis, quibus officinas suas exornare se posse credunt, oblectantur, tempusque, curus jactata nihil perniciolius, misere consumunt. Hinc tot tamque gravissimi indies ab imperitis circumforaneis ac barbitonforibus in perniciem generis humani committuntur errores. Exemplum habes in tractatu meo de gangræna & sphacelo cap. 15. Item centur. 3. observat. 35. Accidit & hic ante paucos annos casus annotatione dignus, ex quo eruditio barbitonforum nostrorum in Anatomicis apparet. Articularius quidam M. Johann Kießling in lustratione exercituum sorte fortuna idem sclopeti in latus, sed solo pulvere tormentario recepit; ex quo ipsa cutis usque ad costas dilacerata fuit. Advocatus barbitonfor Anatomix imperitissimus, videns costam denudatam, forficibus illam apprehendit, ipsamque vi, maximoque conatu extrahere tentat: plane enim sibi persuasum habebat, frustum esse bacilli, quo oneretur sclopeta. Cum ægrum ita ex cruciat, quidam ex vicinis vulnerati Chirurgiæ quamvis ignarus, rerum tamen bellicarum peritus, qui & in castris multoties circa vulneratos fuerat, accurrit: Is, ut parerat, exprobrando ignorantiam, barbitonforem repellit, ipseque primum apparatus applicat. Ab initio periclitatus quidem, tandem nihilominus feliciter curatus fuit, & in hunc usque diem vivit.

Observatio

Ante annos tres in Alsaciam ad puellam decem circiter annorum ætatis, atrophiam cruris per annos aliquot laborentem, vocatus fui. Circa puellam hanc diversi barbitonfores occupati fuerant, omnemque lapidem moverant, ut extenuationem illam partium musculosarum, ac claudicationem corrigerent. Ego cum primum denudatum crus inspexissem, dislocationem coxæ reperi; indeque Atrophiam propter compressionem vasorum, venarum in primis, & arteriarum provenire, parentibus indicavi, & quid circa affectum hunc cecentandum, aut præterea de eventu expectandum, simul significavi.

Ante

Observatio  
de atrophiam  
cruris.

*Alia observatio de atrophis cruris.*

Ante dies 15. hic ad puellam duodecim annorum claudicantē, & atrophiam cruris laborantem, vocatus fui. Hanc barbitonfores nostri per menses tres in Xenodochio curandam habuerunt: circa genu quidem ubi sedem mali esse arbitrabantur, multa adhibuerunt medicamenta, sed frustra. Nec immerito: quandoquidem dislocatio in coxa, quam barbitonfores nunquam observarunt, & claudicationis & atrophie sola causa erat. Hæc facit ignorantia artis Anatomicæ, simul & sordida negligentia.

*Wirtzii de impressione cranii falsa opinio.*

Sed redeo nunc unde paululum digressus ad ambigua Dn. Wirtzii scripta. Parte 2. cap. 6. docet; Chirurghum de impressione cranii non usque adeo sollicitum esse debere: sed totum negotium naturæ potius committendum, parumque referre, an impressio cranei remaneat; id enim cerebri motum, propter vacuum, quod est inter meningem, & cranium minimè impedire. At bone Deus, quantus error? quanta absurditas! quam pestifera opinio! vult tamen, ut Chirurgus ca veat, ne pessima superveniant symptomata. At in huiusmodi affectibus gravissimæ symptomata non aliunde, quam ex impressione cranei provenire, tam certum est, quam quod certissimum: uti ego exemplis quibusdam observatione 3. cent. 2. Item observ. 21. cent. 3. monstravi. Quibuscumque enim, inquit Hippocrates, cerebrum aliqua ex causa concussum fuerit, nimirum ob casum ex alto loco, acictum capitis, necesse est statim mutos fieri, vocemque amittere, adeoque omnes alios motus voluntarios. At impressionem cranii, nisi valdè fuerit exigua, absque concussionem cerebri, accidere non posse, sciunt Medici. Quomodo igitur Chirurgus affectum curebit, stante ipsius causa?

*Wirtzii de vulneribus pectoris penetrantibus absurda opinio.*

Parte quoque 2. cap. 11. turundas in vulneribus pectoris penetrantibus rejicit; sanguinem, ac purulentam materiam per urinas, alvum atque sudorem evacuari posse, præter rationem profert.

Item cap. 14. in vulneribus digitorum, & manuum turundas quoque absque ulla distinctione improbat. Hæc doctrina quàm sit periculosa, in quarta Centuria, quæ, Deo dante, brevi excuderetur, quibusdam exemplis declarabo.

*Wirtzii liber Chirurgicus multa bona continet.*

Hæc de Dn. Wirtzio adscribere visum fuit, non calumniandi, aut mordendi causa; continet enim liberejus multa bona; deinde ex viris ~~sed~~ dignis habeo, ipsum fuisse virum probum, pium, & in sua vocatione mirum in modum diligentem: sed ut demonstrum, ipsius librum cum iudicio esse legendum, nec omnia approbanda: Deinde quàm permi-



perniciōsum sit, antiquorum scripta negligere. Etiam si enim eorum temporibus, ut antea quoque dixi, ars Medica, præcipuè pharmaceutica, rudis, neque uti hodie exulta fuerit: fundamentum tamen posuerunt; super quod quisquis ingeniosus artifex postea facillè ædificare potuit. Quod si Dn. *Wirtzius* theoriā ex prædictis authoribus excerptisset, suasque inventiones atque experimenta addidisset; proculdubio longè utilissimum post se reliquisset opus. Sic enim videmus post *Brunum & Lanfrancum* (quorum ille anno Christi 1152. hic verò circa annum 1296. floruit) præclara illa lumina *Guidonem de Cauliaco* (qui scripsit anno 1363) ac deinceps *Johannem de Vigo*, Julii 11. Pontificis Romani Chirurgetum longè celeberrimum, *Tagautium* item, *Fallopium*, & insignè lumen Venetum *Job. Andream à Cruce*, & *Hieron. Fabricium ab Aquapendente*, fecisse. Hos omnes fundamento à prædictis viris posito, superædificasse, & antiquorum monumenta novis, nec non pulcherrimis inventionibus adornasse, eorum scripta fidem faciunt. Fundamento quoque marmoreo à prædictis viris ex *Hippocrate*, *Galeno*, *Paulo Aegineta*, *Avicenna*, *Albucaſi*, aliorumque Antistitum divinæ artis nostræ jactō, tandè quoque insignis ille Chirurgus Dn. *Ambrosius Paræus* ædificium suum aureum superædificavit, & extruxit, ex quibus satis perspicuum fit, neminem eorum, qui horum authorum scripta spernit aut negligit, in optimum, ac perfectum evadere posse Chirurgetum. Dum enim juniores Chirurgeti antiquos, optimosque autores negligunt, neque eorum scriptis theoriā, artisque præcepta, & fundamentum colligunt, fit (quemadmodum doctissimus ille, & Arabicæ linguæ decus Dn. D. *Petrus Kirſtenius*, amicus meus singularis in præfatione sui *Avicennæ* refert) ut postea in praxi dubii fiant & confundantur, & quam sequantur viam, planè ignorent: imò pro rationalibus artificibus stolidi fiant empirici. Hinc tot, tamque gravissimi, & humano generi exitiosissimi errores in re Medica, atque Chirurgica ab imperitis, ne dicam sceleratis hominibus committuntur: quemadmodum hoc tempore multis fit in locis, etiam hic & in vicinis Rebus publicis splendidissimis, ubi non solum imperitissimis circumforaneis & agyrtis, verum tantiam ipsis carnificibus, nobilissimam hancce artem pro arbitrio exercendi, torque homines devastandi, conceditur potestas. Hoc porro incommodum evitabimus optimè, si ab antiqua ipsa ratione, & multorum sculorum verā experiētiā comprobatā vā regiā, ne latum quidem unguem, ad avia declinaverimus: & Magistratus amplissimus ubique (ut aliqui-

*Qui antiquorum scripta spernit in perfectum Chirurgetum evadere non potest.*



bus sit in locis) hanc artem exercendi nemini concederet licentiam, nisi prius examinatus fuerit, suoque artis rationem dederit, specimenque aliquod exhibuerit.

*Nervos dissectos esse consuevissimos.*

Et si autem prædicti authores inter se, unus ex altero, multa de verbo ad verbum descripserunt: non semper tamen in opinionibus conveniunt. Exempli gratia, *Brunus, Lanfrancus & Guido* volunt, ut nervi in transversum dissecti conuantur: *Theodoricus* tamen contrarium docet, & quantum potest, futuram nervi improbat, opinionemque suam auctoritate *Hugonis* (qui celeberrimus fuit Chirurgus) probat. *Rulandus* vult, ut ambo capita nervi concisi ferro candente cauteriscentur: reliqui vero authores de hac cauterisatione ne verbum quidem prodiderunt. Sed quid in hac diversitate opinionum faciet juvenis Chirurgus? si hac de re in ambiguo est, facile ipsi solvent nodum loca, quæ extant apud *Hippocratem* lib. I. de morbis, ubi inquit: *Nervus præcisus ac dissectus, non coalescit: & Galenum* lib. de constitutione artis Med. *Nervus aut ligamentum dissectum refici non potest.* Si enim nervus præcisus ac dissectus non coalescit, ad quid quæso proderit, ægrum incautè periclitari? consulat quoque hac de re celeberrimum Medicum. Chirurgum *Dn. Johan. Andreæ à Cruce*, qui controversiam hanc doctè, perspicuè, si mul & succinctè enucleavim. Adderem nonnulla alia, nisi limites epistolæ jam prætergressus essem. Unum tamen pro conclusione repetere cogor, nimirum junioribus Medicis & Chirurgis lectionem antiquorum authorum necessariam esse, ac proinde præstare antiquos authores, ut tu facere statuisti, potius è tenebris eruere, ipsosque fontes partim injuria temporis detritos, partim quoque amanuensium, & typographorum inficitia, & negligentia miserè conculcatos & turbatos reedificare; & ex ipsis purissimam potius, quàm ex rivalis pulvere conspurcatam haurire aquam, totque libros novos, quos faciendi, ut Ecclesiastes cap. ultimo testatur, nullus est finis: conscribere: præcipuè cum nunc vix aliquid dicti, aut scribi possit, quod non dictum, aut scriptum sit prius. Quapropter perge vir clarissime, nec ab instituto, quæso, desiste: facies rem Chirurgiæ studiosis utilissimam, omnibusque probis viris acceptissimam.

Guidonem autem, ut scis, castigavit, & annotationibus illustravit *Dn. D. Laurentius Joubertus P. M.* hanc editionem præ cæteris eligendam, nec annotationes ejusdem authoris omittendas esse arbitror. Et quia exemplaria Chirurgiæ *Johann. Vigoni* distracta: consulum esse

*mihj*

mihi videtur, ut postremam editionem castigatam, & Anno 1582. Lugduni impressam quoque adjungas. *Matthias Narvatius* Aragonensis, sententias & Aphorismos præcipuos ad Chirurgiam spectantes, ex omnibus libris *Hippocratis* collegit: libellus profectò non spernendus, illum si adjungere tibi placuerit (suadeo autè ut adjungatur) libenter exemplar, quod habeo tibi cõmunicabo. Et si quid aliud quod in hoc negotio tibi usui esse possit, penes me fuerit, per quam libenter te participè faciam. Quæ in *Guidone* tuo circa finem desiderantur, de verbo ad verbum describenda curavi, eaquæ ad te mitto. Galenus Græcus in Bibliotheca Dn. Dn. nostrorum, uti tibi coràm dixi, in triplo extat; an verò exemplar pro te habere possim, ex bibliothecario nondum intelligere potui: non enim in ipsius potestate est, absolurè quicquam hac in re disponere: negotium tamen quantum potero, urgebo. Basileæ exemplar Græcum venale habetur: sed æstimatur quadraginta florenis in albo. Si Galenus meus Græcus integer esset, libenter eum tecum contra alios auctores permutarem, sed habeo tantum quatuor partes priores, reliquæ desunt, Superiori hyeme ex Germania rediens, & Basileam transiens Dn. M. *Conradus Pfisterum* conveni, virum in Græcis literis solidè doctum, qui mihi significavit, se habere in sua bibliotheca librum Galeni de ossibus Græcè, ut & fragmenta nonnulla alia, quæ in editione Basileensi, & Veneta desiderantur, sed à *Johanne Cajo* Anglo edita in quarto. De his te quoque admonere volui; si forsan ad institutum tuum tibi prodesse possent. His vale vir clarissime, & æternum quam felicissimè cum tuis omnibus vive. Saluta quæso meo nomine amplissimum, ac doctissimum virum Dn. D. *Johannem Hartmannum Beyerum*, reliquosquæ apud vos Medicos. Bernæ Helveticorum 20. Maij 1618.

## EPISTOLA XCI.

*Amplissimo atque excellentissimo viro Domino PHILIBERTO SARAZENO Doctori Medico Lugdunensi celeberrimo, GUILHELMUS FABRICIUS Hildanus S. P. D.*

Postremas, quas ad te scripsi literas, vir amplissime, fautor & amice æternum honorande, sub finem mensis Augusti proximè elapsi,

Wormatiâ rediens, & Solodurum transiens, inter manus illustis viri Dn. de *Casteilles*, Legati Regii, reliqui; ad quas tamen responsum nulum, minus verò viperas, aut troiscos è vipetis, quos cupiebam habere, accepi. Ab eo tempore quanta luctuosa, quantaque tristia & adversa mihi advenêre, vix tibi exprimere possum. Pestis enim, quæ Lausannam ægrumque Lausannensem ferè depopulata est, non solum multos ex amicis, verum etiam nonnullos ex domesticis meis è medio abstulit. Uxor mea & ambo filii gravissimè laboraverunt, per singularem tamen misericordiam Dei convalescerunt: atque verò filia mea, simul & ancilla unâ extinctæ fuerunt, idque diversis temporibus, & ita quidem, ut familia mea ultra menses quatuor perclusa fuerit. Ego eâdem clementiâ De hucusque conservatus fui.

Ulcus malignum ad linguam radicem.

Ante dies 14. Bellicium ad Dn. *Claudium Monteilletum* procuratorem vocatus fui, & etiam nunc apud ipsum hæreo. Laborabat ille ulcere sordido, putrido, profundo & maligno ad ipsam radicem linguæ lateris sinistri. Multa adhibuimus medicamenta, tam interna, quam externa, à nobilissimo atque doctissimo viro Dn. *Marco Offredo*, item à Dn. D. *Petro Robino* & à me communi consensu præscripta, quib. Deus Opt. Max. ita benedixit, ut malignitas morbi nunc remiserit, & ulcus iterum carne impleatur. Ante dies aliquot sinum quandam sordidum ex fundo ulceris ad ipsos musculos laryngis & œsophagum penetrantem reperi: materiam itaque aliam circa prædictas partes collectam fuisse, hinc mihi colligere licet, quod vox jam liberior sit, & cibum minori cum difficultate deglueat, & dolor ille maximus auris sinistrae, tussicula item sicca, quæ vexabatur antea, remiserint. Quanta enim inter musculos laryngis, & aures sit sympathia, aliâ in dissectionibus nervi quintæ conjugationis observavi. Sinus porò ille molestiam quandam nobis parit; quia enim sordidus, gargarismate syphone injecto sæpissimè illum abluere, & turundis medicamentis abstergentibus & mundificantibus obductas, infigere coactus sum, idque absque maxima difficultate eo in loco fieri nequit. Plura hac de re nunc non scribo, cum affectam antehac vidisse sciam. Quendam, *Bernhardinum Dias* nomine, de morte repentina librum scripssisse intellexi: rescribe, quæso, qualis sit liber, ubi excusus, & an lectione dignus. Literas ad clarissimum & consultissimum virum Dn. *Sarazenum* F. Genevam mitte: illum enim Lausannam rediens, in transitu invisere constitui. Quod si drachmam saltem unam troiscorum de vipera electissimorum simul mife-

Inter musculos laryngis & aures magna sympathia.

miseris, gratissimum mihi feceris; & libenter, ut par est, quicquid expecteris, persolvam. Vale vir amplissime cum tuis omnibus, quos tecum peramanter saluto. Raptim Bellicii 6. Martii 1614. stylo novo.

## EPISTOLA XCII.

*Idem ad eundem.*

**E**Tiam si ante paucos dies ad te scripserim, vir amplissime, inopinanter tamen oblata occasione ad te scribendi, significare volui confessionem Alkermes, quam misisti, recte me accepisse, & pretium, quod indicasti, per mercatorem Solodurensem misisse. P. O. L. H. I. T. O. labore, ego habeo quicquid ingentes gratias: quod si vicissim tibi potero gratificari, impera & jube, quæso, auda æter. Responsum tuum ad observationem meam de admirando vomitu, ante annum, si recte recordor, ad te missam, avidè expecto. Cupio enim observationem illam, simul & responsum tuum, si ita tibi placuerit, centuriæ quartæ, quam nunc pro prælo describo, & brevi Oppenheimium missurus sum, inferere: matura itaque quæso responsum, & festinanter mitte ea, quæ missurus es.

Cæterum ne nuda esset epistola hæc, en casum omnibus modis rarissimum, in quem heri vesperi revolvendo adversaria mea, forte fortuna incidit. Anno 1607. 15. Aprilis illustris vir Dn. *Eustacius de Refuge*, Christianissimi Regis Henrici Magni apud Helvetios legatus prudentissimus mihi narravit, se ante annos aliquot, cum esset adhuc juvenis, quodam die, propter negotia publica, & quidem magni momenti, cursum velocissimum, & veluti fulmineum, si ita cum Poëta loqui liceat, ad horas quadraginta octo facere coactum fuisse: Optatam porro cum cursu attigisset metam, & quieti se reddere vellet, palpebras cum inferiores, tum etiam superiores, imò nec ipsos oculos contrahere, aut movere se potuisse, & ad tempus aliquot apertis & fixis oculis (quod profecto mirum, & vix unquam observatum) sibi dormiendum fuisse: coltum præterea ex ista equitatione vehementi ad edendurum, ut ipsum nullo modo movere, multo minus caput circumagere potuerit: beneficio tamen medicamentorum quorundam emollientium & corroborantium, à Medico quodam docto præscriptorum, & adhibitorum, intra paucos dies plenissimè restitutum fuisse.

*Ex nimia  
coleri-  
magis equi-  
tatione, qua  
incommoda  
sequitur.*



*Hippocrates lib. 2.  
aphor. 50.*

Vides, vir amplissime, quid in nobis possit exercitium violentum, præcipue in eis qui nondum assuesciti sunt; quemadmodum Illustris ille Dominus eo fuit tempore. Quæ enim ex longo tempore consue-  
ta sunt, & penè in naturam transierunt, etsi deteriora sunt, & haud  
quaquam naturâ bona, insuetis, naturâ innocuis, minus molestare  
solent, & nocere: Oporter igitur non repente sed paulatim ad insue-  
ta permutari, id quæ in iuventute maximè fieri debet. Ego planè existi-  
mo, cursum illum, aliosque plurimos, quos illustris ille vir, & in iuven-  
tute, & consistente ætate inconfecerat, non postremâ fuisse causam  
sui morbi tam gravis, atque difficilis. Si enim in hoc cursu Pegasus,  
ut ita dicam, caput, & proinde oculi, nervi, & muscoli oculis, palpe-  
bris & collo inservientes ad eò læsi fuerant, ut rigidi & immobiles re-  
manerent, an non multo magis partes proximiores, veluti collum ve-  
sicæ, sphincter, nates, adjacentesque partes inde labefactas, nec non  
ad recipiendos humores excrementitios aptiores redditas fuisse exi-  
stimas? statueram aliquando historiam morbi ejus una cum curatio-  
ne quartæ Centuriæ inserere: sed hoc an ipsi gratum esset, dubitavi  
hactenus, fiet forsitan cum quinta prodierit: si Deus vitam concesserit.

*Observatio  
Motus vio-  
lentus no-  
xius.*

Porro motus ille violentus in his qui minimè sunt assuesciti, quam  
noxius sit, ante annum hic quoque observare mihi contigit. Aurifa-  
ber quidam Maître Pierre Durant nomine, natione Gallus, cum ligna  
ad culinam & fornacem ipsemet conficeret, sinderetque, ac per diem  
integrum huic operi strenuè incumberet, membra ipsius, & inprimis  
dorsum ita defatigata fuere, ut in quartum aut quintum diem se vix  
movere posset: sed præ dolore maximo in grabato decumbere con-  
atus esset, febris quoque, appetitus prostratio, & Inquietudines subse-  
quutæ sunt. Ego vocatus, corpus expurgavi, venam in brachio incidi,  
torumque ferè corpus oleis & linimentis anodynis inungere jussi, qui-  
bus feliciter sanitati restitutus fuit. Utinam igitur unusquisque pro-  
vinciam sibi à Deo commissam fideliter administraret, nec in alienam  
messes falcem suam immitteret. Aurifaber debebat tractare aurum,  
argentum, & gemmas, non putrida, & cariosa ligna. Sed quid quæso  
dices de his hominibus, qui ad istam, nescio quam imprudentiam di-  
cam an negligentiam deveniunt, ut etiam hic, & in vicinis. Rebus pu-  
blicis splendidissimis, non tantum Imperitissimis, ineptissimisque ho-  
minibus, verumetiam sordidissimis ipsis carnificibus concedant at-  
tem Medicam & Chirurgicam exercere, ægis liberè, & absque ulla  
con-

Contradictione & interna & externa exhibere remedia. Inspiciūt urinas, præscribunt, & præparant medicamenta, imò ad intima conclavia ægrotorum ingredi non verentur, etiam ipse carnifex. Ille ante menses sex cuidam matronæ hujus civitatis, & viduæ *Adami Stöß* potiunculam præparavit, qua sumpta eadem die visum amisit, eumque nondum recuperavit, & forsan nunquam recuperabit. Maximis præterea doloribus capitis affligitur, ad quos tollendos (visum enim quod recuperare possit, nulla spes est) nonnulla adhibui medicamenta, sed quia setaceum respuit, vereor ne frustra adhibeantur cætera. Vides mi Dn. *Sarazene*, quam potens sit Princeps tenebrarum, ut etiam oculos mentis eorum, qui omnibus prælucent, obcæcare possit: & hæc quidem, ut videndo non tamen videant, sacras illas gemmas à sordidis istis porcis pedibus conculcari: non videant, inquam, ipsis tandem coram tribunali Dei non minus de salute corporum, quam animarum subditorum rationem esse reddendam, Princeps enim cum sit imago Dei, ut *Nazianzenus* Orat. 18. rectè describit, & imaginem Dei gubernet, prospicere debet, ut id non inverso, sed recto, & à Deo, instituto ordine fiat; præcipue his in rebus, quæ animam ipsiusque domicilium, corpus nimirum concernunt. De his aliquando Magnates admonui, admonuerunt & præclari viri publicis monumentis; non ducti invidia, sed quod acerbissimè afflictabantur imaginem Dei à sceleratis, & imperitissimis hujusmodi hominibus destrui, splendoremque artis nostræ longè nobilissimæ fulgine sordidissima horum hominum obscurari: sed ut mihi videtur, hæc tenus in aëre pisci fuere omnes. His vale vir amplissime, & æternum vive. Raptim Bernæ  
15. Aprilis Anno 1618.

*Observatio  
Ex sumpta  
potiuncula  
purgante,  
visus amissio.*

## EPISTOLA XCIII.

*Clarissimo atque doctissimo Viro Dn. D. SEBASTIANO MEYER-  
RO Medico Freiburgensi, GUILHELMUS FABRICIUS Hil-  
danus S. P. D.*

*Morsu canis  
rabidi quo-  
modo cu-  
randus.*

Cum præstantissimus Dn. M. *Ursifius* te invifendi & falutandi gra-  
ciâ, clariffime atque amantiffime Dn. D. *Meyere*, ad vos iter fuum  
inftituiffet, ficut meis ad te literis eum dimittere nefas quidem putavi.  
Obfecro autem, ut jure amicitiz noftre virum huncce pium ac do-  
ctum, ut amicum tibi adjungere non dedigneris. Cæterum avidè abs  
te intelligere cupio, qualisnam fuerit progressus & eventus iftiûs gra-  
vidæ, quam nuper, cum apud vos efferem, fimul invifimus: & quæfo, ut  
per eundem Dn. *Ursifium* hac de re verbum unum aut alterum ad me  
refcribere non graveris. Quod ad objectionem tuam, nimirum an in  
morsu canis rabidi, neceffaria ex mente *Galenî* fit carnis laniatæ ampu-  
tatio unâ cum uftione, dicam liberè, rectam & tutiffimam efferre metho-  
dum à *Galeno* propositam. Duo enim, quæ in hujusmodi affectibus  
conveniunt ac defiderantur, fimul efficit. Primò, ut effluat fanguis, &  
cum eo virus, à morsu in parte affecta relictum: Secundò, ut vulnus ef-  
ficiatur magnum & rotundum; ac proinde diutius apertum maneat.  
Porro etfi excifio rationaliter adminiftrari poffit, pars tamen affecta  
eam non femper admittit; veluti fi morsus eft in loco aliquo nervofo,  
ut in fœmina illa, de qua in poftrema ad te obfervatione, aut in talo, ut  
in puella cujus quoque in eadem obfervatione mentionem feci. De-  
inde effer hoc duplice dolore ægrum afficere, ac facilimè (quia cuâdi  
fibi perfuafum habent folùm cauterium fufficere) nomen crudelis  
Medici fibi comparate. Sed videamus nunc, an methodus, quam ego  
in obfervationibus meis propofui, fufficere poffit. Requiritur primò,  
ut aliquid fanguinis effluat; ideoque fcarificationem, & applicatio-  
nem cucurbitularum atque fanguifugarum adhibeo; quibus fangui-  
nem absque dolore extraho. Secundò vult *Galenus*, ut ulcus fit rotun-  
dum, utque diu apertum manere poffit. Rotundum autem illud faci-  
limè una eademque opera cauterio rotundo efficio. Deinde ut ad  
longum tempus apertum refervetur, fpongiâ præparatâ, radices gen-  
tianæ, fabas aut pifâ impono: ficque ulcera fi vellem ad annum integ-  
rum

grum aperta retinere possem. Concludo itaque excisionem carnis à Galeno propositam minimè necessariam esse, & solis scarificationibus, cauteriisque, tum ad sanguinem, & virus venenosum extrahendum, tū ulcus rotundū efficiendū sufficere. Hinc videmus *Dioscoridem*, cū de excisione carnis laniatæ loquitur, uktionis nō meminisse, & cōtra, quādo uktionem proponit, excisionem carnis omisisse, quasi unum eorum præsidiorum absque altero sufficere posse, ianuere vellet. Uktionem tamen excisioni præfert, nec immeritò. Quæcunque enim ignis non sanat, incurabilia, inquit *Hippocrates*, sunt censenda. Quamobrem videmus insignes prædicos sola scarificatione, & inuisione cauterii actualis contentos esse, ut apud *Avicennam* lib. 4. fen. 6. tract. 4. cap. 9. *Gordonium* partic. 1. cap. 17. *Franciscum Valleriolam* lib. 3. observat. 3. *Ambrōsium Pareum* lib. 21. cap. 13. *Andream Baccium* lib. de venenis & antidotis videre est.

Ussia exci-  
sionis præfer-  
tur in cu-  
ratione  
morsus ca-  
ni rabidi.

Pro epigrammate tuo de ætissimo gratias habeo maximas, & si qua in re vicissim tibi gratificari possum, non invitus faciam omnia, quæcunque amicū decent. Vale vir clarissime cum conjugē suavissima, quam tecum ego, & uxor mea salutamus peramanter. Paterniaci 14. Septembris 1608.

## EPISTOLA XCIV.

*Idem ad eundem.*

**T**Uæ, clarissime Dn. D. *Meyere*, amicorum optime, 20. Decembris scriptæ heri solummodo à quodam puero mihi traditæ fuerunt: ubi tam diu hæserint, ignoro. Quod nobilis iste æger pharmaca nō nisi cum difficultate sumit, doleo: est tamen monendus, ut cordatus sit, atque animosus. Si enim miles generosus pro vana quadam gloria consequenda, infinitis periculis, sese exponit, & in aciem hostis intrepidè irruit, quis quæso ad amissam sanitatem recuperandam, haustulum unum aut alterum medicamenti quantumvis ingrati, recusare velit? Pro corroboracione crurum, juncturatum, & nervorum oleum castorei cōpositū mihi valdè probatur: addere nonnihil olei Lumbricorum, parumque olei juniperi: poterit quoque in eodem oleo parum gummi Elemi dissolvi, mirum enim in modum nervosis partibus

Nervorum  
corroboratio.  
110.

Kkk

conve-



convenit, inprimis ubi suspicio aliqua luis venereæ adest. Linimentum itaque hoc modo præscriberem.

Unguentu.

℞. olei de castoreo compos. ℥ij  
gummi elemi dissoluti in prædicto oleo lumbricorum ℥ij.  
aquæ juniperi ℥j.  
theriacæ optimæ ℥ij.

Misceantur omnia diligenter in mortatio.

Castoreum quoque per os exhibitum, non inconueniens est remedium: sed prospiciendum est diligenter, ut sit purum atque optimum: adulterinum enim aliquando, ut *Avicenna* lib. 2. tra. 2. cap. 125. monet, adeo est venenosum, ut etiam una die interficiat. Loco auri, quod admiscendum esse, putas, adderem parum confectionis alkermes, præterquam enim quod aurum recipit, etiam partes nobiles mirificè corroborat. Si aqua, quam præscripsimus siphone loco affecto applicari non potest, peniculus ex spongia, eo modo, qualis est iste, quem simul ad te mitto, fabricatus, aqua ista imbuendus; & naribus admovendus, convenit. Sed necesse est, ut aqua ista aliquomodo sit mucilaginosa, atque spissa, quo melius undique adhærere possit, idque commodè fiet, addendo parumper mucilaginis seminis cydoniorum. Soleo ex plumbo linimentum, in huiusmodi affectibus preciosissimum hoc modo conficere. Projicio in mortarium plumbeum olei rosacei ℥ij. lythargyri auri, cornu cervi usti & præparati, tutiæ præparatæ, plumbi usti ana ℥ij. cum pistillo plumbeo tam diu in mortario agitentur, donec formam linimenti acquirant, poterit & parum succi geranii admisceri. Sed si malum altius in naribus existit, ut nobilis æger existimar, tunc difficulter unguentum hoc applicari potest.

Un-  
guen-  
tum ex  
plumbo ad  
ozenam.

Quæris, annon possit causa conjuncta adhibitis prius universali-  
bus, apophlegmatismis, venæ item sectione sub lingua & similibus per  
palarum educi. Hæc mihi reverà aliquomodo sunt suspecta: vereor en-  
nim, ne hoc modo evacuando causam conjunctam, nova quædam ex  
capite copiosè attrahatur materia. Omnibus itaque modis causa ante-  
cedens deorsum erit expurganda, cucurbitulis, item vesicatoriis, seta-  
ceo & similibus, ut tu quoque rectè sentis, erit ad contraria loca tra-  
henda atque revellenda. Interim quoque bis, tæve interdum exterius  
loco affecto, ut ed minus affluentes humores excipiat, spongiolam aut  
liniteum reduplicatum. & decocto aliquo roborante, veluti betonicæ,  
salvæ

salvia, rosmarini, rosarum & similibus, vino rubro & austero coctorum, intinctum applicare, partemque fovere convenit. Parte affecta ita corroborata & defluxione ad contraria loca revulla, ozena facile sanabitur. Quod, ut fiat, Deum Opt. Max. suppliciter oro. De aqua mea ad huiusmodi ulcera parum mitto: poteris illam per se, aut cum aliis, quas nuper recensui aquis mixtam applicare. De precio nulla est difficultas, paratus enim sum in nobilissimum Dominum agrum officia omnia mea conferre. Circa gravidam, quæ accidunt annotatione digna, quæso, diligenter observa, & nos, si placet, participes facito. Doctissimum virum Dn. *Techtermannum* Senatorem Reipublicæ vestræ prudentissimum meo nomine saluta plurimum. Mitto tandem observationum mearum exemplar; quod, ut hilari fronte à me excipere velis, rogo. Vale vir clarissime cum lectissima tua conjugè, quam tecum ego & Colinetæ mea charissima, nec non Dn. M. *Urstius* plurimum salutamus. Paterniaci Aventicorum 20. Decemb. stylo antiquo 1608.

## EPISTOLA XCV.

*Idem ad eundem.*

**I**nclusas, quas nunc ad te mitto literas, vir clarissime, ante menses tres ad te scripseram: cum verò (nescio quo infortunio id acciderit) per dies aliquot retentæ fuissent, ac interim ego Bellicium ad egregium virum Dn. *Claudium Montilletum* ibidem Procuratorem vocatus fuisset, in reditu meo ante dies quatuor iterum ad manus meas pervenerunt. Vides, quanta tabellionum sit negligentia? Interim ne longum silentium meum ægrè feras obnixè rogo.

In isto autem itinere nonnulla annotatione digna, & quidam ad materiam illam, quam antehac inter nos tractavimus, spectantia, occurrerunt, de quibus Deo volente posthac tecum agam: Nunc tamen nudas planè mitterem literas, hunc in praxi utilissimum, & annotatione dignissimum accipe casum.

Strenuus quidem, & generoso animo præditus miles, *Petrus Gaultier* nomine, cum ante annos viginti in Galliis exercitum duceret, in obfidiione, & aggressu oppidi cuiusdam, idum sclopeti recepit. Globulus autem in ipsa regione hepatis, & quidem ad latus musculi recti, latitudine circiter sex digitorum in latitudine positorum supra umbilicum;

*Observatio  
De vulnere  
ex istu sclo-  
peti.*

intraverat, & trajecto musculo obliquo, simul & transverso abdominis (illæsis tamen visceribus Internis) superficiem ossis Ilei propè os sacræ perforavit, ubi ad ipsam cutem remansit globulus: altera tamen die levi à Chirurgo facta incisione cutis, extractus fuit: Ab initio etsi gravissima nonnulla supervenirent symptomata, vulnus tamen è regione hepatis existens brevi consolidatum fuit, neque ab eo tempore incommodum ullum ægro peperit. Alterum verò ulcus in ipsa superficie ossis Ilei, etsi Chirurgus illud ab initio, & methodicè, & eâ quâ fieri potuit diligentia curasset, & ossicula nonnulla ex illo extraxisset, tandemque quoque ad cicatricem perduxisset, post annos tamen circiter duos, cum febre, maximisque rigoribus, & bubone in inguine correptus fuisset, iterum dolor ingens, inflammatio insignis, atque intumescitio in loco prioris vulneris, exorta est. Iterum advocatus Chirurgus, illam adhibuit diligentiam, ut tumor ille circa cicatricem ossis Ilei, paulò post ad maturationem pervenerit, quo rupto, multum puris inde effluxit, ossicula quoque nonnulla, quæ sese, ultrò offerebant à Chirurgo absque violentia extracta fuerunt, ac brevi iterum consolidato vulnere, æger convaleuit. Ab eo tempore, etsi aliquoties iisdem symptomatibus corripereetur æger, & diversorum, & quidem in artis operibus exercitatisimorum Medicorum atque Chirurgorum, præcipuè Dn. *Johan. Griffonii* Cheirurgi celeberrimi cutis sese submitteret, hætenus tamen nullus, ut ferrum & ignis adhiberentur, suasisit. Ante mensem verò postquam ulcus iterum plus quàm per integrum annum clausum fuisset, ac eisdem symptomatibus corripereetur, & denuò aperitum fuisset ulcus, nec non multum puris effluxisset, Bellicium se contulit, meque in consilium adhibuit. Immisso stylo exploratorio, fragmentum ossis statim sese obrulit: Suasi ut adhibitis universalibus ulcus clementer, & absque dolore dilatareretur, donec ossa confRACTA, & quidem illa, quæ stylo inveniebantur, extrahi possent. Quid verò factum sit, & an consilio meo obtemperabit, nescio: Etiam enim prædicta symptomata per intervalla recurrant, malumque iterum recrudescat, & ossiculum aliquod ejiciatur, non usque adeò tamen sibi molestum esse, ac per se iterum coalescere, æger mihi retulit. Est nihilominus vir robustissimus, & optimo corporis habitu præditus, morbisque parum obnoxius. Hæc in eum finem ad te scribo, ut inde videas, quam imprudenter, & incircumspectè Cheirurgus ille Lucernensis, circa affectum nobilissimi & optimi istius *viri* Dn. *Wallerii* processerit.

rit. Ille autem quomodo nunc se habeat, ut ex nobilissimo viro Dn. Philippo à Staphiaco Dn. in Molondins expiscari, & ad me rescribere velis, plurimum rogo. De literis ad Dn. Döringium, quarum in superioribus meis ad te literis mentionem feci, ne sis sollicitus, illas enim per aliam commoditatem misi. Vale vir clarissime cum tuis omnibus, quos tecum saluto. Raptim Lausannæ 18. Martii 1614.

## EPISTOLA XCVI.

Clarissimo atque doctissimo viro Dn. SIMONI AUBERTO apud Viviacenses Doct. Med. celeberrimo, GUILHELMUS FABRICIUS Hildanus S. P. D.

**D**Ebuisssem jam dudum vir clarissime, & amice plurimum honoris de promissis satisfecisse, sed obstiterunt negotia. Quod de bufonibus observavi, paucis aperiā: eorum duo sunt genera, aquatilia & terrestria, utraque venenosa, præcipuè terrestria. In peste tamen aliquoties non sine fructu usus sum bufonibus nunc integris, nunc in pulverem redactis. Accipio autem bufones terrestres, eosque aëri super spensos & sole ventoque exsiccatos, ac postea in tegulam calidam collocatos, ut exsiccentur, eos in pulverem redigo, ante tamen mortarium, & pistillum oleo scorpionum inungo, ne inter pistendum pulvis nares ferat, & cerebrum venenosa sua qualitate offendat. Hujus pulveris accipio ℥ j. fermenti acris ℥ iij. Theriacæ optimæ ℥ j. foliorum rutæ viridium M. j. Hæc omnia diligenter in mortario cum sufficiente quantitate mellis commisceo, & buboni, aut anthraci applico, bis, aut ter in die. Emplastrum hoc mirum in modum venenum ex corpore ad se rapit. Integer bufo, sole & aëre exsiccat, si buboni pestifero applicatus fuerit, venenum pestis mirum in modum ad se trahere, experientia docet. Afluxu enim humoris ex corpore ita intumescit bufo, ut reviviscere videatur, & tum abjiciendus novusque applicandus est, donec venenum satis extractum fuerit, Nonnunquam quoque in ipso loco affecto magis exsiccatur bufo, idque pessimum est indicium: naturam enim jam à morbo prostratam, labefactatamque esse indicatur. In exsiccatione autem bufonum diligenter observandum est, ne venter ipsorum lædatur; illo enim læso, non amplius venenum pestis ad se

Kkk 3

trahunt

*Cyprus Anolis*  
*ad Jura 4v*  
*Bufones*  
*preparandi*  
*modus.*  
*Nota.*

*Emplastrum*  
*ex bufoni-*  
*bua.*

*Ad bubona*  
*pestilensia.*



trahunt, forsan quia læso ventre venenum ipsorum, cujus beneficio venenum pestis ad se trahunt, ex ipsis effluit.

Conficiuntur & amuleta ex pulvere bufonum, inter quæ sequens ab *Adriano sexto* Pontifice Romano (qui natione Belga fuit) magna in æstimatione habitum, & tempore pestis ab ipso gestatum fuit.

*Amuleti.*

℞. pulv. bufonum s. a. exsiccatorum ʒij.  
arsenici crystallini ʒß.  
radicum diptamni  
tormentillæ ana ʒij.  
margaritarum non perforatarum ʒj.  
corallorum  
hyacinthi  
smaragdiana ʒß.

Fiat omnium pulvis, deinde cum mucilagine gummi tragacanti formentur pastilli, obducantur syndone rubra, & supra regionem cordis portentur, supra camisiam.

*Cosmas Scloranus* Illustrissimi Ducis Cliviæ, &c. Chirurgus longè celeberrimus, olim præceptor meus perpetuò honorandus, amuleta hæc, minoris quidem precii, sed non operationis hoc modo composuit.

℞. pulveris bufonum prius in Sole, deinde in tegulis calidis exsiccatorum ʒj.  
arsenici crystallini &  
flavi sive auripigmenti ana ʒß.  
radic. diptamni albi  
tormentillæ  
gummi euphorbii ana ʒij.  
croci ʒj.  
asphuræ ʒß.

Redigantur in pulverem & cum mucilagine gummi tragacanti fiat pasta, ex qua formentur massulæ hujus figuræ & magnitudinis:

Suspen-



Suspendantur è regione cordis, & continuo gestentur, ita tamen necutem attingant, alioquin vesicas excitare solent, præcipue si corpus incaluerit. Amuleta hæceos, qui, quemadmodum dixi, gestant, à peste præservare, observavi: quod & multi viri docti testantur: id quæ sive abdita quadam facultate atque antipathia, per quam venenum horum simplicium aërem pestiferum & venenosum repellit, sive quod natura nostra paulatim venenis adsueta, aëris venenaram qualiteret rerundit atque repellit.

Bufonis item lapis, quem crapundinam vocant præstantissimom in peste, alii quæ à venenosis animalibus, illatis affectibus, remedium esse, *Levinus Lemnius*, *Janus Saracenus* & alii testantur. Tanta enim hujus lapidis in putridis affectibus vis est & efficacia, ut puerorum appensus collo, teste *Renero Solinandro*, olim Illustrissimi Ducis Cliviz, &c. Doctoris Medico longè celeberrimo, amico meo familiarissimo, lumbricos expellere sit potens. Lapidem ramen huncce nasci in capitibus bufonem negant *Gesnerus* & *Ambrosius Paracelsus*: nec ego unquam lapidem hunc in bufonibus inveni.

Cæterum in internis effectibus nunquam mihi ex usu fuerunt bufones: mortale enim esse venenum, ex *Lemnio*, *Gesnero*, *Ambrosio Paracelsus*, aliisque viris doctis edoctus fui. Recitat *Paracelsus* historiam admiratione dignam. Mercatores, inquit, duo in diversorium publicum ad prandium ingressi, & in hortu hospitis sibi folia salviae collecta illora vino imponunt, & macerari permittunt. Verùm inter prandendum vertigine, spasmus, syncope, sudore frigido, vomitu aliisque gravissimis sym-

*Lapis Bufonis vires.*  
*Lev. Lemn.*  
*de oculis.*

*nas mir.*  
*lib. 1. c. 30.*  
*Saracenus.*  
*lib. de pest. c.*  
*7. Ren.*  
*Solinand.*  
*consil. 30.*  
*sect. 3.*  
*Gesner. de*  
*quadrup.*  
*Paracelsus lib.*

*20. cap. 30.*  
*Lev. Lemn.*  
*lib. 3. c. 7. de*  
*occult. nas.*  
*mir. Gesne-*  
*rum loco di-*  
*cto.*

*Paracelsus lib.*  
*20. cap. 31.*

ptomatibus

Consil. 15.  
sect. 5. ob-  
vat 19. Hy-  
drops quo-  
modo cura-  
tus.

promatibus correpti, protinus obierunt. Hospite cum domesticis suis de exhibito veneno à magistratu accusatis & in carcerem projectis, se cum mercatoribus de iisdem cibis comedisse, constanter affirmarunt, de vino tamen in quo salviā macerarant, non bibisse. Quapropter tandem ex consilio Medici effossa salvia, bufones quamplurimi ad radicem salviæ inventi sunt, quibus salvia infusa atque intoxicata fuerat. Retulit tamen mihi clarissimus Dn. D. *Solinander* casum, quem postea quoque consillis suis inseruit, observatione non indignum. Mulier quædam, inquit, habens maritum hydropicum, quæ expenderat in eo sanando omnia ferè sua, nec profecit quicquam, ut etiam mori statuens, quotidie morrem inclamaret: Uxor ejus sperans moriturum, accepit bufonem, & redactum in pulverem propinabat ei ex vino, quo factò statim incæpit profuere urina, & venter aquam reddere: & sic sanitati præter spem restitutus, & quem moriturum ex veneno sperabat, convaluit. Hactenus *Solinander*. Porro admiratione non vacat, quod *Parus* lib. 25. cap. 18. scriptum reliquit: nimirum se in medio lapidis durissimi invenisse inclusum vivum bufonem. In lapide item præduro, & magno tempore *Martini V.* Pontificis Romani serpentem inventam fuisse, *Parus ex Baptista Leone* refert. Quomodo autem animalia hæc in corpore tam sicco, tam quæ solido procreata & nutrita fuerint, & vivere potuerint, tuis speculationibus non indigna est quæstio. Vale vir amplissime, & me, ut facis, ama. Paterniaci 15. Octobris 1607.

## EPISTOLA XCVII.

SIMON TÆLMANNUS J. U. D. *Reipublicæ Augustanæ* vin-  
delic. advocatus, Clarissimo, & doctissimo viro Dn. GUILHELMO FABRICIO Hildano Medico, & Chirurgo ordinario apud Paterniacenses, per celebri S. P. D.

Clarissime & doctissime vir Dn. & amice honorande, accepi superioribus mensibus ab eo, qui has tibi traditus est, observationum, & curationum tuarum Chirurgicarum libellum, quem dono mihi miseras: quod utique munus tanto mihi fuit gratus, atque jucundius, quoniam & pristinae tuæ erga me benevolentia indicium præbet

& cum nobilissimi, & longè celeberrimi viri Dn. *Caroli Utenborii*, parentis & amici nostræ æterna vita ac laude dignissimi, honorifica mentione conjunctum est. Non enim potest bonis omnibus, ac literatis non sancta, & accepta esse tanti viri memoria, quo nihil perfectius Græcæ, Latinæ ac Hæbraicæ literæ (ne quid de aliarum complurimum linguarum notitia dicam, quibus hodie Europa utitur) multis seculis viderunt; nihil boni mores candidius, nihil omnes quibus unquam notus, fuit, humanius. Cujus ego, encomia nolim humili sermone dederere; quia nec indigent præconio meo, & genus omne laudationis superant. Dedi autem legendum istud opus tuum clarissimo hujus Reipublicæ Medico, & totius Collegii Seniori Dn. D. *Adolpho Occoni* viro publicis monumentis celebri, & jam tertium & octuagesimum ætatis annum agenti, amico meo non vulgari; qui valdè probavit doctinam, atque industriam tuam, & te licet hætenus sibi ignotum, officiosè salutari petiit. Verùm ne ingratus sim, rogo ut certior me facias, an præceptiones Medicas, quibus hæc Respublica in suis Nosocomiis utitur desideres, quarum idem Dn. D. *Occo* auctor est, & mirram earum exemplum ad spectatissimum, mihi quæ amississimum virum Dn. *Antonium Mauclerum*, civem nunc Francofurtensem (quem in Ubiis puto tibi notum fuisse ob communem cum Dn. *Utenborio* familiaritatem) a quo per mercatorem aliquem vestratum hisce nundinis autumnalibus petere poteris. Aut si hunc librum jam habes, operam dabo, ut quid aliud tibi rependam. Vale, & salve vir clarissime, & si qua in re putabis, me tibi tuisve usui esse posse, audacter impera. Datum Augustæ Vindelicorum die 2. Julii 1606.

## EPISTOLA XCVIII.

*Idem ad eundem.*

Clarissime & doctissime vir, Domine & amice colende, miraris procul dubio diuturni silentii mei causam, & quod dudum promissam, & destinatam tibi pharmacopœam Reipublicæ nostræ a doctissimo Dn. D. *Adolpho Occone* Medico primario (qui diem suum hic obiit 28. Septembris 1606. hora 3. matutina, anno ætatis 82) adornatam, hætenus mittere distulerim. Sed profectò neque ulla animum meum oblivio, aut negligentia occupavit, neque omnino temerè pro-



craftinatione usus sum. Cum enim summopere placeret mihi studiū, atque officium tuum erga nobilissimi & æterna celebratione dignissimi viri Dn. *Caroli Utenhovii* manes: putavi ad meam quoque curam pertinere, ut tanti viri memoria, & totius vitæ cursus posteritati commenderetur. Vix etenim non tantum in Ubiis & Menapiis ætate ingruvescente, ubi nobis innoscere cœpit, posteaquam sacris & serè Ebraicis tantum literis sese mancipasset: verum etiam antea apud Britannos ac Gallos: & potissimum Lutetiæ multos annos magna cum laude & admiratione omnium exegit, & *Turnebo, Lambino, Aurato*, aliiq; præstantissimis viris familiariter conjunctus fuit, quod vel ipsorum monumenta publicè testantur. Sed quia mihi occasio, qua in Galliam venerit, & quamobrem tam diu illic hæserit cum quibusdam aliis ad vitam illius illust. andam pertinentibus circumstantiis, non satis cognita sunt, rogaveram dudum & amicos, qui *Agrippinæ* vivunt, & eos, qui *Francofurti* domicilium habent, ut de iis rebus aliquid certi inquirerent, & ad me perscriberent, quorum hæctenus responsam frustra expectavi: Quapropter non ita pridem, cum per literas intellexissem, filiam Dn. *D. Jacobi Utenhovii* Medici quondam *Francofurtensis*, *Gandavum* in *Flandriam* patriam suam, hæreditatis capessendæ gratiâ profecturam esse: summopere petii, ut Patruo Dn. *Carolo* nostro bene merito hunc honorē haberet, & omnia ista quàm diligentissimè investigaret, quod eam aut jam fecisse, aut adhuc facturam spero: cujus reditum amici ad proximas nundinas *Francofurti* præstolantur: unde si quid relatum dignum accepero, vobis promptè communicabo. Vale & salve vir clarissime. Datum Augustæ Vindelicorum 28. Junii 1608.

## EPISTOLA XCIX.

*Amplissimo atque doctissimo Viro Dn. THEODORO de MAYERNE Serenissimi atque Potentissimi Regis Magna Britannia Doctori Medico ordinario atque celeberrimo, GUILHELMUS FABRICIUS Hildanus S. P. D.*

Cum fama de præclara eruditione tua in re Medica, vir amplissime juxta ac doctissime ad aures Generis cujusdam pervenisset, jussit, ut ad te, quamvis de facie nobis ignotum, scriberem, aff. Etamque ejus, qui

qui gravis, & veluti inveteratus est, adumbrarem: Tuum enim consilium audire, multum desiderat.

Generosus autem iste optimo corporis habitu præditus, robustus, & jam 37. annum ætatis prætergressus, naturâ calidus & siccus est. Cum ante annos 12. ex immoderato ac nimis violento coitu gonorrhæam contraxisset, eaque aliquandiu laborasset, quædam nocte sanguinem purum in coitu loco seminis copiosè effluxisse refert. Ab initio, & quidem per multos annos, cum propter verecundiam morbum celasset, penitusque neglexisset, paulatim difficultas urinæ sequuta est; quæ tamen secundum victus rationem, & exercitiorum violentiam, nunc vehementior, nunc verò remissior fuit: interim tamen à multis annis urinam vix unquam liberè, & sine aliquo conatu & ardore excernere potuit æger. Inter mingendum quoque dolores per totam fere virgam perferent, & surfures sæpissimè in urina apparuerunt, atque etiam nunc apparent. Lotium non rectâ, sed nunc in hanc, nunc verò in illam partem excrevit. A multis quoque annis materia quædam purulenta continuè per membrum virile exstillavit, sed absque dolore, & nonnunquam, quamvis rarè, post excretionem urinæ guttula una, atque altera sanguinis sequuta est. In coitu etsi voluptas minor esset solito, liberos tamen multos ex uxore sua suscepit.

*Gonorrhæa.*

*Sanguis loco seminis excernitur.*

*Ex gonorrhæa neglecta, quæ symptoma sequuta.*

Cæterum cum superiori ætate, propter negocia publica, & quidem magni momenti, maximum iter celeriter eques expediret, pars malè affecta adeo concussa, contritaque, malum quinetiam adeò exacerbatum fuit, ut symptomata omnia, quæ recensui, mirum in modum adaucta fuerint. Quapropter circa finem mensis Septembris, cum ad ipsum accessisset essem, corpusque semel atque iterum chologogis expurgassem, semicupio usus est æger, syrupum quinetiam violarum & de Althea, cum aqua radicum aperitivarum (ut esset veluti vehiculum syruporum) per intervalla exhibui, petinæumque linimentum anodyno, renes verò unguento refrigerante, quotidie bis terte inungere iussi: Quæ quidem medicamenta non sine fructu adhibita fuisse: Remisit enim dolor, & vesicam minori cum difficultate exonerare ægrotus cœpit. Cum itaque omnia salva esse (de carunculis enim & inveterato morbo mihi adhuc nihil constabat) sperarem, ad meos me contuli, & quæ præterea agenda, ægro ipsi atque domesticis peragenda reliqui.

*Curatio.*

Non diu post meum abitum, quum morbus iterum recrudescere cœpisset, alius quidam Medicus in consilium quoque adhibitus fuit.

Is corpus iterum cholagogis expurgavit, syrupum violaceum & de althea cum aqua petroselinii, emulsionem quin etiam seminum frigidorum majorum, & amygdalarum dulcium, maximo cum successu exhibuit. Perseverante dolore, cum iterum advocatus fuisset, & æger morbum inveteratum esse, nobis aperuisset, inter nos constitutum fuit, ut quid mali subesseret, stylo exploratorio cathetereque explorarem. Quapropter corpore medicamento cholagogo ex syrupo rosato solutivo composito, nec non electuario de succo rosarum confato, iterum expurgato, & cathetere immisso, carunculas diversis in locis reperi, præcipuè versus sinistrum latus ductus urinarii: quæ caruncula etiam nunc adeo obstant, adeoque sunt dolorosæ, ut in hoc usque tempus ulterius, quam media pars penis censi possit, neque cathetere, neque siphone, aut candelis cereis explorare potuerit æger, qui instrumenta & medicamenta ipsemet hæcenus applicare voluit. Ulterius itaque usque nunc medicamentis pervenire non potui; etiam si in prostatico non leve malum subesse, imò radicem mali in ipsis delitescere non dubitem. Si enim ex diuturna ista gonorrhæa, ductus urinarius exulceratus fuit, indeque carunculae excreverunt, quanto magis de glandularum istarum vitio, atque exulceratione suspicari nobis licebit? Dolor præterea (quamvis obsecutus) quem generosus æger ante menses circiter duos, ut postea dicam, circa podicem sensit, malum aliquod ibi subesse denotat: quandoquidem ubi dolor, ibi & morbum esse, Hippocrates, & experientia fidem faciunt. Urina quoque superiori autumno aliquoties involuntariè, imò & inter dormiendum effluxit, procul dubio propter sphincteris, qui glandulis istis proximè adjacet, labefactionem, & quam cum prostatico habet, sympathiam, maximumque dolorem, quem æger antea passus fuerat.

*Sacculus a.  
nodynus.*

Explorato meatu urinario, & repertis carunculis, sacculum ex radicibus, herbis, & floribus, & seminibus emollientibus, resolventibus, & dolorem lenientibus, calidè applicuimus, totumque perinæum linimento anodyno, & emolliente inunximus; decoctum quin etiam emolliens, siphone in ductum urinarium injecimus. Verum quemadmodum antea quoque dixi, rostrum siphunculi, ratione doloris, nunquam satis profundè immitti potuit: nihilominus tamen curationem ad votum nobis succedere sperabamus, sed frustra. Cum enim per dies aliquot corpus violento quodam exercitio iterum commovisset æger, morbus, novum insulsum præbuit, cujus causa non tantum affectus

in meatu urinario exacerbatus fuit, verum etiam tertiana ægrum invasis: quapropter inceptam curationem caruncularum ad tempus negligere coacti fuimus. Iterum corpus præscriptis medicamentis chologogis expurgavimus, venam in cubito dextro secimus, optimam victus rationem, refrigerantem scilicet & humectantem instituimus, & quæ acrimoniam urinæ, ebullitionemque flavæ bilis refrenare solent, propinavimus: lumbos quin etiam regionem hepatis unguento refrigerante unximus.

In ductum verò urinarium collyrium ex mucilagine seminis Cydoniorum, aqua rosacea & plantaginis extracta, cum cerussa lota, turtia præparata, cornu cervi usto & præparato siphunculo injecimus. Hisce per dies aliquot adhibitis remediis, cum febris, & dolor ille acutus in meatu urinario remisissent, de dolore quodam obscuro circa podicem, & è regione prostaticæ conquestus est æger: sed applicato lacculo ex floribus chamomillæ, meliloti, sambuci, rosæ, absinthio, & similibus, dolor iste paulatim quoque remisit. Tandem candelam ceream Emplastro de ranis cum Mercurio obductam, in meatum urinarium tam profundè, quantum æger sufferre potuit, ipse immisit, idè in eum finem, ut explorarem, an hoc modo caruncula emolliri, atque discuti possent. Fortiora enim medicamenta, propter exquisitissimum sensum, quo æger præditus est, nondum adhibere ausus fui. Candelæ autem, quod minimè reticendum, quotiescunque extraxi; undique materia purulenta & viscida obductæ fuêre. Ex quibus conjicio, meatum urinarium variis in locis exulceratum esse, quod etiam Generosus æger, dum rostrum siphunculi, aut candelam ceream immittit, facile percipit. Atque hæc sunt, vir amplissime, quæ hætenus circa effectum huncce à me observata fuêre una cum enarratione medicamentorum adhibitorum.

Queritur nunc 1. An *furfures*, quæ hætenus in urina apparuerunt, scabiem vesicæ, ut voluit Hippocrates in Generoso nostro ægro denotet? Ego, salvo tamen judicio tuo, *furfures* non ex vesicæ, sed ex ductu urinario provenire existimo. Vesicæ enim scabiæ laborante, subsidentiam urinæ non solum *furfurosam*, verum etiam urinam ipsam crassam esse, idem Hippocrates testatur. At in hoc ægro urina non crassa, sed semper idem quam cum febre laboravi naturalis fuit, & furtures in admodum exigua quantitate excrevit. Furfures itaque nihil aliud, quam crustulas ex materia purulenta, & viscida concretas, à natura in illum

*Mischio in pueri  
Laboribus non fuit*

*Dolor circa  
podicem.*

*Questio 1.  
lib 4. a-  
phor. 77.  
Scabiæ ve-  
sicæ signa.*

*Furfures uti  
cognoscuntur*



finem procreatas, ut essent veluti tegumenta ulcerum in meatu urinario existentium, esse verisimile est: quas tamen crustulas urina cum effluit, emollit, ab osculis ulcerum separat, & secum educit.

II. An medicamentis quibusdam per os sumptis, absque topici caruncula extirpari, & ulcera in meatu urinario sanari possint? Nos id frustra tentari Generoso ægro semper indicavimus.

III. Si topica adhibenda, an ea, quæ recensui, sufficere possint, an verò fortiora, ab *Andrea Lacæna*, *Alfonso*, *Ferreo*, & aliis commentorata, in hoc subiecto, tali sensu prædito, ut vix candelam ceream, emplastro de ranis, uti dixi, obductam, sufferre possit, adhibenda? Dubitamus.

IV. An in prostatico malum aliquod subsit, necne? De hoc enim æger semper, nos verò nunquam dubitavimus; idque propter causas superius commemoratas.

V. An materia aliqua purulenta, quæ per tot annos per penem exstillavit, purum fuerit semen, nec ne? Ego planè sentio, non semen, sed vitiosam materiam ex superioribus partibus corporis eo delapsam fuisse. Ex diuturna enim gonorrhæa, imò etiam ex immoderato coitu calidum innatum extinguì, humidum radicale absumi, corpusque humanum contabescere, sciunt Medici. Id verò quia in Generoso nostro ægro (qui semper robustus & optimo corporis habitu præditus fuit) minimè accidit, non semen purum, sed vitiosos humores effluxisse sequitur. Hæc propterea adscribo, ut demonstrè, malum aliquod in prostatico delitescere, materiamque illam suppeditare. Ex renibus enim & vesica minimè defluere materiam illam, urina, quæ semper ferè pura, & ut plurimum digesta, & laudabilis (præterquam quod furfures in ipsa apparuerint, uti dixi) fuit, fidem facit. Unum tamen objicit æger, nimirum se antehac nullum percepisse dolorem circa podicem, ac proinde nullum ibi fuisse antea malum. Respondeo cum *Hippocrate*, duobus doloribus simul, nec tamen in eodem loco corporis existentibus, vehementiorem minorem obscurare. Cum itaque caput penis propter concursum nervorum, exquisitissimo sensu sit præditum, mirum non est, si dolor isto in loco (antequam anodyna, injectiones, & consolidantia adhibuimus) vehemens, alterum circa prostatas (quarum sensus non usque ad eò exquisitus) obscuraverit. Ex quibus perspicuum fit, collyria reliquaque medicamenta non absque fructu adhibita fuisse, multumque de eis sperandum esse, si profundius immitterentur.

VI. Cum antehac aliquoties *Therebinthina*, pulvere liquiritiæ  
invo-

involuta cum fructuusus fuerit æger, quæritur: *possint Spiritus quoque Teribinthina in corpore hocce, alioquin valde bilioso, tuto exhiberi?*

VII. *An solo usu acidularum, hoc est, sine topicis, affectus, cum in Prostatis, tum etiam in ductu urinario sanari possit?* Nos semper dubitavimus. Etsi enim acidulæ vis urinarias valde abstergant, carunculas tamen minime absumere posse existimamus.

*Acidula carunculas absumere non possunt.*

VIII. *An fomenta illa emollientia anodyna, viasque utinarias relaxantia, secundum rationem adhibita fuerint?* an verò eorum usu carunculæ magis accreverint, uti quidam ægro persuadere voluit: etiam si effectus contrarium nobis demonstraverit?

De hisce omnibus, vir amplissime, iudicium tuum, atque sententiam avidè expectamus, & in curatione tantisper subsistemus, donec responsum tuum acceperimus. Id si maturè ad nos remiseris, generosum ægrum, meque simul in perpetuum tibi devincies. Vale vir amplissime, & in bonum publicum feliciter vive diu. Dabam 23. Februarii 1615.

## EPISTOLA C.

*Viro ornatissimo Dn GUILHELMO FABRICIO Hildano, Chirurgo experientissimo, THEODORUS de MAYERNE Serenissimi JACOBI I. Magnæ Britannia Regis ὁμήγερος S. P. D.*

RESPONSIUM ad tuas, ante annum ad me datas vel cudere, vel mittere super sedì hæcenus, vir doctissime, quod Nobilis & Generosus ille, in cujus gratiam scriptæ illæ fuerant, de suo ad nos adventu, spem diu fecerit nobis, eamque non irritam tandem præstito eventu confirmavit. Quocirca cum in erudito tuo scripto totam recenses morbi, quo ipse constabat, historiam, & à me longa locorum intercapedine diffuso, peteres de agendis consilium, vanum duxi, ea scribere, quæ dato ad manus subiecto reapse facere, atque in ægri compedium præstare satius fuit. Quid igitur in Britannico nostro solo passus sit, quid cum ipso egerimus, accipe. *Caruncula præteritis in urethra latentis mictionis difficultas, & ejusmodi modus, cum suspicionem injicerent, cereolo exploratum deprehendi malum, cujus causam, gemino (ut a-junt) ab ovo retereus, quindeccennalis istius carunculæ primordia gonorrhææ tribuenda inveni, in cujus inflammatoria tentigine, rupta per coitum*

*Caruncula præteritis in urethra latentis mictionis difficultas, & ejusmodi modus, cum suspicionem injicerent, cereolo exploratum deprehendi malum, cujus causam, gemino (ut a-junt) ab ovo retereus, quindeccennalis istius carunculæ primordia gonorrhææ tribuenda inveni, in cujus inflammatoria tentigine, rupta per coitum*

coitum, ut vulgus vocat, chordâ, vel, ut magis artificiosè, fissâ membrâ-  
nâ urethræ, inflammationis & tumoris vi contractæ ac brevioris, post  
largam hæmorrhagiam (qualis ad istos conatus, & violenta *Soror*  
*matris* consequi solet) remâsit ulcus, ex quo paulatim succrevit fungus,  
tumor videlicet præter naturam, atque in meatu morbus, nulla alia ra-  
tione, quàm superflui per excretica sublatione tutò certò ve averrun-  
dandus.

- „ Solent spongiosi isti thymi purulentam sudare saniem, quæ minus  
„ accuratè hujus affectus penetralia rimantibus sub specie Gonorrhæ-  
„ pletumque imponere consuevit. Hinc puris filamenta per urinas flu-  
„ Quantia primo intuitu utriusque nost. um apparuerunt, cujus *materiæ*  
„ partem à prostaticis etiam defluere tecum arbitror, quas malè mulcta-  
„ vit, & per longissimum tempus afflixit intemperies malignitate non  
carens, valoris nativi destructrix, actionum omnium labefactrix.

*Caruncula  
curatio.*

Perpensis sedulò singulis difficultatibus, præsertim verò delicatissi-  
ma ægri natura, cujus exquisitissimus sensus, vel levissima Chæiurgiæ  
præsidia, pro sævissimis tormentis habet, manum admovi operi, &  
præmissis universalibus, sæpius iterata blandi Cathartici per cereo-  
lum applicatione, totam absumsi carunculam, exiguo sanè cum dolo-  
re, in minus molli verruca dimidiâ ferè meatus urinarii longitudi-  
nem, cujus dimensionem vix tres digiti latitudine sua adæquassent.  
Non leve movit negotium colli vesicæ proximitas, cum ad finem ven-  
tum est, in primis autem exiguum illud tuberculum, quod osculo de-  
hiscens viam dat femini in urethram, cujus moles tumoris auetâ ab hu-  
morum affluxu minus perito artifice fecisset fucum, atque exedentium  
longiorem suassisset usum.

*Peris caruncula  
in exedentia  
ante ob coll.  
viresc. v. a. in  
an. d. s. m.  
f. a. s. s.*

Verum (mi *Fabrics*) hoc tibi sit à me in carunculæ curatione secretum,  
plus cunctando, quàm festinando promoveri. Quotiescunque ulce-  
ris labia remediis irritata intumescunt, ea si lenientibus mulceantur,  
subsidunt, & (inmirum dictu) pertinacissimi obices intra paucissimos  
dies per se evanescunt.

Ita contigit Generoso nostro ægro, qui nunc Dei Optimi Maximi  
beneficio tam immunis est à Chronico, & jam penè in habitum con-  
verso morbo, quàm fuit unquam; Patet regia seminis & urinæ via, ac-  
que amplo, continuo, recto filo redditur lorium, quod nuperimè  
stillatim, magno etiam conamine exprimebatur.

Dempto superfluo, restitit ulcus oblongum, respectu partis ma-  
gnum

gnum, causæ verò utcunque malignum, quod usque & usque deter-  
tum, desiccare atque ad cicatricem perducere indefinente labore ha-  
ænus moliti sumus. Unicum est, post ferruminationem, soliditatem  
atque duritiem cicatrici procurare, id quod nec levibus, nec paucis vel  
medicamentis, vel diebus perfici potest, in parte quam urinæ torrens  
quotidiano flumine alluit. Si per publica negocia licuisset ægro diu-  
tius apud nos commorari, curationi addidissemus Colophonem. De-  
fert tamen in ista discessus sui necessitate remedia & consilia secum,  
quibus absentia nostræ ja&uram resarciat.

Confirmationis ergò, atque ut quicquid glandulis inhæserit, tolla-  
tur radicitus, & succidatur ansa novæ infirmitati, suasi, ut repurgato ex  
arte corpore, proximo vere diætam sudorificam aggrediatur, qua nihil  
utilius autumno, cum ad universalis causæ correctionem, tum ad par-  
tis roborandæ utique & validè desiccandæ restitutionem in integrum.

Diætā.

Cæteras consilii mei minutias videbis in prolixo scripto, atque in  
arena decernes quid primum, quid postremum præsens rerum facies  
suaserit. Curationum animæ sunt temporum opportunitates, quas  
sectari, earumve momenta arripere absenti denegatum.

N:

Ex ipsius Generosi ore intelliges, quibus artibus utar in debellando  
pernicioso hoste: qua providentia sævissimorum symptomatum elu-  
dam carnificinam, qua sedulitate eorundem præsentium ferociam  
mitigem.

Epistola excreveret in volumen, si vellem cuncta persequi. Ne ta-  
men publico bono invidiam, meam in hac artis particula solertiam, si  
quando ab aulicis curis respirare mihi licuerit, luci tradam meos de  
caruncula commentariolos, quos informes & ætus politionibus inge-  
niis, & peritioribus, atque in artis operibus magis exercitatis lamben-  
dos tradam lubens. Neque enim mearum lucubrationum amore ar-  
deo, nec meis majora vel meliora accudi non posse credo.

Ut facias exæretici nostri periculum, ejusdem tanrillum mitto, quod  
tamen sit ad quatuor ingentes cartuculas penetrandas & exæquandas  
fatis.

Si tardius opus perfecit, animum ne despondeas: Tutò & jucin-  
dè operari satius, quàm citò, & cum periculo. Vanus nunquam medi-  
camenti erit effectus: quem tamen accelerabis pro libitu Mercurii  
præcipitati additione. Sed quid ego noctuas Athenas? istud habeto  
benevolentia meæ symbolum, si majus & solidius desideraveris, neq;  
id tibi denegatum iri scito.

M m m

Ad



Ad quæstiones tuas nihil respondeo, si meum postulas de līs, quā  
 generoso ægro vel suastisti olim, vel administrasti, testimonium, qui-  
 cunque te calumniantur, discant peritis in arte esse credendum, & me  
 secundum artem abs te præstita omnia asseverare. Tu vale, & me no-  
 mini tuo atque existimationi non infimis faventem suffragiis,  
 & felicitatis tuæ amantissimum redama. Datum  
 Londini 5. Calend. Februar. 1616.

F I N I S.

*Index*





*Index Authorum*

AD QUOS ET A QUIBUS PRIMÆ  
hujus Centuriæ epistolæ  
scriptæ.

<b>Æ</b> milius Portus	pag. <u>263</u>
Amandus Polanus	265.266. <u>170.272</u>
Antonius Fayus	<u>273</u>
Arnoldus Manlius	<u>273</u>
Bernhardus G. Penotus	<u>274.275</u>
Carolus Utenhovius	276
Casparus Bauhinus	277
Casparus Dornavius	<u>278.279.281</u>
Claudius Deodatus	<u>286.289.292.296.297.301.302.305.306</u>
Conradus Pfisterus	<u>307</u>
Emanuel Urstifius	<u>308.309.313</u>
Felix Platerus	<u>310.311</u>
Fridericus Cælocomus	<u>314</u>
Georgius Faber	<u>343</u>
Georgius Jenischius	<u>344</u>
Gregorius Horstius	<u>346.347</u>
Henningus Arniseus	<u>349.351</u>
Hermannus Lignarius	<u>353.354.356</u>
Hermannus Phrygio	<u>361</u>
Jacobus Guy	<u>362.363</u>
Jacobus Mockius	<u>364</u>
	<i>Jacobus</i>

# INDEX AUTHORUM

Jacobus Probus	366
Jacobus Zwingerus	<u>367</u>
Johannes Brantius	370.375
Johannes Cassarus Helblinus	<u>18.328.384</u>
Johannes Gregorius Gobelius	376.380.384.385
Johannes Griffonius	387
Johannes Jacobus Grasserus	389
Johannes Küeffer	<u>392.393</u>
Johannes Leporinus	<u>394.396</u>
Johannes Rheterius	<u>398.399</u>
Johannes Rudolphus Huberus	<u>400.401.405</u>
Josephus Blaunerus	405
Josephus Quercetanus	<u>407</u>
Martinus Rulandus	<u>408.409.410</u>
Matthaus Quadus	410
Michaël Döringius	<u>412.415</u>
Paulus Lentulus	<u>417.418.419</u>
Petrus Kirstenius	<u>420</u>
Petrus Pavius	<u>422.423.424.426</u>
Petrus Uffenbachius	427
Philibertus Sarazenus	<u>435.437</u>
Sebastianus Meyerus	<u>440.443.444</u>
Simon Aubertus	445
Simon Talmannus	<u>448</u>
Theodorus de Mayerne	455
Zacharias Geitzkoffler	<u>317.322.327.328.331.540</u>

# INDEX



# I N D E X RERUM IN CENTURIAM

quartam Observationum & Centuriam primam

et in prima epistolarum Chirurgicarum.

*in prima epistolarum Chirurgicarum.*

A.

C.

**A** Bstrusi morbi historia pag. 73

Acidularum usus **Two** - 325

Affectus gravissimus 210

Affectus oculorum 377

Agnus monstrosus 38. 178

Amuletum tempore pestis 446

Antiquitates Ebrodunenses 389

Apollonia Schreier sine cibo & potu vivens 399

Aqua tepida infantes recens nati non sunt abluendi 120

Aqua visa verus usus 39

Arthritis 186. 190. 191

Ascites hydrops. 290

Atrophia cecurii 431. 433

*Atrophia cecurii*

B.

**B** Alnea ad furculos 269

Bezoar lapis 63. 64. 65. 66.

67. 89. 176. 211

Blutdrepffett 266

Brachium monstrosum 155

Bubo in inguine 211

Busonis lapidis vires 447

*Busonis lapidis vires*

*Busonis lapidis vires*

*Busonis lapidis vires*

*Busonis lapidis vires*

*Busonis lapidis vires*

*Busonis lapidis vires*

**C** Anker

168 340. 341

Capitis dolor setaceo curatur 162

Cardialgia 56. 123

Caruncula 118

Causiticum 166

Cataracta 35

Cataractus 30. 50

Cauterii actualis praesentia in morbo

canis rabidi 223

Cerebri concussio signa 16

Chalybeata aqua 289. 298

Chronicus morbus 417

Clysteribus egra nutritur 74

Colicus dolor 77

Cometa An. 1603. in Helvetia visus 411

Cranii perforatio quomodo fieri debeat

12. 13

Crocus metallorum 181

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

D.

**D** Entium dolor 50

Desperati nonnunquam evadunt

54

Dysenteria curatio 97. 286 287

*Dysenteria curatio*

*Dysenteria curatio*

*Dysenteria curatio*

*Dysenteria curatio*

*Dysenteria curatio*

*Dysenteria curatio*

*Dysenteria curatio*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

*Crocus metallorum*

<



**I** Ecce vulnera non omnia lethalia 6  
Inedia diuturna exemplum 73-74  
Instrumentum novum Chirurgū 36  
Ira incommoda 264  
*L. L. L. L. L.*  
**L** Epra 131. 301. 303. 304  
Luchtembergiana posio 222. 223.  
*L. L. L. L. L.*  
**M** Ania, ejusq; curatio 22. 23. 26  
Melancholia fit mania 25. 51. 54  
Menstrua 54. 142  
Mercurii vi & operatio 192. 193.  
194. 195  
Morsus canis rabidi 134. 140  
Morsus lupi 226. 227  
Morsus hominis 219  
Musti vires 114. 115. 116  
*Nomades vbi fuit a. 1200. A. Vm.*  
*N. f. 86. 87.*  
**N** Epitriticus dolor curatur 102.  
418  
Nicti preparati usus in febribus 412  
*O. L. L. L. L. L.*  
**O** Phthalmia curatio 331  
Ossa cartiosa quomodo curanda 55  
Ossa triangularia ad epilepsiam 393  
Ozena 442. 443  
*P. L. L. L. L. L.*  
**P** Aralysis crurum 77  
Pestis gravissima 59. 60. &c. 211.  
214  
Phlebo-

# INDEX RERUM.

Phlebotomia	158	Turbith minerale	94
Pleurisidæ curatio	68.70	Turunda quomodo adhibenda	173
Podagra canones	406	U.	
Podagra mirabiliter curata	353	Ulcus malignum	401.436
Prolapsus uteri	141	Ulceris lingua curatio	44.45. 66.181
Puer cum dense natus	389	Ufnea	307.308
Pulsus varietas	57	Urina retentio curata	116
R.		V.	
Rhabarbarum	296	Alvula intestinalis	426
S.		Varioli	119
Scabies	54	Varix in tibia	208.209
Sciaticus dolor	170	Venus	70
Scirrhi	119	Vena jugularis latio valdè periculosa	7
Setaceum	39.374.397	Vena apertio	31
Setaceo dolor capitis, & alii morbi cu- rantur	21.40	Venassectionem precedere debet purga- tio	58
Sinovia quid?	565	Vespe punctura	177.178.180
Sphacelus	172.229.238	Vigilia nimia incommoda	56
Sternutatio	29.30	Vomituspuris	72
Suffocatio uteri	78	Vomitus admirandus	79.80
Suffusio	397	Vomitus non impediendus	80
Symptomatum magna diversitas	25. 50	Vulnus exitu sclopeti	443
T.		Vulnera quæ lethalia	5
Therma Piperina	188.268.339.	Vulnera quæ non, ibid. &	12
	376	Vulnera circa carpum	121
		Vulneraria potio	197

Therma Arumetici: 81.

FINIS.

Vaghen Co. 1.  
Vaghen 2. 1.  
Vaghen 3. 1.  
Vaghen 4. 1.  
Vaghen 5. 1.  
Vaghen 6. 1.  
Vaghen 7. 1.  
Vaghen 8. 1.  
Vaghen 9. 1.  
Vaghen 10. 1.  
Vaghen 11. 1.  
Vaghen 12. 1.  
Vaghen 13. 1.  
Vaghen 14. 1.  
Vaghen 15. 1.  
Vaghen 16. 1.  
Vaghen 17. 1.  
Vaghen 18. 1.  
Vaghen 19. 1.  
Vaghen 20. 1.  
Vaghen 21. 1.  
Vaghen 22. 1.  
Vaghen 23. 1.  
Vaghen 24. 1.  
Vaghen 25. 1.  
Vaghen 26. 1.  
Vaghen 27. 1.  
Vaghen 28. 1.  
Vaghen 29. 1.  
Vaghen 30. 1.  
Vaghen 31. 1.  
Vaghen 32. 1.  
Vaghen 33. 1.  
Vaghen 34. 1.  
Vaghen 35. 1.  
Vaghen 36. 1.  
Vaghen 37. 1.  
Vaghen 38. 1.  
Vaghen 39. 1.  
Vaghen 40. 1.  
Vaghen 41. 1.  
Vaghen 42. 1.  
Vaghen 43. 1.  
Vaghen 44. 1.  
Vaghen 45. 1.  
Vaghen 46. 1.  
Vaghen 47. 1.  
Vaghen 48. 1.  
Vaghen 49. 1.  
Vaghen 50. 1.  
Vaghen 51. 1.  
Vaghen 52. 1.  
Vaghen 53. 1.  
Vaghen 54. 1.  
Vaghen 55. 1.  
Vaghen 56. 1.  
Vaghen 57. 1.  
Vaghen 58. 1.  
Vaghen 59. 1.  
Vaghen 60. 1.  
Vaghen 61. 1.  
Vaghen 62. 1.  
Vaghen 63. 1.  
Vaghen 64. 1.  
Vaghen 65. 1.  
Vaghen 66. 1.  
Vaghen 67. 1.  
Vaghen 68. 1.  
Vaghen 69. 1.  
Vaghen 70. 1.  
Vaghen 71. 1.  
Vaghen 72. 1.  
Vaghen 73. 1.  
Vaghen 74. 1.  
Vaghen 75. 1.  
Vaghen 76. 1.  
Vaghen 77. 1.  
Vaghen 78. 1.  
Vaghen 79. 1.  
Vaghen 80. 1.  
Vaghen 81. 1.  
Vaghen 82. 1.  
Vaghen 83. 1.  
Vaghen 84. 1.  
Vaghen 85. 1.  
Vaghen 86. 1.  
Vaghen 87. 1.  
Vaghen 88. 1.  
Vaghen 89. 1.  
Vaghen 90. 1.  
Vaghen 91. 1.  
Vaghen 92. 1.  
Vaghen 93. 1.  
Vaghen 94. 1.  
Vaghen 95. 1.  
Vaghen 96. 1.  
Vaghen 97. 1.  
Vaghen 98. 1.  
Vaghen 99. 1.  
Vaghen 100. 1.



Candido ledori. Vix credideris, candidissime ledori, quanto dolore affectus fuerim, cum viderem ledori  
huncce totum idu referentem esse. Doleo, inquam, ut eam quàm correctissime propter ledi def. ribe tunc om-  
mori lapidem, imò & sumptus, qui requirerantur impendi, etiam quia manentem a tunc doctum, & Me-  
dicinam studiosum, in hunc finem alui, & epigrapham revidenda ut facere dicam, manuscriptum exemplum  
correctum dari non potuisset. Errata, quæ in eam ipsam aut evenerit, aut obcurrere poterint, annotavi, reli-  
qua benevolens ledorem, ut ipse corrigere, nec in me culpam transferre, quia potius pro summa sua huma-  
nitate, ut amehat: ita quoque in posterum studiis meis favere velit, obnixè rogo, atque efflagro. Vale.

Pag. 5. lin. 2. lege pro 5. 4. in mar- gine lethalia	64. 7. expolia: 2. sed & serva 32.	104. 2. tum à me
6. 12. Oxyphagus	66. 19. incorrupta	106. 19. admirabilia
7. 32. absciditissimo 27. in cer- tia Centuria 30. ateria	68. 19. probè	107. 4. valebant
9. in marg. lege perussissimum	69. 25. eruenta expulisse	108. 6. Dactyli: 8. Littera
10. 21. edulia	70. 2. Ei	109. 1. annotatione: 5. possit: 12. pe- riarior: 17. labiosa Batui:
11. 25. officia 30. noluit	71. 11. Brassævole: 13. eugalaisti	35. Lethotomus
12. 17. extraclui, cranium	72. 14. De morbo	110. 35. Lethotomus
14. 21. Anglica. lin. ult. devorare	74. 1. puella	111. 2. Blandivium
15. 3. repetit. lin. ult. isti viro	76. 9. duorum: 21. SARAZENI	112. 16. erilige
19. 5. ante amos	77. 6. Volente: 19. Canonissa	113. 14. librare
20. 10. atru: 14. totum	80. 1. violentia	
21. 6. durax: 17. mentu &	81. 13. appetitui: 20. immiscere:	115. 33. remedium: 34. v. ferens
22. 2. ingruentibus	21. 3 j.	117. 11. inuallum: 21. pugni
23. 6. adoret, sum ut	82. 11. 3 j.	119. 4. GREGORIO: 13. quapro-
25. 12. misericordiam: 10. morbi	84. 17. praterea: In marg. lege pra- focati onem	110. ult. succum
28. 17. rubi: ult.	(sic 8. 16. n. u: 15. observando	123. 8. nimis: 10. constituto: 11.
29. 6. quem sequitur: 16. admixta 86. 20. Hoc erant	87. 4. pratum: 24. resistitorem:	124. 11. tua
31. 1. vomerum	26. vapor elatus: 30. op- portunum: lin. ult. sim,	127. 26. dele. &
32. 1. perparci: 1. Medici: 24. ar- rulantur huius motu &	88. 4. invincitum: 11. exterrita- liu: 17. pro aciatum lege locatum: 31. frustum	128. 10. mer flumini: 11. nec aquosi 129. 8. cessat
34. 14. Quod	90. 17. innum meris	110. 27. propofit: 29. ad prisi
37. 11. infamam	91. 12. Serenum	131. 16. utrumque: 17. de re: 19.
38. 13. equibam	93. 4. maximu: 23. aliquot. ult. pro- prietate: 14. peritibus	ad re: 21. mole utrimque: 30.
40. 26. liberis	98. 6. Colonia: 12. femi: 16. cessat.	luene, Mejeatere: 35. cen- thosi
41. 1. nafi: 14. Fabricia: 27. pectus- centi: 34. peritibus	99. 11. centinad (estur	332. 2. ed quidd. 7. omiato: 18. ra- ptus: 24. descendit, re- stibus: 28. altera: 34. ab exterioribus
42. 15. ingruum	100. 8. Vesicula: follu: 9. chole- chum: lin. ead. latus & apor- tut: 13. adfuisse: 15. chole- 10. 17. polliculu (chum	333. 15. concretu partim, partim: lin. ead. rubritissimus
44. 31. regum	102. 10. fistulidum: 12. amygdala- rum: 18. agrimon & 23. 4. 139. 2. ederser	134. 16. verna: in marg. propo- nem, lege proportionem
45. 16. fluens	na 3 j. 23. compofito: lin. 141. 2. Magnum: 18. quàm facies: ult. obdormivit	335. 2. hac: 14. quæ etiam
54. 2. non methodici: 8. scimus: 17. eichorium: 10. scrupulu- laria	103. 14. dantensium	142. 15. Observations: 26. tale:
57. 9. edet 11. Interim: 20. vallus		Non
58. 6. in dextro verò pollice vossus dextrum		19. habi
60. 4. limum: lin. ult. Kemmerer		
61. 31. Infusa: 34. demerita		



- 19 habitus: 20 hamorrhoi- 199.13. versatur  
 dalis 200. ult. accersitus  
 143 ult. amasiam 201. In figura, suprema pars cha-  
 145 5. induuerant: 6. hypochon-  
 drio: 14. statuunt  
 146 11. difficile: 16. ac veluti: 18.  
 in reliquis: 21. non à vena: 208 15. Medicina: 26. in vicinia  
 25. nitr: sitatus 25 in ead. l.  
 viscosior  
 147.12. ad ultimos 211.15. illam: 20. dissoluta  
 148.32. raris 213.12. non usque adeo: 17. ipsi: 30. 255 6. jugularium: 0. do'vri: 13.  
 149.7. quod: 32. ex vesica: 33. her-  
 nia aquosa 214.10. nesci: 29. cicatricem: 32.  
 150 15. ei innatares: 24. conuas-  
 151.2. mundis: vi (satum) 215.2. particularibus  
 152.3. simplicem asello: 31. aqua 216.31. xdrw  
 153 1. arceri: 16. inferet 217 30. vena sinistra curvis  
 155.20. abhinc 219.22. sinistra: 25. Xenodochii  
 156.20. rucum 220 6. totam curationem  
 158.20. brachium (piore) 222 4. Hydrophobia: 14. nulliq;  
 159 19. fecidissimum: 25. tam co-  
 160.3. plebeio: mo. iactatum: 7.  
 curatam 227. fusum tam in  
 161.2. pernecissarium 223.33. cito & scito  
 165.10. ademat: 16. humeraria 224.12. quod: In marg. Pulveris  
 167.16. rogatus 225.1. potuit: 12. livorem  
 168 8. infirma 228 1. habeat: 17. quadam impe-  
 169.1. tres: in ead. sua vero: 28. fa-  
 stidium: 30. Doctore 229.11. Calorem: 22. adstantes:  
 170 24. populi 24. accrevunt: 27. ibiq;  
 173 28. compungant 231.16. consecratam: 18. prauun-  
 174 16. exiguo 233.8. natura: 31. sensu (tiant  
 175 8. de d'rim: lin. ead. charissi-  
 meque: 16. in insanabile: 234 13. sphacelatum  
 25. adiron: 10 236. In marg. pravis, lege gravis  
 177.6. ordinarium 237.7. pulveris 3 lb  
 178 13. historiam: 14. delecta-  
 180 0. quadam: 32. jui. cura 239. 5. saluta meo  
 182.5. Ventriculus: 20. dolores 240.3. luc Venerca: 9. denudato  
 184.12. modum: 13. contorsionem  
 enim: ead. lin. praputii occurbat  
 189.15. Amplissimo 241.1. in alba: 8. sol. sexa: 14. in-  
 191 1. ni pauci: 22. equitatione 243.5. bregma: 15. clemi: 20. scitq;  
 contra 245.5. facileq; 6. mihi curandus  
 192 1. argento 246.18. observatione: 26. reper-  
 193.23. diuapiv 247 5. scalpri: 26. quidam  
 195 2. sum exterius: 13. in unitione 248.4. superueneris: 13. adhibuit  
 250 4. sibi: imaginabatur: 13. ac-  
 251 2. delecta fuit: 18. quilibet:  
 253 17. exsiccantium 21. quum deligasset  
 255 6. jugularium: 0. do'vri: 13.  
 259.10. Offredum: 12. felucissima  
 264.2. Librum tuum: 10. Arca-  
 larium: 21. ad cubitum: 30.  
 265 10. supplicamus: 17. deoppi-  
 267.5. aqua. scri: 15. alteratru  
 269.22. antea d'xi: 31. parum  
 270.21. deopulatio  
 27 15. circumspessione: lin. uls  
 Lacrymas  
 272 2. seu lacryma  
 273.13. articulationi: 10. acerni  
 274.25. etiam atq; etiam: 16. pa-  
 vacentes in ei  
 275.1. obferuari: in ead. & l'enu:  
 17. corroborantibus uli. 19.  
 tump poss  
 176.3. E radicibus ipsius: 9. obtu-  
 rata: 22. Notet bi. bna-  
 volus Lectur. epistolam D.  
 Urenhorui. Jambico carmi-  
 ne scriptam. male soluta &  
 rationum modo hic posita est.  
 177 19. hac de re atque matris:  
 22. Hebraica: 32. a'ntiam  
 178 10. digna: 22. factum emi-  
 mortuum: 28. curatui:  
 31. p. habet  
 279.3. Guilbelmo Fabricio: 7. &  
 recordaris colloqui. & vito  
 nostro breviori conversa-  
 tionis: 13. dignatus: lin.  
 ult. bone  
 280 27. transferam  
 281.10. intellexi: 28. adranq;  
 183 12.

283 22. & 24. arachnoidea: 25 a- 319 12 imbecillior: 23. concussio. 361. 7. mibib.  
 rachnoidea nam  
 285 49. arachnoidea: 21. successi-  
 rit: 22. elaboratur  
 286. 11. ita & 17. spet. 21. lienesi:  
 29. in anabula  
 288 17. nitrosi  
 289. 27. cotoneu  
 290 penuli possit  
 291 13. Nostocom  
 293. 4. non mistificata  
 294. 6. in marg. quatenus  
 295. 8. styarcesia: 8. testis  
 296. 14. cellitiam: 22. fastidium:  
 24. proximum: penuli. non  
 properea quid ab qd  
 298. 17. omium  
 299. 10. Megaloca/mi: 12. recent  
 300. 15. sptritibus: 10. in marg.  
 Narra  
 301 12. ab servari  
 302 14. ipsum: 16. lepra & lepra  
 & alibi per a pro  
 303 30. suite  
 304. 1. Fabrici: 28. excellentissimus  
 306. 1. Macanopolim: 8. fenstra  
 rom: 33. tribuit. ab  
 307. 10. qua: 27. Golemina  
 310 13. Professores: In marg. lina.  
 chalybeata.  
 311. 2. vradium: 10. enim in: 25.  
 singulari: 26. Esculapiada  
 312 8. excrementa, accedente  
 313. 1. pro nistressi: 4. vel mini-  
 mum: 11. oas  
 314. 10. Arcularius  
 316 1. populoenim: 33.  
 317 15. FABRICIO  
 318 3. in viciu: 27. inchoari, cal-  
 culum  
 319 12 imbecillior: 23. concussio. 361. 7. mibib.  
 nem: 15. de Sideris: 22. testil. 364. 4. densi scalpio: 5. densi scap-  
 lato: 34. ejusmodi  
 310. 11. calculum  
 312 ult. curavi  
 313 20. ut non nisi  
 315 30. fustig  
 316. 7. non nunquam: 13. lambri.  
 318 penuli. intellexim  
 319. 16. boquas: 17. duriciu: 29.  
 pragnanti: 31. revora: 33.  
 320 1. subtrallat: 19. manu  
 322. 29. corrupta  
 326. 19. dissolue: 23. aqua: 28. opo-  
 panacu  
 317. 20. extracta: 18. de coctione: 18.  
 318 1. parit: 11. Cataplasma: 16. ex  
 319. 10. uterinum  
 343. 15. circiter  
 344. 2. quamq: 11. huiusmodi im-  
 postribus: 15. per  
 345. 6. naturam. causae  
 347. 7. statu militum: 31. nlinis  
 348. 4. indicium constat: 26. admi-  
 rabilibus  
 350 3. adnovere  
 351 ult. in marg. pubis  
 353 22. enera: 26. fenestras: 17.  
 Accurritur. Ille  
 354. 1. dicere: ead. contraria: 31. fo-  
 lina autu  
 355 4. violenta: 15. Filum: 25. ad-  
 hibent.  
 357. 15. mira: 31. faciliat: 34. bo-  
 1705  
 442. 7. ther. opt. 31.  
 359. 3. strace calamita: 33. quia:  
 36. sibianu  
 360. 3. Vriacensis  
 364. 2. fusi  
 370. 8. symparbiu  
 371. 20. conservare farum  
 373. 15. later ea: 33. paonia. sum-  
 mitatum  
 374. 5. effici possit  
 375. 18. propensio animo  
 377. 3. colorior: 15. perferibis: 17.  
 experientia: 31. accipe  
 378. 4. suspicor: 6. praestantibus  
 379. 31. diuina pueru  
 181. 14. conveniens  
 382. 35. calidius  
 383. 8. boes: 35. Puturum: im. ult.  
 Notu  
 384. 30. steatoma  
 385. 30. & 31. in marg. steatoma  
 391. 13. praedictum  
 394. 8. nullum  
 400. 19. Professorem: 22. Caterum  
 401. 6. anterior: 7. clavicula: 18.  
 ad juncturam: 30. Dio  
 403. 9. consumptionem  
 407. 5. illi  
 409. 11. censum  
 411. 14. seu probd  
 412. 22. utilitatis  
 419. 19. dispo  
 422. 12. hancce  
 424. 12. ibi offe  
 427. 9. Banhins pistora  
 438. 9. atate confocerae  
 442. 7. ther. opt. 31.  
 447. 16. busonem  
 456. 30. mirum dictu.

VULNERUM SCLOPETIS INFLECTORUM  
Fides Hippocrati & Galeno, totis ingenii et  
instrumenti ignorantiam incognita proposita fuit.  
Sunt a. vulnera talia et id nuprimis fuisse Galen,  
dicit, quod non scriptis videretur solvere, sed partem non  
sanciam, malignitate aliqua, cum de his reposita  
corrupta, et ceterum curam, dilacerant, conturbant  
fugant, itaque summam et superiorum descriptionem in  
causis difficultatem obijciunt. Hae ut fuisse  
superius, cum formatis: his bellis in ipsa vulnera  
Quamvis nulla ex principibus visceribus, primum  
opere vita carere momento, quod non possit, obijci  
bis) Ex aliis fere dicitur, Placens Castore  
Micheli & Geringis et diphtheria hoc tunc  
et, ut Geringis tyrastus, Quia hoc vulnera sunt  
omnis Xanthi, magno est. Quia am lacerant et  
possunt.

Emendat. H. von  
G. M. ~~---~~